

近代中國史料叢刊續編第八十九輯
沈雲龍主編

皇朝政典類纂
席裕福
沈師徐輯

倉庫

文藻出版社
有限公司
印行

皇朝政典類纂

皇朝政典類纂卷一百四十一

倉庫一

倉庫 京通倉庫

戶部倉場侍郎滿洲一人漢一人掌京倉通倉之政令凡京倉十有三通倉二各定其倉儲之額而分以貯厥實以萬石凡倉必慎其守藏耗各定以額會典

京師十有三倉祿米倉五十七厥南新倉七十六厥舊太倉八十九厥乾隆五十年被焚六厥現八十三厥富

新倉六十四厥興平倉八十一厥均在朝陽門內海運倉百厥北新倉八十五厥在東直門內太平倉八十六

厥在朝陽門外均 國初建本裕倉三十厥在德勝門外清河康熙四十五年建萬安倉九十三厥在朝陽門

外雍正元年建儲濟倉百有八厥裕豐倉六十三厥在東便門外雍正六年建豐益倉三十厥在德勝門外安

河橋雍正七年建大通橋號房四十八間朝陽門號房五十八間 書設大通橋號房六十四間朝陽門號房二

十八間雍正五年朝陽門增建十四間又移大通橋河東十六間於朝陽門外通州二倉四倉二百厥在新城

國初建乾隆二十九年裁四十九厥三十六年裁九厥現一百四十二厥中倉一百十有九厥在舊城南門

內 國初建乾隆三十六年裁十一厥現一百有八厥舊有南倉八十一厥乾隆十八年奏裁通州石壩驛房

百有六間舊設六十八間被燬十二間雍正五年勅支通濟庫銀增建五十間土壩號房二十五間舊城南門

外號房十間新城南門外號房二十五間 會典事例

各省糧船到通正兌米於石壩交兌改兌米於土壩交兌坐糧廳察看米色呈總督倉場侍郎驗定起解上袋

用駁船轉運正兌米由石壩裏河經普濟平下平上慶豐四關每關換船至京城東便門外大通橋聖發驗米
 應交太平倉者仍水運應交內倉及裕豐儲濟東萬安倉者換車陸運應交西萬安祿米南新舊太北新海運
 富新興平本裕豐益各倉者水運至朝陽門外換車陸運均分送各倉聖驗交收改兌米由土壩裏河應交通
 州西倉者至新城南門外換車應交通州中倉者至舊城南門外換車均陸運至倉聖驗交收其石土兩壩起
 解大通橋聖驗京城朝陽門通州新舊二南門換車皆暫貯號房石壩至京倉水運以經起承領陸運以車戶
 承領土壩至通倉水陸運皆車戶承領今傳過關過關落崖上船皆雇夫員運白糧運送內倉及通倉亦如之
 會典事例

一內倉歲貯漕白二糧由倉場侍郎撥運其直隸省歲解芝蔴屯豆由都制收

一凡歲漕抵通不論正兌改兌分貯京通倉白糧專貯通倉雜麥黑豆專貯京倉儲濟萬安普太海運四倉

專貯黑豆綠米南新舊太海運北新富新興平萬安裕豐儲濟十倉專貯麥石凡種稜粟三色倉場侍郎均

勻派撥貯豆麥倉厥減配米數每厥貯米不論正兌改兌各以紅斛米一萬石正兌紅斛米一萬石起運係

以二五加耗計平斛米一萬二千五百石改兌紅斛米一萬石起運係以一七加耗計平斛米一萬一千七

百石為額不許盈縮如有零數別貯一厥以便稽核

一通州西中二倉每年派貯稜核二項米石新陳核算不得逾一萬石之數

一每年新漕進倉時倉場酌量舊存各色米石均勻派貯並將某倉存貯某年分各色米石若干造冊先

咨部存案

一新漕進倉貯足封固之厥於厥門上簷空板四五尺宣通蒸氣俟入深秋全行封閉仍報明查倉御史稽核

一凡正兌米石每石計收耗米一斗四升四合九勺四抄改兌米石每石計收耗米八升三合六勺八抄

一起運漕糧內原給旗丁餘米每石三升八合每正米交完後該監督核明實餘數目報明倉場侍郎加結咨部給價收買顆粒不許出倉粳米每石給價銀七錢稜米六錢粟米五錢

一凡成包起運白糧經坐糧廳稱盤包內斤數不足鈴印知照到倉者倉場侍郎親詣過斛核明短數責令旗丁補足正交有餘照漕糧例顆粒不許出倉該監督核報倉場侍郎加結咨部給價收買不論粳糧糙色概照漕糧粳米價值給發

一凡歲運小麥到倉不論麥色黃白顆粒大小一律驗收裝國收貯所需繩席銀兩於通濟庫支銷

一起運京倉糧石由大通橋抽掣外到倉仍加抽掣起運通倉糧石直由該倉抽掣每五袋抽掣一袋每一袋短少餘照數均賠

一坐糧廳大通橋掃收每運零散土米由太平倉驗收與該倉成色米一例待糶

一各倉進米由倉場侍郎指厥飭收並將陳厥封固俟收竣該侍郎會同查倉御史親丈核足收貯將驗收米數收貯月日經管監督吏攬姓名標置厥門封固註冊報部

一各倉收受漕糧既竣開具揭帖呈報倉場侍郎並於十日內分填連三編號印單一呈倉場侍郎一移坐糧廳一留倉備案所具揭帖亦按次編號填註經承姓名揭內字跡不得洗補該倉場衙門收到揭帖按號

轉運貯印備核

一凡漕糧收耗正兌米每石收倉耗七升尖米四升二合尖上加尖耗米二合九勺四抄節開耗米三升改兌米每石收倉耗四升尖米四升二合尖上加尖耗米一合六勺八抄內尖米一項作三十六箇月減耗外三年之外不准遞減其餘各數均作正待支

一凡漕糧減耗新收貯倉不及一月者不准減耗一月以外每石每月於原收尖米內遞減折耗米一合一勺六抄正兌改兌原收尖米各四升二合內倉白粳糯米如原收耗米四升九合九勺七抄八撮八圭者每石每月准遞減米一合三勺八抄八撮三圭如原收耗米二升九合九勺九抄八撮八圭者每石每月准遞減米八勺三抄三撮三圭通州倉白粳糯米每石每月准遞減米八勺三抄三撮三圭均以三十六箇月為止倉貯黑豆不准減耗以上均照例

順治初年定起卸漕糧遵照定例平斛下糶禁止淋尖賜斛除每石給錢二十二文外備有多收情弊倉場傳耶訪實擊交刑部按律治罪仍刊置一單頒發各幫運官如運糧進倉不按次序故為濫先挪後抑勒索詐許據實稟報從重懲處如運官現填容隱事發一併題參會典事例

又定凡搭運無耗平米到場起交如搭運者原奉一項原係耗米是以謂之無耗平米石土兩項概以加二五紅斛折算正數起運京通各倉給發腳價倉中仍照平斛收受入厥又起運德州倉糧改兌平粟米到通應德德州倉粟米改運到通亦係無耗如於石湖起斛照例以加二五紅斛折算正數起運京倉給發脚價如於

土湖起斛照例以加一七紅斛折算正數起運通倉給發脚價倉中仍照平斛米數收受入厥會典事例

十三年定各倉收米限期京倉限十日通州倉限七日畢印給倉收以坐派紅單卽印票到日起限逾限者劾之通考

康熙二十三年題准白糧自本地包裹抵通過壩恐開包量兌致有拋散向例用秤交兌應定限以正耗米一百六十斤為一石米色不淨加重十斤令旗丁赴倉親納短少賠補有餘給還會典事例

二十九年 上駐蹕密雲縣 諭大學士等去歲朕見此處高粱結實者少糶者多米價騰貴高粱一斗幾三百錢故將通倉米令運一萬石至此處五千石至順義縣減時價發糶米價稍平一斗百錢民以不困北地寒

冷米穀多至失收今河水方盛著將通倉米運至密雲順義各一萬石令貯倉備用通考
三十五年又發 盛京倉儲米穀五千石運至莫爾渾阿敦積貯以黑龍江吉林烏拉地方頻歲不登故也明年仍自天津運米至 盛京補完倉儲通考

雍正六年諭直隸地方新營水利開墾稻田產米甚多直隸百姓不慣食稻米發帑採買利益民間將所買稻米運交通倉會典事例

十年奏准直隸州縣採買稻米運通倉有不從本地辦買足數將通州支放之米私買抵兌攙雜交收之弊應令州縣在本地採買者該地方官盤驗預將盤過實數速報倉場存案仍封貯米樣上鈐印信隨船呈驗備有

虧折短少不得在通買補照漕糧例於次年搭運交倉會典事例
乾隆元年奏准裕豐儲濟二倉米有陳積六七年不等者准照京通各倉之例報氣頭厥底惟儲濟倉內乾隆

二年增建之廩仍照數十石之例開報俟乾隆十二年後照各倉一例辦理會典事例

三年奏准通倉儲存積米支存無幾不敷支放嗣後將改兌稜米每年撥貯通倉十三萬石其餘仍進京倉會典事例

製鐵尺用積方之法數算倉糧積方之法二年以內方一尺照三斗一升六合之法三年以外方一尺照三斗四升之法二年以內三年以外者方一尺照三斗二升八合之法丈算鑄鐵尺分頒戶部倉場及各倉嗣後均依尺丈量是年定各倉貯米每廩以萬石爲率其奇零之數別貯一廩通考

諭京城米價現在不能平減來春青黃不接之時恐益加騰貴著派出戶部司官二員內務府官二員於張家口古北口二處每處各二員攜帶內庫幣銀前往會同地方官將米豆雜糧照時價採買運送來京通考

八年題准古北喜峯等口如果收成豐稔米多價賤奏明動藩庫銀委官按時採買以四萬七千餘石運交蕭遵等倉供應 陵寢支放餘均運通收貯其豫東二省應運 陵寢之四萬七千餘石仍運通倉備用會典事例

十四年議准各倉每廩貯正米一萬石除去孽欠減耗等數仍屬零星嗣後每廩派米以一萬一千石爲准會典事例

十六年議准河南山東運京黑豆擇厥座最多之儲濟萬安舊大海運等四倉酌量派貯各倉既經貯豆應少貯米數萬石則積貯均而存倉年分可以相等會典事例

二十四年裁留漕糧四十萬石存貯天津北倉以備賑糶

又命於景州以北水次州縣二次截留漕糧共四十萬石酌量分貯通考

二十七年令奉天加貯米石并於沿海各倉加貯黑豆署將軍印務刑部侍郎朝銓等言 盛京地方向稱米糧充裕是以稍遇水旱毋庸仰之於官近年生齒日繁偶遇災荒即應籌辦現在旗倉除支用外所存不過十餘萬石民倉不過三十餘萬石如再爲照例糶賣所存無多似應加貯以廣倉儲今酌量地方衝要簡僻並近海沿海情形如 盛京城旗民雜處省會要地除民倉外旗倉應請添貯粟米六萬石錦州牛莊蓋州三城均係沿海商船積聚之地而錦州尤屬衝要應加貯粟米三萬石牛莊蓋州各加貯粟米二萬石山海關相近之寧遠地方遼闊之廣寧遼陽並臨邊之義州均請各加貯粟米一萬石其熊岳復州寧海縣秀巖鳳城等五城俱係偏僻開原距省亦近此六城應各加貯粟米五千石以上十四城共請加貯粟米二十萬石并隨時查訪價貴則發糶以濟民食價賤則糶補以免傷農至沿海各倉加貯黑豆亦可備運赴通倉接濟之需請於沿海之錦州加貯黑豆二萬石蓋州牛莊各貯黑豆一萬五千石共貯五萬石以備取用可免臨時採辦之繁其米需運赴之年隨時糶糴以免霉爛部議應如所請從之通考

二十八年以倉庾民食經常不易之道 詔諭中外先是六月戶部侍郎英廉言京師爲四方都會倉糧積貯最宜充裕 皇上軫念民瘼凡遇賑恤之事 恩施稠疊即漕運之重亦不惜截留散施動以億萬計聞過京師極價昂貴輒發 內倉米石廣爲平糶即以乾隆十八年至二十七年此十年中統計截留漕米五百四十四萬石平糶米四十六萬餘石十八年以前所截者不在此數其他煮賑之米亦不在此數臣伏念京通倉貯國計所關今截留之數既多則儲積之數豈免稍減計惟立定章程使嗣後遇有截留卽續爲彌補但使漕運之年額運無虧則京倉自日益充裕如過漕漕之年卽於次年照所截之數補運京倉或分爲二年補運亦

可如無截留之年卽無庸補運仍行貯備如此則京倉所入有缺必補既免積久日虧之虞而又隱爲 皇上預備一 施恩黎庶之備似兩得其裨益疏下九卿議通志

四十九年諭據保泰等奏本年到通漕糧二百四十三萬石又北倉截留三十二萬餘石較之上年多收二十萬石等語前因漕艘抵通稍遲將江廣重船於北倉截留俾得迅速回空今據查明本年漕糧較上年尙多二十餘萬石所有前項截留米石現於北倉存貯著卽將多出之二十二萬石存于北倉作爲直省買補倉糧之用通考

五十九年奏准每年新漕進倉時令倉場酌量舊存本色米石多寡均勻派貯並將某倉存貯某年分各色米石若干造冊先期咨部以便分別新陳割放會典事例

六十年奏准麥石一項體質本嫩恩豐倉地面狹隘難以揆瞭仍照舊例分派祿米等十倉收貯聽內務府陸續取用會典事例

嘉慶九年諭漕糧爲天庾正供積貯本宜寬裕明春新漕因災蠲緩共有一百餘萬石其實在抵通者計算概數支放至嘉慶十一年三月之用而是年糧船到通總須在五六月間此數月內俸米甲米必須百萬餘石方足以供支放亟應早爲籌備以免臨時缺誤本年四川湖南收成均屬豐稔四川本係產米之鄉著該督統計所屬收成分數共可採買米幾十萬石由水路運至湖北或交湖北軍船攜帶或由漢口換船裝載徑行運送通州其湖南收兌本年糧漕外著該撫酌量仍可採買若干石如能於本年糧船未經開行之先採辦齊備卽交令均勻搭運至江蘇浙江江西安徽湖北雖有被水州縣嗣經該撫等具奏晚稻均各豐收著各該督撫

心體察各督除覓兌新漕此外每省尙可收買米石若干以備京倉之用不可令地方官減價抑派致令米價
騰貴有妨民食該督撫等各按地方情形酌定數目即各先行由驛具奏等因欽此嗣經各督撫奏請山東採
買米二十一萬七千一百四十六石河南礦動倉穀米十萬石江蘇採買米十二萬石安徽採買米七萬石
浙江採買米十二萬五千石江西採買米十萬石湖北採買米六萬石湖南採買米二十萬石四川礦動倉穀
米三十萬石陸續運送到通倉具奏例

道光二年上諭內閣和桂等奏三進漕糧京倉不敷收貯請設法籌辦一摺本年三進漕糧儲濟興平祿米
三倉現應以放代盤毋庸派貯其應行進米之南新等八倉空廢不敷收貯兼以大雨時行舟行既多阻滯車
路亦屬難行自係實在情形著准其將三進漕糧按照京城八倉現在空閒厥座將米石盡數貯滿外其無厥
可貯之米十餘萬石就近分運通州中西二倉閒厥內分貯 聖訓

四年十二月命奉天採買粟米二十萬石籌備京通各倉 東華續錄

二十九年諭軍機大臣等本年浙江安徽湖北等省被災之區均極寬廣江西湖南各地方亦多偏災見經各
該督撫紛紛奏請蠲緩錢漕分別賑貸朕無不悉照所請立沛恩施因思來歲漕額減緩既多若不豫爲籌裕
京倉則三十一年北地數十萬人口食從何而出見在各省被災因多較重之區其並未成災者尙復不少僅
恃蠲緩所贖之漕兌運北上尙濟何事爲此剴切諭知有漕各督撫各就地方情形或妥籌採買或勸令捐輸
或由河運或辦海運積貯之多寡酌米價之低昂總期源源運京補漕糧之不敷裕倉儲之不匱中外同享
樂利之休方慰朕意斷不可稍存畛域或推諉於經費或藉口於歉年竟置京倉短絀於不問該督撫經朕特

簡封折受恩深重當此災重漕虧之時既應以本省籌畫爲急尤當以神京拱衛爲先清夜捫心其能恬然自安乎勉之勉之朕將拭目視之矣 東華續錄

三十年四月署湖南巡撫萬貢珍奏採買秬米一萬三千石搭運京倉 東華續錄

管同擬籌積貯書臣聞京師者天下之大本積貯者國家之大務今海內飛芻輓粟歲至京師意京倉所積穀多備數十年少亦宜支數歲而以臣所聞不過僅支一歲而止臣甚駭之記曰國無六年之畜曰不足無三年之畜曰急以 國家之全盛積貯止此設不幸東南有水旱漕不克繼或淮徐查濟之間有大盜如王倫者阻於途俾不得達或畿輔倉卒有事用穀倍常時三者有一焉雖石研桑不知計所從出矣且夫一州一縣之大倉庫空虛則事至而無以辦況於煌煌 帝都 宗廟乘輿之所在者乎以 國家之威 皇上之仁聖纘所云三患固萬萬不當有然而思患豫防勢之所及也患既至而後爲之所勢之所不及也此區之所以大憂也臣竊惟 國家富強本踰前代當乾隆中歲京倉之粟陳陳相因以數計之蓋可支二十餘歲乾隆之去今時既未遠加以數十年內未闕一州未捐一縣未加一官未增一卒何以備者備二十歲而有餘今則僅支一年而不足論者皆謂邇年以來苗賊迭起水旱間作 高宗皇帝屢施豁免之恩 皇上數沛停徵之惠坐是積貯虧缺不能復舊臣以爲是固然矣而抑猶未盡伏查京倉所放米曰官俸曰兵糧二者去通漕不過十分之六其一養工匠歲賜之粟名曰匠米匠米在當時去京倉百分之一今則人數百倍於前而米去京倉十分之一矣其一 國家定鼎宗臣封親王者六曰豫 睿禮鄭肅莊封郡王者二曰順承克勤 世宗皇帝之弟封親王者一曰怡賢此九王者皆世襲罔替七

親王之世子世封親王其他子則封鎮國將軍二郡王之世子世封郡王其他子亦封鎮國將軍凡鎮國將軍之子封輔國將軍輔國將軍之子封奉國將軍奉國將軍之子封奉恩將軍凡俸親王萬斛郡王五千公一千以次降合而名曰恩米夫九王之初封其子孫不過數人後則愈衍愈衆至於今枝繁葉盛盡其人已數倍於前矣而 國家封爵賜米必一一如其人數是以 國初恩米去京倉不過百分之一今則不啻十之三四矣以通漕十分官俸兵糧去其六匠米去其一恩米去其三四是故一歲之漕僅敷一歲之用漕一不足則必抽蓄積蓄者日絀而新者無贏然則京倉之粟日減日虛二十年而大變於前者無足怪也夫 國家之大所賴以辦事者官所賴以捍患者兵官俸兵糧勢不可減而我 朝於滿兵盡人而養之自乾隆時論者已憂焉無善計耳至於工匠則事不同矣經曰既廩稱事又曰考其弓弩以上下其食然則古之工匠食稱其事初無虛養之時今之匠役無事而食者蓋過衆爲今日計莫若裁汰散遣僅留其魁若干人俟有興造然後及時召募計其工而賜之食如此則下無游食之民上無虛糜之賜而所謂匠米者可以復減如前矣九王之子孫爵祿豐厚此自 國家追念前勳恩德至渥然 皇親之親親有殺尊賢有等以人臣之嗣世同 皇昆弟 皇子之封其酬勳已至極而其他子孫又人人食王公之祿則待之毋乃過優乎 國家享祚億萬年諸王子孫日衆海內物力必有不給之時人臣與國同休戚 主上匱乏而私室豐盈諸王之靈抑恐未安於地下也爲今日計爵則仍之祿則減之彼其人果才賢自可爲國官官別受在官之俸而愚不肖者不得濫叨厚賜如此則宗室皆知奮勵而所謂恩米者可

以復減如前矣夫匠米恩米復減如前則京倉所積歲已有餘以數計之蓋三年則可餘一年之食九年

則可餘三年之食然則不出十年而京倉之積貯已多矣論者或謂匠米可減也漢恩米恐非 聖世所宜行臣請有以折之昔周之初大封同姓而武王昆弟五叔乃無官矧其子孫豈容不辨別賢否而概以王公之祿予之宋相王安石議減宗室恩例宗室伺其出羣譁馬首安石厲聲斥曰祖宗親盡則祿何況賢輩諸人遂無辭而退至哉言乎不可以人廢也臣愚以爲此事也行有五利焉京師積貯有餘一利也匠民散於民間織補穀賤二利也諸王子孫不驕惰三利也積穀有餘則徑可停運二二年而用其閒以大治河工四利也旗丁但予坐糧則所云幫費者省而州縣之虧空可彌矣五利也變一事而興五利補救之謀無加於此若夫興水利墾屯田裁減滿兵糧額事體重大非旦夕所可行臣今未敢議焉管員之

文集

咸豐三年諭戶部議覆奕興奏請將內河船隻准在鐵嶺以北行運一摺盛京重地防範宜嚴是以前議行船界址近省以渾河渡口爲斷再西以巨流河口爲斷河運船隻不准越界北駛見當籌備京倉採買糧石著該將軍卽飭地方各官諭令內河船隻准於鐵嶺以北可通河運地方販運米石卽照戶部所奏無論何項雜糧不計口數多寡酌量採買分別運津運通以期接濟京倉東華續錄

又 諭內閣戶部奏倉場寄囤漕糧請飭覈實辦理一摺漕糧備因陰雨暫存太平倉亦不必豫定成數三十萬石作爲兩次起卸徒費開銷著倉場侍郎卽飭坐糧廳趁此天晴路乾備齊口袋車輛照例每日三萬石趕緊運赴原派各倉卽備雨前國亦不准多延時日仍隨時造冊送部查覈如有藉端浮冒情弊著該部據實參奏

奏

四年諭軍機大臣等據戶部奏京倉亟宜籌備請飭各省設法採買以資接濟一摺上年因運道梗塞會經飭令奉天等省酌量採買是否辦有章程至今尙未覆奏京倉儲備支放攸關自應亟爲籌畫著盛京將軍奉天府兼尹府尹直隸山東河南各督撫於各該地方無論何項糧米設法採買一二十萬石迅速運至天津交局收買各省米價均著照戶部所奏按照實在市價購買其關津米稅船鈔均著免其徵收至採買價值卽各就本省悉心籌畫動用何項銀兩准其作正開銷京倉關繫緊要此係萬不可緩之事該將軍等務須實力奉行斷不可藉詞推諉至捐輸米石均有成案可循各該省如有紳商捐輸米石著卽奏明一律辦理總期有益京倉不至虛糜經費是爲至要 聖訓

又諭軍機大臣等前因羅惇衍奏請飭廣東採買洋米接濟倉儲已諭令葉名琛柏貴妥速籌辦茲據戶部奏京倉支絀仍請飭各直省一律採買據稱廣東洋米福建臺米向來米多價賤兼有海道可通現值支放不敷自應急爲籌備著葉名琛柏貴卽遵前旨迅速購買米數十萬石並著王懿德購買臺米三十萬石均按照該省實在市價採買設法多備船隻趁風信順利之時運送天津其米稅船鈔均免徵收並准帶貨物二成免稅以期迅速動用何項卽著先行奏明作正開銷至捐輸米石辦有成案並著該督撫等悉心籌畫妥速辦理京倉關繫緊要毋得畏難推諉致誤急需 聖訓

又浙江巡撫黃宗漢奏廣東應行採買米石由浙代辦運津以實倉儲得旨所辦認真之至如有未盡事宜隨時請旨東華續錄

七年諭內閣御史朱文江奏交倉糶米不堪應用請飭賠補等語內倉應收白糶米一項係屬供支要需此次

坐派之米四百五十一石內多發變不堪兌收著倉場侍郎飭令該經紀趕緊一律賠補不准絲毫帶欠嗣後運送內倉米石務照定例河運章程先將米豆各樣封送查倉御史以憑覈辦至由通州起運之時務須妥擬委員押解到倉毋得僅派經紀車戶承運以專責成而杜弊端 聖訓

十年諭本日據戶部奏變通奉天山東捐米並雜糧章程以濟京倉一摺據稱本年新收及存倉舊漕米石數目約計甲米可放至十二年七月停米可放至十二年秋季若來歲南漕不能接濟兩年以後恐有缺乏之虞擬令奉天山東於向辦捐米章程量為推廣並准將早稻白米及各項雜糧分別定價一體交捐運赴京倉以資接濟等語京倉為根本重地該將軍等自宜竭力圖維寬為籌備著玉明倭仁景霖文煜迅速辦理不得稍為具文貽誤放款亦不得稍形冒濫致礙各項捐輸其應如何推廣變通之處著各按地方情形妥為籌畫先行具奏毋稍遲延 東華續錄

又諭戶部奏酌提各省漕折銀兩採買糧石以實倉儲一摺京倉為根本至計兵民口食攸關亟應廣為籌畫覓在江西南湖湖北軍務肅清閩安業所有應徵各款自可照舊徵收著官文胡林翼文格毓科將江西漕折銀提四十萬兩湖南湖北漕折銀各提十萬兩務於年內一律解京並將起解銀數日期先行奏報奉天山東二省前經諭令籌辦推廣捐收糧米如何章程著玉明文煜迅速妥議具奏毋稍延緩將此由大百里各諭令知之 東華續錄

十一年諭內閣戶部奏請採買米石以裕倉儲一摺京倉為天庾正供自應豫籌採買以供支放江蘇上海為商船會集之所揚州所屬之仙女廟向係米糧萃採買較易為力著江蘇巡撫會同漕運總督採辦乾漕糧

米二十萬石於明年二三月起赴天津其買米價值先由該處按照市價覈實酌定一有商人認辦即行專摺奏報並預飭該管各官將應辦事宜先行部署以期迅速兌收所有驗米給價開兌事宜上海由江蘇總督率上海道經理江北由漕運總督派司道大員經該督撫等務當詳細商榷實力籌辦不得互相推諉致有貽誤直隸天津海口米船雲集並著直隸總督轉飭天津道於天津設局收買一有商人認辦即由該道具文轉部至買米經費前經該部奏明酌提漕折等銀備用並著江西湖北河南山東各督撫將欠解銀兩迅速解齊務於本年內掃數全清毋許再有延宕至福建捐購米石僅據奏報起運二萬餘石未據將續運之米奏報廣東買米經費先捐繳銀十二萬應將續行捐收之款即行分批報解並天津遵化等屬應行採辦米石著行該督撫府尹查照該部前奏認真辦理以裨倉儲

聖訓

同治元年諭內閣戶部奏京倉需米孔殷請旨分別飭催等語京倉米石亟宜設法籌備前據江蘇巡撫奏請採辦粳糯米各十萬石趕緊放洋現在曾否採辦足數未據奏到廣東捐繳米價銀兩現僅解到頭批其餘尙未續報委解至福建捐購米石僅據運到二萬四千餘石續報起運二萬石以後捐購若干迄未奏報實屬玩泄著各該督撫遵照該部奏案將捐購米石迅速籌辦分批運津其應解米價銀兩亦即趕緊委解均不准稍有延宕致誤要需至山東省額運新漕迄今未據奏報起運確數及開行日期亦屬因循延玩著該督撫飭該糧道即將應運新漕趕運赴通不准稍有短少遲逾其起運米數及開行日期並著先行奏報毋得遷延干咎

聖訓

又諭內閣戶部奏請飭粵東續籌米價銀兩以備倉儲等語前因京倉需米孔殷經該部議令廣東省採辦

洋米嗣據該省以辦運維艱奏明籌解米價銀四十萬兩解京探買本年浙江漕糧顆粒未運京倉仍形缺乏亟應趕緊籌備以資接濟著兩廣總督廣東巡撫仿照該省上年辦理章程另行籌辦米價銀四十萬兩分批運京統於明年六月以前掃數解清以備京倉採買之用不准藉端推諉以重要需

聖訓

二年諭議政王軍機大臣等李鴻章奏籌備京米情形一摺前因戶部奏請籌款由江蘇省購運商米以實倉儲當經諭令李鴻章趕緊購買陸續運津茲據該撫奏稱現擬責成商人分赴湖廣等處採辦並設局勸辦各等語江蘇省各府縣產米不敷民食向賴湖廣等省商賈販運近來米商斷絕採購維艱自係實情卽著照該撫所議責成商人分赴湖廣江北一帶採辦由該商承運赴津交兌著官文等查照遇有採辦京米商船過境其關稅釐捐概予寬免驗明有無應完他稅分別放行毋許留難以示體恤李鴻章另片奏請飭湖廣江西採辦米石從漕折內開支等語漕糧改徵本色及採買米石運京前經戶部奏咨湖廣等省遵辦旋據官文等以事多窒礙奏請停止茲據李鴻章奏請飭湖廣等省酌提漕折採辦米石解至安慶大通一帶由曾國藩添委委員督同照料仿拖帶鹽船之法附輪船拖過金陵駛至上海比照海運章程勸令沙術各船陸續運津其由滬接運放洋時由李鴻章妥籌辦理湖廣江西等省距安慶尙不甚遠既不若解滬解京長途阻隔而以輪船護送亦非冒險挽運事屬可行所有湖北之武昌漢陽荊州襄陽黃州等府湖南之長沙衡州澧州岳州等府江西之南昌瑞州臨江吉安撫州建昌等府均堪採辦著官文嚴樹森毛鴻賓沈葆楨飭令該藩司糧道等體察情形責成各該州縣動用漕折採辦米石各視漕折舊額或二三成酌加運費折耗派員按照前法辦理如此沿江轉運聯爲一氣於京倉必當大有裨益不至支絀爲慮

聖訓

御史丁壽昌奏竊惟農爲政首食爲民天 國家建都北方仰食東南自江浙淪陷漕無來源計本年起運僅有山東奉天二省不過粟米三十餘萬石其各海口採買捐輸尙無把握直隸連歲豐稔尙可支持設有水旱之災風塵之警近畿之米商不至都門之糧店皆空京師百萬生靈束手枵腹豈不爲之寒心議者謂在京捐米有妨民食在外採買有礙京餉臣前任戶部司員深知其難不得不豫爲之計况南漕起運全賴江浙二省即使蘇杭收復尙需招集流亡 朝廷軫念窮黎必有蠲恤之舉是此二三年間南漕必難暢行京倉豈容無備當此時勢艱難庫儲支絀與利除弊本不易言然行以實心必收實效數陳管見四條以備採擇一京師之水利宜興也自元明以來言畿輔水利者甚多而見諸施行者蓋寡我 朝雍正年間曾修畿輔水利設京東京西京東南京西南四局怡賢親王總其成大學士朱軾爲之輔經理三載得田七千餘頃至今玉田豐潤一帶秔稻盈疇皆蒙其澤是畿輔水利確有明徵然當時設局既廣經費必多此時籌費不易宜仿其成法先於京師試行查西直門外長河一帶直至西山處處有水可種稻田內務府所管稻田廠皆資以灌溉京師民情不知水田之利多種雜糧若令改種稻田聽挑渠引水獲利必多卽派內務府經管稻田廠熟悉農務之司員專司其事先行試辦以爲民倡擇稻田廠左右可耕開田及 國亭附近之曠土廣爲開墾引昆明湖玉泉山之水疏成溝渠因勢利導如有必需之費自應奏明酌給俟辦有成效優加獎敘以示鼓勵其旗官員兵丁有情願自備資斧開墾水田者量力授以閒田准其自行開墾二年之後再行升科酌中定稅徵收本色以裕倉儲並勸諭左近有田之農民有情願改旱田爲水田者許其挑渠引水教以蓄洩之法計水田一畝較之旱田有三倍之利民情見利必趨必相率而改水田一人得利衆共趨之

再加以勸獎之途能耕水田至一頃以上者予以從九品頂戴耕至十頃以上者另外給以優獎卽漢時舉孝弟力田之法如此數年之後稻田必多不加錢糧止徵本色其豐收之年由戶部發價購買以濟京倉遇有災荒發倉平糶兼用常平之法永無饑饉之虞京師行之有效再明定章程推行於京東西有水之州縣使北方豐歉有備不全仰給於南漕實爲萬世之利竊恐議者必以爲迂遠難行然多得一畝水田卽可得數石稻米初雖寡效久則有功是否可行應請 飭下內務府大臣會同戶部酌覈辦理一奉天之早稻宜捐也奉天爲我 朝發祥之地土脈膏潤五穀豐收而稻米一項處處皆有臣前次隨差奉天徧歷海口每日所食俱係稻米詢其所產早稻爲多不必藉水而生實與水稻無異因本處土人不常食用是以所種不多現在奉天捐輸俱係粟米色嫩質鬆不堪久積若令其兼捐早稻以穀而不以米以稻穀一石抵粟米二石由海運津最爲便捷且此項早稻可爲穀種若於京城設局令農民赴局買種每人不過一斗以資種植近畿本有早稻得此更可盛行將來畿輔有水之地可種水稻無水之地可種早稻較之粟米高粱其利數倍應請 飭下戶部酌定章程知照盛京將軍奉天府尹酌量搭成收捐於京倉不無裨益一江西湖廣之本色宜運也前因江路不通江西湖廣俱改折色近漢口通商往來洋船絡繹不絕江西湖廣俱係產米之區米多而賤若令仍徵本色民必樂從照從前漕運舊章由督撫糧道派委員弁以舢船運至漢口兌交洋商輪船搭運赴津先與洋商議定水脚每石若干從前河運漕糧計數石而致一石洋船運米之費較之海運或多較之河運必省片帆利涉直達天津以從前輕齎銀兩爲洋商水脚之費如有不敷由天津關洋稅項下撥給其督運押運驗米收米仍照從前海運章程辦理議者必謂漕折解京可放米折公私兩便毋庸

運本色不知京師無糧百姓坐困雖有現銀饑不可食應請 飭下總理各國事務衙門會同戶部妥議辦理一河南之漕折宜改也河南向運本色自上年因撫臣之請改爲折色其時因有禱部庫貯准試行然臣竊有慮者漕糧既折則沙船停運丁水手衣食無資勢必拆賣篷桅以資餬口數年之後船隻蕩然欲再辦河運勢必不能從前江浙漕運因海運全停至今幾無片板船工水手散爲盜賊以致東南一帶賊勢蔓延已然之事可爲前鑒臣之愚見爲此項船隻聽其廢壞深爲可惜不若自本年仍徵本色尙可稍實京倉若以爲粟米繁多可以漕折銀兩於光州固始一帶產米之區廣爲採買仍由漕船均勻搭運則此項船隻不至廢壞旗丁水手衣食有資凡事有行之近利實有遠害者此類是也應請 飭下戶部妥議辦理 皇

朝奏議

光緒五年兩江總督沈葆楨奏再部臣所爲憊憊於河運者原謂海上設或有警留此一綫運道尙可爲臨時轉漕之資用意至深遠也臣以爲事期有濟則讓不厭詳運河徑南北二千餘里其東去海均不過二三百里謂海氛方熾而濱海之地均能帖然晏然未見其確有把握即使疆吏鎮撫有術纖纒不動以十萬石之米計九閱月始達所禱於京師軍食者幾何矣未雨綢繆似非積穀不可米過三年便朽不足食而穀之曬乾腐潔入倉者可五十年臣守廣信時見上饒縣倉藏穀嘉慶年間物也追同治元年奉 命撫江右以浙江軍營採辦屬集廣信米價爲之驟貴臣發倉穀平糶數萬石一日而盡其所儲之米色稍帶耳質則如故蒸之成飯每升較新米可溢半碗此藏穀耐久臣所親見焉而信其不誣者也誠能由部慎選賢員於津門船局收買利之所在人趨如鶩商船必聞風奔赴勻年遞積款不甚鉅而得尺則尺得寸則寸粟支十年之

效不無無漸而成體無可辨人心大有所恃倘過敏故推降出新與問關平價交易市僧無所施其居奇伎
術貧民之受困無有已時弊之變無數幣金以治不可必成之何事不可必通之運其得失必有能辨之者
愚昧之員是否有當伏乞 聖鑒採擇施行謹奏 沈文肅政書

皇朝政典類纂卷一百四十二

倉庫二

倉庾稽查倉務

在京師者十有三倉其在通州者三倉四倉在新城內中倉在舊城內南倉乾隆十六年裁又石壩土壩舊城南門新城南門號房四處專管官設總督倉場侍郎一人總理北河河道及漕船倉庾之事 欽簡大臣准其任坐糧廳各倉監督咸隸焉坐糧廳滿漢各一人掌北河疏築督催漕船收運倉米出納庫銀及通州稅課之事大通橋監督滿漢各一人掌抽盤督催之事兼驗收隋漕松板通考

京師豐益倉監督滿二人餘十二倉滿漢各一人掌倉糧出納之事稽察官每倉 欽命御史一人專司倉房完損糧米侵盜之事率于歲終更代通考

京通倉監督除恩豐倉由內務府委官管理外在京十三倉通州二倉每倉設滿漢監督各一人管理漕白二糧交納上倉及收貯支放祿米倉看倉旗員四人兵七十名經制吏二名攬典二名皂隸五名花戶二十九名小甲二名南新倉看倉旗員四人兵四十名經制吏二名攬典二名皂隸四名花戶二十九名小甲二名舊太倉看倉旗員六人兵四十名經制吏二名攬典二名皂隸六名鋪軍二名花戶二十四名小甲二名海運倉看倉旗員二人兵四十名經制吏二名攬典二名皂隸六名鋪軍二名花戶二十四名小甲二名北新倉看倉旗員二人兵四十名經制吏二名攬典二名皂隸六名鋪軍二名花戶二十六名宮新倉看倉旗員四人兵四十名經制吏二名攬典二名皂隸七名花戶二十名小甲二名興平倉看倉旗員四人兵四十名經制吏二名攬

典二名卓隸六名花戶二十六名小甲二名太平倉看倉旗員四人乾隆二年因添設水門二座添派旗員二
人兵四十九名經制吏二名擴典二名卓隸四名花戶二十八名小甲二名萬安倉看倉旗員四人兵三十九
名經制吏二名擴典二名卓隸六名花戶二十四名鋪軍二名小甲一名乾隆四年將儲備倉廠座歸併管理
添派旗員四人兵四十名花戶六名共旗員八人兵七十名花戶二十名本裕倉看倉旗員四人兵六十七名經
制吏二名擴典二名卓隸四名鋪軍花戶小甲均以在京八倉各役輪流承值乾隆十七年因收放事簡裁去
經制吏擴典各一名其卓隸鋪軍花戶小甲共三十四名仍以在京八倉各役輪流承值裕豐倉看倉旗員二
人兵四十名經制吏二名擴典二名卓隸六名鋪軍二名花戶二十四名小甲二名儲濟倉看倉旗員四人兵
八十名經制吏二名擴典二名卓隸六名鋪軍二名花戶三十名小甲二名乾隆四年將廠座分撥萬安倉管
理將花戶撥歸萬安倉六名共二十四名豐益倉看倉旗員四人兵六十名經制吏二名擴典二名卓隸鋪軍
花戶小甲均與本裕倉同豐益倉舊係內務府委官管理乾隆三十七年奏改倉場管理設書樓二名卓隸花
戶小甲鋪軍共三十四名通州西倉看倉旗員二人兵百名經制吏三名擴典三名雇長六名花戶十有八名
甲斗二十四名中倉看倉旗員二人兵七十名經制吏二名擴典四名花戶九名甲斗十有二名會典事例
內倉在戶部大門外監督戶部滿洲司官二人司其出納之事每年糧船到通由總督倉場侍郎撥運漕白二
糧進倉又直隸布政使司歲解芝麻屯豆由部交倉供支內務府太常寺光祿寺理藩院會同四譯館白糧家
天監太醫院宗學旗學內監等杭米並內務府油房芝麻賓館牧馬黑豆專隸戶部不屬倉場設經制吏一名
卓隸四名斗級十名會典事例

一朝陽門外太平等五倉由步軍統領衙門添派北左二營將官在該倉等處上夜認真稽查如弁兵等看守贖誤即稟報嚴參究辦倘御隱不報一併治罪其城內七倉由查倉大臣等輪班晝夜不時稽查如看守之族兵等稍有偷安情事嚴辦示懲

一京通各倉並內倉一切出入存貯倉糧 欽派御史稽查一年更代期滿時將所查之倉並無少收多放 糧越原座之處查明交部存案奏報不實一併議處

一稽察倉儲京倉請派御史各一人通倉御史一人每季發米部差監放司員二人領米旗分各差押旗參領一人分司稽查

一御史奉派查倉除在城理認日期外餘日前往稽查如有疎略巡漕科道糾參凡御史稽察所及行知倉場侍郎倉場侍郎不及時妥辦者指實具奏儻失察滋弊致虧倉糧責與倉場侍郎監督分任賠補

一各倉廩座貯米無論多寡通倉由倉場侍郎封識御史加封京倉由御史封識凡封固之廩夏冬二季查驗重加新封

一廩座鑰匙倉場侍郎收掌至四五六七八月間暫給監督管收過大雨時行通倉呈請倉場侍郎御史京倉呈請御史到倉即行開驗應修補者隨時修補儻該監督不及時呈請查驗致滲漏洩爛將該監督參究

一各旗支領米石本旗都統副都統遇有緊要公事不能輪班到倉令各本旗派賢能參領前往稽察備置員等有違例滋弊都統御史即行參究如失於覺察查出一併參處

一通州兩倉凡廩座滲漏損壞及匪類盜竊等弊除御史糾參外通丞道通丞協分任稽核如或失察一例

議處

一倉場衙門接准開放部文按倉按季黏疊成卷鈐用印信與各倉所造循環清磨對

一各倉奏繳糧斛冊造送戶科察核舛錯由科摘參

一各倉一切供差人役承充時該監督飭取連環保結人給腰牌出入由監督點驗失察滋弊監督議處

一開放八旗米石如有米商鋪戶人等將兵丁米石違禁預買者將兵丁責處仍令自行赴倉關文米石其用過鋪戶銀錢不准償還儻奸商等仍敢索討或多佐管領等為之調停了事許兵丁等自行出首將索債人從重治罪該參佐管領嚴行議處

一各倉米石例應分年換放年清年款若監督經放一年米石未完卽值差滿者責令將任內原貯各年米數及已支尚存各數冊報倉場侍郎委員監盤具結咨部

一凡監督在任有將米石無故私放出厥者查出照使盜錢糧例治罪書據人役罪減監督一等所虧米石監督賠六分書據賠二分花戶賠二分勒限一年全完限滿無完以家產變抵

一各倉凡值收放倉場侍郎檄調倉差記名候補人員派倉監察事竣仍回原任

一大通橋監督差期二年報滿由倉場侍郎於京通各倉監督內揀選咨補二年期滿後均不得再請留任凡過大

通橋監督及通州中西二倉監督缺出必須舊任在一年以上者方准揀調如應揀調之倉滿漢監督內有一員到任未過半年其已過一年者亦不准揀調其餘簡缺各倉監督差期三年報滿遇有缺出在記名

人員內按照俸次坐補如滿漢監督同時出缺亦照通州中西二倉據調之例由倉場侍郎於別倉監督內揀選熟手一員調補其內倉監督差期二年報滿由戶部揀選本部司員帶領引見補放

一各倉監督差滿如果差期內出入公平糧儲無虧倉厥不致滲漏米色不致霉變該倉場侍郎核明保題請予請叙若有虧空隨時題參

一新任倉監督接受交代將所管米石整厥驗封零厥抽盤如有攙雜短少卽指厥揭報倉場侍郎及查倉御史公同盤驗虧缺屬實將舊任監督治罪勒賠凡新舊交代限兩月出結出結後續經盤出虧缺轉將新任監督指名參處

一大通橋監督管理運務錢糧每於新舊交替時由倉場委員公同查驗照京通各倉監督之例限兩箇月交代出結造冊咨部坐糧廳經管通濟庫更替交代照此辦理

一各倉收受新糧不得攙入舊米之內其在厥支剩氣頭厥底之米另貯備糶不得存留攙和違者該監督嚴加議處

一各倉開放米石先舊後新挨年順支若越陳厥發新厥或抑勒攙和及斛面輕重者將該監督題參倉役究治

一凡應放陳厥監督擊鐵開放備不將陳厥擊鐵致家人賣放新厥者照州縣失察家人犯贓例議處若失察書攬淘領倉米希圖賣價者照州縣書役侵欺錢糧不行察出例以徇情處分

一滿漢監督放米一員在官廳檢閱米檔一員赴厥口監察若同赴官廳但委家人倉役支發者巡倉御史

糾察

一監督有指稱鋪設供給派照倉役及監放旗口不自備倉用串通需索領米之人者各計贓科罪監督失察倉役需索照州縣失察衙役犯贓例議處

一王公官員差人領米並兵丁自行領米備倉監督與花戶等以低潮之米任意攙和或短少米數以及勒索錢文等弊許領米之人首告查實將查倉御史並該監督一併嚴參花戶從重治罪備領米之人有據佔厥座越次請支並所領米石較對樣米本無高下而妄執米色爭競及在倉生事者許倉監督呈明查倉御史嚴參官交吏兵二部嚴加議處兵役從重治罪

一各倉每日應放米數該倉即日放完並責領米人即日領出其實緣陰雨車少不能悉數領出者令將米票交倉俟該倉次日驗放不准領米人持回

一官役承領米石如於領出後攙和售賣或即在倉轉賣者買主賣主俱交刑部治罪在京在通一體查禁
一旗員私售米票致串通冒領滋弊者指名題參該管參領領備從重查究倉役及買票人照偷盜例治罪
所買票內之米全數扣留

一奸商囤戶於通州及近京地面私立米局收買俸米者該管官嚴擊究治其市集賣米行店不係私局者仍禁書役藉端滋擾

一凡漕糧進倉時有糾夥攔路截袋及挖倉越牆肆盜者按數計贓分別首從照律治罪其細袋及隨身衣服私行偷帶者分別枷責凡率獲盜首密係食錢糧之人該管都統以下官各予議處該管領催鞭責審係

開散旗民或家奴伊父兄家主係官吏部議處係平人分別賞懲

一各倉凡有應詢旗丁事件許該監督備移坐糧廳轉諭移覆擅行差提者獲

一各倉內空地凡積有灰堆卽行雇夫搬運出倉以杜胥役攙和弊竇其雇役工價准於茶果銀內動給
以上均則例

康熙二十九年令奉天錦州等處積貯米穀奉天錦州開元遼陽蓋州諸處應積蓄米穀議令將奉天錦州二府地丁錢糧每年存積銀五千餘兩酌量米價賤時陸續採買其部員所收牛馬稅銀三千餘兩交與倉官亦酌量買米收貯其倉內出陳易新交與奉天將軍管理并 盛京戶部侍郎稽察收貯米穀每年仍將出入數目報部通考

戶部侍郎田大善奏臣前見京倉開報缺少米石一疏其既經勘明者 皇上已有 旨處分其見在支放者 皇上已有 旨申諭臣無容置喙于其間矣臣思京通二倉之弊頭緒紛紜牢不可破及至敗露近者已歷數載遠者已歷十數載其中經營各官賢愚不同經承各役存亡不一雖有明斷之才亦鮮搜求之術今當徹底清查之際宜立明白易曉之規臣聞各倉厥座官役任意開放及至水落石出牽濶難明則一厥宜清一厥米數也如放天字一厥必使顆粒盡完查照原收石數有無短少報部存案方許再開別厥但各厥米色不一如領米官丁揀擇美惡則倉役樂於借端法不立則事不行請發 特旨嚴禁令立碑左右兩翼如領米人不待此厥放完逼令再開別厥者及管倉官役通同附和者分別治罪則牽濶之弊可清矣臣聞善算者積米一堆步其周圍若干高下若干便知米數況倉厥四角方停高下直立豈難估計則一厥宜

定一厥貯數也如天字一厥四方幾丈上下幾丈應貯米若干石再以今年新收米驗之自無不准他厥亦倣此例經管衙門各行刊印一冊爲照新官接管之時查照厥內虛盈米數自見卽有放過半厥者量其底去幾尺細行除算亦易清楚卽交代之官有據參臣聞旗甲所欠米石發坐應追比及至追完有欠左翼之米行文歸右翼者有欠右翼之米行文歸左翼者有無不便關會則追完之米宜令仍歸本翼也夫盜米於夾帶者有限盜米於空文者無窮若行各歸本翼則上下吏書何至隱射爲奸臣聞旗甲運至米石倉厥派發卽行註定厥分若係空厥自應收受若尙有米最易濶濶前後如何清算則運至之米不必預定厥分也夫舊米短少正在敗露之際新米一入便爲遮蓋之端若令止入空厥則收放員役何處支吾自飾如果臣言不謬伏祈 皇上敕部議覆施行 儲養樓叢書

雍正五年上諭倉場米石乃國家第一要務關係最爲重大試思此項米石民間輸納何等辛苦官員徵解何等煩勞且糧艘運送京師何等繁難一顆一粒皆當愛惜不忍輕忽朕爲此一事宵旰焦勞時時切加訓飭至再至三且曾降旨令修理倉厥等項不惜多費帑金務期完固此臣民所共知者托時陳守創身爲倉場侍郎自當仰體朕心悉心料理使倉厥堅固天庾充盈不致霉爛乃爲稱職昨朕特遣大臣等前往查看則見京通各處倉厥屋瓦滲漏牆壁損壞者十居八九所貯米石漸至潮濕霉爛夫以如珠如玉之米糧而視爲泥沙之棄擲忍心害理莫此爲甚若不嚴行稽察無以儆怠忽而清弊端在京十倉每倉或都統或副都統各派一員御史中不論滿漢每倉各派一員專任稽察之責其米石出入支放奏銷事件不必經管仍屬倉場侍郎管理其房屋滲漏牆垣損壞與倉內鋪墊及匪類偷竊一切情弊俱交與派出之都統副都統御史稽察遇有查出

之處卽行知倉場侍郎若倉場侍郎等不卽辦理妥協致遲延著派出之都統副都統御史奏聞倘有應行查出之處不行查出則將缺少米石應賠之項著落倉場監督等官與派出之都統副都統御史分賠其通州三倉卽照此例交與通永道通州副將稽察其失察分賠之處亦照依京倉施行雍正內閣 上諭

又覆准各倉積弊每於收米發米之時胥役串通家人少進多出監督失於覺察漸成虧空嗣後如虧空發覺將胥役照例盜錢糧例比監督減一等治罪其虧空之米著落監督賠六分書攤賠二分頭役花戶合賠二分照例勒限一年全完限內不完著地方官將家產變賠會典事例

六年前論倉儲關係天庾最爲緊要從前倉務廢弛弊竇叢生不可枚舉朕不得不嚴加整頓凡所以清查虧空治罪分賠者總欲令嗣後衆人知所儆戒也今倉場各官俱已奉法積弊漸清人情咸知警惕矣此項虧折餘米因六十一年監督等未經出結是以責令六十年之監督分賠但從前虧折歷年已久其爲何年何人之虧空實難確指今大學士九卿等所議據事而未推情其中未免有寬抑之處朕意以爲未嘗茲特沛恩將此項攤賠米石概行蠲豁並免其究問內有已經賠補者其急公守法之心甚爲可嘉今虧欠者皆施恩豁免而從前賠補者以急公而未得蒙恩於情理未當著查伊等所賠米價銀兩照數給還並將伊等交部分別議敘以示獎勵夫刑以弼教明罰敕法原期臣工之循理去私裨益政事今因倉務整飭將所議從前數十萬虧折米石悉行豁免諸臣亦可以知朕心矣其共勉之雍正內閣 上諭

設立八旗米局奉 諭旨聞兵丁等於京通二倉支領米石時每因腳價之費實米充用致有不計其米之接續輒以賤價糶及至缺乏又以貴價糶此甚無益於兵丁者也現今旗下俱有官房或接八旗設立八局或接

滿洲蒙古漢軍旗分設立二十四局將兵丁欲賣之米以時價買貯及其欲買則以平價賣給如此似于兵丁大有裨益蓋管理王大臣等公同詳議奏議八旗按滿洲蒙古漢軍旗分設立二十四局通州按左右二翼設立二局京師每局給銀五千兩通州每局給銀八千兩其八旗之二十四局於各旗官房內揀用本旗若無官房就近揀用其通州米局於倉附近處擇內務府官房二所應用八旗米局每局選賢能官二員領催四名令其辦理通州二局每翼委官四員領催八名辦理各局應用寫算之人於兵丁內派委量米之人於旗人內僱辦通州每翼揀准各承查一年設立米局以後禁止在他處私行糶賣每旗各派參領一員令其稽察違禁者即或貧窮人等獲將稽查之參領及都統等一併議處其管米局之官員等如有作弊侵漁之虛令該管大臣等嚴查治罪若果生息有方於應陞處列名或該旗大臣等怠玩不以爲事致有虧折者將所折銀兩著落該處之員賠補有不能完納者著該管大臣賠補俟至一年將用過銀兩及所得利銀數目算明具奏得旨即行

七年上諭向來各倉米石蓋藏不謹每每攪和灰土純雜不一是以領米之時勾通賄囑使費繁多弊端種種疊年以來嚴飭該管等官慎守倉儲屏除陋弊頒發諭旨至再三夫米色既已勻淨則在倉教役之人及赴倉領米之人均當凜遵法紀不應仍有作弊之心復聞故轍昨據倉場侍郎塞爾赫鑾於義等奏稱南倉倉役林起鳳等勾通監督家人與舖戶私議使賣被人告發審供鑿鑿似此則倉場領米作弊之處仍未變改也米色既好而細勾通賄囑則必有偷竊多領之事可知著八旗都統等通行傳諭該旗並令倉場侍郎出示曉諭若本人赴倉領米之時其所得之米果有攪和灰土等弊令其當時在倉將不淨之米交與該監督封貯或割

倉場侍郎處或到巡倉御史處據實呈明卽行查究倘有希圖作弊與倉場人役等暗中勾通賄囑者一經發覺將與受之人一同從重治罪決不姑貸雍正內閣 上諭

十一年上諭向來倉場事務廢弛已極乃朕所親見者經理之初難於整頓是以經九卿會議將殫心供職辦事才能之滿漢監督定爲三年任滿卽陞之例以示鼓勵十年以來經朕留心整理又復時時降旨訓飭各官屏除弊端堅修厥厝稽查盜竊禁止侵漁其有益於倉場者悉令舉行今倉務漸次清楚無復從前之陋習嗣後之爲監督者但能謹守成規便可稱職亦不似從前之難於辦理矣若仍照三年任滿卽陞之例似覺太優著大學士九卿會同倉場總督酌量定議具奏 雍正內閣 上諭

十二年上諭向因倉場米石關係緊要在京十倉每倉或都統或副都統各派一員御史各派一員專任稽察之責於倉場不無裨益但從前未定更替之期現在各員中有至三四年尙未更換者朕思日久因循易生懈怠且或偶有疎虞該員恐干失察因而掩飾彌縫亦未可定著定爲三年更換之例屆期各倉一同更替若有接任之員未滿三年卽屆更換之期者亦一體更換庶稽察嚴密而瞻顧之弊可免該部卽遵諭行雍正內閣 上諭

乾隆元年奏准向例各倉監督三年差滿題請 欽點王公大臣會同倉場逐廠查驗今監督差滿定以二年錯綜更代若陸續奏請查驗不免紛繁應限以四年奏請查驗一次會典事例

三年奏准倉場侍郎於進米時分定廠名將陳廠封因進米完日赴倉將新米丈算覈足更換封條如進米之際適逢發米之期該監督將挨陳應發之廠開報倉場侍郎委官拆封監看儻有不遵挨陳發給者將監督題

粵倉役究治會典事例

又奏准每年春秋二季支發俸米多有在通售賣者以致米局鋪商賄託倉役有撞斛多量之弊應令倉場侍郎於發米時嚴行訪察如有前弊拏送刑部治罪儻查拏不力別經發覺交部嚴加議處會典事例

又預准通倉抽掣米數如有書攬人等勾通經紀將掣欠之數以多報少折價侵肥者總督倉場侍郎查究會典事例

十五年諭八旗米局原因鋪戶乘賤收買居奇擾價有妨民食起見但現設二十四局不能盡得妥協之人經理其事以致辦理多有未善或任聽奸民赴局私買囤積漁利轉滋弊竇應將現在米局酌量裁併或八旗共立八局分爲左右二翼特派大臣綜理其在局辦事人員亦俱慎爲遴選所有一切收支數目俱由該處自行銷算於年終奏明交部查核責成既專自可隨時諮詢以平市價於京師民食似爲有益其應如何裁併之處著八旗大臣議奏會副都統朱倫瀚言米局之米本出自京通兩倉而兩倉之米發局出糶者暫也用爲官俸甲米者常也其米僅老米秣米二色乃各省輪將漕運以供 天庾俱係預年徵收運交通倉並無關於本年近地之旱澇現在收成之豐歉既非由商賈販載所致更非同北直產植所出不識何故而遽爲在京之行市鋪販得以操其定價良以官兵支領俸糧甫經出倉或以急用需銀或以車脚未便立即轉賣以致盡落行販之手私囤暗聚平時既藉稱豐歉低昂價值又復窺伺將及關米之時故爲大減其價以賤買現關之米一遇關米遂任意騰貴五城內外大小行鋪同風相應兼之通衢僻巷多設碓房既收舂斛之利更爲斂國之區雖米局例只許一人斗米而伊等以多人更番輪替循環往來使人莫辨更或因辦理未善致滋弊竇臣愚以爲

附京遠近旗民以及外來之游食百工官丁諸色人等並非買食黍粟菽米俱係日食老米稜米此二色米於在京行鋪市價絕無關涉乃伊等並無越疆隔省水陸載運之勞只於官兵轉行售賣之米盤取剝利尤爲官米局之太嘉仰懇 皇上敕下該管大臣一面嚴行明白曉諭令其及早改悔收心不許任意長價一面飭令倣照官米局議定二色米價無論賣出買入除量留車脚微利外作一定例價值通行飭遵如有仍改盤踞抗違者治以重罪奉 旨此摺著軍機大臣會同八旗大臣歸於裁併米局案內一併議奏尋議八旗原設二十四局隨時糶糴以平市價嗣因米價漸減乾隆元年二月議將二十四局併爲八局乾隆三年三月復經臣舒赫德等奏照舊分爲二十四局惟是每局分隸一旗經管多員並無綜理之人責成不專未免意見參差彼此觀望一切派員分辦因時糶糴之處稍未合宜難免滋弊但京師內外戶口繁多官局米石必多收貯以資調劑一局之中爲地窄狹收貯無多且糶米人衆易至擁擠恐市商囤販得以混迹其中從前各旗辦理未善原因經管人衆責任不專所致嗣後八旗官局應遵 旨分爲左右二翼不必拘定旗分其應裁之局仍舊存留交派出綜理大臣通融酌辦如該局坐落地方戶口繁盛需米數多卽於原額五千石之外多爲收貯若需米較少之局卽酌量減少不必拘定原額則舊設每旗雖有三局仍同一局辦理至未倫瀚奏請倣照官局二色米價作一定例價值通行查行戶囤積居奇實爲民害但官兵關領俸甲米石轉爲售賣亦勢所不免每放米之時倉內所出官兵留食者約三四分官局收買者約二三分餘俱在外流通民間藉以接濟京師壘穀之下商民雲集每年所出倉粟不敷食用尙賴各項雜糧添補是以年穀順成雜糧價賤則老米稜米不能獨昂倘年成稍歉四外雜糧運赴京師者少則老米稜米亦必長價市肆商民輾轉糶賣億萬之衆欲遍行

稽核令其遵守定價實屬勢有難行今奉旨派有專管大臣一切稽查自必較前嚴密凡局內出糶米石務絕商販私買之弊以資貧民餬口并交步軍統領一體嚴查如有違犯私買囤積者查出嚴行究治從之通者十七年諭巡視通州漕務向例止差科道一人專司催督漕運而倉場事務則概不與聞但通倉積弊甚多現委大臣盡驗著增差科道四人前往巡視漕務凡收兌新漕支發倉米皆著就近稽察至在京各倉雖經委有專員亦著一同留心稽察務期諸弊肅清以副委任會典事例

覆准嗣後兌漕之際令稽察御史會同監督掣驗嚴禁胥役需索務期米色明潔斛面平足如有賄囑濫收等弊卽將監督參處並令步軍統領多差幹役嚴行緝訪如有胥役舞弊卽嚴拏治罪會典事例

又覆准各倉發米時滿漢監督皆在官廳檢閱米冊從不親至厥口一任家人倉役在厥支發易滋弊端嗣後務令一人在厥口監着備仍前偷安查倉御史卽行糾參會典事例

又奏准向來各倉整厥係倉場總督封識其發過殘厥卽交該倉監督自封自開嗣後凡係殘厥皆由都統御史封識發米之時驗封取鑰會典事例

又覆准各倉貯米每厥以正米萬石爲常額毋許或多或少又新糧不得攙入舊米厥內進米時務令倉場總督分定厥座一面將陳厥封固俟進米完日與稽察御史親赴倉內丈算數足開明所收米數並驗收監督經

管吏攬姓名收貯年月標置厥門封固註冊報部會典事例
又奏准發官厥米務令揆陳開發報部查覈如王公等所差領米之人揀擇新厥許監督稟報倉場侍郎及御

史指名參奏交部治罪監督如違成例越厥支發一併參處會典事例

又覆准京通倉支發各旗米向係旗人自行載運乃希省脚費並圖簡便賣於官局則官局於各旗領完後赴倉支領賣於民局則總票中分出小票自行支領因而串通書役花戶甲斗人等揀擇好米斛面滿足遂致倉儲有缺無盈嗣後監督發米務照總票數目令該旗全運出倉聽其自行售賣備領催及領米之人仍前舞弊聽稽察御史指名題參將該領催等從重治罪並曉諭官民米局如有於總票中私分小票或於封倉後私赴支領者經步軍統領等衙門查出將賣米之人無論王公大臣官員皆即指名題參其早役及賣米人等照偷盜例究處所賣之米全數留倉會典事例

十七年定稽察各倉官除都統值班御史在城理訟之期均更番到倉稽察違者令巡漕御史糾參是年增定稽察倉廩事例京通各倉每倉差御史一人稽察年終更代將一年有無弊竇奏明交戶部存案奏報不實者議處其各倉收漕滿厥倉場侍郎封固御史加封各厥鎖匙倉場衙門收貯每冬夏二季驗封加封新舊監督交代整厥驗封零厥抽盤如有攙和短少揭報倉場侍郎及御史公盤得實治罪勒賠其監督交代限兩月交完出結通考

十八年御史書秀先奏通廠各厥匙鑰新例交倉場侍郎收執其殘厥用都統御史封條恐陰雨查驗不便請盡交滿漢監督以專責成又收漕甫完倉厥即行封閉恐鬱蒸之氣未出以致糜爛請俟深秋始行上板加封使米不受傷下部議行通考

十八年覆准各倉鑰匙向係監督收存遇有查驗之處呈請給發封條繼因籌辦稽察倉場事務議令鑰匙交倉場總督收執於點厥放米時發倉支放每於夏冬二季驗看一次重加新封但未明定章程難以遵守嗣後

新漕進倉每年四五六七八月間將各廠鑰匙暫給監督收執一遇大雨時行通倉卽呈請總督御史京倉卽呈請都統御史如有一人到倉卽行開封及時查看修補後卽時封固以謹防範餘月仍交倉場總督收存備該監督等不卽時查看濬漏致有追爛等弊咎在監督會典事例

十九年奏准八旗領米之日該都統不能前往令各旗派賢能參領與稽察大臣御史等悉心查察設有違例滋弊稽察大臣查出而御史失於覺察將御史一併參處如御史查出而稽察大臣失於覺察將大臣亦一併參議處會典事例

二十七定監督期滿更代之例京通各倉滿漢監督三年期滿不准留倉如有滿漢同時任滿准倉場侍郎於各倉監督內揀選調補通考

四十一年議准各倉人役取具連環保結每人給一腰牌出入責令監督點驗儻有偷帶粒米該監督一併議處會典事例

五十年奏准每年巡漕查倉均派御史而坐糧廳一官爲北漕總匯漕糧抵通驗看成色抽掣轉運並管理通濟倉收放錢糧均關緊要若於科道內揀派恐稽查者瞻顧同寅於倉儲益嗣後坐糧廳缺出停止保送科道會典事例

五十九年又奏准每月部定倉口後卽行知都察院衙門僉派滿漢科道各一人將該倉貯米廠座查驗標封至放米之日責成該科道率同該監督同領米旗員揭去氣頭移貯空廠再將應放之米一律放給仍令各該倉監督將各旗所領米樣送部覈對儻不相符戶部據實查參其查倉御史毋庸奏派所派監放之科道扣

除本衙門差使用專責成會典事例

六十年議定各倉所貯江南省青腰白臍米石每月開放甲米時先將各該倉廩座宇號逐廩書籤封固臨期該都統與監放科道眼同關定幾廩再行開放其關定某廩及米樣仍令該旗該倉報部查驗俟青腰白臍之米放竣後即按定本倉年分最陳兩三年之米亦照此例臨期關掣並令各該旗內務府繪各倉廩圖一分存旗隨時覈對會典事例

嘉慶四年議准京通各倉廩內倉查倉御史仍循舊例 欽派科道分往稽查按年更換以昭慎重其每月籤掣監放之科道應停止會典事例

五年議准官辦運袋既有滿漢坐糧廳專司其事復有倉場滿漢侍郎暨巡漕御史眼同查驗過數並重疊戳印號記已足昭慎重應將戶部派員驗袋之例停止以節浮費未經用過之袋於冊內註明令巡漕御史稽查具結送部會典事例

六年又議准新任倉監督接收交代將所管米石整廩驗封零廩抽盤如有攙雜短少即指駁揭報倉場侍郎及查倉御史公同查驗虧缺屬實將舊任監督治罪勤賠凡新任交代限兩月出結出結後經盤出虧缺即將新任監督指名參處會典事例

九年諭內閣托津鄒炳泰酌駁各倉情形請令各監督無庸在倉住宿一摺所奏尙是倉廩重地除收放米石始行開門外平日原應封閉若令該監督率役常時進倉住宿轉恐家丁竊役得與外間匪徒勾結夥竊欲防弊而適以滋弊且嚴冬時風高物燥火燭等事在在可虞該監督查察難周而牆外巡邏兵役未免恃有官

役在內轉致疏曠於倉儲殊有關繫嗣後著該監督等每出數日在附近之官房輪班住宿一次仍當常川周
密巡查認真防範以昭慎重而絕弊端 聖訓

又 諭內閣前據福慶許兆椿密奏通州中西二倉所貯白米多有虧缺并查有積蠹高添鳳私用花押白票
裝米出倉兼令伊弟高二掛名大班番子以爲護符種種弊混當經特派侍郎托津福慶前往會同新任倉場
侍郎玉靈戴均元詳細查勘茲據托津等具奏查得西倉地字廠短少白米七百餘石中倉法字廠短少白米
四百餘石此外廠座尙多卽分起抽丈與原貯數目多有不符約計一廠或短百餘石數百石及千餘石不等
米色亦多不純其中間有黴變現將高添鳳及伊弟高二伊子高庭柱等查拏到案訊明高添鳳確係積年在
西倉經手事件之人奏明同其餘應訊甲斗花戶一併交刑部審辦其未查各廠請另行簡派大臣通行盤查
等語天庾正供豈容稍有虧短乃竟有積蠹把持奸胥舞弊實出情理之外現在西倉存貯白米五十二廠祇
抽查十三廠已短米八千五百餘石中倉存貯白米二十六廠祇抽查五廠已短米一千一百餘石則其餘未
經查丈各廠尙不知短少若干其高添鳳所供各廠率算可以足數之言殊難憑信必須徹底清釐覈實辦理
刻下正屆南糧抵通之時該倉場侍郎二人有查驗斛收等事恐難兼顧著派侍郎托津同劉銀之桂芳副都
御史秦瀛四人爲頭班侍郎福慶同左都御史周興岱侍郎潘世恩副都御史潤祥四人爲二班自二十四日
爲始五日一班前往通州遞相更換將所查情形五日具奏一次玉靈戴均元二人於驗收新漕之暇亦隨時
前往會查至此項短少米石是否當日起卸時卽未上倉抑係進倉以後另行偷盜出倉積蠹高添鳳兄弟父
子如何在倉盤踞以及其餘甲斗趙長安張連芳花甲陳四等如何通同舞弊緣由著派軍機大臣會同刑部

嚴審定擬具奏其監督四人內宋調梅武忠安二人在任已久著解任聽候傳訊其甫經到任未接交代之監督劉敏布董興元二人著暫留該倉辦事達慶蔣子蒲前於北倉徽變米石未能先事妥籌業已分別降調今西倉中倉存貯白米又查有虧缺短少積蠹把持伊二人毫無覺察咎更難辭均屬溺職而達慶曾經三任倉場侍郎其咎尤重不能姑容伊昨經賞給三等侍衛派往葉爾羌幫辦商務卽著撤回革職發往熱河効力贖罪蔣子蒲著革職福慶許兆椿到任未久能將此等積弊訪查奏聞得以根究查辦尙爲留心伊二人前因舊太倉米色徽變未經查明率請支放交部議處有降二級留任處分著加恩查銷

聖訓

十四年上諭內閣據御史吉昇何學林奏倉場裝米口袋不堪佈用請查明修補一摺所奏是口袋一項每年給價製辦必須厚密堅緻方任全漕之用今據該御史奏現在口袋甫經裝用已多破損綻裂若若再日久顯播加以雨淋日曬黝朽必多恐滋拋散等語漕米輓運維艱顆粒皆當珍惜豈容任意狼籍現在口袋稀薄難使皆由達慶蔣子蒲等經理不善所致著交新任倉場侍郎而慶等查明參奏至目前需用緊急並著卽速查驗修補以資實用至來年製辦之時著飭令揀買厚密布疋縫結實由該侍郎等認真查驗勿任胥吏等稍有偷減情弊又據何學林奏請嚴別倉儲源一節各倉弊竇甚多如偷盜回漕挪移攙和等事無所不有皆由花戶等日久盤踞毫無顧忌而官員等受其愚弄竟至不能過問卽如近日徽變米石固緣倉官等經理不慎所致而伊等巧於攪雜挪新掩舊百弊叢生平時於厥中官物如木植板片氣箒之類任意偷盜以致米石朽壞而於開放之際則又多方勒指需索無窮旗人生計被其賤削實爲漕務積蠹若不嚴行釐剔何以廓清倉儲著新任倉場侍郎率同經管官員隨時密訪詳查將此等不法之徒奏交刑部究辦以絕弊源不可稍有

疏縱 聖訓

又 諭倉監督職司典守必須精明強幹方為無忝厥職乃近來各衙門保送監督率以年老之員充數遂致到任不能留心稽查一任甲斗花戶無弊不作嗣後各衙門保送倉監督務擇京察一二等之員年力富強才具幹練者保送會典事例

十五年奏准通州中西二倉本係簡缺因支放三品以上俸米改為繁缺從前海運北新二倉因兼貯白糧由簡改繁近年俸米甲米各倉分貯輪流支放請仍將海運北新二倉改為簡缺會典事例

十六年 上諭內閣綿課等奏會議查倉章程一摺朝陽門外太平等五倉於嘉慶五年改定舊例由步軍統領衙門派撥北左二營弁兵看守仍照向例欽派王大臣每月夜間輪流出城稽查數次原以防範該弁兵等偷安誤班情弊但稽查之日須先行知照該衙門委弁前往劄門則看倉官兵自必早得查倉之信不難預作準備迨查畢後仍可抽減人數懈怠曠班於防弊之道殊屬有名無實且城門晝夜啟閉該王大臣隨從多人看門官兵勢不敢逐名盤詰恐奸宄得以夾混出入尤非所以昭慎重著照所請嗣後毋庸欽派大臣夜出查倉仍照依豐益倉之例由步軍統領衙門添派北左二營將官在該倉廩等處上夜認真稽查如查有曠誤稟報祿康等嚴參究辦儻徇隱不報當併治以重罪其城內七倉查倉大臣著派綿課哈迪爾奕紹明亮瑚圖禮恭阿拉巴特瑪扎那阿等八人輪班晝夜不時稽查如看守之旗員旗兵等稍有偷安情事亦即嚴辦示懲毋稍疏懈 聖訓

道光二年上諭內閣大學士單機六臣會同九卿駁議具奏倉場盤查利弊章程一摺倉儲為天庾重地欲杜

虧那立法必臻妥善大學士等議請隨時派員抽查不爲無見朕思別奸弊之法總須按照倉廠實冊清冊逐廠查驗見底俾新陳不能牽混難於掩飾自不如以放代盤事簡易仍照戶部原議自本年七月爲始務使盤放之三倉陳米顆粒不存驗明再進新糧以後挨次盤放遞至三年即可全竣果能實力奉行不特目前挪移可杜卽後進新糧冊檔可稽衆目共覩如有虧缺或有攸歸如此立定章程於倉儲實有裨益至所議開辦橋倉轉運不繼恐有阻滯屆時著派英和前往彈壓勿令壅積如有辦理不善之處惟英和是問倉場侍郎莫晉於盤查事宜所議皆屬因公惟與戶部意見不同經朕令其明白回奏猶復負氣辯論殊失敬事辦公之道朕斷不肯因其負氣辯論挑示於語言文字之間從重治罪此非施恩於莫晉深恐後來言事者動輒避忌不盡實情於國是大有關係莫晉毋庸交部議處否降爲內閣學士候補戶部原議以放代盤所議皆是但屢次措置失宜亦難辭咎所有戶部堂官交部議處 聖訓

又諭內閣前據倉場侍郎奏戶部議覆御史常廣請肅倉儲摺內有窒礙難行之處請仍照嘉慶十四年成案辦理當交戶部覈議茲據奏稱現屆新糧進倉准其暫緩盤查惟應安立章程使新舊不得混淆等語倉儲爲天庾重地以放代盤法歸簡易若新陳牽混仍恐易滋弊端著倉場侍郎將京城十一倉全局通盤籌畫安定章程自本年七月爲始務使輪應開放之倉陳米顆粒不存隨時報部驗明後再行收進新糧俾在倉人役不得挪新掩舊並嚴禁奸胥蠹吏飾辭阻撓以昭覈實而清積弊 聖訓

四年前上諭內閣本日據軍機大臣大學士會同戶部議奏保送倉監督激勸章程一摺所議是各倉花戶飭法總由監督約束不嚴自應慎加遴選明示勸懲不可僅應故事務從其實以收得人之效嗣後各衙門保送監

督欽天監太常寺鴻臚寺鑾儀衛各衙門司員俱著毋庸保送現任各員不必撤回仍責成該侍郎等隨時甄別未補各員概予註銷其餘各衙門仍照向例令各該堂官擇其明白體面兼有才具者秉公保送其結實可靠之員准其奏留再任三年儻始終奮勉隨時奏請卽予升途至京察之年並著添保一員滿漢相間輪保務擇才守俱優者列爲一等不得先儘坐辦廳大通橋監督以昭公允各倉監督除舞弊得贓隨時嚴辦將原保堂官交部議處外其不實心任事者著該侍郎隨時參處庸懦無能者咨回原衙門行走並著停升三年雖俸滿亦不准保送外任至花戶舞弊係監督自行查出者卽專治花戶應得之罪監督失察處分概予寬免向例倉監督給予養廉祇領半俸嗣後並賞給全俸用資辦公卽自本年春季爲始其萬安海運二倉事務本著該侍郎於各監督內揀員調補自此次立定章程之後務各秉公選擇實心整頓以杜積弊而慎倉儲

聖訓

十四年上諭內閣鐵麟等奏陳明清查太平倉積弊部議格礙難行請仍以放代盤一摺太平倉虧缺米石贏餘參差不一必應徹底清查以清弊混茲據該倉場侍郎等奏通盤量驗人夫扛運例量工飯所費甚鉅米石又多損耗至丈量覈算現已查明有挪移多寡之弊卽難保無堆墊遮掩之虞於盈虧實數易滋朦蔽若照常輪流支放該倉一時未能放竣卽不能坐派新漕等語著照所請准其以放代盤自六月爲始八月放竣如彼時該倉尙未騰空應進新糧著於附近之裕豐萬安儲濟等倉暫行寄貯俟陳糧放竣再飭進運以符定例並責成該倉場侍郎等嚴行查察不准挪移掩舊以防弊竇又早片奏該倉現貯米石糧米較多其不敷搭放之

積米應於別倉搭放之處請該部照例辦理

聖訓

十八年上諭內閣御史黃樂之奏請嚴禁偷漏倉糧弊端一摺漕糧爲天庾正供顆粒不容偷盜若如該御史

所委各倉米出入處所匪徒串通看街兵役於糧米車輛必由之處並不修墊且故意創空深坑淤泥蓄水
覬覦翻車破袋向車夫需索攔阻肆行偷竊營弁無從過問街兵包庇分贓種種弊端必應嚴加防範步軍
統領衙門責成專管地面之左右正副翼尉督率弁兵各處嚴緝匪徒並於九門內街道兩旁坑窪處所隨時
一律墊平毋任傾陷糧車如查有攔路偷竊米石及串通兵丁故縱情弊卽行拏究並將失察之該班弁兵從
嚴參處以杜偷漏而慎倉儲 聖訓

十二年諭京倉收貯歲漕穀石自有一定額數以收抵放原屬有贏無絀本日戶部奏比較歲漕數目開單呈
覽朕詳加披閱近年漕糧運京多有短少本年尤甚較之全漕短至一百萬石蘇松江安兩糧道起運尤屬不
敷見屆開徵兌漕之時著通諭有漕省分各督撫自今年爲始漕糧一經徵齊卽將該省額徵若干本年起運
若干緩缺若干逐一比較上三屆數目據實奏明迅卽造具清冊報部俾得豫先覈計不得沿向來舊習於開
兌以後始行咨報儼比較有減無增卽由該省設法立將短數補足起運方不至有誤支放並著漕運總督一
體遵照悉心籌畫實力稽查總期湔除積習接續收倉庶可肅而積貯常充矣 東華續錄

三十年諭內閣刑部奏審擬偷竊倉糧人犯並請飭定議章程等語近來裕豐儲濟太平等倉疊有偷竊倉糧
之案總由該員弁等漫不稽查防範以致賊匪肆行實屬不成事體嗣後應如何定議章程倍加嚴密之處著
步軍統領會同倉場侍郎妥議具奏至旗丁糧員在本省私折銀兩到通後買米回營私害公其流弊尤甚
著漕運總督嚴行申禁認真覈查如有虧短立即從重治罪並著直隸總督順天府尹於糧船抵通時嚴飭沿
河州縣並委委員嚴查密訪如有囤積米石售賣回漕及買米回河等弊卽行從嚴拏辦以除積蠹而重倉儲

聖訓

又諭內閣戶部議覆朱嶠奏南糧到遲豫籌暫囤一摺河糧儲積理宜慎重若分段蘆囤易滋流弊較之在船守凍尤難防範現在河冰未至堅結仍著該侍郎相機督催儘力趕運進京倉總期多進一石多得一石之益此後酌量情形如實在轉運不及祇可將餘贖米石暫卸通倉寄囤一俟冰融再行妥速運京以便幫丁卸米趕卸南旋受兌無誤新漕其運赴通倉脚費准其覈計應用銀數咨部給款墊發由漕督河督查取辦理遲滯各員分成賠補解部歸款至驗收漕糧係倉場侍郎專責如現在剝運有潮溼不堪存收之米應飭認真查驗設法妥辦儘進倉以後滋變虧損責令該侍郎等照例分成賠補以重倉儲而杜諉卸

聖訓

咸豐元年諭內閣步軍統領衙門會同倉場侍郎遵議稽查防範倉場儲章程均著照所擬辦理惟太平萬安二倉西面俱附城牆仍恐賊匪由城上釣擄為奸著步軍統領衙門嚴飭城門領等隨時加意防範並著查城王大臣一體認真稽查總期倍加嚴密毋得再有疏虞至京通各倉值宿監督由倉場侍郎責令無分晝夜不時稽查如有曠誤卽著從嚴參辦

聖訓

二年諭內閣前因倉場侍郎覆奏興平倉海運米石短少各情當交戶部詳覈速議具奏茲據該部奏稱查海運成案漕糧抵津由驗米大臣會同倉場坐糧廳直隸江蘇各委員眼同查驗由坐糧廳取具該經紀切結督收運通抵通後由襄河轉運大通橋如查有短少潮溼等弊均惟經紀是問現在興平倉米石如果在津時卽有弊該經紀何肯出且切結迨至抵通驗收該坐糧廳何以率行轉運且既經查倉給事中參奏該侍郎又將斛面短少查驗得實何以不將舞弊之人嚴參治罪照數追賠輒據經紀等一面之詞歸咎於天津驗米大

臣等朱麟據河回奏當此整頓倉務之際若不嚴加懲創更恐肆無忌憚卽著該侍郎等嚴飭坐糧廳驗收米石如查有潮濕虧短等弊卽將舞弊之人送部治罪照例追賠至由石壩運六通橋後分運各倉務各釐別弊辦實力訪察如經管各官意存迴護亦著據實參奏毋稍徇隱

聖訓

九年諭內閣查會御史恩翼奏參監督有贖職守一摺北新倉空廠內有多人在內安鍋造飯經該御史往查並無住班監督僅有官役一名倉廠重地詎容任聽夫役等在內舉火該倉監督並不在倉住班實屬有贖職守著倉場侍郎查明贖班之監督交部議處以示懲儆其並未住班之兵役並在廠內舉火造飯之夫役均著一併查明嚴行懲辦以重倉儲

聖訓

諭內閣瑞麟成琦奏寄存通倉米石轉運完竣查驗運到中西兩倉氣頭廠底米色多係糞雜灰土請飭請飭查辦等語著倉場侍郎崇綸查明此項米石因何糞和緣由將該倉花甲人等嚴行懲辦並飭令該監督等將糞雜米石篩淨盡再行入倉其所短米石仍令照數賠補以除積弊而重倉儲

聖訓

十年諭內閣戶部奏請將抵運漕米收存城內七倉以杜偷漏等語城外倉廠巡查看守未能嚴密屢經部奏准先儘城內七倉收儲乃數年以來仍未遵辦所有本年江浙海運豫東河運漕糧除清河安河之本裕豐益二倉仍接應放之數派收外其餘米石著倉場侍郎儘數均勻派收城內七倉不得意爲多寡以重倉儲

聖訓

諭內閣寶馨廉兆翰並御史阿克敦布等奏參監督貽誤車輛請交部議處各一摺現在抵通漕米運赴京倉經費等飭令大通橋監督及各倉監督等多備車輛以期迅速乃大通橋於例雇大車之外並未加增七倉

協濟之車仍屬無幾該監督等猶復藉詞推諉實屬不知緩急所有七倉監督著查取職名交部議處大通橋監督鍾霖署監督景祥業經摘去頂帶交部議處著再行交部議處以示懲儆並著該侍郎等責令嚴催車戶花戶添雇車輛迅行裝運每日進倉米數總須以三萬石為率如敢仍前玩誤即著從嚴參辦其車戶花戶等如再有車輛短少轉運遲延情事即交部從重加等治罪以免積壓而利漕行 聖訓

同治七年諭內閣宋晉奏請變通漕務章程一摺覽奏各條如各倉歸併存米酌定抽掣口袋進米收米設立三連印單酌給各倉辦公之款准令經紀雇役梭巡均為防弊起見即著照所議認真辦理至朝陽門內外一帶店鋪每遇漕運盛行即有沿途買賣籩米之事情弊顯然其慶豐舖沿岸葦炕向為偷盜藏匿之所亟應嚴行查擊以除積患著步軍統領衙門飭令派出弁兵加意巡緝毋稍懈弛至米石進倉時著倉場侍郎嚴飭該倉監督全行住倉隨時監掣驗收查倉御史於收米喫緊時亦著逐日到倉監視以重倉儲而杜弊端 聖訓

諭內閣前據前任倉場侍郎宋晉奏請將漕糧改歸八旗存儲散放並御史舒明奏存儲米石未能妥善請飭另議及陳巖杜弊端四條當經先後降旨交軍機大臣八旗都統會同該部議奏茲據奏稱漕倉事務定例極為周備若改歸八旗分別管理易致紛舛御史舒明所奏有與現辦情形相符者其餘各條請飭倉場侍郎督飭各營督認頂辦理各等語所有各倉存儲米石仍著責成倉場侍郎管理毋庸改歸八旗分管其舒明請緝擊偷竊米石匪徒各條著該侍郎等督飭各監督認真嚴辦毋得虛應故事各倉監督養廉著即籌給十成毋庸減成支放並著隨時甄別以昭懲勸各倉花戶照例招募不准任意空缺所領口分著該侍郎酌量調劑其看守各倉旗弁兵丁各旗都統副都統務須擇其妥實可靠者派往認真巡守並著查倉大臣御史嚴行稽

查會同步軍統領衙門兵丁加意巡緝儻有偷安曠誤情事即行從嚴參辦 聖訓

諭內閣戶部奏酌定漕倉章程十條一摺河倉事務繁雜弊竇叢生上年查出祿米等倉虧空業經戶部將倉儲事宜酌議具奏茲復據該部擬定章程十條開單呈覽其爲詳盡均著照所議行並著該部分別行知直隸總督倉場等衙門及查倉王大臣等遵照辦理嗣後在事各員務當按照此次章程實力奉行期於興利除弊此外如有未盡事宜或應行變通之處著倉場侍郎隨時體察情形認真整頓不可仍瞻前轍以重倉務 聖訓

諭內閣吏部奏遵議各倉監督並倉場侍郎處分一摺富新倉監督鍾霖等均著照部議革職倉場侍郎鍾岱宋晉總理倉儲職任甚重於各倉虧短米石毫無覺察實屬不能勝任鍾岱著調補泰甯鎮總兵兼總管內務府大臣宋晉著補授內閣學士兼禮部侍郎仍照部議革職留任鍾岱於天津驗收海運米石完竣後再行赴任宋晉於通州收米事竣再行來京供職 東華續錄

諭內閣衍秀舉道遠奏部議挽回漕倉積弊章程內有礙難遵辦各條請酌量變通開單呈覽一摺據稱漕糧進倉各倉監督分別勸懲及重懲棍徒攪亂倉務嚴禁花戶無故更替修理堆撥棧止官兵各節均照部定章程辦理至遴選經紀體恤車戶花戶暨收放款項隨時報部等四條或應仍照舊章或宜稍就變通等語所籌尚係實在情形著照該侍郎等所議所有津通經紀仍著倉場侍郎照現行章程認真選派毋庸會同江南山西各道御史鐵掣以免紛擾大通橋車戶承領車價銀兩仍由該橋監督照舊領放如有書吏剋扣即行從重究辦該監督稍涉徇庇即著倉場侍郎從嚴參處倉茶果一項仍著照舊章分款開銷毋庸拘定以七成接濟花戶之議並著倉場侍郎視庫存銀數若干酌量發給花戶以示體恤收放款項仍照舊章報部毋庸分作

兩次開報備有不符卽由戶部詳駁駁請衍秀畢道違務當逐款覈實辦理以期倉務日有起色毋得有名無實日久弊生另片奏招募花戶等語花戶空缺太多亟應招募足額著衍秀畢道遵照定例通飭各倉監督認真挑募毋許將就塞責 聖訓

十一年諭內閣倉場侍郎廷煦畢道違暨御史克什布奏職官擬擬倉務請革職究辦各一摺據稱本月十五日祿米倉監督在倉查點米粟夾有五品頂翎一人糾領多人上堂搶去米粟經該監督等飭役追擊始據供出姓名係三等侍衛慶澍將搶去米粟交出並呈出未領米粟二十四張內惟本身一票餘票並不一致等語京倉地面理應嚴肅乃侍衛慶澍身任職官輒敢搶懷米粟入倉滋事是其包攬把持情跡顯然難保非積慣倉庫若不從嚴究辦何以清積弊而儆奸邪慶澍著先行革職交刑部嚴行審訊從重定擬並查明慶澍與名屬慶歸案一律究辦以肅法紀 聖訓

光緒十一年倉場總督興廉奏本月初四日承准軍機大臣交出本日面奉 諭旨給事中供良品奏倉務積疲請儲整頓一摺倉務積弊已深亟應整頓該給事中所陳各條著倉場侍郎悉心酌核妥議具奏欽此並將原奏抄交前來臣等竊維倉儲積弊日久且深亟求整頓必先究其致弊之由未有不知弊之所在而漫言整頓者也臣等自受任以來隨時隨地無不兢兢以去弊爲心有因時制宜漸收實效者有積重難返驟難悉除者謹卽該給事中所陳各條明辨其是否可行並就臣等思慮所及體積悉進啟奏 皇太后 皇

上陳之原奏謂各倉偷漏由於封鎖不嚴查存米各廠應經臣等於完糧後發給長封嚴密封固其未經放

廠之零厥例由都統御史封鎖然每歲大雨時行監務例得啟封查看俾免米石因溢漏變遷及新收之水

不無因熟因潮該監督亦應察看分廠挑瞭歷辦章程如是夫嚴密關防固為慎重倉儲要事然查從前倉
虧各案動輒盈千累萬而謂偷漏之弊繫乎封鎖與否則實不盡然若如該給事中所議各倉鑰匙或存倉
場侍郎或存倉御史收管查收放米石遲早無定臣等自春歷夏經秋遣駐通州各倉分隸都城內外與
查倉御史住址遠近不同隨時請鑰不但往返稽遲且恐諸多牽制實有未便擬請仍照常責成輪班值宿
之監督一手收掌由臣等嚴飭監督於收放之際逐日親自封鎖不得假手花戶其有不遵定例封鎖或挑
瞭查看不行報明臣衙門者即由臣等查參庶事無旁貸而責有攸歸矣又原奏謂土米存倉易啟蠶和之
弊查各倉發糶土米久未查辦蓋從前全漕不下四百萬石倉儲之米陳陳相因故有分年糶變土米之例
自減漕折徵以後收數僅三分之一雖有土米而不能發糶者一因收倉年分未久旋即支放例不准揭除
氣頭厥底一恐倉從糶便夾帶好米出賣故三十年來未經舉辦然而米質已變者按例不准揭除各旗不
肯關領歷年既久積而愈多損壞折耗實為各倉之大累臣等惟有嚴飭監督查看各廠於現在收存之米
勤加挑瞭毋使稍有霉變庶米色不致顯有差池而蠶和情弊可期漸除矣又原奏驗米色以核收數一條
據稱近來入倉之米聞途中有潑水攪沙等弊及每石短少一二升等語查各省運通米石臣等親臨查驗
必須乾潔方准解收起運其由通至橋派委員弁節節防查至由橋運倉亦有武弁押送何來蠶和情事或
有起運之際驟然遇雨者亦必札飭該監督在倉風晾乾燥再行入廠其米袋到倉例准抽掣如有短少歸
於車戶名下應賠於倉儲實收並無所損原奏所稱蠶和短少或係傳聞之誤至於放米之時御史例得在
倉稽查應由臣等通飭監督每逢收米之日先行報明御史以便臨倉查察並如該給事中所擬各倉支應

收放人役均以已正齊集不得稍有遲延以免貽誤又原奏估修廩廩一條查京城各倉自光緒元年擇要興修其未經修理之廩誠如該給事中所奏現有坍塌日甚情形前經臣等咨明工部查勘嗣準覆稱雖有應修各工惟經費支絀暫擬緩修等語既經該給事中指陳臣等自應嚴飭各倉監督查看應修廩廩分別輕重情形據實詳明由臣等循照辦過成案籌款奏明興修總期工歸實用 帑不虛糜至如何辦法方臻核實臣等另行附片奏請候 旨遵行又原奏嚴制防以取花戶詳考察以課監督查各倉花戶有頭役有散役額設雖有定數而其實多寡不同散役人等無非著名花戶所援引非其戚黨卽其友朋總屬通同一氣該給事中請令花戶分廩管領意謂各有責成而有無弊竇仍不能出頭役之圈套所議之法恐未必得力該花戶之良莠視監督爲轉移苟監督得人則全倉可以望治如不得人則諸務遂漸廢弛此中情事久在 聖明洞鑒之中臣等於所屬各員密爲體察遇有庸劣不職者立行撤回才堪造就者勤加訓勉其辦事勤慎之員無不按照章程留奏保是監督之勸懲已極詳慎計惟有隨時嚴飭實力防維以期倉務日有起色並請 飭下戶部轉行各衙門於保送倉差時慎選明幹廉正之員庶有治人乃有治法矣總之倉廩之隱患在於虧短虧短之情弊在於偷漏而偷漏之原由有出於私者有迫於官者前聞匪徒私行偷竊並不由廩門出入名曰掉竊盜米數十百石猶是暗偷其最甚者實由不肖監督與執法之花戶勾結串通私行開放黑檔此弊花戶不能自作未有監督不知情者臣等繼任後刻刻嚴防監督中有素行不謹聲名平常者不待顯有劣跡卽登時撤任咨回原衙門當差計已六七員名現各倉監督似皆有警畏之心不敢妄 臣等仍時時嚴密訪查不致稍涉疏懈此弊之出於私者防之務盡也其弊之迫於官者按例充當花

戶皆係殷實良善平民相沿既久則良善者絕少而作弊又盡非無因查定例各旗開放甲米先儘存倉較
陳之米書寫厥名公同關擊聞近年關領甲米時往往不按圖厥徧倉挑揀偶有攔阻卽鞭撻立下監督稍
涉庸懦率行畏避直待花戶向跟隨人等私用使費說合始行竣事而運往內務府交米亦不免需索抑勒
花戶之錢從何而出無非取給於米石此弊之迫於官者也然此等弊風花戶隱忍而不敢言監督畏蒞而
不敢稟事屬曖昧弊竇難除相應請 旨嚴飭各該衙門嗣後領米務遵照定例按圖望厥座支領倘
米質霉變不堪食用準各旗據實糾參如米質尙好亦不得任意挑剔藉端訛索庶圖厥成法不復視爲具
文臣等如聞該倉不認真辦理有前項情弊監督則立予撤參花戶則從重治罪此澄治本溯切求整頓之
愚慮也經世文錄編

皇朝政典類纂卷一百四十三

倉庫三

倉庾支放米石 修理廩座 運米脚價

一開放八旗兵丁閏月甲米由部核計在京祿米等十一倉內貯米最陳之倉分別城內城外倉口酌定三倉一面行知該旗一面劄倉開放

一支放米石令該監督每月放米全完即將零廩空廩字號申報並將存貯米石若干造冊報部仍將零廩內所存米樣包封送部以便與下次接放時所送米樣較對核辦

一廩座次序以所貯之米新陳爲定每月應放三色米石應令倉場預爲核明派定換陳廩座字號飭令該監督將應放米數分晰年分詳註廩名造具清冊於上月貳拾伍日以前送部仍令該監督將每月放過米數若干出具並無花戶人等攙和情弊切實印結送部查核

一京倉放米如遇六七兩月雨水較大報部酌量展限仍不得過十日若尋常雨澤適均不准藉詞請展
一倉貯麥石除內務府光祿寺等處支用外遇新運到後將舊貯發交各城照市價糶賣糶價解部如無須平糶年分麥賤於米抵作俸米支放麥貴於米抵作甲米支放

一圓明園三旗營房人員每季米石就近在豐登本裕二倉支領

一萬安東西兩倉開放米石先儘年分最陳之米開放如此倉陳米足數開放不許再開彼倉致滋弊竇如一倉陳米不敷必須在彼倉找放仍照換陳之例辦理不得越次支放

一 圓明園暨健銳營官兵關領俸甲米石向在本裕豐益二倉支領應照舊支放外至外火器營官兵坐落藍靛廠其米石向在海運北新二倉支領殊屬寫遠應一併改歸本裕豐益二倉酌量道路就近支領

一 八旗官馬並各項官兵拴養馬匹及五營差馬等項每年共應領豆十六萬餘石照支放甲米之例令承領豆石之人眼同該監督一律勻放倘有任意攙雜等弊准領豆拴馬之人回明該管衙門查參究辦

一 各倉收放米豆遇有狼撤均令隨時掃收篩颺潔淨作正支放其篩出霉黑不成顆粒米豆該倉監督核明成色呈報倉場侍郎派員查驗相符報部發五城糶賣

一 內倉遇有積存米石由戶部查明具奏改放八旗滿洲蒙古漢軍文武職任暨世職官員俸米並將所存米色量為配搭

一 內倉應放各項米石除各國貢使及年班蒙古應領口糧毋庸定限外其在京衙門及各該處應領俸米口糧按季支領者予限六箇月按月支領者予限三個月如逾定限不領將米豆存倉入正項支用

一 宗室王公及公侯伯世職並文職三品以上武職二品以上俸米暨通倉看倉兵餉米均在通州中倉西倉支領其文職自四品以下武職自三品以下世職自子男以下及筆帖式驍騎校護軍校親軍校前鋒校

俸米暨兵丁餉米於在京十一倉分季輪流就近關支倉御史稽查辦理春季俸米自二月起秋季俸米自八月起旗員限兩個月漢員限四十日按限放完逾限不完監督並監放官一併議處如領米官員無

故違限不領將應領米石停給仍分別議處

一 八旗滿洲蒙古漢軍並內務府官員應領俸米該旗都統出給本旗總領交押旗參領等先赴該倉換票

該倉於該旗總領到時節按照各佐領官員數目每員各換給米票一張仍交該參領等領回發交各該佐領散給應領俸米官員令其遵照定限自行赴倉關支不得擅交鋪戶領賣步軍統領衙門及順天府嚴密稽察以杜米局併票之弊戶部於開斛時行催各旗源源支領並令各倉按五日一次報部以備查核

一提督衙門副將春秋二季應支俸米照參遊以下等官一體於在京祿米等十一倉輪流關支嗣後如有銜六米少之員一例辦理

一各倉應放俸米該監督先將應領各員造冊送查倉御史事竣即將所收領票於三五日內照冊註銷俟核對清楚將領票呈送倉場衙門以備查核

一王公大員每年應領粟米三萬二千餘石以通州中西二倉支剩白米二萬七千餘石中西二倉每年收白米捌萬捌千餘石除運交內務府玖千餘石支放王公大員俸米伍萬貳千餘石應餘存貳萬柒千餘石儘數抵給不敷粟米仍以本色找足其餘粟米概行運貯京倉以備支放甲米圈粟之用

一各旗零檔神領俸甲米石 官員陞遷兵丁拔補日期在米糧過部以前未及入檔者准其補領新缺之米又八旗世職補放外任回旗後准其補領存倉俸米 該旗所造何人補領何季之米由部核明徑劄該季原劄之倉開放其存倉俸米不止一季者徑劄該首季所存之倉按應領之季照數開放各倉自接奉部文之日起限五日傳旗關領均按三十日放完 漢員補領俸米限期同仍將傳旗放完各日期報部查核逾期不完將該監督議處如係領米官兵無故違限米石停支

一滿漢各員應領俸米分給各員米票赴倉支領其每石例給箇兒錢及票錢共制錢二十文令各該員封

交領米家人持赴該倉取具收票所領米石亦同甲米之例揭去氣頭移貯空廩一律支領純潔米石

一八旗甲米按季派定月分輪放鑲黃正黃二旗正月四月七月十月正白正紅鑲白三旗二月五月八月

十一月鑲紅正藍鑲藍三旗三月六月九月十二月上三旗包衣應放米石各隨本旗放米月分開放由戶

部按照城內祿米南新舊六海運北新舊新興平等七倉分派二旗城外太平萬安裕豐儲濟等四倉分派

一旗揆定倉口次序於每月初一日預定三倉揆陳圖定厥座令該三旗分往關支一旗甲米統在一倉承

領或三色米內間有一色不敷即將別色按成抵給不赴別倉找補仍令倉場於每月應放之倉現存各色

米數查明進倉年月分於開放五日前造冊報部

一每月部定倉口後卽行知查倉御史將該倉貯米厥座查驗標封至放米之日責成該御史率同該監督

等偕同領米旗員揭去氣頭移貯空倉再將應放之米一律放給仍令該倉監督將各該旗所領米樣封送

戶部各該旗領米完竣將米樣送部核對倘有不符據實查參氣頭米石查倉御史標封存貯俟出糶厥底

時查驗開封

一八旗領出米石責成各該旗之都統或副都統會同查旗御史屆期赴倉公同驗明米色米數卽將領出

米米錢單任領次序當卽分給各兵丁押同原車分送交郵仍先期傳知各該佐領管領下倉米之兵丁等

於領米之日齊集倉門等候俟米一出倉卽刻驗放以免擁擠停滯之虞並於一旗全行放竣之日各將日

報冊查核

一各旗應領米令本旗都統副都統先期核明所屬各佐領管領下應領米數造冊咨送戶部劄倉

轉行倉場俟開倉之日令每月所放三旗之都統將該旗應領米石無論滿洲蒙古漢軍包衣共分作十五起陸續開支每起約領十餘個佐領管領之米仍每起更番派撥賢能章京一員領催四名並於應食米兵丁內挑派三四名令其眼同赴倉領米限一月內放完限外不完將監放之都統及查倉御史並該倉監督均予議處

一倉貯黑豆每值歲積充裕由部奏明准王公官員認買價照市值隨時酌減於各員應領俸銀隨甲錢糧內如數扣還每奏准認買之季親王准買一百八十石郡王准買一百二十石貝勒貝子九十石宗室公六十石一二品職任官六十石一二品散秩官三十石三品官二十四石四品官十八石五六品官十二石七品以下官六石俟各處買豆冊檔送齊按各衙門各旗之次序排定先後核明應放豆數勻作四分仍按貯豆之舊大海運萬安儲濟等四倉遞年輪轉發放如本年自居前之舊太倉振起下屆即自居次之海運倉派起挨次遞輪過而復始

一八旗場馬回京分給官兵拴養應支黑豆令各旗營以兵部傳知領馬之日起限十五日內造冊咨送戶部劄倉開放各倉於五日內呈報開倉限兩月內一律放竣如遇限不完或在令花戶等攪和滋弊將該監督照俸米例參處如領豆官兵無故違限不領將應領豆石停給其豆價既於馬乾銀內坐扣不准領回

一滿洲蒙古八旗餵養圈馬令各倉監督揀選鮮潔米豆支放應支細數另詳兵餉門圈馬章程條如陳米

陳豆較多及以紅腐攪雜不遵駁換者該旗都統等查驗明確將倉監督指名參奏以上均則例

順治十六年覆准各倉發米時挨次支領如有車輛擁擠及偷盜等事拏送刑部治罪會典事例

又覆准各倉發米時不許在倉買賣儻有串通倉役包攬糶米者擊送刑部從重治罪會典事例

康熙元年覆准每季發米部差司官二人並旗員一人到倉與監督一同監放有通同棍和糠土濕米等弊倉侍郎題參一併議處若監督不嚴查下役致有棍和糠土濕米並少精索錢等弊將經管官交與吏部從重議處作弊下役交與刑部從重治罪至領運米之佐領領催並家人若將好米攪和糠土偷盜者亦送刑部從重

治罪會典事例

又奏准八旗俸餉及上三旗米冊每季限上月初十日以內送部轉咨倉場照例兩月內支發全完如每季上月初十日以內米冊不送部該旗卽將造冊遲延之官題參交部議處會典事例

雍正元年奏准俸米兵餉舊例春秋二季關支限三月發完將兵米分作三季俸米分作兩季限兩月發完會

典事例

五年上諭前倉場侍郎岳爾岱劄於議奏稱通倉收貯米石甚多若將旗下兵丁在京應領之米派四旗在通倉支領冬月一季而以次年應運京倉之米收入通倉則通倉新陳之米可以更換收貯卽以省出運送京倉之腳價給與兵丁以爲赴通搬運之路費足以敷用於公私皆便等語朕因此奏應行發與辦理旗甲事務王大臣及該部倉場議奏據王大臣等會議准行具奏朕以所議尙未妥協目前正值冬季支放甲米之時爲時甚近著仍於京倉支放此事創行之始著再行詳細妥議俟明年舉行將此面諭廷臣雍正內閣 上諭
七年又奏准漕米貯倉向例按年挨陳支放凡有交受零數新米各貯一處不許入於舊米之內將放過米數並經手監督攢與姓名於某年月日收貯開明黏貼版門仍於循環簿內註明報部嗣後挨陳應發之版並令

20.887 225.02

2A

擊鐵開發儻不擊鐵致家人開放新厥者事發照知縣失察家人犯賊例參處會典事例

又覆准八旗官員支領俸米每一佐領給票一張倉場驗明給發會典事例

乾隆二年奏准兵米分爲四季於二五八十一等月支給或遇有閏之年或值米價昂貴後季米不能接濟前季或南米抵通需厥盛貯隨時奏准酌定先期開支會典事例

三年奉 旨八旗牧養馬駝黑豆在所必需今戶部因倉貯豆少請每月減半支放朕念兵丁等若自行增買不免多費且在京收買恐市價益復高昂今年山東河南二省收成尙好應於山東採買五萬石河南採買三萬石共八萬石足敷支放之用著該部行文山東河南二省巡撫酌量地方情形動支正項錢糧分令各州縣採買嚴禁短價病民及胥役侵蝕等弊務須於河凍之先委官運送抵通勿致有誤臘月以後支放之用其豆價並腳價等項仍造冊報部覈銷會典事例

又題准八旗兵丁四季領米每季均有雪尾抄勺佐領總領分給每多折耗應將每年春夏秋三季所領三色米總數以斗爲止散數以升合爲止其抄勺零數歸入第四季支領會典事例

四年奏准開倉時每旗委押旗參領於發米前一日將應領米數及領米人數開單交與監督按數起票三張於領米後一日一交滿監督一交漢監督一交監放監督稽察出倉其領米兵丁花名各旗開單鈐用佐領圖記帶赴倉內交與押旗參領點驗進倉仍令嚴行稽察如監督所屬人等作弊押旗參領查出呈該管都統參奏究處押旗參領所屬人等作弊監督查出呈倉場侍郎參奏究處至米車出倉除參領與監督等一同查對紅號外其閒散驍騎校等仍在倉門巡查令米車挨次排行嚴禁爭擠會典事例

又奏准向例官俸米內有粟米一項以採買直隸營田稻米抵支但直屬或遇歉收停止採買卽不敷支發應以秣米抵稻米支給如直屬稻米豐收採買運通仍支稻米會典事例

又奏准各衙門筆帖式俸米向例在通倉關支但所領米數無多赴通有往還腳費著改於京倉支領會典事例

八年奏准新增裕豐儲濟二倉將護軍校驍騎校米仍隨八旗支領其鑲黃正黃正白等三旗米別爲三分同八旗甲米分十一倉關發仍將所限各倉及支發米數開列厥名年分五日一報會典事例

九年覆准八旗支領米冊於各佐領總數下覈算兵米分註秬稷粟米各若干俸米分註白秬稷粟米各若干送部轉行各倉按色給發會典事例

八年於通州設立兩局糶賣官米通州糶賣官米向年設有兩局每局領本銀八千兩於八旗大臣內 欽派二員經管每季收買俸米以備平價之需嗣於雍正十三年將京城每旗三局歸併一局時亦將通州兩局歸併一局止留本銀六千兩收買俸米交與倉場侍郎等經管至是都統永興言每季通倉約放俸米十九萬餘石關米人員所賣之米不下十萬石官局儘所有本銀六千兩收買外其餘俱係民間分買關倉之後民間所收之米盡行增長價值官局雖欲平市價而所收米石無多實有寡不敵衆之勢是徒有官局之名究無平價之益請通州地方除新城現設官局外仍於舊城內揀取官房一所添設一局每局發給本銀一萬兩於放米時令地方官稽查先儘兩處官局收買足數方准民間收買關倉之後官局將所收之米照時價酌減出糶以平市價其應領俸米兵米人員有情願借支者准於放米前一月將局內米石支借至關米時扣清通考

十年奏准八旗關支馬豆向未酌定送册限期以致遲早不一兵丁不得及時支領嗣後每月定於初十日以內支給於前月之杪造册送部劄倉如限內册不送部照造册延遲例議處會典事例

十二年奏准八旗官册俸米總以十二月十五日六月十五日兵丁米總以上月十五日作為過册定限各旗送册或因遲速不齊或因舛錯駁回校正以致逾限總以月之十五日為准分別關支裁扣如官兵陞轉在定限以前准其支領新任俸餉在定限以後不准支領新任俸餉其告休物故在定限以後准其支領銀米在定限以前不准支領銀米其開倉發米總以每季孟月初一日作為定限如官兵降革在每季初一日以前其米概行追繳如在初一日以後者免追至各旗兵丁逃亡將應交米折銀暫存旗庫於次年三月彙總交納會典事例

十三年發京倉官米撥給各旗通考

十六年奏准昆明湖戰船水手附於正黃旗第四旗鼓佐領下應領米石就近於豐益倉關支該佐領下領催監放會典事例

十七年 諭向來八旗兵米皆按四季支發但發完之後因去下屆發米之期尙遠鋪戶得以乘機囤積米價日漸昂貴若將兵米陸續支發俾源源接續殊有裨益但就一季之中再為分次支發未免紛繁其應如何酌分旗分按月輪發著妥議具奏欽此遵 旨議定兵米既按月輪發應分別旗分將鑲黃正黃二旗分於四孟月正白正紅鑲白三旗分於四仲月鑲紅正藍鑲藍三旗分爲四季月各旗依酌定月分赴領則辦理不致紛繁米糧時得接濟於兵民均有裨益會典事例

十八年議准八旗甲米既按月輪放每月祇開放兩倉必須一旗放完接放一旗雖定限兩月總不能如期放完若多開一倉令一倉開放一旗則定限一月已可按限完竣至補領零檔陸續割倉支放應以割倉之日起定限十日放完會典事例

二十三年諭京師米價較上年稍爲昂貴向來京官俸米例於八月支放著提早一月卽於七月開倉支放俾京城內外米糧充裕價值自可平減會典事例

二十五年諭今歲適屆夏閏秋成節候少遠而距官員等領俸之期亦遲一月市肆米糧未免不敷接濟所有王公大臣官員秋冬二季俸米該部作速行知各處上緊造冊送部卽于七月十五日起開倉支放俾官員早得常糶市值自可藉以平減於民食亦屬有益通典

二十七年諭舊例王公等甲米原在京倉支放後因通倉糧石陳積部議改赴通倉關支第往返運費必多虛糜其中或將糧石就通羅賣於八旗口食轉無裨益所有今年五旗王公等甲米及八旗佐領坐甲米石俱著在京倉支放嗣後每年通倉貯米酌量敷用倉場侍郎等部奏明多運京倉俾王公等甲米支領既不需跋涉而於日用益爲饒裕會典事例

二十八年奏准 東華門外空閒園房設恩豐倉一座令倉場運貯米石以備太監等支領委內務府司官一人內管領一人更年收放倉房七十四間大廩七座每座貯米三千石小廩五座每座貯米一千八百石照各倉之例編寫天地宇宙日月盈餘秋收冬藏十二字號由倉場衙門按字號進米備放放米之日由都虞司派押旗參領由宮殿監侍等派首領太監定期赴倉會同押旗參領彈壓領米凡三旗太監等每季應領米石俱

由本倉支放鑄黃正黃旗定於正月四月七月十月正白旗定於二月五月八月十一月由本倉指定日期知會該旗傳知領米之人赴倉支放每期限三日內領竣各厥座俱由都虞司派章京領催披甲人等輪班看守其書算花戶皂役小甲扛夫人等俱於三十內管領下人丁內挑取現食錢糧蘇拉承充共占用蘇拉三十二名每年共領米三萬石分爲三色粳米一萬五千石秣米九千石粟米六千石其一年收支數目於每屆收放完竣後呈堂銷算統於歲終彙總具題如有餘存仍咨行倉場衙門入於次年應領米數內支放會典事例三十二年諭袁曰修等奏京師因道途泥濘通州交倉餘米商販等艱於輓運是以上月米價稍昂請將八月甲米移前數日開倉等語八月甲米原係官兵等應支之項今豫爲開放京價自可就平於兵民自爲有益著卽將八月甲米於本月二十五日開倉支放該部遵諭速行通考

四十年諭八旗兵丁甲米閏月例不支放第念京師五方聚集食指浩繁兵丁所得甲米自給之餘或將剩米出糶尙可潤及數千萬戶現在正逢閏月未免拮据著加恩賞給閏月甲米卽於本月十五日開放其十一十二兩月放米之期並著移於每月十五明歲新正以後仍循其舊則市價可藉以益平於兵民生計有裨嗣後凡遇閏月俱照此例通考

四十三年奏准開放八旗兵丁閏月甲米令倉場侍郎照四季甲米之例豫期查明倉口報部辦理會典事例五十年諭向來京師需用麥石俱藉豫東二省接濟本年春夏之間該二省雨澤短少收成歉薄未必更有寬裕以資商販糶運恐京中麥石入市稀少價值或致昂貴不可不預爲調劑今歲奉天各屬雨水調勻麥收豐稔永瑋鄂寶等查照向例探買麥二萬石委員運京以備支放糶糶之用通考

五十二年議准倉貯麥石如麥賤於米之年抵作俸米支放如麥貴於米之年抵作甲米支放會典事例

五十四年議准每月三旗應領甲米將城內之祿米等七倉併附近關廟之太平倉分爲二旗城外之萬安等三倉分爲一旗揆陳支放如城內米石一倉不敷支放卽於附近之倉支領不得以城外遠倉找給城外萬安等倉亦照此辦理仍將各倉存貯各色米石查明報部會典事例

五十七年諭旗員應支俸米自當赴倉支領何得將米票擅交鋪戶領賣致敗包攬情弊嗣後著八旗都統通行傳知無論大小官員俱令自行赴倉支領如有仍將米票私給堆房米局包領者一經查出卽行參處以示懲儆會典事例

嘉慶元年諭向來各省運京漕糧俱係交貯通倉嗣因文武微員遠赴通州關米不無糜費因改運京倉收貯給發原示體卹之意惟是改貯京倉後運丁又須赴京交米雖津貼之費原在該丁等餘米之內並非另有增添但多一周折未免多一番勞費嗣後江浙白米俸米應仍舊運貯通倉至他項俸米或可仍照新例就近在京倉關支或一併照舊均行改歸通倉之處著交戶部會同倉場悉心詳議具奏以期經久無弊欽此遵行
議定江浙白糧應仍舊運貯通倉其旗丁津貼經紀車戶之米應卽停止外至文武官員應領俸米內有白糧粟米應行劃歸在通領米之王公大員支領其在京之領米文武官員應領白糧將王公大臣應領秬米照數

抵給會典事例

六年奏准每月三旗甲米於城內祿米等七倉內輪割二倉開放二旗於城外太平等四倉內輪割一倉開放

一旗會典事例

七年又議准陞調人員趕領俸米向係移咨倉場侍郎臨時飭倉撥放是以未經定限嗣後趕領米石旗員以倉場侍郎劄倉之日起漢員以部文到倉之日起均定限三十日逾限不領扣米存倉仍將春季趕領之米歸春季俸米之倉撥放毋得另劄別倉統俟領竣報部查駁會典事例

十一年上諭內閣慶桂等議駁倉場侍郎廢音等請將文職四品以下武職三品以下等官俸米改歸通倉支領一摺此項俸米每年運京爲數祇二十八九萬石數之運京甲米二百七八十萬石不過十分之一歲有開銷經費萬餘兩運役等安得因此遽增賠累若如該侍郎等所奏改歸通倉支放則官目等關領稍違難保不將米票在通售易京城存米較少市價易致昂貴於旗民生計均有關係且通州鋪戶買得官員米票市價奸胥藉此勾連漁利關支囤積一俟重運將次抵通正可潛赴水次售賣是回漕之弊更易叢滋該侍郎等所奏實不可行至運役果有賠累自當妥爲調劑該侍郎等原摺內並未將如何賠累情形詳細聲敘或因近年錢價稍昂運役等領銀易錢不免有所虧折亦未可知仍著該侍郎等悉心籌酌從長妥議據實具奏 聖訓

十四年奏准各倉所放俸甲米票該監督呈送查倉御史查閱當堂截去左角塗銷收竣後彙送倉場衙門存案會典事例

十五年上諭內閣戶部議覆倉場侍郎玉需等奏在通倉支放藍白布甲及坐甲等米石一摺國家立法皆有定章程若輒議變通必滋弊端京通各倉存貯米石何項應貯何倉及支放時何項米石應赴何倉關領原有舊例通州西中二倉向祇貯江白次粟四色以爲王公大臣俸糈之用其餘稷校米石除酌留該處看倉官兵等項食用外概不多貯近年來或因秋雨過多或因南漕抵通較晚趕運不及經倉場侍郎等奏請暫貯通

倉致有虧缺徵變等弊本年春間該侍郎等奏將京員俸米一體赴通關支又將秋季俸米預行給領茲復請將藍白布甲等米在通倉預放試思倉儲米石原應陳陳相因以備三年九年之蓄豈有因恐積貯難久預行支放以爲疏通之理况驗收米石本係倉場之責如果米色低潮不能經久卽不應斛收至通倉存貯糶米石原爲南漕趕緊回空暫行寄貯與截留北倉事同一例起卸後應於當年趕運京倉以符定額若謂轉運不及則南漕數千里按年輓運前來豈自通至京僅四十里轉多阻滯耶况河道新修更何所藉口總之今時存因循苟安之見者多實堪切齒朕並非紛更成法不過率由舊章諸臣因何如此怠玩且赴通領米車脚食用較多在微員兵丁等亦多苦累兼恐花戶漕丁等串通購買回漕尤不可不防其漸此次姑照部議將王公藍白布甲民公侯伯坐甲應領糶粟二色米石於盤貯糶米內抵放六季外其餘盤貯糶米再於王公大臣明年春秋二季次白粟米項下儘數抵給其十四年新收糶米著仍運京倉收貯嗣後該倉場侍郎等總須循照舊章所有應貯京倉米石必當如數運京如再有違例多貯通倉致積壓後又議變通紛更舊制必將該侍郎等嚴行懲處 聖訓

十六年上諭內閣御史李培元奏八旗甲兵米石多由領催串通鋪戶放債挾買巧圖重利請旨嚴禁一摺所奏是我朝自開國以來額設八旗甲兵按月支給銀米兩項原使各兵丁關支銀兩可以製備衣甲給領米石足以養贍身家立法至爲周備該甲兵等總應將銀米實領到家節儉用度其所領米石如有數餘亦當存貯常令充贏卽或自行售賣增補家計亦屬例所不禁乃近日旗人不善謀生該管王大臣全不以國事爲要放進旅退漠不關心任聽旗人率先預借米鋪錢文至領米時由領催串通鋪戶乘總代領剋扣折算及至甲兵

等食米缺乏又轉向鋪戶按市價買用以國家惠養旗人米石聽其賤賣於前貴買於後輾轉折耗無怪生計日形窮蹙各領催分管甲兵各戶內有不能零星赴倉關支者澆其代爲彙領出之後自應按名發給何得從中私相勾串網利分肥嗣後著交八旗都統等嚴飭該管參佐領等於兵丁支領甲米時認真稽察務俾各兵丁等將所領米石均得全數領回以資口食並嚴查各領催如有前項情弊查明嚴行懲處庶積弊漸除旗人生計亦可日臻饒裕爲此通諭八旗知之 聖訓

十七年上諭內閣御史賽尙阿奏各倉存貯黑豆戶部每於春季奏請令官員等承買近來竟有延至秋冬始赴倉關領者恐官役人等有串通耽延俟新豆入倉攙雜支放等弊請照各旗營拴養馬匹支領豆石之例於開倉日起限兩月內一律放竣等語所奏甚是每年戶部奏請將各倉黑豆令官員等減價承買原爲出陳易新調劑倉貯起見自應明定限制杜絕弊端若各官員關領遲延倉役人等俟新豆入倉得以攙和滋弊仍於倉儲無益著照該御史所請嗣後各官員承買倉豆戶部於奏准後行文各衙門限十五日內造冊咨送到部該部酌倉開放各倉於五日內呈報開倉一面將開倉日期知照承領各員自開倉之日爲始限兩月內一律放竣如逾限不完任令倉役等從中舞弊攙放新豆查出將該監督照例參處備查係承買官員等有意遲逾卽將應領豆石俾其支給仍於俸廉等項內坐扣豆價以嚴例限 聖訓

十九年上諭內閣榮麟等奏議覆御史夏國培條奏支放甲米章程一摺本裕倉放出米石分途載運豈添派御史一員所能稽察周到夏國培所奏原屬難行至該侍郎等請嚴禁領米兵丁不得在米鋪囤積及借空房堆聚一節亦多窒礙該兵丁等領米之後不能獨雇車輛卽日運歸勢不得不於附近米鋪暫行寄貯或就肆

中春確情事所必 若多為厲禁徒滋苦累其回漕之弊全在步軍統領等衙門嚴密巡查遇有違禁私囤及包攬拉運者將奸商拿獲重懲自可剔除積弊若更制而於事無益不如其已也 聖訓

道光二年四月九戶部議京倉米石以放代盤東華續錄

二十一年諭軍機大臣等據倉場侍郎德春等奏預籌積貯以裕支放一摺漕糧為天庾正供必應先事預籌著朱樹芬咨有漕省分各督撫將道光二十二年漕糧除蠲緩外實在起運約計若干萬石確切查明咨復由該漕督彙齊趕緊先期具奏毋令玩延貽誤東華續錄

二十六年諭軍機大臣等寄諭兩江總督暨江蘇巡撫程喬采漕糧為天庾正供支放攸賴每歲京倉應放俸米甲米各項共需漕糧三百數十萬石顆粒不容短少亦不能暫緩時日太倉舊時積蓄因歷年漕糧短額均已動放無存覈計各倉見存糧數僅可放至新漕抵通之時是明年漕糧必需四百萬石至少亦需三百七八十萬石方足以敷支放近年以來各省歲運額漕逐年短少江南一省江安蘇松兩糧道所屬緩缺尤多似此有減無增年復一年伊於胡底且以京師官兵俸餉立待發給之款儻因漕糧缺額以致發領不能足數彼時即將該督等加以重懲亦豈能補救萬一朕軫念民隱凡各省奏請蠲緩無不立沛恩施江南地方近年即有偏災朕亦不必遽疑為捏報惟本年懇請蠲緩者竟至五十餘州縣之多或因辦理漕務兌錢繁重藉此為體恤地方之計豈意京倉於不顧耶其南米米如有災缺例應蠲動常平倉穀或於附近豐收地面採買概不准率請截留漕糧致缺京倉放款東華續錄

咸豐三年諭軍機大臣等據全慶等奏請將通州白糧以放為運較為妥速著照所請即將天津西中兩倉白

糧除現在提放春俸米石外其餘米五萬餘石即濟於九月內趕緊接續開放來年秋俸務期十月中旬以前提放完竣以省轉運至寄國太平倉米八萬餘石並准其暫行改撥城內七倉收儲所有圓明園各旗營甲米稜粟二色照舊由本裕豐益二倉開放其粳米一項即暫由京倉支領仍著該侍郎等於明歲春融將城內暫存米石仍運赴本裕豐益二倉以備就近支放 聖訓

又 諭軍機大臣等寄諭倉場侍郎戶部奏謹畫收放倉糧請變通辦理一摺所有本年王公及三品以上官員應領秋季俸米著照所請於六月內先行支放其六七兩月應放八旗兵丁甲米著於城外四倉內已收米石先行儘數動支現在抵通起運之米著即全數運入城內七倉收儲毋庸寄國太平倉其西中兩倉及城外各倉應行轉運城內一切變通辦理之處著該侍郎等迅速妥議報部駁辦 聖訓

四年諭戶部侍郎寧懋衍奏京倉支絀請飭廣東探買米石以資接濟一摺前以江南等省漕運到通恐有梗阻降旨令葉名琛柏貴勸諭官紳捐銀辦米運赴上海兌收轉運天津又據該督撫等將辦理情形覆奏茲據該侍郎奏京糧亟應籌備廣東高廉雷瓊等府素為產米之區且洋米到粵者尤為饒裕請飭官為採買徑運天津並請於屯田溢坦地畝變價及捐輸銀兩內撥款辦理等語本年江安江西湖南湖北等處漕糧未能運通江蘇浙江海運尚未兌收放洋其餘省分復有截留縹緲之處自應及早綢繆以裕支放 東華續錄

八年諭內閣端華等奏正藍旗支放甲米不堪食用並倉場侍郎崇綸等查倉御史范承典奏倉米微變各一摺本月初五日舊太倉開放正藍旗滿洲甲米查看厥內米石微變不堪食用經該都統等赴倉查驗所關盛字厥內米色黝爛竟至二萬餘石之多顯係花戶使水舞弊實堪痛恨舊太倉花戶王瑞著即解刑部嚴行

審訊所有徵變米石賣成花戶等照數賠補監督錫純高鐸於該倉米石潮濕並不督飭花戶認真挑晾亦難辭咎均著摘去頂帶一併先行交部議處並著倉場侍郎查明如有徇縱情弊再行從嚴參辦至該旗應領甲米應如何另行支放之處著戶部查照辦理 聖訓

光緒二十二年上諭啟秀等奏特參倉監督開放兵米糶糶不堪請旨懲處一摺本年七月分南新倉應放鑲黃旗蒙古兵丁甲米據該都統等呈進米樣且稱該監督一味支吾任意刁抗著倉場侍郎查明放米情形據實具奏仍將應放兵米迅行開放毋誤兵食該倉監督何以僅止廣瑞一員其漢監督因何未經到倉之處著一併查明具奏欽此 聖訓

右支放米石

京通各倉廩座被雨坍卸該監督不先時報明致將米石泡爛除著賠補修外仍交部嚴加議處則例康熙十九年以浙江杭州等府上年旱災恐米價騰貴 命動支庫銀四萬兩往湖廣江西糶米平糶建備米倉廩奉天等處城守征收雜稅令於米價賤時購貯 內府修造倉廩名曰備米遇有緊急以資撥用通志康熙五十四年覆准凡修造倉廩照一應修建例三年內如有坍塌滲漏木料損壞著落原監造官賠修 會典事例

雍正三年奏准通倉向有席片鋪墊例無板木京倉以板木鋪墊十年一換應將京倉木板展限至十六年一換所餘木板鋪墊通倉 會典事例

四年題准京倉舊例每版用松板五十塊楞木五根給鋸板工價銀八兩四錢嗣後每版滿鋪用松板百有十

塊並將楊樹錫一萬四以代楞木應用補板五十二塊補板工價每板准給銀十二兩九錢三分七釐

例

五年戶部奏京通十三倉倒塌滲漏應修之處交倉場侍郎岳爾岱劉於義查明分派托時陳守創等名下勒追奉 上諭此事交與岳爾岱稽查實屬繁擾著將伊等應賠修理倒塌滲漏倉廩所用之錢糧及尋爛米石二項逐一查清分爲四分令其賠補托時陳守創各令賠補一分其受交代之監督內已過六個月者則與前任監督無涉令現今離任之監督賠補一分著落股式訓賠補一分其接受交代已經兩個月以至五個月者將前任監督與現今離任之監督各令賠補一分若接受交代一個月者則與現今離任監督無涉應令前任監督賠補一分仍著落股式訓賠補一分雍正內閣 上諭

又 諭倉場米石乃國計民命所關顆粒皆當珍惜必厥座墜完無損壞滲漏之處米粟方不至於虧爛國家政務莫重於此朕宵旰勤勞時切虛念百計經營布置卽如厥底之板及四圍之牆尙不惜數十萬帑金創造修整則身任倉場之責者自當加意慎重以仰副朕懷倉廩上蓋修理乃極易之事況伊等屢次奏過不時動茶果銀兩修理朕意必然完固豈有厥座損漏至此而竟置若罔聞托時陳守創身任倉場全不實心料理以致各倉厥座損壞滲漏處凡九百二十九座米粟竟有霉爛者員朕委在深恩實出意料之外况托時陳守創常常進見亦並無一語奏聞甚爲瀟灑著將托時陳守創及各倉滿漢監督盡行革職解任至御史股式訓專司查倉之責乃敢扶同徇隱亦著革職解任凡各厥座損壞滲漏之處俱著動支正項錢糧修理若仍交與舊任各員必致苟且塞責虛費錢糧不能實在完整著欽差都統御史通永道等同新任倉場侍郎監督官員實

心料理務期修理完固仍著托時陳守創殷式訓及解任之舊監督一同看視每倉修理動用錢糧若干卽著本倉監督與托時陳守創殷式訓分賠補項其有霉爛米石亦著伊等照數分賠其舊任監督著議政王大臣會同大學士詳加訊問如有本倉廩座全無損漏者仍留原任將新補監督撤回如從前曾將滲漏之處詳報倉場者著將情由聲明奏聞至各倉監督應賠之項如照數全完准與開復凡事當積玩相沿之時非大加改易不能整頓吏部侍郎岳爾岱順天府府尹劉於義著補授倉場侍郎其各倉監督員缺著各部院速卽挑選人員引見順天府府尹事務著申大成暫行署理 雍正內閣 上諭

又諭戶部石壩等處修建號房原爲堆貯倉糧其拆改蓋造之費自應請動正項錢糧乃倉場侍郎岳爾岱等奏稱石壩經紀願捐銀三千兩以爲人工物料之用并價買空房以足五十間之數以國家應用經費而令起運官糧之經紀捐輸所奏甚屬不合著將動用正項錢糧蓋造之處議奏 雍正內閣 上諭

六月上諭京城添設倉廩收貯米石甚屬緊要前交與工部會同倉場衙門相度高阜之處興工修蓋已逾數月未經議覆工部是何意見著吏部侍郎普泰署戶部侍郎常德壽會同工部作速相度地方乘此天氣晴明路途乾燥採運物料修蓋倉廩以便來年收貯米石 雍正內閣 上諭

乾隆六年奏准倉中竹席板木向係收貯各倉空廩今積貯充實並無空廩收貯應於各倉相間之處依兩邊廩牆下用柱脚上加橫椽蓋瓦前檐砌牆後檐用開板每倉修蓋三五處以資收貯 會典事例

七年奏准各倉廩上設氣樓窗榻每致鳥雀出入傷耗糧米嗣後均用竹篾編成榻孔釘於窗榻之上 會典事例

又奏准京城內外各倉有安設博縫者惟富新等倉向未安設照式加增會典事例

八年奏准各倉廩抽換板片例應工部委官查驗銷每因新糧到通需廩貯米不及候驗嗣後抽換板片新糧未到之先及糧務完竣之後仍咨工部委官查驗如遇新糧到通之時由倉場侍郎委官就近查驗咨部銷會典事例

十二年覆准建造京倉看倉旗員兵丁等房鋪共四十一處定限三年保固並令倉場侍郎隨時查驗修補各倉舊造木斛每張例給工料價值銀七錢限三年一造會典事例

十八年諭向來旗員承修廩座往往慮及工部料估之數不敷輒轉議增議減以致遲延時日嗣後各倉遇有應修工程著工部倉場該旗各派司官一員會同料估修理通考

議准修理京倉數在百兩以上者由查倉都統移咨工部查估咨覆該都統奏明興修工竣仍由工部查銷修理通倉即令查倉御史倉場侍郎造冊彙題由工部覈議興修會典事例

三十年議准修理倉廩銀數在百兩以上者由工部查估送查倉大臣具奏辦理銀數在四百兩以上者由工部知會內務府派員同修在四百兩以下者由工部專員修理本倉監督隨工查驗仍令查倉大臣不時稽查工竣後查倉御史查收將承修官職名及修理年月銀數造冊存貯再遇興修敘明入奏會典事例

五十九年奉 旨此後工部零星工作在數百兩以上者著工部堂官一員輪直督率司員妥辦設有浮冒偷減等弊惟輪值堂官是問在一千兩以上者仍照例奏請簡派大臣辦理會典事例

嘉慶六年議准各倉監督報修一切工程如動用戶部銀兩者照在京工程之例銀數在千兩以上者奏請

欽派大臣查估承修在千兩以下及二百兩以上由工部派員估奏輪直堂官督率司員修理在二百兩以內者亦照在京工程之例由工部派監查估承修造竣取具該倉監督衙押工冊呈遞派員查驗咨銷如動用坐糧廳庫貯銀兩者由倉場飭該倉監督自行修理工竣造具冊結送部派員查驗咨銷會典事例

十四年奏准在京祿米南新舊大海運北新富新興平太平萬安裕豐儲濟本裕豐益等十三倉拔草拘抵由各倉監督自行估計每年動支銀不得過五千兩在於坐糧廳茶果等銀內領給造報工部題銷會典事例

右修理廩座

糧運京運通水陸運費過場過關買運腳價各有成例按數支發會典事例

一京通倉每進米一石給倉役腳價銀一分二釐七毫內抗米打版掃廩銀肆釐打捲掃廩銀一釐回空記袋

銀一釐貳毫抱籌擡解鋪廩銀七毫拌米銀貳釐伍毫寫送循環簿銀捌毫厚款銀伍毫拾袋車銀捌毫堆袋

房銀貳毫翻跳銀伍毫抖袋銀伍毫俱減半核給唯本裕倉每年進米甚少照原額十成支給至豐益倉凡

倉役腳價等項亦照本裕倉十成支給

一本裕豐益二倉開放 圓明園健銳營火器營兵丁甲米每石給該倉簡票制錢二十一文其祿米南新

舊大海運北新富新興平太平萬安裕豐儲濟等十一倉開放在京八旗兵丁甲米每石給該倉簡票制錢

二十四文嘉慶五年奏准以為花戶人等飯食之用由寶泉局官為墊給仍於兵丁錢糧檔內聲明坐扣還

項

一八旗支領甲米豆石應用車輛令各該旗自行雇用毋庸官定價值由部領扣倘承辦之人任意浮開一

經告發卽行嚴辦

一各廠領糶各倉成色米石領

每石准給制錢三十四文西城

二倉米中東二城每石均給制

城每石准給制錢七十文通州

一千准給車脚制錢四文以上

順治初年定土石兩壩起運京通

石覈給脚價會典事例

十年題准石壩經紀自壩由裏河

又覆准白糧經紀由石壩裏河五

又覈白准糧經紀於石壩裏河負

又覆准大通橋負運白糧落厓堆

康熙三十九年覆准漕糧抵石十

裁革歸併經紀每石給銀一釐由

各給車戶銀二分九釐會典事例

四十一年覆准大通橋車戶運米

例

四十四年又准通州倉運送白米並紫老米至內務府倉戶部內倉每石給車價六分會典事例

雍正二年定運米經紀車戶掣欠賠抵之例經紀運米到橋車戶運米進倉舊例每米五十袋抽掣一袋一袋短少餘袋例算於各役脚價內扣賠至是定經紀係船運每十萬石定掣欠二百石大通橋車戶係陸運每十萬石掣欠二百五十石通倉車戶係水陸兼運每十萬石亦掣欠二百石每石秬米作價銀七錢秬米六錢准於脚價內扣抵若欠數多除不准脚價扣抵外照盜賣漕糧例治罪每秬一石作價銀一兩四錢行地方官將家產變賠通考

五年覆准漕糧於石壩起斛之後向用水脚由號房員運上船今石壩裏河水脚裁革歸併軍糧經紀每石給銀一釐會典事例

八年又覆准五城領賣通倉米向例自通至京程途四十里計程覈給脚價其運送四鄉八廠出糶應照例按程覈給會典事例

十二年又題准京通各倉收糧舊例雇夫負米入廠包圍名曰雇長每石給銀八釐負米到圍名曰小甲每石給銀四釐鋪廠打搭抱籌據斛京倉名花戶通倉名甲斗每石給銀七毫共給銀一分二釐七毫今每項減半實給銀六釐三毫五絲其本裕一倉每年進米無多仍照舊例發給會典事例

又題准大通橋車戶運送白糧進內倉每石給銀二分八釐會典事例

又覆准運進本裕倉由石壩裏河五關駁運至大通橋轉交車戶起車陸運每石給經紀石壩外河員米落處

脚價一釐襄河貢米上船脚價一釐五關撥運至大通橋脚價二分四釐普濟平下平上慶豐四關水脚貢運過關上船共銀一分二釐大通橋水關貢米落崖堆貯號房脚價三釐大通橋車戶陸運至倉每石給脚價九分四釐以上每石共給銀一錢三分五釐會典事例

乾隆十年題准豫省祥符等九縣採買黑豆四萬石運至通倉連運價雜費每石合銀九錢一分二釐三毫由通運京脚費計程四十里每石加車價銀五分二釐統計價費在一兩以內應統限十一月內辦起務於來春三月全數抵通自通運京兌交倉場侍郎代收轉運需用布袋等項就近借撥會典事例

右運米脚價

皇朝政典類纂卷一百四十四

倉庫四

庫藏 京師庫貯事例 銀庫 緞疋庫

管理三庫大臣滿洲一人漢一人掌三庫之政令凡庫慎其守藏一月終具出納之數以聞越歲彙覈而奏銷焉會典

內府六庫屬廣儲司初設御用監順治十六年改御用監為廣儲司十八年分設銀庫緞庫皮庫衣庫康熙二十八年增設茶庫磁庫通考

戶部三庫曰銀庫在戶部曰緞疋庫在東華門外曰顏料庫在西華門外 朝廷經費及物之待給者取諸三庫所司籍其數移戶部部稽其籍相符乃牒諸掌庫官掌庫官受其牒而書之頒之承用之府發實而發之通考

一三庫驗收錢糧物料之後將該管吏役有無需索之處面詢原解官役如無需索責令出具甘結粘連批後鈐印並發

一三庫總檔房驗發批迴凡在京各部院衙門無庸責取領狀其直省解部錢糧緞疋顏料俱令於起解之初隨批填具承領批迴印領於事畢後持領摺批領式附後

某省某衙門差官 登管解某項緞疋 銀兩 顏料所有批迴幾紙理合出具領批印領交該解官 役持赴三庫總檔房查照換給批迴所領是實 年 月 日

一凡應發批迥三庫總檔房於將發前一日移付該司轉傳解員役依期赴領或別有事故不能赴領者該司將情由移明總檔房存案稽核則例

一餉鞘到部不論遲早庫大使照數點明督令原解官役投批將鞘運入銀庫大門堆貯至夜責成在庫人役加謹巡邏其搬運銀鞘令原送人夫經手不准濫雇應役若門役包攬需索當月司員及大使廳官嚴拏究治

一卯錢按月解庫由局派大使一員帶同爐頭數人運送到庫每錢拾串繫一木牌填寫爐頭姓名以備稽考如無爐頭姓名即行駁回庫員照官定勦兩由工部製造庫秤一杆與局存官秤較準用秤驗收如有短少惟局員是問既收之後每月搭放兵餉由庫員會同江南道御史及戶部監放官支放如有短少惟庫員是問倘積存卯錢過多庫內不敷堆貯即隨時奏明於兵餉及各項工程一併增加搭放

一收放錢文令庫員率同筆帖式庫使等小心查察並飭令看守銀庫旗員兵丁兼攝管理如有疎失分別懲處

一各衙門及八旗彙總承領俸餉等項銀兩文領內均註明承領官銜名由戶部承辦司分據咨具稿辦劑呈堂簽書並設立支發總檔令承領官親身赴部畫押監放官驗明印領列銜畫押隨帶承領官赴庫賬同支領其雜項 恩賞及例給盤費等款該大臣官員實有不能親身赴領者由戶部承辦司分派員赴庫支領付給俱不得在聽部吏領催代領滋弊倘有混冒責在監放官若吏役等故違禁令嚴拏究治仍令各衙門將一應支發銀兩分年按月造冊查核報銷

一銀庫書吏役滿責令將經手冊稿件自著役日爲始與接役書吏逐一交代並責令接役書吏出其前無遺失未清甘結存案以上均則例

銀庫銀作百成造金銀器皿首飾裝飾數珠小刀皮庫皮作百洗刷皮張成造各燈及寶蓋流蘇瓔珞之屬瓷庫銅作百鑄造銅錫器皿及成造樂器緞庫染作百染洗綾絹布疋絲絨棉線氈毯及揀絹彈粗細棉花衣庫衣作百成造衣服縫合皮毛繡作司刺繡茶座花作司成造各色綾絹紙絹通草供花及燕花餅花各作現設各項匠人一千二百六名內召募民匠二十一名會典事例

順治初年定庫內出入金銀制錢緞紗綢綾羽緞氈氍人參紙張各色皮張銅錫等物均於次月繕摺具奏會典事例

順治初年定三庫統歸戶部管理嗣分屬各部寺收支兼設巡庫科道會典事例

又題准設後庫滿洲郎中四人員外郎二人司庫六人筆帖式十人會典事例

十二年定分爲銀庫緞疋庫顏料庫三庫設理事官二人掌庫印增設司庫三人筆帖式二人會典事例

又奏准各庫鑰匙每晚交送 內庭收貯會典事例

十八年改設銀庫緞庫皮庫衣庫分掌出給會典事例

康熙年間奏准打牲烏拉歲進東珠銀庫官同都察院司官會工部官揀選等次內務府總管工部堂官復加揀選分別貯匣進呈 御覽後仍交總管分類貯庫用時奏定等次數目總管詣庫監視庫官揀選貯匣呈 覽應用會典事例

康熙四年奉 旨各庫鑰匙交乾清門值宿侍衛班領會典事例

康熙十四年議准管庫官將庫內物件不行固貯以致庫司等偷盜者降一級調用罰俸一年會典事例

十八年覆准朝鮮安南琉球暹羅等國進貢金珠銀幣布尊香紙銅錫等物由禮部轉送蒙古王貝勒喇嘛等

貢物由理藩院轉送各庫驗收咨覆會典事例

二十五年定管庫官分隸三庫各按所司掌稽出納滿洲掌印郎中每庫各一人員外郎每庫各一人司庫每

庫各二人筆帖式每庫各八人庫使銀庫十有二人緞疋庫顏料庫各十人經制書吏每庫各一人顏料庫內

監六人樓軍八人匠役四十二人銀庫匠役三人會典事例

又奏准匠役有特等精巧者給食銀二兩次等精巧者一兩五錢會典事例

二十八年奏准凡恭遇 躬祀 壇 廟亦司官司庫各一人緞庫衣庫茶庫庫使各二人按期齋戒恭奉冠

服袍帶以從會典事例

三十九年奏准銀庫備用銀緞庫官用緞生絹棉布茶庫香料茶葉各色紙張顏料紫壇花梨等木瓷器庫銅

錫鉛等如不敷用者移咨戶部領取緞庫制帛茶庫寶砂移咨工部領取會典事例

四十四年諭銀庫緞疋庫顏料庫郎中員外郎向係將本部官斟酌選補嗣後將各部院官員保舉引見會典

事例

雍正元年 特命王公大臣總理三庫鑄給印信會典事例

二年設大使每庫各一人增設員外郎每庫各一人銀庫銀匠三人卑役三人庫丁四十人緞疋庫庫役二十

一人顏料庫庫使一人樓軍二十八人其大使書吏每庫各一人阜隸每庫各二人裁銀庫司庫一人筆帖式
二人庫使六人緞疋庫筆帖式五人庫使一人顏料庫筆帖式四人匠役一人內監六人設三庫掌案主事一
人筆帖式二人書吏二人阜隸四人案銀庫現設銀匠二人庫丁二十七人緞疋庫庫役四十八人顏料西什庫
庫吏八人 會典事例

又題准各省將解送銀緞顏料限定日期或差官某人或差役某人某項銀緞顏料若干木鞘包箱若干均用
印封封固於某日起程幾日到部豫行知會大使文到令大使呈報總理三庫大臣及庫官俟銀物解到之日
將批文登記號簿送承發科卽令該司司官公同監收呈報總理大臣至劈鞘時令大使看劈如有補交短少
銀者令大使公同該司司官到庫驗收將點鞘承辦之處專責大使門官不得干與會典事例

又奉 旨廣儲司所用工錢不必入於月奏仍照支領工部制錢之例將庫錢補足三千貫備用俟用過二千
貫之後奏取以足三千貫之數會典事例

四年奏准凡向六庫支領之物現有者不得過六日轉取者不得過十日各按數給發會典事例

又奏准六庫月摺限三箇月內詳加覈算具奏會典事例

四年奏准凡開庫令庫官司庫未入流司庫各一人庫使三人公同啟封事照例封識如遇夜間開庫值宿
司庫傳集六庫值宿之庫使從值宿之總管率領開庫再向例庫鑰係值宿庫使二人每晚兼交 乾清門值
宿侍衛次日仍由庫使二人領回分給各庫嗣後六庫每日令庫官一人值宿其取送庫鑰令值宿司庫率庫
使二人司其事每晚封庫後交守庫值宿護軍校等看守次日庫官驗看封識會典事例

諭各省解部錢糧收兌之時短欠之數甚多從前外省解部銀兩於正項庫平之外有加平隨平飯銀掣批等項其暗中包攬官吏勒索種種雜費又不一而足此內外所共知者自怡親王總管三庫以來實心辦理潔已奉公前此弊竇已盡剔除外省解餉浮費實減省十分之八九此亦內外所共知者何以解京之項短欠俱如此之多蓋緣各省藥庫季報實存銀兩悉令撥解京餉藩庫倘有虧空不能掩飾於地方官甚有不便故將解部之項輕平彈兌或扣存於解官私空致使必有短少以見銀庫有彈兌苛刻之聲名為將來協撥存留那移掩飾之計此事其有關係嗣後解部銀兩若短欠無多者仍照舊辦批行令本省補解外其短欠多者將原銀仍交與解官留京看守行文該布政使司令其親身赴京到庫自看彈兌務令對證明確若原無短少則咎在庫官將庫官從重議處如果解送短少定將該布政司從重治罪所缺銀兩照數追賠各該布政司以諭旨到日為始凡有起解銀兩遵照奉行雍正內閣 上諭

五年奏准大庫黃冊限次年八月內題銷藍冊限次年九月內呈堂會典事例

又奏准大庫互相領取之物該庫庫使持圖記領文赴庫支領豫日開明應領物數鈐用圖記送廣儲司由司批庫照驗該庫圖記領文給發會典事例

又奏准內務府轉取戶部銀緞顏料等物月終一例將原稿送都察院覈對會典事例

六年奏准每五年一次奏請 簡命司員清釐大庫會典事例

七年奏准每年領過戶部物件除都察院察覈外限於十一月內題銷蒙古貢馬折賞緞疋於次年三月內題銷會典事例

八年奏准更籌管理戶部三庫衙門印信會典事例

十年奏准賞過銀緞人參皮張每半月一奏會典事例

八旗都統等議覆添設看守倉庫之員請於降級調用革職人員內揀選引見奉 上諭看守倉庫所添降調革職人員俱係本身犯罪降革之人所犯之罪輕重不等其中亦有人去得者大概無用者居多若有用之人惟令看守此等處所似覺可惜若無用之人令其看守倉庫緊要之地反於事無益爾等理應加意選擇務期得人將伊等分作兩次帶領引見再爾等奏稱所選廢員若不勉力行走卽從重治罪並未議定如何治罪伊等若仍不悛改不肯實心効力如何從重治罪之處爾等定議具奏雍正內閣 上諭

乾隆元年遵 旨議定六庫月摺分別舊管新收開除實在款數繕總摺一併具奏會典事例

三年奏准三庫郎中員外郎在庫行走三年滿後於各部院衙門滿洲郎中員外郎內遴選保送引見調補

司庫五年一更期滿以應陞主事卽用司庫員缺於三庫筆帖式庫使內遴選題補會典事例

又奏准增設銀庫大使一人經制書吏二人會典事例

五年議准匠役缺六庫郎中同該庫官遴選充補一年爲學手二年爲半工三年爲整工如三年後不能造作

卽革除有特等精巧者奏明加增錢糧會典事例

又題准增設銀庫大使一人於三庫筆帖式內遴選題補五年期滿照例以應陞之官卽用會典事例

又奏准凡遇謁 陵 巡幸大庫齋備銀緞貂皮人參制錢等物俟回京之日將用過物數呈堂併入月奏會

典事例

七年奏准各處支領六庫之物不得籠統一文咨領數庫令開列細數按庫移文以免牽混會典事例

九年奏准三庫掌案主事並三庫司庫大使筆帖式庫使均三年更代主事年滿於部院滿洲主事內遴選保

送引 見調補司庫年滿各部院滿洲正七品從七品小京官內遴選保送引 見調補庫大使年滿不各部

院滿洲筆帖式內遴選保送引 見調補各以原銜食俸停止五年期滿保題陞用之例三庫筆帖式年滿於

各部院滿洲筆帖式內保送每員缺遴選一人保送引 見調補三庫庫使年滿於各部寺庫使內遴選保送

引 見調補會典事例

十年奏准 養心殿造辦處每月向庫支領之物分別實用暫用各庫於月終開列給過物數清冊送廣儲司

由司彙齊六庫清冊覈對該處來文將某庫某物實用若干暫用若干移文該處覆覈仍咨覆本司會典事例

十三年奏准看守三庫官兵銀庫旗員五人兵十人緞疋庫旗員四人兵五十人顏料庫旗員八人兵四十一

人均令上三旗選委賢員遇換班之日前往稽察仍令所委稽察官在庫投遞職名以備註冊如有於空班到

該旗立即題參備稽察官徇隱姑縱經庫官查出除將守庫官參處外稽察官亦交部議處會典事例

又奏准內務府六庫事務於六部員外郎內每部 簡命一員兼管仍令該員兼辦部務會典事例

十四年奏准銀庫緞疋顏料二庫每庫郎中一員員外郎一員銀庫司庫一員緞疋顏料二庫司庫各二員將

銀庫官分爲四班緞疋顏料二庫分爲五班每日一員在庫值宿銀庫內庫每日章京一員護軍校等十員進

庫值宿又護軍十名留於庫門外巡邏外庫值宿之郎中員外郎司庫等口酉刻前赴內庫看視進庫後將門

封閉再回外庫值宿次日卯刻仍往內庫放出將門封鎖至十月十一月十二月於申時放進辰時放出會典

事例

又奏准戶部銀庫額設庫役二十七名內頭役四名散役二十三名絨疋庫庫役四十名內頭役六名散役三十四名顏料庫庫役二十八名內頭役八名散役二十名如遇頭役缺出卽以散役內擇其勤慎年久老成者遴選充補遇有散役缺出令該頭役等出具互保各結呈該管庫官批准始准承充會典事例

三十五年奉 旨六部人員兼攝六庫者定限三年更換其有陞任等事內務府大臣不准奏留會典事例

三十九年奏准六庫事務每年一換奏請 特派內務府大臣值年仍請於監察內務府事務御史二員內輪流一員協同查辦會典事例

四十四年奉 旨廣儲司六庫養心殿月摺俱照依戶部三庫將本月進用款項卽於下月具奏會典事例

嘉慶五年議准內務府三庫郎中大庫員外郎定限以三年更換缺出總管大臣於郎中員外郎內保舉數員帶領引 見會典事例

六年諭向來管理戶部三庫事務大臣並無年限但究係特派差使自應仿照管理崇文門稅務之例按年更換所有戶部三庫事務嗣後卽於每年具奏實存飯銀摺內聲明請旨派員更換不必另行具題著爲會典事例

十四年諭向來簡派三庫大臣俱係一年更換於庫貯利弊未能盡悉嗣後著定爲三年更代每屆三年之期卽著派出之管庫大臣奏請簡派大臣數員將庫貯各項會同盤驗再行交替用昭覈實 聖訓

十五年諭內閣吏部議處失察假印冒領庫項各員一摺此案書吏等通同舞弊私雕假印冒領各處庫項至

十四次之多非尋常疏玩可比所有部議革職降調留各員俱著照所議行國家設官分職大小臣工均應殫心竭力剔弊除奸乃近日各部院衙門因循怠玩相習成風推原其故由於各大臣等思避專擅之跡惟以含容博寬大之譽推委邀安靜之名虛稱辦事實則廢弛不肯正色率下綜覈名實一切文移奏摺委之司員而司員中又無實心任事之人一切委之胥吏聽其播弄盡諸施行胥吏等蔑視日久舞文玩法無所不為漸至肆無忌憚朋謀盜竊成此巨案試思朝廷政柄操之自上若大臣盜權壞法則為太阿倒置今幸綱紀肅清大臣等尚無此弊而大臣委權於所司所司委權於胥吏若輩奸猾性生勾結朦混竟層層受其欺蔽無一人能摘奸發伏者部院衙門如此則外省吏治尚可問乎經此次嚴懲後部院諸臣各宜洗心滌慮振刷精神視國事如家事堂官嚴率所屬司員嚴察吏胥大小相維賢愚有別庶人舉其職不難諸弊澄清日臻上理矣將此通諭中外知之 聖訓

二十三年諭戶部三庫總司出納事務較繁著派戶部滿漢左侍郎兼管向來管理三庫大人僅派二員著添派廖鴻荃陳官侯嗣後凡遇收放銀兩日期六六中輪應一人親往監視並專司啟閉不准稍有曠誤其管庫大臣統俟三年期滿再行奏請更換所有銀庫司員即責成管庫之大臣兼管之侍郎隨時留心察看如才具中平不能得力即咨回原衙門當差備查有訊法營私之員著即嚴參懲辦毋稍姑容該大臣等務當振刷精神力除弊竇儻日久生懈又復視為具文朕惟有執法從事不能再邀寬典也懍之東華續錄

又 諭內閣恩桂等奏盤查捐項完竣一摺現在盤查豫工事例捐項並捐輸經費銀兩據稱尚無短絀至該庫各款存貯之項為數甚多若徹底監查有需時日著責成管理三庫大臣以放代盤此後各項應行上庫銀

兩另行封貯不准動用俟前項放完時有無虧短據實具奏至嗣後庫銀收放銀兩應如何分期辦理以免擁擠牽混之處著管理三庫大臣會同戶部妥議章程具奏

聖訓

又諭內閣戴銓等奏酌擬管庫司員查庫御史罰賠銀數並管庫查庫王大臣管理盤查年分分別開單呈覽管庫司員查庫御史均有收發稽察之責乃喪心昧良釀成巨案著自嘉慶五年起至道光二十三年歷任庫官查庫御史各按在年月每月罰賠銀一千二百兩已故者照數減半其因此案先行降革之榮慶等六員並甫經卸任之薩霖宋林際均加一倍罰賠其歷任管庫查庫之王大臣亦應覈其年月次數分別罰賠所有嘉慶五年以後管庫王大臣著每月罰賠銀五百兩查庫王大臣每次罰賠銀六千兩已故各員按數減半其應如何酌定期限及逾限不完作何治罪並庫丁人等應如何究懲之處著戴銓穆彰阿敬徵裕誠賽尚阿明定章程具奏此次單開各員內有無遺漏舛錯之處並著再行詳細確查隨時具奏

聖訓

又諭內閣裕誠等奏戶部銀庫章程一摺嗣後外庫著隔一年奏派王大臣盤查一次其內庫及緞匹顏料二庫著隔二年盤查一次均著會同管理及兼管庫務之大臣認真稽覈

聖訓

咸豐四年諭內閣載銓花沙納奏審明書吏抵換解庫銀兩從重定擬一摺此案戶部井田科書吏黃遇清銀庫書吏孫錦齋順天府役滿書吏范鶴亭於解庫款項贖取通同舞弊買鈔抵換銀兩實屬飢法營私罪無可道黃遇清孫錦齋范鶴亭均著依擬斬監候入於明年秋審情實辦理戶部井田科掌印郎中那瀛泰於書吏屢次舞弊毫無覺察著卽革職標付點燹疏忽之郎中倪應觀員外郎梁元桂主事裕豐濮慶孫解任主事夏家赫及隨同書押之郎中倭克進等七員著一併交部分別嚴議議處郎中延愷現在出差著載齡等取其該

員親供咨部覈辦承審此案草率定讞以致罪名互有出入之刑部司員著查取職名交部嚴加議處戶部堂官失察書吏舞弊多次迨賈楨查明復奏稱該司員等自行查出實屬含混刑部堂官未能詳覈案情草率入奏著與失察之順天府尹並是日赴庫監收銀兩之管庫大臣及銀庫司員等均著查取職名交部議處著順天府尹賈楨於此案書吏舞弊先行查出著加恩改爲察議管理三庫之王大臣著一併察議

八年諭內閣戶部奏遵議沈兆霖等奏通濟庫動缺銀兩分賠追繳並籌議補救章程四條所議均屬周妥嗣後倉場侍郎著照戶部三庫之例加兼通濟庫事務銜其通濟庫印鑰由該侍郎佩帶遇有放款由坐糧廳呈請該侍郎親臨監放儻該監督敢擅自開放除責令賠補外仍著從嚴參處至先漕銀兩准其暫籌別款勻攤發給腳價惟應籌何款勻攤及何款可以裁減著倉場侍郎妥速籌畫具奏此後經紀等如實係不敷辦運不得已豫借長支准由倉場侍郎奏明辦理惟每年借支銀數仍不得過一萬兩以示限制並於奏銷冊內將借支若干實存若干分別註明儻有不符即將該坐糧廳監督嚴加議處該侍郎等亦一併議處 聖訓

同治四年諭內閣管理戶部三庫事務周祖培等奏八旗承領兵餉等款請申明舊例嚴定章程一摺前據鑲黃旗滿洲以該旗承領米折銀兩內有低潮虧短奏請查辦茲據奏稱該旗解回低潮元寶四錠令匠人等當堂燒鍊委係高銀仍如原數當經該旗章京領回內二錠旁翅係該旗自行鎔化致虧銀十五兩三錢卽按奏定章程辦理至該旗所稱實虧銀一百一兩零查各項銀兩承領時均係督率司員眼同該章京逐平彈兌各旗砵碼亦與部庫較對相符不至虧短請飭該旗自行查辦等語著照所議辦理此次該旗自行鎔化虧欠銀兩業經照章補足若不嚴定章程各該旗難保無藉口庫虧圖侵蝕情事嗣後各該旗都統副都統每遇本

因山應領餉銀等款日期酌定一員親身赴庫並帶同章京暨認識銀色人役會同管庫大臣等監放監領如該旗都統副都統是日不到即將兵餉暫行停放俟各旗放竣再由銀庫定期補放其承領時如有短少照例由庫補足出具並無短少低潮甘結承領仍由該庫逐袋散給印花由承領官自行封口運回未領以前責成在庫既領之後責成在旗不准互相推諉至該旗營領銀後如經看有成色應即呈堂辦理不得自行銷化以杜流弊經此次嚴定章程之後各該旗如有藉口庫虧暗中侵蝕等弊即由該大臣將承領章京並承辦人等嚴究參辦此旨著纂入則例永遠遵行 聖訓

右京師庫貯事例

銀庫爲天下財賦總匯各省歲輸田賦漕賦鹽課關稅雜賦除存留本省支用外凡起運至京者咸入焉寶泉局鑄錢亦貯庫以待度支通考

一銀庫經收地丁項下銀兩以元寶驗收其關稅鹽課漕項等銀及一切雜項銀兩悉以散碎驗收若外省解交違式庫官不得濫行收兌

一銀庫驗收各省解到銀兩於餉鞘投批後按其解到先後隨時彈收如有短平銀兩不能即時補交者量其道路遠近定予限期令該省卽速補交完項並按解員人數多寡酌留一二員候給批迴其餘概令回省至餉鞘到庫及劈鞘兌收起止日期並平兌收發現行緊要不能兼收餉鞘日期俱逐日登記按月造冊一本由三庫檔房移送戶部承辦司分轉送江南道查核

一銀庫驗收散碎銀兩責成管解員役自行拆封拆封後庫員解員將拆封人役限同搜檢倘有偷竊立行

拏究

一各省到京餉鞘步軍統領衙門隨時密查一經解到卽派員押送赴部知會稽查御史隨到隨收勿令稽遲

一銀庫撥解賑濟撥解軍需暨外藩蒙古俸銀專以元寶驗放支發八旗兵餉支發月選官請借養廉暨一切零星支款專以散碎銀兩驗放若零星支款爲數較多元寶散碎仍准通融搭放

一銀庫經收一切銀兩由承辦司分別出具印劄印付投庫係外省解項別有解批者由司出具印付係在京各衙門隨時交項及赴部呈交之項並無解批者由司備具印劄劄內付內各開監收官職名印押花字赴庫監收務令交銀本員役親身投納不得任聽在部書吏領催包攬代交倘收庫以前款項或有外錯實在監收官若吏役等故違禁令嚴拏究治

一銀庫於錢糧收足後三日將解批鈐蓋庫印移付總檔房總檔房無論批數多少卽呈堂鈐印轉傳該解員役赴領不得以銀庫付到批少留待彙發致滋需索

一銀庫准到放銀堂劄與印領核對相符方准給發若一劄數領或數十領如八旗月支錢糧一時平兌不及者該承辦司分一面出劄一面將原領冊檔付庫磨對由庫預平臨期驗領換發其八旗俸餉處劄發八旗俸餉陝西司劄發外藩蒙古俸銀及各衙門人役米折銀俱按劄發款項數目挨次造送平單由庫預平驗放俸銀平單於劄發前三日送庫米折銀平單於劄發前一日送庫

一銀庫兌收關稅鹽課銀兩每千兩加平一十五兩兌收漕項銀兩每千兩加平五兩仍統作一千兩兌收

俟放完之後將加平銀數報入盈餘項下其地丁元寶照收照發不計盈餘

一銀庫兌收外省解到關稅鹽課漕項錢糧如每千兩加平之外偶有短少在十兩以內者准解員即時補足免其查參若每千兩加平以外短少數多將解員查參議處所短銀兩飭行該省補解仍令將因何短少之處明白覆奏若本無短少而庫員故爲輕重任意勒索者查實嚴參

一銀庫兌收外解錢糧或有成色青潮甚至底面迥異有意朦混者將該省督撫查參仍令將承辦官員如何朦混之處據實參究所解銀兩著落原解官自行看守由該省改委委員赴庫領出另傾如數交納

一銀庫經收雜項市平銀兩俱按庫平折實兌收市平每千兩較庫平短銀三十六兩該承辦司分將所交市平銀若干折實庫平銀若干核明分晰付庫查收

一銀庫經放買賣人辦買物料銀直隸歲修河工銀顏料緞疋二庫折價銀暨凡應以市平扣發等銀兩每庫平千兩扣平銀三十六兩作市平支放該承辦司分於劄內聲明扣除以折實應領庫平銀數劄發

一銀庫經放兵部鹽菜銀刑部醫藥銀光祿寺備用銀買辦草豆銀買賣人辦買物料銀各役米折月銀詳見廣蘇門各寺喇嘛口食等銀每千兩搭配成色銀三十兩該承辦司分於劄內聲明劄發

一八旗月支錢糧冊檔銀庫查對放訖錢糧之後仍由承辦司處領回存貯

一銀庫與各司往來文移俱由當月司轉行不准在庫在司書吏彼此傳送其銀庫所存一切檔案亦不准各司書吏私行查閱

一銀庫冊檔派該庫筆帖式庫使分管收貯四季輪派稽查交代出具並無遺漏并錯甘結存案以上均則

順治初年定直省起解本色物料折色銀到部各該司察驗移文庫官照數兌驗收貯出給庫收付覆各司

會典事例

十二年題准掌庫官司庫每歲終將出納銀錢造冊呈堂覈算會典事例

十六年題准直省起解錢糧徑投各部免赴京畿道挂號驗批會典事例

康熙四十五年諭凡庫內錢糧皆有交代所以易於盤查惟戶部銀庫貯銀甚多盤查甚難其出入數目必不能清楚著將每年新收銀別行收貯至用銀時將舊銀換用則易於盤查而數目亦得清楚矣會典事例

雍正二年諭內閣九卿詹事科道歷年戶部庫銀虧空數百萬兩朕在藩邸知之甚悉此乃國帑所關極爲重大故朕特令怡親王管理清查並諭怡親王爾若不能查清朕必另遣大臣若大臣再不能查清朕必親自查出朕思康熙年間之虧空此時不能清楚倘雍正年間又有虧空將來亦復不便稽查積弊相因何以經國用而教後人乎後經怡親王查出實在虧空二百五十餘萬兩深以追補爲難請以戶部所有雜費逐年代完約計十年可以清楚此怡親王欲善爲歸結之意朕思歷年經手俱有堂司官員當時任意侵濫此時置之不問令其脫然事外國法安在諭令交與戶部尙書孫渣齊辦理孫渣齊職司戶部以致虧空如此之多朕曲加寬宥並未革職只令伊查明經手官員量其家產派令完補乃孫渣齊徇情庇護私人朕念先帝舊臣不忍正法不過將孫渣齊革職而已其各員名下應追銀兩照所派數目作速追完雍正內閣 上諭

八年諭從前歷年戶部虧空庫銀至二百五十餘萬之多怡親王原曾奏請將本部餘平飯銀陸續代爲完補

朕思歷年該管之堂官庫員所司何事若不責令賠補無以示儆因令孫渣齊秉公開報著追合計所開之數原不及虧空之半其餘則皆係怡親王經理完補而孫渣齊開報又復任意高下其手甚屬不公以致追完之數甚少拖欠之項甚多累年不能清結朕思此項虧空孫渣齊之罪較他人爲重今朕念孫渣齊之祖舊日忠勳已將伊免罪釋放並將伊名下應追之項豁免則其餘人員亦當一體施恩著將各員名下應追未完銀兩悉行免追仍照怡親王所請將所存餘平飯銀代爲完項 雍正內閣 上諭

十年奏准頒給各省正副法馬嗣後解銀將副法馬封交解官齋領到部與庫貯原法馬較准合一然後兌收如有短少將解官參處儻有將法馬私行改鑄者查出參奏按律治罪庫官故爲輕重查實嚴參會典事例

十二年奏准解部銀如有短少將原銀交解官看守行令兌發官親身赴京到部自看彈兌令其對證明確若無短少將庫官從重議處如果短少將兌發官及解官分別議處所缺銀著該兌發官賠補會典事例

又奏准嗣後地丁銀解交元寶關鈔鹽課漕項悉解散碎銀以便給發會典事例

又議准外解贓罰銀除原文投刑部外銀批徑投到部由部收足後知會刑部駁案完結會典事例

又奏准八旗支領兵餉務令參領佐領驍騎校等赴庫眼同庫官彈兌收領回親身散給以免扣剋會典事例

例

又奏准各省元寶輕重不等令該督撫等轉飭州縣於傾鑄時驗足成色兌準分兩入鑪鑄鑄出鑄之後如輕重適符部頒法馬毋庸更加滴珠者文內聲明別鞘裝載如有輕短者毋庸回鑪重鑄亦毋庸更加滴珠但將應加滴珠之銀數准數目另封入鞘戶部彈兌之時係足數者如數驗收以備給發官軍俸餉其不足者卽用

所封滿珠之銀加平輝兌其元寶入於碎銀內給發會典事例

乾隆三年奏准兩淮鹽課均令傾成元寶解交會典事例

十六年諭鑾儀衛有向戶部冒領銀兩之案該部始定章程不兼清漢者竟行駁回嗣後支領文移遇有不兼清漢及應駁事件俱令收文之員即時回明堂官移查本處並將投文之人留待咨覆收文處不得隨收隨駁無可稽考如此則查覈尤爲周密而作僞者自無所容著爲例欽此遵 旨奏定凡暫畢之工程與不常支領之款項雖來文清漢兼全仍於收文後將是否某日具文請領移咨原領衙門查覈俟覆文前後相符再行給發所有在京各衙門來往文移除理藩院察哈爾領侍衛內大臣等處向無漢文順天府等衙門向無清文均免筆寫清漢外其餘各衙門文領到部如不兼清漢者照例駁回會典事例

二十六年奏准各省解部漕項關稅鹽課等項散碎銀兩於起解時關稅鹽課每千兩加銀十五兩漕項每千兩加銀五兩每鞘按數添入如到庫兌收每千兩短少在十兩以內者准解員即時補足備短少數多卽行指參併飭行補解仍令將短少緣由查明覆奏會典事例

又 諭直隸被水各屬收成稍歉現有應行賑卹之處著撥部庫銀五十萬兩以資分給但聞銀庫舊例凡遇應撥銀兩除俸餉外俱有應扣平餘此在工程等項需用銀兩原不必悉照部法支放若地方遇有災歉特發帑銀賑卹惟期間閏實被恩膏毋許不肯官吏絲毫扣剋豈可於部庫撥給時分兩稍爲輕減此次所發五十萬兩著該部於庫貯元寶內如數發往嗣後如遇賑卹之項俱照此行著爲令會典事例

三十一年奉 旨銀庫所奏月摺內地丁款下開寫經略忽微等細數緣各省徵收之時必須先有數數方可

合併計算但此等名目既已極其纖悉而稱兌時並不能將此絲毫忽微之數分晰彈收徒屬有名無實嗣後各省徵收錢糧及一切奏銷支放等事俱著以釐為斷不必仍開細數會典事例

四十一年覆准各直省地丁元寶於鑿鑿州縣銀匠姓名之外再行鑿鑿年月以昭慎重會典事例

又議准福建正雜錢糧係傾鎔十兩小錠亦令於錠面上鑿鑿年月州縣及銀匠姓名以憑稽覈會典事例

又議准外省解到錢糧或有成色青潮甚至底面過異有意朦混將該省督撫查參仍令將承辦官員據實參

究所解銀兩著落原解官自行看守由該省改委委員赴庫領出另傾交納其經手雜項市平銀兩俱按庫平

折實兌收會典事例

又議准收放一切銀兩由承辦司分別出具印劄付投庫劄付內各開監收監放官職名及押花字赴庫親

監收放務令交銀領銀本員役親身投納承領不得任聽在部書吏領催包攬交領備收庫以前款項或有舛

錯冒混等事責在監收監放官若吏役故違禁令嚴拏究治會典事例

又議准撥解賑濟軍需暨外藩蒙古俸銀專以元寶驗放其支發八旗兵餉月選官請借養廉暨一切零星支

款專以散碎銀兩驗放若零星支款為數較多仍准以元寶散碎通融搭放會典事例

又議准八旗月支錢糧一時平兌不及該承辦司分一面出劄一面將原領冊檔付庫磨對由庫豫平臨期驗

領揆發其八旗外藩蒙古俸銀及各衙門人役米折銀俱按劄發款項數目挨次造送平單俸銀平單前三日

送庫米折銀平單前一日送庫由庫豫平驗放凡遇急需銀兩不及辦劄者庫官同該司員驗明文領先行

給發仍補劄存案會典事例

又議准凡解部銀緞顏料原衙門出具印批咨文其解批由大使廳呈堂會到轉交承發科查明掛號即開具張數於三日內付庫收銀其咨文徑投該司該司照咨出具二付送庫數對俟照數驗收將批付均填收訖字樣一付存庫一付發司併將解批鈐蓋庫印移付總檔房呈堂鈐印即傳該解員役赴領不得以該庫付批無多留待彙發備解員役或別有事故不能赴領者該司將情由移明總檔房存案稽查至八旗批交銀兩其批迴由承辦司分呈堂鈐印給發仍行文知照會典事例

嘉慶十四年議准銀庫支發各衙門及八旗承領俸餉等項銀兩均令各該衙門於咨行文領內註明承領官銜名戶部專設支發總檔令該員親身越部帶押與監放官到庫眼同支領其工程銀兩辦工大臣知照戶部文內註明承修司員銜名該司員親身到部帶押會同監放官赴庫關支其雜項併例給盤費等項該大臣官員不能親身赴領由戶部承辦司員赴庫支領付給按月造冊報銷會典事例

同治三年諭內閣總管內務府大臣奏統籌庫款全局請飭部妥議章程一摺內務府廣儲司銀庫備辦內廷一切供支並紫禁城直班官兵口糧等項均係必不可少之款原係粵海關按年解交公用銀三十萬兩以供急用乃該關歷年積欠甚鉅曾經該衙門疊次奏請將該監督及該省督撫等參處並兩次奏借戶部銀三十萬兩粵省督撫及粵海關監督累次奏請改撥亦經該部衙門議駁而議駁之後仍未見踊躍報解內廷正供幾屬虛懸實屬不成事體請戶部將粵海關指撥一切款項通盤籌畫務將應解內務府公用銀三十萬兩令該監督按季全數報解迅速妥議章程奏明請旨遵辦以重要需此項公用銀兩係常年正供並非為額外工作及服物玩好之用惟物力艱難理財首宜節用嗣後宮內雖尋常工作非大不得已者亦著酌量停緩以節

費其餘一切照例進御服飾器皿等件並著總管內務府大臣等懷遵疊次諭旨實覈備辦力求撙節以示朝廷崇儉黜奢之至意 聖訓

右銀庫

緞疋庫各省所輸綢緞絹布絲綿線麻之屬咸入焉其輸自江甯蘇州杭州三織造者由部酌庫中應需之物于前一年八月移江浙布政使司轉行各織造限次年八月備供通考

一蘇州江甯杭州三織造交部緞疋由部隨時核數奏派該織造遵照解交

一江甯蘇州杭州三織造製辦解往新疆綢緞如有質地澆薄顏色黻舊經該處駁回者除照數賠製搭解外再著加十倍罰出充公以示懲儆

一凡支領緞疋有八疋六疋名目者改寫大卷四疋者改寫小卷則例

順治初年定三處織造錢糧事宜均隸戶部會典事例

又定江甯蘇州杭州織造諸局各設監督筆帖式庫使各一人三年更代會典事例

十六年覆准解到絲綿絹疋等項已經委員選驗堪用者該庫不許覆驗耽延抑勒多收違者治罪會典事例十八年奏准俟奉 上用緞疋三處織造輪委官員筆帖式馳驛由陸路運送官用緞疋輪委筆帖式庫使由

水路運至楊村報府移咨兵部用官車起運交庫會典事例

又議准江甯蘇州杭州織造官員缺於內務府郎中員外郎內揀選引 見補授司庫員缺於三處織造筆帖式庫使及在京筆帖式庫使內揀選筆帖式庫使員缺於在京筆帖式庫使內揀選均引 見調補會典事例

康熙元年奏准三處織造各增設庫使一人會典事例

康熙三年定織造事宜工部錢糧戶部報銷會典事例

又定江寧蘇州杭州三織造應解大蟒緞小蟒緞金線蟒緞暗蟒緞三等蟒緞立蟒緞大閃緞小閃緞絳花緞寸蟒絳緞次絳緞中錦草錦金字緞補緞補服料羅緞片金羅片金倭緞帽緞次帽緞滿水緞裙蟒緞蟒紗立蟒紗絳花紗裙蟒紗紗片金金字紗補紗大緞次大緞亮花緞衣素緞次衣素緞各色光素緞次光素緞揚緞次揚緞彭緞次彭緞官綢各種紗羅紡絲綾西絹杭綢三梭布三線布油墩布苳布白苳布夏布絲緯絨縐縐絹線生絲手帕以上各項如庫中應需某項酌量均派於豫年八月內具稿呈堂移付江南浙江二司轉行各該織造辦解定限於次年八月內解部如派後再有缺少不敷者隨即加派酌量限期辦解其價值均由各該司覈銷會典事例

又定山東布政使司應解棉布二千三百疋山西布政使司應解生絹一千五百疋舊解一千二百疋今添解三百疋農桑絲絹二百疋遇閏加四十四疋三梭棉布二千四百九十八疋一丈八尺有奇舊係江蘇辦解雍正三年改歸山西江蘇布政使司應解五色三梭布五千疋棉布二萬七千二百六十七疋安徽布政使司應解麻三萬四千一百五十八斤江西布政使司應解苳布五千四百九十六疋二丈浙江布政使司應解白綿二百斤白絲八千五百疋會典事例

六年奉 旨三織造各設司庫一人即於彼處庫使內選用會典事例

又奏准每年 上用緞官用緞均由水運停止官車撥送令該織造酌量雇車運京交庫如有需用緊要總定

豫咨請織造承辦動支盈餘銀爲運費仍由陸路依限交庫會典事例

又奏准 上用緞仍由陸路雇驛運送至京官用緞仍歸水路三處各有龍衣船二號歲支修理銀千兩各裁汰一號再蘇州造辦各色布亦准動支盈餘銀爲雇船運費會典事例

又奏准每年應用緞紗金線之屬均於豫年八月內分咨織造承辦會典事例

五十年奉 旨嗣後如綵綢著內務府出給印文委官到部取用事完仍令原取之官親身赴部繳明會典事例

五十八年覆准緞疋庫照銀庫例動支舊存物料將新收者別行收貯會典事例

雍正五年上諭此項綵紬向無專管人員以致短少損壞若槩令司官賠補未免枉濫以前短少損壞綵紬著內務府總管查看其交收物件務須一一清楚卽如用過綵紬若交收之時有短缺汚損者便可不收其未交者若不照數交還卽行指名題參嗣後凡一應辦用物件俱照此例各處經管之員皆有專責自能留心查察不致有虧短之弊至現在綵紬其有短缺汚損者一一記檔或可染色變價爾等酌量行之至所奏嗣後庫貯物件派出司官專管專收交代清楚毋得少有虧缺等語依議雍正內閣 上諭

七年奏准江寧織辦緞紗照杭州之例每年於藩庫現存銀內先支二萬兩辦理餘銀俟派文到日找給會典事例

又奏准 上用御衣水運原二用船嗣後裁去一船 上用緞疋仍歸陸運自雇驛脚會典事例

乾隆四年獲准織造所屬之筆帖式庫使於各司員筆帖式內揀選將名籤入簡遇有織造處筆帖式庫使員缺該織造官呈報到府準籤補用毋庸引見如織造處司庫筆帖式庫使內果有在任五年辦事稱職者該織造官出具考語保送酌量以應陞之官同在京應陞人員一併引見補授其筆帖式庫使如有過冠卽行呈堂更換會典事例

十年奏准嗣後三處織造採買 上用絲准銷銀八分二釐緯絲准銷銀七分七釐絨絲准銷銀七分五釐均於浙江之南潯雙林二處置買官用絲每兩經絲准銷銀八分一釐五毫緯絲准銷銀七分五釐絨絲准銷銀七分四釐均於新市置買其價由織造官先呈報督撫取具地方官並無浮冒印結再報明本部內務府價賤時照定價置買價貴時准其加增但所增價值 上用絲不得出二分一釐之數官用絲不得出一分二釐之數杭州綢綾絲皆重至奏銷時將逐疋所用經絲緯絲若干織成緞疋重若干應銷若干逐一分晰造冊送部覈銷如所織緞絲不純淨及分兩輕減者內務府駁回令織造官補織解送會典事例

又議准三處織造所用 上用紅圓金每丈准銷銀三釐扁金每十條准銷銀二釐蘇杭二處黃圓金每丈准銷銀三釐江寧青圓金每十有四丈准銷銀三分江寧闊扁金每五百二十條准銷銀一錢四釐雙料紅圓金每丈准銷銀三釐杭州淡圓金每十有一丈二尺准銷銀三分四釐紫赤圓金每十有一丈二尺准銷銀三分六釐大赤扁金每六百條准銷銀一錢三處官用紅圓金每丈准銷銀二釐五毫赤扁金每七條准銷銀一釐五毫杭州紫扁金每六百條准銷銀九分染價江寧大紅色每絲一兩作價銀一錢二分二釐三紅色作價銀一分三釐蘇杭二處顏色精佳大紅色每絲一兩作價銀一錢五分二釐三紅色作價銀一分五釐各色

蘇州匠向無食米每絲一兩支工價銀自一分至二分不等江寧杭州二處向係四五釐至八九釐者仍照舊例均准開銷一分至刷紗經仍照舊例開銷搗紡工價江寧杭州二處用上經絲每兩准銷銀二分緯絨經每兩准銷銀一分官用經絲每兩准銷銀一分八釐緯絨絲每兩准銷銀九釐杭州擘絳刷紗每兩准銷銀一分至蘇州向無額設搗紡支米工匠遇工雇募用上經絲每兩准銷銀四分官用經絲每兩准銷銀二分其緯絨絲凡上用官用每兩均准銷銀一分六釐再率經接經工價由三織造每疋照給工價銀八分其打線工價每工自四釐至九釐一分不等織挽各匠每名日給工銀五分月給食米四斗會典事例

又奏准三處織造一例織辦所需工價數目自應相同何至彼此多寡懸殊嗣後除多至四五工准其開銷外其多至五工以上者即令覈減會典事例

又奏准江寧現設機百張機匠一千七百八十名蘇州現設機六百六十三張機匠一千九百三十二名杭州現設機六百張機匠一千八百名外江寧現留搗紡染匠所管高手等匠七百七十七名蘇州挑花揀繡所管高手等匠二百四十三名杭州搗紡染匠挑花及所管高手等匠五百三十名是江寧杭州二處各項匠役較蘇州多至二三百名緣江寧有搗紡匠五十六名染匠五十四名月各給食米三斗杭州有搗紡染匠二百二十六名每名月給食米四斗各色染匠四十名每名月給米二斗四升不等蘇州並無此項匠工額米江寧杭州二處不便偏設但此項人役食糧年久難以遽裁嗣後或遇斥革或有病故即停募補有派織事件照蘇州之例遇工雇募空缺人役按季報部再江寧杭州二處各色染匠江寧大紅染匠既經裁去食米其工價量加增給江寧大紅每絲一兩准銷銀一錢三分江寧杭州二處各色染價向日四五釐者作爲六釐向日八九釐

者作爲一分其一分以上者作爲一分五釐開銷會典事例

十二年議准三處織造係委官買絲嗣後無庸支給盤費杭州與產絲地接壤毋庸給與運費外其江寧蘇州運絲船價車脚人役盤費等項按照程途酌定數目每歲呈報內務府查覈會典事例

又奏准江寧染匠遵奉裁減外搖紡匠五百二十六名皆自幼在局習成與民間外戶各別難以臨時募補仍按舊例以在局學成之幼匠補充斤革病故之原數照舊按名月給食米三斗會典事例

又奏准部派緞紗工料價值自宜與內務府派辦緞紗一例辦理令織造官均照新定條款題銷緯絨等絲按照經絲加增之數每兩酌減五釐價貴之年 上用緯絨絲每兩准其加增一分六釐官用緯絨絲每兩准其加增七釐如遇價賤年分卽照原定價值採買仍令浙撫飭產絲地方官確訪時價取具並無捏飾印結咨部存案俟織造官報銷到日覈對相符方准開銷如有參差浮冒卽行嚴參議處會典事例

二十年覆准江寧蘇州杭州三處織造買絲定例 上用經絲每兩價銀不得過一錢三釐緯絲每兩不得過九分三釐官用經絲每兩不得過九分二釐五毫緯絲每兩不得過八分二釐如有不敷通融辦理今浙省春雨連綿天寒葉濕露多損傷收成歉薄以致 上用絲每兩實需銀一錢三分有奇官用絲每兩實需銀一錢二分有奇實不能通融辦理准其照產絲地方價值分別經緯據實報銷會典事例

二十七年奏准江蘇棉布照時價每疋准銷銀五錢會典事例

二十八年奏准蘇州織造辦解青藍三梭布每疋准銷銀三錢七分水脚銀二分二釐會典事例

三十八年奏准三處織造解到緞疋如 上用緞疋內挑出不堪應用一二疋者著落補織不准開銷三疋以

上者補織不准開銷外將該織造嚴加治罪官用緞疋如挑出不堪應用十疋以內者著落補織不准開銷十疋以上者補織不准開銷外仍將該織造議處會典事例

四十一年議准各織造解到緞疋其分兩輕重合總稱驗若合稱而分兩不足方准駁換不准逐件稱計會典事例

又議准江寧蘇州杭州三處織造需用花本十年准其更換一次扣足年限報部更換緞價於司庫銀內撥給江寧額定銀六千八百四十三兩蘇州額定銀五千六百八十七兩七錢杭州額定銀四千四百二十八兩會典事例

四十七年議准江寧織造處每年解運緞綱改由陸運將龍衣船裁汰會典事例

又議准蘇州每年解運緞綱其水運陸運酌量是年情形妥爲辦理會典事例

又議准杭州織造每年解京緞綱改由陸運會典事例

嘉慶四年議准江南布浙江絲繭山東布江西芋布庫貯均足數用於嘉慶五年爲始停其解交會典事例
十年諭向來各省例解緞疋等項到京於崇文門查驗後其赴庫投文驗收及給令批迴均未定有限期以致不肖書吏從中嚇詐勒索各該解員日久守候賠累滋多殊非杜弊之道嗣後崇文門監督於各省年例解京物件無論何項驗明後卽速移會戶部及管理三庫衙門各該堂官接准移會卽傳令解員投文驗收限五日內交收全竣卽行面給批迴飭令毋許稍有延擱儻仍任聽胥吏私向解員索詐使費故違定限卽將該管之員分別懲辦會典事例

十四年論內閣據綿志等奏查明緞庫正庫現存緞絀數目先行具奏一摺緞庫存貯緞絀絹布等項均應駁較歲用數目計足數幾年之需此內俟何項短缺再先期行文製備其支放之時並應按照存貯年分先後挨次給發推陳出新俱歸適用今庫內所存緞大緞一項多至三千五百餘匹杭絀一項多至六萬五千餘匹其他亦皆充羨乃該庫每年仍向內庫領用並行文外省織造源源報解及支發時又不按新舊次序以致陳陳相因充物堆積日久漸成朽蠹此不但耗費錢糧且蠶絲纂組物力亦屬可惜至布匹絨斤雜貯四樓冊籍並未分析開載難於查覈以致守庫兵丁生心竊取此皆由歷年該管大臣及管庫司員等平日養尊處優怠忽疲懈漫不留意沿習因循本應自嘉慶四年以後管庫大臣及司員等俱交部議但人數衆多姑免逐一追究經此次查明之後應更定章程覈實稽考所有錦緞紗羅絲絹等項某項應俟庫存若干方准行文織解並每箇幾年盤驗一次之處著交前次派出會議銀庫章程之滿漢大學士六部尙書於香山迴鑾後一併酌議章程具奏請旨 聖訓

又議定緞疋庫支發物料各衙門支領文內先將承領官姓名註明由戶部會到發庫後由本庫呈明管理三庫堂官會到令該員先於冊檔印領畫押親身赴庫給領會典事例

咸豐十年工部奏庫存綵絀自道光十年變價後迄今三十年之久朽壞過甚飭令管庫司員查照成案分別加減估值得 旨此項變值物件止憑司員覈計尙非覈實之道著派肅順宋晉卽日前往認真查辦本屆年分雖較上次稍久惟所積愈多亦無草率減價之理必須全按市價涓滴歸公 東華續錄

右緞疋庫

卷一百四十四終

皇朝政典類纂卷一百四十五

倉庫五

庫藏顏料庫 皮庫 衣庫 茶庫 磁庫 乾肉庫 設菜庫 車庫 器皿庫 盛京銀庫

顏料庫各省所輸銅鐵鉛錫硃砂黃丹沉香降香黃茶白蠟黃蠟桐油并花梨紫檀等木咸入焉通考

直省解部顏料歲有定額其或應添解或應減解由部視庫存多寡隨時飭辦該承辦省分遵照解交則例

直隸布政使司應解黃檀木二千四百三十斤芝麻一百石會典事例

山東布政使司應解黃丹一萬斤舊解五千斤今添解五千斤黃蠟三千斤牛筋一千斤會典事例

山西布政使司應解平鐵八萬四百九十八斤舊係江蘇辦解雍正三年改歸山西舊解七萬斤今添解一萬

四百九十八斤好鐵十萬斤毛頭紙四十萬張呈文紙一萬張會典事例

河南布政使司應解黑鉛七萬六百八十三斤黃蠟三千斤牛筋四百四十七斤會典事例

江蘇布政使司應解烏梅一千斤明礬一萬斤舊解六千斤今添解四千斤黃熟銅二千九百九十三斤有奇

黃蠟三千斤銀硃一萬一千九十四斤有奇桐油一萬七千九百七十一斤有奇燈草六百斤紅飛金二千塊

黃飛金一千二百塊會典事例

安徽布政使司應解紅熟銅九千六百二十五斤有奇黃熟銅二千一百七十三斤有奇鋼一萬有六百六十

一斤好鐵十萬斤黃蠟三千斤桐油一萬六千一百一十七斤有奇舊解一萬二千五百四十三斤雍正三年以

福建原辦之四百八十三斤改歸安徽共解一萬三千二百六十六斤今添解三千九百九十一斤有奇銀硃七千七百

四十斤有奇舊解五千八百十一斤有奇今添解一千九百二十九斤 會典事例

江西布政使司應解銀硃七千五百八十九斤有奇舊解二千五百八十九斤有奇今添解五千斤桐油一萬

二千五百一十一斤有奇舊解二千五百八十八斤雍正三年以福建原解之四百八十三斤改歸江西共解二千五

百四十一斤今添解九千九百七十斤有奇 紫草一百六十二斤有奇五倍子七百九十七斤有奇舊解二百

九十七斤有奇今添解五百斤 會典事例

福建布政使司應解紅熟銅八千六百有八斤有奇舊解四千六百二十二斤雍正二年以河南江西舊解之

三千九百八十六斤有奇改歸福建黃熟銅三千一百二十七斤有奇黑鉛十萬五千一百五十七斤有奇沉

速香六百斤 會典事例

浙江布政使司應解黃熟銅一千有六十五斤桐油八千三百二十九斤有奇芽茶五千斤黃茶九十二隻計

九千二百斤黃蠟三千斤定元子五十斤 會典事例

湖北布政使司應解黑鉛一萬七千六百六十九斤白蠟二千五百斤 會典事例

湖南布政使司應解黑鉛一萬七千六百六十九斤硃砂十斤白蠟二千五百斤 會典事例

廣東布政使司應解紫降香九百斤沉香三百斤紫榆木十四段每段重二百斤花梨木十四段每段重一百

五十斤廣膠二千斤舊解一千斤今添解一千斤廣靛花二千斤檀香四百斤 會典事例

雲南布政使司應解天青一千五百三十斤有奇舊解二百三十斤有奇今添解一千三百斤次天青六十六

斤有奇石黃一百二十二斤有奇 會典事例

以上應解各物如庫貯足用則停解不足用則行取屢年增減無定數 舊解今停者直隸補杖山東紅花槐

花河南芝麻花粉白茂安徽榜紙燈草福建紫降香廣東鋼直隸山東河南安徽湖北湖南牛角弓面牛角山

東河南山西廣西生熟銅山東山西水膠江西福建湖北湖南廣東黃蠟山西西安紫草山西河南江西明礬

山西福建浙江五倍子福建廣東錫鐵江蘇安徽靛花青藤黃花粉江蘇安徽福建芽茶江蘇安徽廣西魚鱉

膠江蘇安徽江西福建浙江廣東臘硃安徽福建河南黑鉛江蘇安徽江西福建浙江烏梅安徽江西福建白

蠟福建廣東銀硃福建浙江廣西熟鐵以上停解價銀扣存布政使司庫按數解部會典事例

順治初年定直省起解本色物料由守道布政使司差委廉幹官填付勘合水陸撥夫限程扣送到京先將批

迴赴京畿道掛號方准投部各司查驗收貯卽判批迴給原解官回銷仍存案以備考察會典事例

九年議准直省解交本色顏料藥材等項酌議折銀起解會典事例

十年諭民間解辦物料銀點解戶賠累難堪其應解本色官收官解不得仍派小民會典事例

十七年題准顏料等項定限每歲八月交納會典事例

康熙七年題准各省本色顏料本年四月領銀辦買限十月解部會典事例

十一年題准顏料等項該撫委的當官役批內註定到京月日赴崇文門掛號後限五日內交納由部照批查

驗逾限者將領解官參處如已到京不卽交納或姦姦包攬及崇文門役需索抑勒者照例處分會典事

例
二十六年覆准直省停解芝麻花絨折色解部俟庫內用完再行解送其梨木板片停其解送俟需用時在京

會典事例 卷一百一十五 庫藏

購買如尺寸不符再行文該省辦解會典事例

又覆准山東等省停解牛角白炭紫草靛花均折價解部會典事例

二十七年覆准蜀道險阻解送白蠟恐致累民著停其解送將採辦價銀撥充兵餉會典事例

二十八年覆准廣東每年解送本色顏料止委府佐二人分批彙送會典事例

三十一年覆准豫省不產牛角將增辦之一千五百副改令廣東太平關粵海關及揚關每關辦解五百副揚

關每年限十一月內到部太平關粵海關限次年二月到部會典事例

三十三年諭各省解送各項物料內或有無用者亦有京師可以辦買者令該部將應解送應停止款項確議

具奏欽此遵 旨議定各省解送黃櫨木等九十九項令照舊解送白銅無應用之處將此項停解青粉等三

十八項外省價值併腳價合算比在京時價轉賣停其外解如有應用之處在京照時價採買或遇時價騰貴

京中缺少由部具題再令出產省分解送會典事例

三十八年議准各省應解物料均照賦役全書開載辦解其辦買價值路費均動正項會典事例

五十一年議准各省應解顏料等項如不堪應用將監辦官照侵蝕入己例嚴加究處該撫照不行遵委能員

例議處其辦買價值即著落監辦官及該撫分賠會典事例

五十八年覆准顏料庫照銀庫例動支舊存物料將新收者別行收貯會典事例

雍正三年奏准舊定各省解送物料有非本省所出者皆停其解送改於出產省分或貨物聚集之處令其解

送直隸山東原解牛角弓面停其解送俟庫存牛角將用完時改令出產之江南北湖湖北湖南三省分解陝西所

解紫草暫停解送俟庫內所存將用完時令其起解山西增解之毛頭紙一百有五萬張停其解送每年但將原解十有五萬張解送數年之後酌量足用再停額解會典事例

乾隆二十八年奏准每年江蘇安徽福建等省額解紅銅一萬四千二百六十餘斤今庫存紅銅不敷支放令各該省於額解外每年添辦一萬四千斤以備給發會典事例

三十四年奏准戶局洋銅足供顏料庫各處支用所有江蘇安徽二省每年添辦洋銅卽行停止會典事例

三十九年奏准各處製造細巧器皿取洋銅供用滇銅雖不及洋銅純淨而鍊至十成身分不甚相懸其鑄重器皿卽以滇銅鍊淨亦可成造嗣後江蘇安徽福建每年額辦紅銅行令停止如遇需用令造辦等處覈明非洋銅不可用者再咨該省支取會典事例

四十年議准各省解到物料限二十日覈收給批如不可收呈堂方准駁回無故遲延逾限將該管官議處會典事例

四十四年奏准每年應需京製各料令庫員嚴飭安商豫爲辦造以備給發既可得真實物料而所用錢糧仍係按照定價覈算不致糜費會典事例

六十年覆准雲南每年額辦加辦毛青七千餘斤於每年四月內飭商赴藏販運來滇於次年八月起程十月到部交納其商人赴藏運青道路費繁令地方官各捐廉俸量給花紅銀牌以示獎勵併責成土守備千總幫同青商代雇馬脚毋得勒派地方以免滋擾會典事例

嘉慶四年議准沉香降香銀珠天青二青檀漣紙毛頭紙呈文紙紫草庫貯均足數用於嘉慶五年爲始

停其解交會典事例

五年奏准 盛京將軍請領嘉慶六年分豫備 三陵等處紙張內有綠花白地倭子紙四萬張庫內向無存

貯令該庫員等飭商採買按照時價每百張價銀三錢嗣後各衙門咨取各項物料有定價者仍照例開銷若

無定價者即訪查時價酌量辦理

十四年議定顏料庫支發物料各衙門支領文內先將承領官姓名註明由戶部會到發庫後由本庫呈明管

理三庫堂官欵到令該員先於冊檔印領畫押親身赴庫給領會典事例

右顏料庫

皮庫掌各色獸皮鳥羽緞紗呢氈絨褐象牙犀角涼簾之屬通考

順治年間定每年正月初七日 奉先殿安設慶成鏡皮庫官一人司庫一人庫使二人交該管內監安設至

本月十七日收回會典事例

十年議准每壯丁十名內令五名耕種其五名歲增貂皮五張共徵二十張會典事例

康熙元年定索倫等歲貢貂皮每壯丁應納貂皮一張內一等貂皮五百張二等一千張其餘應作為三等收

納時如足數及等第將送來人賞賚不及等第送來人與未來之人一併交理藩院議處會典事例

康熙八年題准虎皮不准折算貂皮折賞布疋會典事例

二十一年議准豹虎狼狐貉灰鼠等皮及鸚鵡等翎停其捕送上好狼皮另議給賞會典事例

二十二年奏准灤州樂亭縣豐潤縣延慶州易州紫荆關等處捕鷹人等由都虞司呈堂移咨兵部各給捕鷹

印票會典事例

又議准 盛京右衛等處獺戶蜜戶蠶戶水獺戶狐皮戶每年更換信票由都虞司呈堂咨戶部用堂印給發仍擊回舊票會典事例

又奏准每年索倫貢貂及寧古塔將軍貢進所屬貂皮暫貯銀庫由總管驗視選定等次索倫貂皮會戶部堂官選定均俟奏准之後鈐印圖記貯皮庫如 盛京等處送到搜獲私貂亦如之凡二三等貂皮不敷應用於四等內選年近色佳者補之改鈐二三等圖記裏貂皮不敷選貢貂皮之年近色佳者補之改鈐五等圖記會典事例

二十三年奏准慶豐司每月交送羊皮皮庫於月終將收數移覆會典事例

又定每年皮庫鈎下之羊毛庫官秤收酌留供織長毛氈毯之用外餘備交武備院會典事例

又定山海關外屯衛等處打牲人歲輸黃狐水獺狼皮由都虞司轉送廣儲司堪用者交皮庫驗收餘駁回收過皮數移覆都虞司折抵錢糧會典事例

二十五年奏准皮庫備用染色皮張停其委官前往著將貂皮水獺皮各一百五十張交與 盛京送布來京之司庫攜回如式染就於次年送布時一併解送會典事例

又奉 旨直隸山東河南停解本色狐皮准以折色解部在京採買會典事例

三十九年議准貂皮足數不及等第者免其處分若數目不足者仍行議處會典事例

三十七年議准三旗游牧處倒斃之羊該總管每歲報府委司官一人率領匠役選取羊皮解京交庫擇其佳

者貯庫備用餘供營貧窮匠役會典事例

三十九年奏准染色皮張不必定數每手的量應染之貂皮水獺皮令盛京司庫攜回染就同布解送其染壞不堪用者仍著攜回賠補會典事例

雍正元年定圍場總管歲貢各色皮張皮庫驗收會典事例

四年奏准三旗游牧處停止差委司官令該總管於羊皮內三分選一輸庫該庫擇其佳者貯庫備用餘仍充賞會典事例

乾隆十七年奉旨今年索倫所進貂皮雖不及等第但既已足數著減半賞給會典事例
十九年奏准烏梁海歲貢貂皮由總管驗定等次貯庫會典事例

五十四年奏准三旗游牧處羊羣倒斃羊皮免其交內令其兌換羊隻歸羣牧放會典事例

徐宗亮建摺略黑龍江省土貢以貂皮為重肇自天命天聰之年我朝初征諸部落時而額定歲時名物則不詳其始制今貂貢外有年貢春貢夏貢鮮貢名目屆時例由將軍委員馳驛進呈

貂貢頭等七十二張二等一百七十三張上三等四百三張中三等二千五百七張九月進

按黑龍江省諸部歸順之初隨朝納貂略表臣服之義蓋無年限數目定制自經披甲當差而打牲部落始有貢貂之制每官每兵一員名納貂一張卽布特哈城索倫達呼爾部興安城俄倫春部是也光緒八年興安設城而後將軍文緒公奏定兩城官兵共納貂皮四千二十張今以光緒十三年奏進數目記之減額八百六十七張蓋牲丁奉調出征傷亡多矣索倫達呼爾部初時捕獵最廣呼蘭黑龍江諸城接壤

產貂之處恣其所取本有虞人名號自中俄分江以後俄倫春徙入興安布特哈不准兼轄貢貂之役劇以爲苦歲嘗於正二月閒派員至奉天吉林兩省收買市貂仍遵舊例於五月赴將軍衙門呈請選等備貢其貂價則於俸餉內攤扣以故兩城之兵額餉月銀一兩歲支實不及半卽該管官一經侵蝕而生計蕭條不待問矣咸豐以前五月紙貂之期各部大會於齊齊哈爾城卓帳旁郊皮張山積商賈趨之如鶩蓋黑龍江左人煙荒落地處極寒號稱貂藪今則悉歸俄境而江右如內興安嶺一帶山石礮礮捕獵稀艱不啻倍蓰而又過之市買一貂非五六金莫可在巨屬輸將之誠固不容以難易貴賤而起倖心然以入伍應役之兵當強鄰多事之際艱苦情僞不能一一上達 朝廷深仁厚澤何由下沛而曲施乎傳聞所貢之貂不能上充 御用僅備賞需而驛站往來部府交納處處耗費仍不能不於本省取之假使易貂爲銀以供和買則上下均無所損特不利於市貂解貢諸使員耳

黑龍江邊略

右皮庫

衣庫掌朝祭冠服冬夏衣服之屬通考

順治初年定每年春秋二季爲馬祭 神用紅色青色大潞綢綠色小潞綢三等朝鮮貢紙淨竹料連四紙棉線藍布等物皆據司俎官來文給發會典事例

康熙二十七年奏准衣庫所有貂狐碎皮緝成衣料以官用緞爲表並成造荷包二百對歲交四執事處收貯以備賞用會典事例

又定每年元宵令節衣庫庫使一人領僮十人率匠役十名於 暢春園今於 圓明園豫備張鏡會典事例

雍正元年定二旗游牧處蒙古歲輸玉草卽得勒蘇草一百四十七束每庫四斤衣庫收驗會典事例

二年奏准凡遇 宮中朝賀燕饗大臣侍衛官員命婦所用冠服不能齊備令衣庫成造數十分備用禮成繳還會典事例

乾隆三年覆准庫貯之綵綢綵布俟用至十年後該庫官詳加揀選尙堪應用者留庫餘數明數目交衣庫修補值宿兵丁被褥等物所缺綢布仍令織造補織會典事例

七年奏准先蠶壇執事蠶官亦准於庫內各領冠服禮成仍繳還會典事例

十六年奏准裁匠役五十二名其繡匠四十名改歸廣儲司衣庫會典事例

二十八年奉 旨太和殿御案桌套表案桌套文華殿御案桌套對案桌套俱交內務府謹慎收貯凡遇陞殿禮部豫先知會內務府由衣庫敬謹豫備會典事例

四十年奏准庫貯高麗布疋每年存以千疋爲度其餘者遇有應用細布之處每三疋折給高麗布一疋會典事例

右衣庫

茶庫掌茶人參香紙顏料絨線絛纒之屬通考

順治初年定每年秋季 體仁閣蒸晾 聖像每次用清水連四紙辟毒香潮腦等物由茶庫備辦會典事例

又奏准 奉先殿應用 奉先制帛桂香沉香紫降香沉速桂香瓣香汗張均照數豫日交送每年貢餅及年節所用沉香紫降香於正月十五六月十五十月十五等分三次交送會典事例

節所用沉香紫降香於正月十五六月十五十月十五等分三次交送會典事例

康熙十八年覆准江南霍山縣歲貢六安茶四百袋每袋一斤十二兩由光祿寺轉送浙江歲貢黃茶二十八
籠每籠八百包由戶部轉送茶庫驗收會典事例

二十八年奏准 內庭各 宮殿寺廟供花尚膳燕花均按定例由茶庫承辦會典事例

雍正元年奏准會計司所屬關內糧莊每丁歲輸紅花八兩茶庫驗收移覆該司會典事例

又奏准三旗銀莊所屬壯丁歲輸水靛六千二百斤茶庫驗收會典事例

右茶庫

磁庫掌磁銅錫器之屬通考

順治初年奏准 御用及各 宮分例應用金銀銅錫瓷等項器皿皆據宮殿監來文按數承辦送進會典事

例

康熙十九年 命內務府工部司員各一人往江西燒造瓷器會典事例

二十七年奏准停止江西燒造瓷器會典事例

二十八年增設瓷庫會典事例

又定封閉 御寶所用銅香鑪臺瓷爵由瓷庫豫備會典事例

雍正五年奏准燒造瓷器向用正帑今改於淮關銀內動支瓷器解送到日進呈揀選留用外餘交庫收貯備

用各 壇 廟 奉先殿所需祭器有不敷用奏交江西瓷窯敬謹造送會典事例

乾隆五年奏准江西燒造瓷器動用九江關稅銀會典事例

右磁庫

乾肉庫備用 盛京將軍每年額交鹿筋一百斤獐鹿背什骨虎威骨虎脰骨無定額 盛京佐領每年額交臘豬二十口鹹魚一千五百斤醃鹿尾無定額打牲烏拉總管等每年額交燂鱸魚十餅山韭菜三餅稗子米鈴鐺麥生熟魚條白麪掛麪燕窩百合山藥魚筍等無定額俱據各該處咨送驗收次日奏 聞又吉林將軍每年額交稗子米鈴鐺麥燂鱸魚鹿肉乾山韭菜小根菜等黑龍江將軍應交白麪等由各該處奏進按數目驗收王多羅樹牲丁應交鹿肉乾二千七百把由都虞司張家口外牛羊羣總管等應交乳油七百四十九瓶十一斤四兩乳酒三百六十五瓶大乳餅二石一斗二斤八兩由慶豐司俱據各該處咨送驗收以上物件存貯乾肉庫備用年終亦以收過用過數目彙總奏銷其每年應用羊隻羊羔等由慶豐司鮮魚薑蒜等由肇儀司米麪醬菜蔬等由掌關防處交到之時按數驗收備用會典事例

右乾肉庫

設菜庫由堂派內管領二人值年計庫等一名庫守三十名領催十五名蘇拉三十名管理供應瓜菜等物屬下香瓜圓頭三十名每名領地九頃養家地三頃每年各交香瓜一百擔西瓜一百箇雜糧乾菜十八斤新曬豆二升蘇菜五斤黃豆角三十斤又交冬季應醃白菜三千一百四十斤小芥菜八百九十斤韭菜一百七十五斤箭杆白菜二百斤大芥菜三百斤黃瓜一百七十六條茄子四斗葱二十八斤春不老三十四斤西瓜圓頭四名每名領地九頃無養家地每年各交西瓜一千箇安肅菜園四名每名亦領地九頃養家地三頃每年各交菜白菜四千五百斤俱由本庫徵收備用又旱地菜園頭三十五名每名領旱地九頃養家地三頃

地畦菜園頭二十四名每名領畦地一頃八十畝如無畦地每畝折給旱地五畝每年每名各折交銀一百六兩係由會計司徵收歸廣儲司銀庫仍以備茶庠買辦菜蔬領用之需惟畦地菜園內有供應 奉先殿等處種鮮地一頃三十九畝由茶庠內管領徵收本色仍於二十四名園頭內選擇二名承種凡薦鮮之品正月用韭菜二月用小葱菠菜芹菜三月用黃瓜茼蒿菜蕪蒿菜水蘿葡芸薹菜四月用豌豆茄子 五月用香瓜六月用西瓜十二月用蓼芽菜俱按期交送掌儀司以備供獻其備辦茶蔬蒸備 御前每日用白茶菠菜香茶芹菜韭菜共十九斤大蘿蔔水蘿葡胡蘿葡共六十箇包瓜冬瓜各一箇莖藍乾閉嬰菜各五箇六斤 皇后前每日用白茶香茶芹菜共二十斤十三兩水蘿葡胡蘿葡共二十箇冬瓜一箇乾閉嬰菜五箇葱三斤 貴妃妃 嬪 貴人等位每日供用白茶四十斤香茶四兩芹菜一斤葱五斤水蘿葡二十五箇胡蘿葡十箇莖藍十箇冬瓜一箇乾閉嬰菜十箇 皇子飯房每日用白茶五斤乾閉嬰菜八兩其菠菜四月五月易以莧六月七月易以豇豆韭菜三月至七月易以韭菜大蘿葡四月至九月易以茄水蘿葡三月至九月易以黃瓜冬瓜菜藍俱六月用至十一月止每年於廣儲司三次領銀共九千五百兩統於歲底彙總題銷會典事例

順治初年定每內管領下所屬菜園頭二名瓜園頭一名均隨本內管領輪班交納一應菜蔬瓜實會典事例

雍正五年定承種雲西瓜園頭名交茶庠管理每年於中秋節各交西瓜一百投充西瓜園頭四名每名各交西瓜一千會典事例

乾隆三年奏准瓜菜園頭所領畦地不准呈報旱澇所領旱地並養贖家口地畝如有旱澇該管官呈堂具奏委官往勘成數將應交諸物析爲十分每分作銀十六兩二錢按其成數支領內庫銀辦理諸物捏報者五頃

以上鞭一百五頃以下鞭八十會典事例

四年奏准茶園六十名內有畦地一頃八十畝者二十五名有旱地九頃者二十五名除畦地園頭仍令種茶供應外其旱地園頭照果園頭例每畝徵銀一錢八分每名歲徵銀一百六十二兩交納廣儲司庫值年內管領二人向庫領銀辦茶應用其改折銀分夏秋二限交納如有拖欠園頭治罪內管領議處所買茶蔬價值該庫月具清冊送掌關防內管領察覈歲終與改折銀一併題銷會典事例

五十二年奏准交納鮮茶之畦地園頭二十五名 豐澤園占用一名外其餘二十四名照旱地園頭例每名歲交銀一百六十二兩共應交銀三千八百八十八兩與旱地園頭應徵錢糧統行改歸會計司按限徵收交納廣儲司庫所有茶蔬著值年內管領向庫領銀按照時價陸續採買供應年終將領過用銀兩數目彙總題銷會典事例

又奏准供應 奉先殿等處鮮茶差地一頃三十九畝另選園頭二名承種以時供鮮會典事例

右設茶庫

設車庫由堂派內管領副內管領各二人值年其庫貯之車有重頂車圓頂車平頂車黃車紅車青車共一百五十四輛凡用車六輛者外備用三輛四輛者外備用二輛 上乘車有應修理者隨時移營造司武備院等處修造其餘車輛五年一次修理帷褥鞍轡三年一次更換設庫掌五人披甲人一百二十名又設驛圈亦由堂派內管領四人值年圈內駕車騾七十四匹引騾駑馬十四匹每月需餵草豆由會計司分派莊頭交送如不敷用按時價採買其銀亦由會計司移廣儲司領取又需用馬槽鑊刀夾版氈屨策籬靶桶繩席掀槓等行傢伙

倉領取如有倒斃者車驟由左右翼監督馬由上駟院俱咨行補給其皮張俱移送武備院驛圈所設七品廠長一人廠副二人披甲人四十名廠丁二十名草夫三十名會典事例

設管理蘇拉車輛處由堂派內管領副內管領各二人值年凡官人因公差遣及載運什物應用車輛每處撥運什物及掃除地面供應一切差務應用蘇拉俱由管理蘇拉車輛處覈定數目發給照票鈐用圖記領用內庭過門差務用本身蘇拉餘皆雇覓民夫其車輛皆係雇覓各該處行取蘇拉俱開明物件擡數行取車輛開明人數及物件斤數每月將用過蘇拉車輛數目造冊呈堂並另繕冊查覈又出差官員人等例用腳價亦由本處管理所需銀兩一月一次行廣儲司領取於次年五六月呈堂彙奏覈銷其蘇拉數目由總管大臣按月繕摺具奏歲終彙一年用過總數隨十二月分摺奏聞每管領下領催一名隨同值月內管領撥派各務隨載服用車輛會典事例

康熙三十六年奏准恭遇 聖駕謁 陵及 巡幸乘載器用所需之車移咨都察院轉飭五城雇募民車應用額定每車裝載器物千斤日給盤費銀八錢於戶部支領由內務府官二人會同都院辦理均照各處咨文撥給事竣奏銷會典事例

五十二年覆准內務府佐領內管領及八旗漢軍佐領下各設官車二輛用時每車日給盤費銀五錢會典事例

六十年奏准凡用官車盤費均移文廣儲司支給會典事例

雍正三年奏准停設官車遇有需用仍照舊例於五城和雇會典事例

十一年覆准停止五城雇車移咨順天府轉交大興宛平房山三縣雇募行費日給七錢二分住費五錢二分再重車行十日者回空以七日計算亦日給盤費七錢二分會典事例

乾隆五年議准嗣後雇車給費由都虞司會廣儲司銀庫官辦理會典事例

十二年奉 旨太監車裝載甚重因係官車是以並不計算儘力裝載嗣後如遇行幸著委內府官照看妥協辦理欽此遵 旨議定恭遇 聖駕在京起程委內務府官四人查看如有逾額定之數裝載者交總管太監懲治並交與各該處一例遵行至在外行營既有內務府扈從官員卽應於此內專委二人稽查會典事例

右車庫

設器血庫由堂派內管領二人值年設庫掌二人庫守九人蘇拉二名庫貯銀器大盤十五件二號盤六十五件大碗五件二號碗五件茶碗四件碟四件匙二件鍍金銅器盤一百六十件碗十二件碟六件方六件匙三件碗蓋二件白銅器盤三千七百三十四件碗九百八十七件碟三百七十二件膳盤一百六十九件方八十一件匙三百三件黃銅器盤一千五百件碗七百件膳盤三百件及大燕桌班桌供桌翟鳥桌內用桌等桌張俱謹藏備用又壽皇殿 雍和宮 安佑宮供桌每桌用鍍金銅大盤十八件二號盤四十三件大碗二件匙一件大燕桌一張柁木桌一張餘凡燕桌班所用鍍金器及翟鳥桌所用銀器除本庫存留銀器一百件外如不敷用移廣儲司領取其鍍金銅器黃白銅器俱由本庫供辦鍍金銅器二年一次修理桌張一年一次修理移廣儲司營造司辦理會典事例

右器血庫

盛京戶部銀庫收貯金銀供用 三陵祭祀及東三省盛京吉林黑龍江官兵俸餉并各賞賚之用歲由 成
京戶部豫疏請撥由戶部劄庫發給委官運往貯庫按期分發次年入冊奏銷 盛京吉林齊齊哈爾各將軍
庫寧古塔伯都訥三姓拉林黑龍江墨爾根各副都統庫呼蘭城守尉庫各貯官兵俸餉及雜稅官莊糶賣糧
價每歲冊報察覈 通考

一 盛京將軍兼管銀庫一切收放盤查俱會同 盛京戶部侍郎辦理

一 盛京銀庫每年委員赴部請領三省俸餉銀一百二十三十萬兩令協領同副關防攜帶該處平法同在
京戶部專派司員一人眼同彈兌足數裝釘入箱該協領及副關防協同管解毋許自行開箱運到時 盛

京將軍會同戶部侍郎督率該庫關防等同領餉各員拆箱秉公平兌入庫倘有侵用虧短情弊即行據實
參奏其每年請領俸餉并緞布花紅等物所需車脚均由部庫發給作正開銷則例

乾隆四十二年奉 旨由京撥給銀一千萬兩永遠存貯作為五年撥運會典事例
四十三年奉 旨盛京戶部銀庫令將軍兼管欽此遵 旨議定嗣後 盛京將軍即令兼管銀庫垂為令典

以昭慎重會典事例

又議准 盛京每年委員赴部請領東三省俸餉銀一百二十三十萬兩令協領同副關防攜帶該處平法赴部
兌領運到時將軍會同戶部侍郎督率該庫關防等同領各員秉公平兌入庫倘有侵用虧短據實參奏其緞
布花紅等物所需車脚均由部庫發給作正開銷會典事例

又議准 盛京備存雜項銀兩令將軍侍郎鈐封箱編號登簿以備稽查其開放俸餉該庫官先將數目報

明豫行平安分別旗部定期出示以免擁擠放給後庫官出具四柱清冊聯名印結報明各衙門查數每年將軍侍郎等會同到庫將一年原存放出宮存各數盤查報部會典事例

又議准開庫收放銀兩點定上庫樓軍姓名其餘不准到庫卽令續派官員協同該庫員督率看庫兵丁於樓軍出入庫時按名嚴行搜檢稍有夾帶將樓軍等從重治罪庫官不實力稽查將庫官嚴行參處並揀派值宿官兵嚴查出入晝夜巡邏圍牆添設巡兵輪查以資防守會典事例

西清黑龍江外記黑龍江歲需一切銀兩皆仰給盛京地方所出牛馬稅官房租外無他項也一歲應用如千十一月內造冊遺協領一員率佐領驍騎校等之盛京請領而於明年元旦後數日回省此齊齊哈爾之一較也若夫墨爾根等五城銀兩初亦由齊齊哈爾官一并領來交庫而五城自於庫上領之乾隆六十年奇三案起乃改由五城派官自之盛京請領於是齊齊哈爾銀庫之權分主者乾沒之弊亦頓減官兵歲支俸餉齊齊哈爾八萬一千八百六十九兩墨爾根三萬一千四百兩黑龍江五萬九千八百五十九兩呼倫貝爾四萬四千七百三十兩布特哈三萬七千九百兩呼蘭一萬四千八百四十兩通計全省共二十六萬一千五百九十八兩而制錢一千六百餘串附亦由盛京領來諸城塔放兵丁有定數官歲支俸銀將軍一百八十兩副都統一百五十五兩城守尉協領總管參領一百三十兩佐領水師營四品官一百五兩防禦水師營五品官八十兩主事驍騎校水師營六品官六十兩屯官四十五兩站官四十兩銀庫九品筆帖式二十一兩有奇例於二八月朔支領將軍養廉初定二千兩後析五百兩歸成都將軍今裁定一千五百兩副都統養廉七百兩例於三月十月朔支領

每歲由盛京領銀三省加封暫存銀庫開印前將軍副都統監視彈兌如數然後接款入匱而每千兩出銀七錢號爲盈餘存之以入明年俸餉明年又扣盈餘如例此亦近年奏定從前無

齊齊哈爾出銀千兩用天平餘城悉用秤天平正副二分各砝碼三十一枚皆部頒近以東三省天平輕重不齊 詔悉送工部修造齊齊哈爾天平與奉天吉林乃歸畫一然初次由部領來每千兩較舊秤轉重二十兩及送部重修仍重八兩許同官曰第礎之余不敢卒自將軍送部修造如式今銀庫所用者是嘗聞庫上遺失砝碼一枚罰主事俸三個月又以將軍用二兩平放銀降主事一級留任皆近歲事不可不知

銀庫無印鈎稽出納但憑朱筆庫鑰在將軍手有事在庫官皆可請往往請鑰開庫事已畢主事始知惟不知將軍觀明不見余不發庫鑰且嘗飭在庫者毋濫主庫事在庫者滋不平而余則賴以盡職以上黑龍江外記

薩英額吉林外記庫貯備用銀 吉林八萬兩 靈古塔二萬兩 伯都訥一萬兩 三姓一萬五千兩 阿勒楚喀五千兩 以上共銀十三萬兩內每年各城官參局辦票動支接濟創夫並發給各站一年買補倒斃牛隻草豆暨往返馳驛等差供應廩糧支給新放官員俸餉及官兵孀婦應領春秋二季半俸餉又節婦建坊銀俱年終造冊由 盛京戶部領取歸款吉林外記

右 盛京銀庫

皇朝政典類纂卷一百三十五終

皇朝政典類纂卷一百三十五終

皇朝政典類纂卷一百四十六

倉庫六

庫藏各省庫貯事例 盤查庫格附

盛京將軍庫吉林將軍庫寧古塔副都統庫吉林副都統庫伯都訥副都統庫三姓副都統庫拉林副都統庫
乾隆三十四年裁阿勒楚喀副都統庫黑龍江將軍庫黑龍江副都統庫齊齊哈爾副都統庫默爾根城副都
統庫湖爾城守尉庫呼倫貝爾總管庫熱河都統庫山海關副都統庫貴州副都統庫德州城守尉庫綏遠城
將軍庫察哈爾都統庫綏遠城城守尉庫西安將軍庫江甯將軍庫京口副都統庫福州將軍庫杭州將軍庫
乍浦副都統庫荆州將軍庫廣州將軍庫成都將軍庫各貯該處官兵俸餉及雜稅官莊糶糧價按年造冊
申報查覈會典則例

直省布政使司庫為一省財賦總匯各州縣歲徵田賦雜賦除存留支用外餘悉輸布政使司庫庫設大使一
人閒設副使一人司啟閉掌平衡布政使稽收支出納之數彙冊申巡撫達戶部察覈通考

按察司庫貯贓罰銀錢歲輸刑部為公用通考

糧儲道督糧道庫均貯漕賦銀由州縣徵輸糧道庫設大使一人糧道掌稽出納歲具冊申漕運總督達戶
部察覈通考

驛道庫貯驛站夫馬工料河庫道庫貯河餉兵備道庫貯兵餉或由布政使司照數移送或由部撥鄰省運往
貯用各道掌稽出納歲具冊申督撫河道總督分咨戶兵工三部察覈通考

鹽運使司鹽法道庫均貯鹽課凡場大使之徵解商人之輸納咸入焉設庫大使一人鹽運使鹽法道掌稽出納歲具冊申鹽政管轄督撫選戶部察覈長蘆天津山東河南兩淮廣東各省鹽運使司庫福建兩浙四川廣西

雲南各設鹽法道庫 通考

各稅務由部差者有監督庫貯關鈔分四季輸部如道府廳州縣官兼理者即貯兼理官庫歲終輸戶部覈收

通考

地居衝要之分巡道庫府庫直隸州庫及分駐苗疆之同知通判庫均量地方大小距省遠近酌撥司庫銀分貯各庫備用歲由布政使司入春秋季報冊送戶部察覈 通考

州縣衛所庫貯本色正雜賦銀存留者照數坐支輸運者布政使司庫按催徵限期具完欠數目冊隨時申報司撫入奏銷考成 通考

地下之賦順天府十五萬四千一百七十三兩有奇 直隸二百三十三萬四千四百七十五兩有奇 盛京三萬八千七百八兩有奇 江蘇三百一十一萬六千八百二十六兩有奇 安徽一百七十一萬八千八百二十四兩有奇 江西一百八十七萬八千六百八十二兩有奇 浙江二百九十一萬四千九百四十六兩有奇 福建一百七萬四千四百八十九兩有奇 湖北一百一十七萬四千一百一十兩有奇 湖南八十八萬二千七百四十五兩有奇 河南三百一十六萬四千七百五十八兩有奇 山東三百三十七萬六千一百六十五兩有奇 山西二百九十九萬六千七百七十五兩有奇 陝西西安一百六十五萬八千七百兩有奇 甘肅二十八萬六千五百五十二兩有奇 四川六十三萬一千九百四十四兩有奇 廣東二百二十六萬四千三百四兩

有奇 廣西四十一萬六千三百九十九兩有奇 雲南二十萬九千五百八十二兩有奇 貴州十萬一千六百二十八兩有奇

鹽課直隸四十三萬七千九百四十九兩有奇 江南二百八萬五千二百八十二兩有奇 江西五千一百五十兩有奇 浙江五十萬一千三十四兩有奇 福建八萬五千四百七十兩有奇 山東十二萬七百二十兩有奇 山西五十萬七千二十八兩有奇 廣東四萬七千五百十兩有奇 廣西四萬七千一百五十兩有奇 貴州六千二百三十兩有奇 以上據乾隆二十九年奏銷冊

關稅隸戶部者四百三十二萬四千有奇 隸工部者二十七萬一千五百四十六兩有奇

釐課江蘇十二萬六千九百四十兩有奇 安徽五萬一千三百四十七兩有奇 江西六千二百六十八兩有奇 湖北九千八百八十四兩有奇 湖南千三百二十九兩有奇

茶課江蘇額行茶萬五千引 其課由經過各關例徵收入關稅項下報銷無定額安徽浙江同 浙江額行茶十四萬引又額徵銀六十兩 解內務府 江西額徵銀三百六十五兩有奇 湖北額徵銀二百三十兩 湖南

額徵銀二百四十兩 甘肅額徵銀六千二百六十六兩有奇 四川額徵銀萬三千一百二十八兩有奇 又稅銀四萬五千九百四十二兩有奇 雲南額徵銀九百六十兩

金礦雲南永北府額課金七兩一錢六分 遇閏加徵一兩一錢一分 永昌府額課金二十五兩一錢六分 開化府額課金三十四兩 遇閏加金二兩四錢 貴州思南府每兩收課金三錢三分

銀礦廣東永安縣豐順縣嘉應州均銀一兩收課四錢五分 雲南開化府額課銀七百六兩八錢六分 中甸

額課銀五百六十八兩五錢三分有奇建水州額課銀六百六十一兩一錢一分雲南府額課銀三千一百三十二兩六錢有奇永昌額府課銀三百兩南安府額課銀二萬二千三百九十兩二錢二分遇閏加銀二十九兩馬龍額課銀六百九十八兩五錢二分有奇土革喇額課銀六十兩八錢四分有奇楚雄府額課銀三千三百七十五兩九錢六分鶴慶府額課銀四百二十一兩八錢一分有奇遇閏加銀二十四兩二錢鄧州額課銀一千三百二兩六錢七分遇閏加銀一百六兩二錢三分有奇臨安府額課銀三萬三千六百十三兩七錢八分遇閏加銀三十八兩新平縣額課銀六十八兩八分遇閏加銀四兩七分有奇永昌府收課無定額

銅礦四川樂山縣二八收課建昌三分收課 廣東二八收課 廣西恭城縣山斗岡每百斤收課十五斤蓮花石二八收課 雲南額課銀一萬八百二十五兩七錢有奇其白銅廠課無定額 貴州大定府每百斤收課十斤威靈州思南府均二八收課

鐵礦福建延平府額課二百六十二兩四錢有奇 湖北宜都縣二八收課 四川建昌鎮照例收稅儘收儘解無定額 廣東額課銀千二百十六兩 廣西鐵爐五十四座每爐額課銀十兩 雲南額課銀一百三十四兩四錢有奇

鉛錫礦山西交城縣平定州鉛廠二八收課 湖南郴州桂陽州鉛廠二八收課 同州府鉛廠二八收課 四川建昌錫礦三分收課 廣東錫廠二八收課 廣西鉛廠宜化縣二八收課恭城縣蓮花石二八收課大有朋山每百斤收課十五斤 雲南蒙自縣錫廠收課銀三千一百八十六兩羅平州平彝縣各鉛廠每百斤收課十斤 貴州威靈州都勻府各鉛廠均二八收課

水銀礦貴州開州額徵水銀一千二百六十九斤馮蘭加一百三十三斤有奇婺川縣額徵水銀一百六十九斤有奇均照時直變價貯庫

魚課江蘇安徽額徵銀七十五兩八錢四分有奇 江西五千二十兩八錢有奇 福建八千四百六兩七錢有奇 浙江二千三百九十九兩六錢有奇 湖北二千八百八十五兩九錢有奇 湖南五千五十七兩有奇 閩加銀一百五兩 廣東三千六百四十兩五錢有奇

田房契稅順治四年定凡買田地房屋計其值每兩輸銀三分 康熙十六年定江南蘇州松江常州鎮江四府所屬大縣額徵銀六百兩小縣二百兩安徽十府州所屬分別州縣之大小自五百兩至百兩不等揚州府照賦役全書額徵淮安徐州二府所屬及寶應霍山宿遷臨淮五河懷遠定遠靈璧虹九州縣儘收儘解無定額杭州嘉興湖州寧波紹興金華嚴州七府大縣三百兩中縣二百兩小縣百兩湖北大縣百五十兩中縣百兩小縣五十兩僻小州縣十兩 十七年定山東省大縣二百四十兩至百八十兩中縣百二十兩小縣六十五兩至三十五兩 二十年定浙江台州温州衢州處州四府大縣百兩中縣六十兩小縣三十兩 二十一年定江西萍龍永瀘上定六縣契稅如初例行

牙帖稅

京師行鋪上等者每行鋪額徵銀五兩次等者二兩五錢 直隸額徵銀三萬二千一百五十八兩八錢有奇 盛京三千八百六十一兩一錢有奇 山東萬三千二百四十七兩七錢二分有奇 山西三萬五千六百四十七兩七錢有奇 河南七千三百五十三兩八錢有奇 江蘇二萬八百六兩八分有奇 安徽萬一千七

百四十五兩七錢五分有奇 江西五千七百十八兩 福建七千一百二十兩五錢五分有奇 浙江九千五百五十八兩 湖北五千三百六十兩六錢三分有奇 湖南千二百八十五兩一錢一分有奇 陝西八千五百二十五兩一錢五分有奇 甘肅八千四百七十七兩一錢二分有奇 四川千一百七十兩一錢 廣東萬八千四百二十一兩七錢七分有奇 廣西一百六十五兩 雲南一千六十兩 貴州五百十四兩五分有奇

落地稅直隸二萬六千九百十九兩六錢有奇 盛京三百六十二兩一錢五分 山東三萬三千一百

六十兩一錢三分有奇 山西三萬八千七百六十六兩四錢 河南二萬四千六十五兩六錢 江蘇二萬

四千二百五十二兩二錢九分有奇 安徽五千五百六十三兩九錢一分有奇 江西九萬一千六十九兩

一錢二分有奇 福建八千四十四兩九錢六分有奇 浙江三千九百七十四兩八錢七分有奇 湖北三

萬八千六十五兩一錢一分有奇 湖南萬五千五百二兩五錢五分有奇 陝西二萬六千九百五十八

錢九分有奇 甘肅萬四千二百五十七兩一錢五分有奇 四川十九萬一千二百九十五兩一錢六分有

奇 廣東十二萬四百七十七兩一錢九分有奇 廣西二萬九千七十九兩六錢有奇 雲南十五萬一千一

百六十七兩五錢六分有奇 貴州二萬一千四百八兩二錢九分有奇以上並通考

一直隸布政司庫封貯銀三萬一千四百兩

一山東布政司庫封貯銀二十五萬兩

一山西布政司庫封貯銀二十九萬兩

一河南布政司庫封貯銀三十五萬兩	一江甯布政司庫封貯銀四十八萬兩	一蘇州布政司庫封貯銀四十八萬兩	一安徽布政司庫封貯銀四十萬兩	一江西布政司庫封貯銀三十七萬兩	一浙江布政司庫封貯銀三十萬六千兩	一福建布政司庫封貯銀四十萬兩	一湖北布政司庫封貯銀四十萬兩	一湖南布政司庫封貯銀三十二萬三千兩	一陝西布政司庫封貯銀三十一萬兩	一甘肅布政司庫封貯銀二十八萬兩	一四川布政司庫封貯銀一百五萬兩	一廣東布政司庫封貯銀二十萬兩	一廣西布政司庫封貯銀三十八萬四千兩	一雲南布政司庫封貯銀四十八萬五千三百四十二兩有奇	一貴州布政司庫封貯銀四十五萬九千兩
-----------------	-----------------	-----------------	----------------	-----------------	------------------	----------------	----------------	-------------------	-----------------	-----------------	-----------------	----------------	-------------------	--------------------------	-------------------

一府庫分貯銀兩所屬各州縣遇有急需具文請領該府於文到日即行給發其有離府遠而所需不能刻緩者准一面墊用本州縣庫銀一面詳報該府該府亦一面動發還項一面詳報藩司督撫仍令各州縣將支銷銀數隨案具詳聽核虛冒者題參凡封貯銀兩一歲動存數目於歲底造冊咨部

一直隸省道府等庫共分貯銀一十五萬一千四百七十三兩有奇內口北道庫一十萬八千四百七十二兩有奇 霸昌道庫二萬兩有奇 永平府庫二千兩 天津府庫一千兩 大興縣庫一萬兩 宛平縣

庫一萬兩

一山西省府庫共分貯銀五萬兩內大同府庫二萬兩 蒲州府庫一萬兩 朔平府庫二萬兩

一江蘇省府縣庫共分貯銀八萬兩內鎮江府庫二萬兩 徐州府庫二萬兩 崇明縣庫四萬兩

一江西省府庫共分貯銀三萬兩內廣信府庫一萬兩 南安府庫一萬兩 贛州府庫一萬兩

一浙江省府庫共分貯銀九萬四千兩內嘉興府庫一萬二千兩 湖州府庫八千兩 寧波府庫一萬二

千兩 紹興府庫八千兩 台州府庫一萬二千兩 嚴州府庫六千兩 衢州府庫一萬兩 金華府庫

八千兩 温州府庫一萬二千兩 處州府庫六千兩

一福建省府庫共分貯銀一十萬兩內泉州府庫三萬兩 漳州府庫三萬兩 汀州府庫二萬兩 臺灣

府庫二萬兩

一福建省鹽法道庫溢額盈餘項下撥出銀十三萬餘兩分貯該道及興化泉州漳州各府庫

一湖南省府州庫共分貯銀七萬七千兩內衡州府庫五千兩 靖州府庫八千兩 常德府庫二萬兩

辰州府庫一萬五千兩 永順府庫八兩 沅州府庫八千兩

一湖南辰沅道庫備貯銀二萬五百八十兩 原貯二萬兩嘉慶二十五年湖南巡撫奏明加增銀五百八

十兩由各官攤捐養廉備貯遇有要需非核實奏明不得擅動毋得於動用之後始行補奏每遇年底及新舊交代時詳明該撫遴委屬道府親往盤查取其切實印結移送藩司加具保結專案報部查核

一陝西省府州庫共分貯銀五萬兩內延安府庫七千兩 漢中府庫一萬兩 興安府庫七千兩 榆林府庫二萬兩 綏德鄜州庫各三千兩

一甘肅省道府庫共分貯銀二十二萬兩內甘肅道庫三萬兩 甘州府庫四萬兩 涼州府庫五萬兩

寧夏府庫三萬兩 西寧府庫四萬兩 平涼府庫三萬兩

一新疆分貯銀五萬六千六百三十五兩內烏嚙木齊提督庫三萬兩 巴里坤總兵庫一萬六千六百五

十五兩 哈密協庫一萬兩

一四川省府廳庫共分貯銀五萬兩內寧遠府庫二萬兩 打箭爐庫同知二萬兩 松潘廳庫一萬兩

一廣東省府廳州縣共分貯銀一十萬兩內南雄州庫八千兩 韶州府庫一萬二千兩 肇慶府庫一萬

四千兩 高州府庫八千兩 惠州府庫一萬兩 雷州府庫六千兩 廉州府庫六千兩 瓊州府庫二

萬兩 嘉應州庫三千兩 南澳同知庫二千兩 潮州府庫一萬一千兩

一廣西省府廳共分貯銀六萬六千兩內南寧府庫一萬五千兩 柳州府庫二萬兩 太平府庫一萬兩

慶遠府庫六千兩 思恩府庫五千兩 泗城府庫五千兩 鎮安府庫五千兩

一雲南省府廳州庫共分貯銀一萬八千兩內沅州直隸州庫一千兩 昭通府庫三千兩 臨安府庫二
 千兩 東川府庫千兩 普洱府庫二千兩 廣南府庫一千兩 開化府庫二千兩 蒙北直隸同知庫
 一千五百兩 景東直隸同知庫一千五百兩 永昌府庫一千五百兩 順寧府庫一千五百兩
 一貴州省道府廳州庫共分貯銀四萬一千兩內興義府庫五千兩 威靈州庫五千兩 兵備道庫五千
 兩 銅仁府庫五千兩 都勻府庫三千兩 黎平府庫三千兩 臺拱同知庫二千兩 清江通判庫二
 千兩 安順府庫五千兩 八寨同知庫一千兩 都江通判庫一千兩 丹江通判庫一千兩
 一藩庫收發錢糧設立款簿三分鈐蓋司印一分存內署一分交庫官一分存科房如應領應解銀兩歲有
 定額者統於歲首一律分款立簿俟領解時核對登記其無定額款項一經准銷准領准抵卽行照式註册
 一藩庫出納款項每年令各州縣造具應支應解清册二分一分存藩署遇有收支各款隨時填註一發州
 縣年終將已未完支解數目分款登載鈐印送司磨對如有不符立卽究辦
 一各州縣起解正雜錢糧先期三日將現解款項銀數起解日期及管解書役姓名核計到省月日通稟該
 管各上司該藩司卽飭庫大使登記檔册屆期不到稟明查究
 一各州縣解省銀兩酌派兵役並知會前途按站撥兵護送用連環大批二張由督撫衙門掛號發交藩司
 鈐蓋印信一申督撫存查一發州縣備案仍於起解時另備隨文小批載明銀數投批後該藩司核與原稟
 數目相符示期兌收仍出具庫收蓋用司印一併給領

一各州縣赴司領銀備具印領二張鈐用騎縫印信一張隨文申送一張交書役攜帶清領該司核對相符

按款給發如有以解抵領及該司飭令以領抵解者一面扣抵一而行知該州縣仍立限補具解文備案

一各州縣領解各款將銀兩數目併領銀掣批各日期及扣抵各款將何時奉文飭知何時補送解文按季彙造清冊申送藩司該司查對庫儲款冊相符鈐印發回備案如有不符立即查究

一各州縣偶遇災歉緩徵所收地丁正耗銀兩不敷坐支俸廉役食及驛站工料必須借領者令其備具印文聲明不敷銀款數目申詳藩司該司核明實無本款方准借給一俟帶收本款錢糧勒限解還歸款逾限不解嚴參著賠至橋道要工及一切急需例得報銷之款詳司確核原估銀數酌給數成註明庫簿如有銷不足數立即追繳其例不准銷及非實在緊要者概不准擅行借動仍令將准借銀款數目隨時造冊報部查核

一各州縣書役解銀到省之日一面赴藩司衙門投批一面稟明庫官暫收外庫毋許寄存銀號間有未經傾鎔及成色不足者次日即傳銀匠眼同解銀書役領出傾鎔並取其銀匠收管限狀至收銀日該司親身督同管庫官吏兌足貯庫如有短平即飭解書隨時補足不准掛欠

一各州縣經徵各項正雜錢糧已未完數目按月造冊申報上司查核仍飭該管道府廳州不時抽查徵有成數即行起解如有以完作欠以多報少及遲延不解者查明參處以上並則例

雍正五年議准各省布政使司庫貯錢糧悉令造入春秋二季報冊候撥至冬季大撥時又將各省應存及次年額徵悉行撥充兵餉司庫幾無餘剩備有急需鞭長莫及應按地方之遠近存剩之多寡酌留數十萬兩令該督撫公同封貯藩庫如有動用之處應明動用除直隸近京無用留貯外東藩庫留貯十萬兩山西河南湖

北陝西廣東各二十萬兩江蘇安徽江西福建浙江湖南甘肅四川廣西雲南貴州各三十萬兩封貯備用每年造入季冊報部查覈會典事例

八年上諭向因大興宛平二縣近在畿輔之下常有速辦之公事不得不挪移庫銀以濟用而上司察知每以虧空題參至於罷黜治罪實爲可憫用沛特恩於大宛二縣各發庫銀一萬兩存貯該縣倘遇有速辦之公事准其詳明府尹動支應用此朕體恤有司之至意也近思辦理軍需之州縣其急切應付之處不容刻緩而該州縣並無存貯備用之項若擅動公帑又干嚴譴有司實處兩難不可不爲籌及朕意欲於辦理軍需及軍務繁劇之州縣亦仿大宛之例酌留銀帑以備急切公事之用其如何舉行俾辦公有賴而弊費不生著大學士會同大將軍岳鍾琪總督高其倬悉心定議具奏雍正內閣 上諭

議定按省分之大小直隸山東山西河南各存留十有五萬兩江蘇安徽江西各十萬兩福建二十萬兩浙江湖北湖南各十萬兩陝西甘肅四川各三十萬兩廣東十萬兩廣西十有五萬兩雲南貴州各二十萬兩均分貯府庫直隸州庫如有急切公務具文請領該府州立即給發該州縣辦理之後據實開報該府州轉申布政使督 駁實歲終造冊咨部查覈會典事例

乾隆五年議准各省分貯急需銀有因軍需動用者亦有始終未經動用者若不隨時酌宜或久貯不加查覈恐日後漸取侵虧於急切需用時轉多貽誤令該督撫酌量地方情形是否仍應分貯抑或歸併司庫酌留項下備用妥議報部會典事例

三十四年議准駐防官兵遇有官差及勢不得已之事各准請借官項免其起息其備借銀數 盛京定以六

萬兩熱河五千七百兩古北口五百兩圍場八百兩俱照熱河副都統衙門吉林定以三萬四千兩黑龍江定以三萬五千兩寶坻等九駐防共定以四千兩寶坻一百五十二兩三錢三分保定一千四百五十兩良鄉一百五十二兩三錢三分采育里一百五十二兩三錢三分固安一百五十二兩三錢三分霸州一百五十二兩三錢三分東安一百五十二兩三錢三分雄縣一百五十五兩二分滄州一千四百八十一兩山海關等八駐防共定以五千兩山海關二千四百七十七兩六錢喜峯口六百二十四兩六錢羅文峪三百一十三兩八錢冷口四百七十二兩二錢盧龍三百一十六兩八錢玉田三百一十六兩八錢三河三百一十六兩八錢順義一百六十兩四錢張家口等四駐防共定以三千兩張家口二千五百兩獨石口二百五十兩千家店一百兩昌平一百五十兩各存貯都統衙門及州縣庫青州定以七千兩德州一千兩太原一千五百兩綏遠城右衛定以九千兩河南省二千四百兩江寧京口共定以二萬八千四百兩福州六千兩杭州七千兩乍浦六千兩荆州一萬六千兩西安二萬兩靈夏一萬兩涼州莊浪共定以九千兩廣州及水師營共定以一萬兩成都定以六千兩所有各官兵應借之銀於應得俸餉內坐扣限二年扣結如原借官兵遇有事故無俸餉可扣者於各官兵內分別攤扣仍於歲底將出借扣回各數造冊送部查覈會典事例

五十年議准新疆分貯烏嚕木齊提督庫銀三萬兩巴里坤總鎮庫銀一萬兩六千六百三十五兩哈密協副將庫銀一萬兩會典事例

道光八年諭那彥成等奏請設喀什噶爾等三城銀庫並按例嚴定經管章程一摺回疆南路八城每歲食茶至少二十餘萬封每附茶一封三斤雜茶以五斤准附茶一封自嘉峪關至阿克蘇及喀什噶爾葉爾羌等三

城共四處抽收稅課請於各該三城設立銀庫以昭慎重著照所請准其於喀什噶爾葉爾羌阿克蘇三城大臣衙署內各設銀庫一所專派掌印司員經理應設書吏著各該大臣於換防營兵內選擇每城定為額設庫吏經承二缺貼寫二缺專管簿籍並一切有關庫項文案所需工食銀兩准其照例支給作正開銷惟是各城庫貯既多若不嚴定章程必至日久弊生致滋侵蝕嗣後各城庫項如大臣中有挪移情事准章京等援例阻止儻敢故違功令准章京庫吏揭報照上旨備勒所屬挪移庫項之例治罪匿而不舉者同罪章京與庫吏通同舞弊虧短錢糧照監守自盜不分首從併贓論罪章京與庫吏舞弊互相舉報各照監守自盜本例治罪知情不舉照故縱例治罪各該大臣及章京人等務當奉公守法認真妥辦其管庫章京三年期滿由該管大臣查明庫項一無弊混准其咨部議敘庫吏五年役滿考取典史一名准其咨部銓選照回疆各城額設書吏道光四年吏部奏定章程一律辦理俾知懲勸再各該大臣每遇遷轉更調當造具清冊交代新任歸新任大臣具奏司員班滿亦造具清冊交代接事司員由本城大臣造冊咨部查覆備該大臣司員尚未到任暫署之人亦應將官庫冊據查報分別具奏如有造報不實及匿不奏報者查出從重辦理

東華續錄

咸豐二年諭布彥泰奕山奏庫存回布雍積過多請暫停徵運一摺伊犁庫存回布連起運在途多至四十萬餘匹每年需用不過二萬匹若不及早變通必致積欠虧朽著德麟會同奕山等查明葉爾羌喀什噶爾和闐等城每年回戶布匹正賦應如何變通折徵仍不至苦累回戶悉心籌議奏明辦理其塔爾巴哈台分運布匹著即暫行停運

東華續錄

右各省庫貯事例

一凡盤查屬庫錢糧責成該督撫於歲底具摺彙奏

一布政司鹽道庫貯錢糧該司道備有侵挪許庫官徑行揭報該督撫鹽政盤查得實將庫官題請議敘若

庫官通同徇隱事發一體治罪庫官已經揭報而督撫鹽政不行題參者照徇庇例議處

一巡撫兼管鹽政凡運司交代及奏銷之時並現在接管到任先委道員代盤結報每年不拘何時親赴運

庫盤驗一二次其餘再委道員盤驗不得每年全委道員以免滋弊

一直省布政使鹽運使司庫錢糧責成督撫鹽政直省河庫錢糧責成河道總督於每年封印後親身赴庫

將一年舊管新收開除實在正雜各款逐一詳查造冊登記仍取具藩司運司河道並無虛收冒抵印結加

結送部備查倘有款項不清察出將加結之督撫鹽政河道總督一併懲治

一直省按察司庫驛站錢糧每過交代造具冊結會同藩司查核詳請題報糧鹽道庫錢糧每值奏銷交代

照盤查布政司庫之例責成同城督撫及鹽政盤查出結具疏題報督撫鹽政新任受事亦一例盤查其糧

道庫錢糧收放款目仍由藩司於盤查之先核明且結詳送督撫如詳內聲明並無虧空督撫親盤發覺者

將布政使查參議處責令分賠凡督撫新任盤查道庫照奏報藩庫錢糧之例另摺奏 聞

一府州縣庫貯錢糧每年奏銷時責成該管道員知府盤查結報其已徵待支未入奏銷各款亦一體盤查

凡屆盤查若該管官不行親盤委查取結或雖係親盤而預示日期縱令掩飾者別經查出將該管官照不

應公罪律處分如更查有虧空將該管官照通同徇隱例參革不得以同時揭報免參亦不得僅以盤查不

齊從輕請議

一道府盤查倉庫不得因督撫藩司曾經具奏倉庫無虧稍存瞻顧如遇別經查出虧短除照例治罪外仍著落督撫藩司道府各官按照分賠

一各屬倉庫錢糧如清查後乾隆四十九年九月通飭清查再有虧缺除本員照例治罪賠補外將盤查出結之督撫等從重議處並將虧缺錢糧按數分賠一倍

一各府倉庫錢糧於每年奏銷時責成各該道盤查直隸州錢糧責成分巡道盤查糧驛道錢糧責成布政司盤查藩庫錢糧該省有總督者督撫會同盤查無總督者巡撫盤查無巡撫者總督盤查其總督有管轄兩三省者或隔二三年或隔三四年於題明巡查地方事情之便會同盤查出具印結於奏銷本內一併保題備有扶同徇隱及盤查不實不行揭報俱照州縣倉庫例行如有抑勒挪借濫動以致虧空者許據實通詳揭送部院奏 開嚴加議處責令賠補

一州縣等倉庫錢糧實存數目每三月申報一次由該管道府查核加結彙送藩司轉呈督撫該督撫隨時抽查如有虧缺嚴參治罪

一州縣倉庫錢糧責成知府嚴行盤查於每年奏銷時出具所管州縣倉庫實貯無虧印結造冊申詳保題仍令不時盤查一有虧空立即列揭請參免其治罪分賠如知府通同徇隱別經發覺將知府革職離任先於本犯名下著追勒限三年如果家產全無無力完交將未完銀米等項無論侵挪俱著落知府獨賠如止盤查不實不行揭報係州縣侵欺將知府照失察侵盜本例議處免其分賠係州縣挪移亦先於本犯名下著追勒限三年如果家產全無無力完交將未完銀米等項責令知府分賠一半如知府查出虧空揭

報司道不卽轉揭及司道已經轉揭督撫不卽題參許知府徑揭部院將不轉不參之督撫司道請處
著令分賠如督撫司道明知州縣虧空不卽報參反爲設法彌補於本犯勒追限滿之日著落督撫司道分
賠仍照例交部議處

一府省布政使陞轉離任及因公 陛見者於奏謝之便將經手庫貯錢糧並無虧挪之處具摺附奏新任
接收亦具摺奏 聞轉署與正任一例陳奏仍按例限交代呈詳請題

一各省臬司委署藩篆其驛站錢糧統俟新任藩司到任後再行盤查出結申送督撫察核

一司道府州縣新舊官交代如前任官內有侵欺濫支挪移墊解拖欠未清等弊接署官徇隱不行揭報及
交代後始行查出者該督撫題參將虧空之員革職治罪接任官照例議處欠項照例賠補如有侵挪等弊
接任官已經通詳而上司不行詳報題參徇庇舊任逼勒新任接受者准新任官據實報部將逼勒之員照
例議處

一正署官交代如倉庫本無虧短而署任官故爲遲延希圖卸責者該監盤上司揭報題參如實有虧短而
該管上司徇庇前任抑勒後任接收者許被勒之員直揭部科部科據揭代奏請 旨飭交嚴審實將抑
勒交代之上司及虧空之本員從重治罪審虛誣揭之員加等問擬

一官員交代如正限內不能完結者照例查參再照原限兩個月一個月完結如逾限不結該督撫題參照
易結不結例議處其遲延緣由該督撫卽於疏內確切聲明如止以遲延題參並不將遲延緣由敘入者將
督撫司道府等官分別議處

一官員交代除查捕蝗蝻鄰封相驗以及勘災監賑勘河防險會勘會審等公出不准扣展外其入關辦事必須肩鎖在關准其將奉調入關日期扣除展限

一交代清楚冊結送部時將監盤官職名一體報部存案遇有侵虧事發將監盤官照例治罪如藩司不將監盤官職名一併申送者照狗庇例議處

一江蘇州縣交代有民欠錢糧應行清查數在五萬兩以上者原限外准展限兩箇月在五萬以下者准展限一個月清查結報以上均則例

康熙十五年題准各省布政使司管糧守道或有陞降將一應經收經放並實在錢糧令其逐一造具清冊交代至所造交代文冊若布政使司陞任本省巡撫者令本省總督確查具題如無總督省分該撫不便自行具題令新任布政使司覈明具題如陞調別任並降革事故離任者均令本省巡撫確查具題其交代錢糧有侵欺透冒挪移墊解等弊均照例處分督撫不行覈明朦混徇庇具題者事發將督撫一併嚴加議處會典事例二十八八年議准各省藩司交代之時雖令督撫親身盤查具結送部但未有逐歲盤查之例嗣後令各巡撫於每年奏銷時將司庫錢糧親身盤查如無虧空於奏銷本內保題儻仍有虧空將巡撫照例治罪會典事例五十年議准各省鹽運司庫貯鹽課責任與藩司相同嗣後運使交代亦照藩司交代之例將舊官任內收放錢糧新官交盤出結造具四柱清冊呈詳巡鹽御史具題分送部科稽查如有徇隱情弊查出一併議處追賠會典事例

雍正四年諭直省督撫從前戶部春秋二撥歲底大撥之時各省俱賡緣求免撥解京餉以致藩庫錢糧虛收

捏報掩飾彌縫之弊不一而足自怡親王總理戶部以來凡事秉公持正於撥餉一項皆斟酌地方遠近詳核錢糧多寡據實預先奏朕定奪後方行分撥四年以來毫無假借各省亦應曉然明白矣乃聞尚有愚昧之人私囑吏役賄行賄賂以冀免撥其巧爲遷避者將實存數目不盡開報蓋緣各省督撫身處遠方不能深悉戶部撥餉悉出至公乃爲吏胥之所愚弄耳茲特曉諭各該督撫嗣後春秋二季報冊務將藩庫所有實存銀兩悉行開報應存應解靜候部撥並令該督撫等咸知吏胥斷不能弄法增減切勿爲人所愚行賄請託朕既經曉諭之後倘再有犯者一經發覺將與受之人俱按律治罪決不寬恕雍正內閣 上諭

八年議准各省驛道陸轉離任時交代錢糧令造具四柱款冊該督撫具題報部查覈會典事例

十一年議准各省驛道二道庫貯錢糧向於奏銷時責成藩司盤查出結保送未將出入數目隨時移會藩司覈對嗣後凡有收支款項數目均令隨時知會藩司存案每年奏銷時仍將本年出入款項支存各數及各年各款支存銀數備細造冊移司該布政使逐款覈對出具盤查清楚印結送部查核其每年奏銷奉部題覆之後該督撫仍行知該布政使司存案覈對會典事例

又議准各省驛道庫貯錢糧交代時既係造冊具題糧道乃各省漕項錢糧筭鑰其新舊交代自應一例題報嗣後各省糧道如有陸轉離任新舊交代將任內經手錢糧亦造具細款四柱清冊具題送部查覈會典事例乾隆四年議准各省鹽道庫止貯正雜鹽課向無盤查之例通行管鹽督撫鹽政將道庫鹽課錢糧於每年奏銷時親臨盤查虧則題參足則出結題報如有隱匿扶同等弊一經發覺照例參處會典事例

三年又奏准烏嚕木齊提督庫巴重坤總兵庫分貯銀兩凡遇提鎮新舊接任覈實題報其平日統歸提督不

時查覈至總督巡查提鎮營伍時一體覈實查辦會典事例

五年題准直隸歸口北二道原有豫備軍需銀天津通永大名三道庫歲有搶修及豫備要工銀均應不時盤查嗣後各道庫內有原貯河工錢糧例應河督盤查者將分貯兵餉並令河督就便盤查結報其餘道庫令藩司委官盤查結報會典事例

八年諭各省定例督撫盤司庫盤道庫道庫道府盤州縣庫所以杜虧空防挪移也從前各省上司或借端需索貽屬員之累或虛循故事無查察之實且或賜筵設席以相娛樂納賄受禮以相交納種種弊端甚非立法之意二十餘年以來諸弊皆已肅清矣但奉行日久上下司賢愚不等雖然復蹈前轍者今尙無所見聞而或漸露端倪故相容隱則亦未可定此各省督撫所當留心者司道之庫原不過照例盤查至道府之于州縣一年亦止盤查一次不得屢行滋擾而且盤查之時必須詳核不得徒存其名並當各嚴其守不獨已之一身不可絲毫沾染卽家人吏役亦不可稍有縱容如有犯此等弊習者該督撫卽行參處庶盤查皆有實際常不致滋擾若督撫漠不關心倘若別經發覺朕惟督撫是問通考

十九年諭藩司爲錢糧總匯庫貯銀兩向成弊藪歷經釐剔仍未肅清卽如川省撥解陝甘軍需銀兩仍係經撥正項而鄂員黃廷桂奏稱解到軍青潮不足者十分之三以撥兵餉雖屬不可若以採買軍需各物及運腳等項尙屬無礙已諭司照數免收運融搭用等語正恃有彼此通融之說而經生迂論至謂庫項當存留各省不當多入太府此非獨不通世務乃典守者流言或聽便于蠹蝕營私耳甘省此案已交劉統勳確查辦理其各省藩庫銀兩亦當澈底清查該督撫秉公盤驗如平色虧缺卽著按數賠補仍將有無情弊具奏嗣後

再有青潮不足等弊一經發覺唯督撫是問通考

二十四年奏准西藏糧員所管餉銀應令駐藏大臣每年盤查一次造冊咨送總督查覈會典事例

諭劉統勳等查藩江蘇藩庫一案已有旨諭部矣至藩庫錢糧收放款項本不應輕易借動卽有本款無存必須借支者亦須隨時歸清以免滋弊該省每有借支借放不及時清歸款直至布政使交代時始行清楚之處此實向來相沿陋習毋怪乎頭緒繁多一時難於查對殊非懲剔之道今此案雖查無虧蝕情弊然當酌定章程務使及時清款不得仍前遞年滾算致滋牽混卽有一時難以遽歸者亦不得僅在該省自行存案或按季或遞年逐一造冊報部備核以昭慎重著尹繼善陳宏謀卽行酌議具奏由部核定遵行通考

二十六年議准各省糧驛二道庫存貯錢糧每年奏銷向係藩司考覈應改令同城督撫盤查其每歲支存款目仍責令藩司覆明於督撫未經盤查之先出具保結詳送如盤查之後有虧空等弊仍照例分賠議處至督撫接任盤查藩庫時糧驛二道如駐劄同城亦一體親往盤查將有無挪移虧缺附摺具奏會典事例

諭前因西陲平定新疆闊廣所有移駐大臣官兵歲需養廉經費比前或致增多是以特命在外辦事大臣等詳查奏聞頃據舒赫德覆奏軍機大臣通行較核則葉爾羌喀什噶爾等城駐防應需各項合之陝甘節省諸費視未用兵以前不但絕無所增實可減用三分之二其屯墾自給之糧既可不糜費且將來種地日開所入倍富充裕又不在此約計之內此皆有一指數可按者前用兵之初庸愚無識之徒好生浮議朕固不屑深辨今武功大定或以長駕遠馭不無多耗內地力爲疑今經查核不但未曾有多費而且有所節省夫天子不言有無國家有常用者雖累日萬不惜也朕非濫銖較量但因西陲用兵始末所關不得不詳爲剖晰以曉庸

衆俾知此番武定並非耗帑動遠之爲將此諭通諭中外知之通考

二十七年議准各省道庫遇有新舊交代督撫親驗盤查會典事例

二十八年從湖北巡撫宋邦綬奏請新任督撫盤查藩庫之時其糧驛二道如或駐劄同城者一體盤查通考

三十二年奉 旨傳諭各督撫於年終將各屬有無虧空之處彙奏一次以重責成著爲令會典事例

四十三年奏准直省按察使庫貯驛站錢糧每遇交代造具冊結會同藩司查覈詳題其鹽道應錢糧每值奏

銷交代責成同城督撫及鹽政盤查出結題報督撫鹽政新任受事亦一例盤查又兩廣總督所轄廣西鹽道

錢糧屆盤查之期就近交廣西巡撫盤查揭報會典事例

又議准山西巡撫兼管鹽政凡運司交代接管到任及奏銷之時委道員代盤每年不拘何時該撫親赴運署

盤驗一二次其餘再委道員盤查不得每年全委道員以免滋弊乾隆五十七年河東鹽課攤入地丁項下載

收運司缺裁 會典事例

四十七年諭各省遇有臬司委署藩篆者其交代驛站錢糧統俟新任藩司到任後再行詳悉盤查出結申送

督撫查覆以專責成毋庸另委道員著爲令會典事例

四十九年三月迪化州知州觀成挪移庫銀一千餘兩墊支公帑一款經海祿奏新疆地方積習相沿弊竇叢

生如採買賈賑虧空銀兩經原任都統明亮嚴參懲創之後尙未能弊絕風清總由各州縣罔知儆惕濫用開

銷流弊甚於內地不思口外情形非內地可比倘有急需卽從內地撥解亦屬鞭長莫及緩不濟急所關匪細

謹遵 諭旨知照各處駐劄大臣俟內地派委大員到日會同一體盤查凡庫貯銀兩除滿漢各營官兵俸餉

分劃明晰不得稍有影射鋪墊器具各物不得任其抵交外其餘報解者調驗庫收支銷者查對領狀以及文武同寅商賈官戶挪借據塞事後發還種種掩飾彌縫之計均爲明切曉示挪借之項令其自首給還如不肯稟明卽將銀兩入官凡倉庫糧石除照斗口色糧逐數盤量不得以粗糧率算混抵細糧外其餘出借作何開除未收作何民欠者俱抽查花戶取具甘結存案使騰挪朦蔽之術無所施其伎倆倘有絲毫未清卽以虧空問擬每年如此盤查一次並請於盤查清理之後除糧石存貯各屬並哈密庫項歸哈密大臣辦理外將一切經費外備銀兩無庸存留各廳州縣衙門免致挪移虧空遇應用之時按季請領鎮迪道造冊移司備案則防範更嚴諸弊可以永遠杜絕從之通考

五十三年上諭軍機大臣等據陳用敷奏盤查藩司庫項無虧及動項修理監獄各摺業經批覽並交該部覆辦矣外省藩庫存貯銀兩原以備地方一切經費及災賑動撥並隣省協濟之用自應寬爲儲備今安徽藩庫實存正項耗費雜項等銀共七十五萬餘兩爲數未免過少遂面詢書麟據稱俟地丁徵齊卽可得百餘萬兩恐他省庫貯銀兩亦有多寡不齊之處現已交戶部將各省藩庫內實存銀數各有若干查明另行酌辦外至各省地方遇有應行動用官項之事其勢實難稍緩者固當動帑興修不可惜費若酌量情形可從緩辦亦當量爲節省卽如此等修理監獄及衙署倉廩等事各省每屆應修時卽奏請動項而部中亦卽照例議准撥銷其實此等工程未必俱係急需修理必不可稍緩者著傳諭各省督撫凡遇有動項應修工程務須嚴飭屬員切實勘驗如係可以緩辦卽不妨酌量從緩此亦節省浮費留備緩急之一法總期慎重錢糧俾儲積充盈以備地方隨時公用更爲寬裕

聖訓

五十五年上諭內閣昨據尹壯圖奏各省督撫派交罰項虧空倉庫而商民等感頌興嘆不能樂業因兩次明降諭旨令其指實覆奏並將朕用人行政大端剴切曉諭尹壯圖亦自認措詞失當實不能指出確據奏請治罪是其逞臆妄言陳奏不實自向亦難以解免矣朕之簡用督撫凡棄瑕錄用者或因一時不得其人或所獲之咎並非侵貪執法始加恩量予從寬以觀後效但以其素餐尸位亦不可不予以薄懲故令罰出養廉充公以贖其虛糜廩祿之罪若如尹壯圖所奏榮免罰賠則邀恩起用督撫等如書麟之失察屬員長麟之恃才任性既得免罪復官又可安享豐厚使曾獲罪戾之人無所儆懼何以飭吏治而肅官方

聖訓

五十六年上諭內閣前據尹壯圖具奏各省倉庫多有虧缺及詢以是何省分虧空若干又不能一一指實惟自請前往盤驗冀實其言朕思天下各省倉庫甚多挪移虧短之弊或不能保其必無從前朕亦微有所聞但恐偏聽生弊人言未可盡信故五十餘年以來推誠待下不肯察察為明未嘗特派大臣清查倉庫致使查弊之人反得藉端滋弊今既據尹壯圖奏稱各省虧短大勢皆然既有人講明則不可置之不問矣因令侍郎慶成帶同尹壯圖前往山西直隸山東江蘇聽其盤查以驗傳聞虛實如果數目稍有虧短一經據實奏朕必將督撫藩司及該府州縣等從重治罪且根問致虧之由嚴究辦理乃尹壯圖所至各省查明藩庫及各府州縣庫貯均屬充盈并有康熙年間銀兩久存在庫者各處倉廩米穀逐一盤量亦皆不虧升合若謂各省本有虧缺一聞欽差起程信息臨時設法彌補無從查出殊不知州縣庫貯無多或可通融掩飾至於藩庫銀兩每省不下數十百萬即欲彌縫一時豈能猝辦是尹壯圖所奏虧空之語不過輕信浮言據拾入告竟屬全無影響矣茲已徧加查驗目擊情形其誣捏妄奏之罪自難解免可見外間傳聞之說舉不足信焉謾所謂無稽之

曾勿聽者此也至山西直隸山東江蘇四省藩庫既查無虧缺該藩司等屏當得法實屬慎重所有該四省現任布政使均著加恩交部議敘 聖訓

嘉慶五年上諭各省督撫國家設立倉庫原備各省緩急之用豈容稍有虧缺若清查過急州縣借彌補為名復有勒捐派累之事是為民反成害民之舉理財變為聚斂之弊矣若勒限在任彌補則是剝肉補瘡無益有害朕深知此弊大抵州縣虧空不畏上司盤查而畏後任接手上司不能周知盤查仍須書吏臨期挪湊賄囑兼盤況為期迫促焉能得其實實此所以不畏上司盤查也惟後任接手自顧責成無不悉心查覈書吏亦自知趨向新官不能隱藏冊簿然此皆向來之弊非近年情形近年則新舊交相聯絡明目張膽不特任內虧空未能彌補竟有本無虧空反從庫中提出帶去名曰做虧空竟移交後任若不肯接收則監交之員兩邊說合設立議單其不肯說合者又令寫具欠券公同畫押以國家倉庫作為交易實屬從來未有之創舉凡此弊端朕在深宮皆知況親臨之督撫獨不知乎既知而不辦之故則因三節兩生日之私情有礙顏面間有一二清正大員又以不辦為積險功殊不知保全一貪官害百萬生靈其損險功大矣總之百姓不可剝削倉庫不可虧損其如何從容彌補之法則在督撫悉心講求無欺無隱密奏章程候朕酌定亦不拘年限也 聖訓

十一年諭督撫到任及每年錢糧奏銷後例須盤查藩庫一次自當將各項款目及收支實數詳悉鉤稽方為有益近來督撫等視為具文不過到庫略為抽驗虛應故事日久釀成弊端卽如本年直隸湖北俱有藩庫使虧重案不可不詳定章程以資整剔嗣後督撫到任及奏銷時盤查司庫均當實力清查並著於每年封印後親赴藩庫將本年收支款項逐一詳查取結送部如將來款項不清將加結之督撫一併懲治其運庫河庫地

方亦照此辦理會典事例

又諭內閣直隸省官員書吏人等串通侵帑一案情罪重大節經費浩長嚴切根訊具得實情將各該犯從重定擬具奏已批交行在大學士尙書侍郎速議矣藩司爲錢糧總匯國帑攸關出納收支是其專責所有通省各州縣徵收正雜銀兩於解到藩庫時如何收兌之處自當有一定章程慎重考覈朕近日面詢曾任藩司各廷臣僉稱各省州縣應解銀兩具批申解俱係按款登載到省之後藩司先將來批驗明示期收納賬同上兌存記檔冊然後給與批迴蓋用司印並有用連環大批兼鈐蓋巡撫關防者層層考覈法甚精詳卽有不肖吏胥斷難從中舞弊至直隸省則迥異乎是州縣向來申解銀兩到省之後藩司並不親自驗收亦並不給與司印批迴僅與庫官印收一紙以致司書等竟敢與解役銀匠等通同作弊將庫收任意改竄侵蝕銀兩嗣復備刻庫官印信冒領虛收而不肖官員亦聯爲一氣銷燬借案重領虛解無所不爲迨我行簡到任之後因庫收不足憑信改用司印批迴欲以防弊而該司書等又卽備刻藩司印信百弊叢生釀成巨案侵虧帑項至三十餘萬兩之多總由於立法不嚴杜弊不周因循至於此極不可不亟行整飭以期釐剔弊竇嗣後直隸省藩庫於各州縣批解銀兩應如何明立章程永革一切弊混之處著實行簡督同藩司慶格詳悉妥議具奏

辦理 聖訓

十四年上諭內閣吉綸等奏查明嘉慶十一年廣興來東審案經知府張鵬昇金湘聯銜向前任藩司邱庭瀝於庫存節省項下借領銀四萬九千九百餘兩以備供應等語差大員應得夫馬廩給俱有定例何至濫行批應需數萬兩之多今廣興赴東審案已革知府張鵬昇金湘聯因需費繁多輒聯銜稟明藩司邱庭瀝借領

No. 887 22 1/2 校

應項並不慮其駁斥邱庭澹亦竟聽屬員之言如數支發殊出情理之外藩司經理錢糧絲毫皆關國帑卽因公挪移尚干例禁況不過供給所需竟敢擅撥庫項以資豫備公館食用希圖見好於欵差實爲外省惡習且藉此爲名浮冒多銷從中侵蝕未必果係辦差之用似此相率效尤非虧短庫項卽攤派閭閻弊豈叢生何所不至此而不加以懲治何以杜逢迎而飭綱紀朕又豈能因此停派欵差審案一任民間窻抑不爲申理乎所有此案濫支庫項之前任山東布政使邱庭澹著革職拿問交大學士等會同刑部提同另案問以杖徒在部待質之張鵬昇金湘聯嚴密加等定擬具奏爲天下有省祇知逢迎罔顧名義無恥小人之戒至前任高唐州孫夏炳前署滕縣之禹城縣董鵬翱雖遭廢興呵斥並不遵攤差費忿激告病殊屬可憐伊二人於病痊後該撫給咨送部引見候朕降旨 聖訓

十六年上諭內閣溫承惠奏將直省庫貯款項徹底清查除正雜錢糧外另有附貯欵項存贖並公捐提解等銀四款或本係恩賞或通省捐解向有支用皆不報部等語此項銀兩係以通省公捐濟通省公用卽兵差經費用贖銀兩亦係恩賞給並非應行報撥之款著加恩將前項兵差用贖銀兩留直省充公其提解公捐等款仍准本省照舊支銷免其報部俾地方公事得資寬裕 聖訓

十九年諭陳預奏東省藩庫收支款項應令按旬詳報一摺東省藩庫支發各款向不詳明巡撫止有月報而所報又係籠統開載以致節年支發彌補各款轉輾不清殊非慎重出納之道著照該撫所請嗣後飭令藩司將收支銀兩按旬詳報巡撫備案如非常例應支及本款無項而借動別款者俱令隨時詳明巡撫俟覈定方准支放庶款項互有鉤稽免致日久弊混東華續錄

道光七年諭軍機大臣等據戶部奏甘肅地處極邊儲備尤關緊要向係額貯銀三十八萬兩分貯銀二十二萬兩爲數本少節經動用所存無幾請於藩庫貯銀二百萬兩先在山西秋撥地丁款內撥銀五十萬兩解甘收貯其餘於陝西河南山西山東湖北及甘肅捐監應解部銀兩並該省舊寶貯存銀兩共陸續湊足二百萬之數責成藩司加謹封貯不准率請動支等語藩庫封貯銀款原備地方緩急之用甘肅地鄰邊塞自應撥籌經費以資儲備惟該省舊存封貯銀兩久經動缺未能歸補足額亟須寬爲籌畫著照所請先於山西省秋撥地丁項下動撥銀五十萬兩解往甘肅收貯其餘銀兩著陝西河南山西山東湖北各該撫將所收監餉每湊足五萬兩卽行奏明改解甘肅藩庫交收其甘肅所收監銀亦無庸解部每湊足五萬兩卽奏明儘數補封貯總俟該省藩庫共收足二百萬兩之數卽由該督奏請停止仍著各該省將監銀照常解部交納此項銀兩隨時解往著責成該藩司顏伯燾加謹封貯若非實有要需概不准率請動用儻有絲毫那缺必當按律嚴懲仍著該督按年盤查奏報以憑稽覈將此諭知鄂山傳諭顏伯燾併諭徐炳楊國楨福祿壽善揚健知之

十七年諭內閣前據給事中常大澂奏南河庫貯出入支銷前後牽混當降旨交朱士彥據實查復茲據該尙書奏稱江南河庫款項繁多道光七年以前業經設局清查奏明咨部其道光八年以後至十六年收支冊卷調集盤查庫存實數與冊不符按款駁飭該道李湘蒞具呈登覆種種牽混請將該道先行交部議處等語庫貯錢糧絲毫皆關國帑出納支銷理宜慎重河庫道李湘蒞在任多年錢糧出入是其專責乃一經查駁輒行支吾牽混轉糊不清是該員於庫貯收發冊籍全不留心糊塗不職已可概見李湘蒞無庸交部議處著卽行

革職留於河工聽候傳質南河庫款繁多現經該河督設局清查著麟慶即將道光八年至十六年河庫收支卷冊逐款嚴查其有牽涉八年以前庫款者一體查駁並將該尙書指駁各情節悉心查明更正另行造冊報部如該道等實有侵虧情弊卽著嚴參治罪毋稍徇庇備意存遷就顛預了事是麟慶辜恩昧良自外生成一經查出惟麟慶是問 聖訓

十八年諭軍機大臣等本日據瑚松額密陳營務地方實在情形一摺甘肅爲邊疆門戶足兵足食均宜豫籌據該督察看各該提鎮悉皆盡心職守緩急足恃仍當隨時體察勿任稍懈惟清查通省虧空爲數甚多總因年歉差繁屢形動缺雖係實在情形但國帑定額豈可久任虛懸現在該督查明各屬均有自行籌款發商生息分年彌補者統計七八年間可以一律補足如果窮實辦理逐款全清奏報之數毫無捏飾原不必徒有參劾官員之名而無添補足額之實但恐爲數既多各屬詳報不無虛捏或以無著之款抵數摺摺或輾轉推卸暗地挪移及至閱年既久仍屬有名無實錢糧虧欠倉庫空虛尙安望其捍衛邊圉有備無患耶該督受恩深重務當認真稽覈嚴督藩司責成該管道府卽將未完之項趕緊勒限補清其生息銀兩定以年限補完提本歸款著照所議章程窮實辦理不得任聽屬員以片紙申詳遂信爲銀款已經清結仍當密委道府大員查訪庫存實在數目經此次清釐之後儘再有續虧無論是否因公惟有從嚴懲辦並著落該管上司全數分賠以重帑項該督總當破除情面實力實心無負朕諄諄訓諭至意 聖訓

三十年諭內閣陸建瀛奏請立限清查運庫一摺兩淮鹽務近年商引滯銷以致庫款支絀若竟任其那墊套搭必且變成虧空亟應趕緊清釐確求辦法所有兩淮運庫款目准其予限半年責成該督遴派妥員逐款鉤

籍仍令分別商欠官虧勒限從嚴參追不准稍有姑容該督卹兼鹽政責無旁貸務當認真覈辦俾舊弊悉清
新虧永杜以重帑項而肅鹺政東華續錄

又諭內閣王大臣會同戶部遵議清查各省倉庫章程著照所擬辦理惟有治法貴有治人各直省州縣經
此清查以後自應痛除積習力杜新虧但恐不肖官員以爲寬其既往妄冀恩可倖邀爾便已私仍前做法何
以肅綱紀而儆官常特再明諭各督撫大吏督率藩臬道府正已率屬各勵廉隅則屬吏自知儆畏仍隨時認
真稽覈務須激發天良不憚煩勞不避嫌怨查有劣員因循玩泄漸至新虧視憲典爲具文者立即嚴行參辦
儻該督撫等毫無覺察或甘爲徇庇經朕訪聞確實不但本員應置重典定將該管上司從重治罪朕惟知
仰遵 諭旨法在必行決不寬貸也 聖訓

又諭軍機大臣等前因兩粵用兵及常年支放各項需費浩繁戶部請開籌餉事例朕以十數年來水旱河
工業經歷次捐輸思與吾民休息御極之初卽停止各項捐例以冀培養閭元氣而度支告絀又不能不先
事豫籌宵旰繁懷時深焦灼因思各省藩庫報撥之款除部臣隨時籌撥外其留支待用及雜款各項銀兩中
有可酌量暫緩及應裁應減者若使各省就本省情形認真通盤籌畫亦可移緩濟急挹彼注茲部庫藩庫均爲
一體部臣籌之於內疆臣籌之於外協力同心庶克有濟該督撫等身受重恩當國家經費短絀之時定亦同
深憂慮著督飭漕運兩司及關道迅速籌撥於例撥諸道外每省或四五十萬或二三十萬酌定數目一面奏
聞一面委員起解近京各省於封印前奏到遲者於明年開印前奏到如此則部庫可資周轉亦何必遲議開
捐朕之本懷諒中外諸臣必能共喻也其有歷年積欠現已催繳在庫與清查案內追繳賠攤屆限應完之項

一併詳查開單呈覽並飭迅速委解毋稍遲延

咸豐十一年諭內閣戶部漢川省軍需延不造報

勢准撥減外尙未報銷者不下二百七十餘萬兩

業章查取歷任總督暨糧臺局員各職名交部分

款奏報補銷其各省督撫及各路統兵大臣於

次毋許延宕

聖訓

同治元年諭內閣戶部奏長蘆撥冊開除含混請

專憑按冊詳稽若如此任意牽混尙復成何事體

稍有潤飾並著各直省嗣後撥冊內管收除在各

指稱已解等弊卽由戶部嚴參懲辦至動用報撥

隨時參辦以防弊竇而重庫儲

聖訓

右盤查帑幣

皇朝政典類纂卷一百四十六終

皇朝政典類纂卷一百四十七

倉庫七

積儲各省貯穀事例

裕天下之積貯令各省所在皆設倉視其人民之所聚與其地之燥濕以定其額貯權歲之豐歉而以其出納之數報於部其非時撥用者則以聞乃發帑而補貯焉會典

國家兩陽時若年穀順成豐稔之庾超軼往古列聖軫念民依綱繆未雨由省會以至州郡俱建常平倉鄉村則設社倉市鎮則設義倉而近邊有營倉之制瀕海有鹽義倉之制所以預爲之備者無遠不周矣至於另倉貯備或以山海僻遠藉應急需或以資隣近協撥皆特行於常法之外各省不必皆有有之亦無定額通志康熙十九年令奉天等處城守徵收雜稅於米價賤時購貯內倉遇緊急撥用名曰備米嗣後近邊境地如山海關古北口張家口黑龍江墨爾根奉天錦州開元遼陽蓋州及榆林等處衛堡俱有貯備倉庾特行於常法之外通志

二十一年 命州縣衛所官勸諭積貯以米穀多寡定議敘通志

二十五年題准黑龍江默爾根地方起造倉廩收貯米穀會典事例

西清黑龍江外紀齊齊哈爾墨爾根黑龍江公倉備用倉並在城外齊齊哈爾五十九廩二百九十五間

墨爾根七十七廩一百三十一間崇龍江一百七廩五百一間呼蘭亦有備用倉八十九廩三百六十四

間黑龍江外記

徐宗堯龍江建盛略按康熙年間羅利之役黑龍江省曠地少耕由 盛京吉林兩省運糧餉軍其後移戶開屯大興官莊始有公備倉之設凡齊齊哈爾呼蘭墨爾根黑龍江四城通設倉房三百九十七所齊齊哈爾存糧十三萬石名廣積倉呼蘭存糧十萬石名恆積倉墨爾根存糧九萬石名通積倉黑龍江存糧十三萬石名永積倉皆逐年屯戶按丁交存號爲定額嘉慶年間以連歲告災接濟各城旗民旋遇恩詔豁免歸還道光八年將軍蘇公奏稱倉存十不及一請定期十年齊齊哈爾城補存六千石墨爾根城黑龍江城各補存一千五百石在呼蘭城倉勻濟六成采買四成足額而止其時呼蘭屯墾日衆糧產益賤而官舟水運由松花江至諾尼江起卸甚便咸豐六年將軍奕山公奏稱接濟告匱復行水運足額而止同治二年將軍特普欽公奏稱呼蘭糧運不宜徑停請歲運齊齊哈爾三千五百石墨爾根一千八百石永爲定額今仍之凡倉糧出納倉官專司四城各額缺一員擬衙署今省城舊倉朽壞在外城者爲練兵大臣就立齊營在內城者存屋亦眇於是別建新倉視舊倉規制略簡焉龍江述略

西清黑龍江外記呼蘭倉儲最裕餘城額嘗不足積欠動十萬石遇水旱倚呼蘭接濟其由嫩江運自呼蘭者齊齊哈爾墨爾根二城也由黑龍江運自呼蘭者黑龍江城也嫩江歲可三次黑龍江僅一次歸舟皆逆水非力挽不進且黑龍江山石之險風濤之惡十倍嫩江舟人憚之所幸者偶一轉運非常事黑龍江外記

二十九年諭足民之道宜裕蓋藏從來水旱靡常必豐年恆有積貯庶歉歲不憂飢饉如康熙二十七年頗稱歲稔誠使民間經營推節甲爲備侍何至二十八年偶遇旱祲室皆懸罄總因先時無備遂至餬口維艱比儲

除正賦特發帑金分行賑濟被災之衆始獲安全今霖

望有秋惟恐愚民不知愛惜物力狼籍耗費

祇爲目前之計罔圖來歲之需應行各督撫飭令及時積貯庶終歲所食常有餘儲用副朕軫念民依綢繆區
畫至意會典事例

又議准山東秋成豐熟不論高粱穀石每畝捐出三合合省計得二十五萬餘石在各州縣適中大鄉之內各
保殷實敦厚之人敬謹收貯以備荒年會典事例

三十年裁漕米十萬石令於江甯京口等處駐防之地建倉存貯通志

又令直隸各州縣分別存貯米石議直省所捐米石大縣存五千石中縣存四千石小縣存三千石備遇荒災
卹以此項散給其留倉餘剩者俱于每年三四月照市價平糶五月初旬將平糶價銀悉數解貯道庫九月初
旬仍令各州縣買新穀還倉嗣又令直屬捐穀每州縣再加貯一倍其捐米內有高粱交春易紅令卹糶賣買
粟補倉以備賑濟通考

三十一年諭去歲陝西西安等處年穀不收罔有積貯以致閭閻困苦已遣官賑濟之矣直隸所轄地方素有
儲蓄或州縣稍有不登卽以所貯米穀賑給是以民生獲濟今年豐歉尙未可知陝西省府州縣現存米穀之
數應行查明先行豫備至各省府州縣皆令積貯米穀數千石則裨益黎庶者大矣會典事例

又議准山東夏秋二季每畝應捐米麥秋成後卽令易穀併作一次每畝共捐穀四合除省有倉厥外其餘倉
厥之州縣地方官酌量修蓋加謹收貯陝西西安鳳翔二府及福建浙江均照此例捐輸會典事例

三十六年諭大學士等州縣已各調其地方大小積貯米穀兵丁所駐沿邊衛堡亦屬緊要其榆林等處衛堡

亦照州縣例將米穀積貯預備通考

四十一年令直隸山東山西陝西河南江北預備倉儲奉 諭旨皇民之道期於有備去冬北地少雪今春雨澤尙未霑足誠恐蝗蝻易生有傷農事亟宜先時預防直隸山東山西陝西河南江北地方歷年積貯倉糧果否足額該督撫確加稽覈務使倉有餘儲不致匱乏其一切應行預備事宜須悉心講求料理以紓朕宵旰勤民之意通考

四十二年又令陝甘積貯倉數是年陝省年穀豐收奉 諭旨山陝不通水路若稍遇災卽至艱窘今值糧米充裕之時無有急於各地方積貯者令督撫等將預備之處盡心究議嗣議定陝西人口衆多之州縣貯米三千石次二千石又次一千石交與地方官採買存貯動西安司庫兵餉銀十四萬兩以十萬兩照時價買米以四萬兩蓋造倉廩甘屬既無倉廩應動常平倉糧內十分之一蓋造將此項用過糧石照數填還再陝甘二處照依應徵地丁銀一錢米一斗者令捐輸糧三合以爲備災之用欽此停捐通考

四十三年又以山東歉收 命從江南買穀運往收貯通考

四十九年准浙江開例捐監定額貯倉先是江南開例捐監定額貯倉捐足奏明停止至是浙江巡撫黃秉忠言江浙二省財賦之地人民繁庶止於江省開捐則湖廣江西之光俱聚集江南而浙江捐納之人亦必將米運赴江南浙米勢必騰貴民食愈艱請亦照江南捐監例各府議定貯倉米穀額數捐足卽行停止從之通考

五十四年以密雲古北口關隘要地各運米萬石存貯通考

五十六年變通倉積米分運直隸各府州縣存貯通考

雍正元年諭截留漕米六萬二千五百九十石於衛
兩時降可運陝州收捐米二萬石於慶府存貯通典

三年諭古者視歲之上中爲儲蓄之節蓋官民經費久
運一時苟且之計積之於豐年用之於歉歲所謂
有備無患法良而意美也朕自臨御以來宵旰勤求無刻不以民依爲念乃重農積粟之訓屢下而閭閻卒少
蓋藏官倉亦多虧缺卽如直隸保定等府去歲頗稱有秋今春二麥亦熟乃以夏秋雨水過多田禾被澇而民
間遂有饑色幾至流離若非多方賑恤窮民必至失所此皆草野無知食不以時用不以禮但快目前之有餘
罔計異日之不足一遭旱澇追悔無從茲據江南浙江江西湖廣福建河南山西陝西廣東廣西雲南貴州等
省督撫報稱今歲秋成八九十分不等朕覽奏不勝慰悅又重爲吾民計及長久宜乘此時講求儲蓄之道以
備將來該督撫等可轉飭有司通行曉諭務須撙節愛惜各留餘地預爲他時緩急之需若但苟且因循不復
長顧遠慮則重負朕軫念元元之意矣雍正內閣 上諭

又 諭歸化城土默特地方年來五穀豐登米價甚賤查黃河自山西皇甫川界入口河之兩岸一屬山西一
屬陝西應自歸化城購買米石從皇甫川界黃河運至內地到土爾胡處修建倉廩收貯其歸化城大青山黃
河岸口亦建一倉買米存貯以便由皇甫川界運至土爾胡處再修造船隻運至陝西潼關地方其修倉修船
往來挽運所費錢糧諒亦無多刑部員外郎覺羅明壽係朕深知之人再著理藩院遴選謹慎賢能官員
一員同伊馳驛速往會同山西巡撫伊都立歸化城都統丹津等將查倉修船挽運水手及需用等項詳議具
奏若此事易辦則外而蒙古內而百姓大有裨益雍正內閣 上諭

七年又議准山東各府並附郭首縣貯穀二萬石大州萬八千石中州大縣萬六千石中縣萬四千石小縣萬

二千石大衛萬石中衛五千石小衛二千五百石大所三千石以此定額其地要民稠或積淫易潦者著加二三千石如有缺額動帑買補會典事例

八年又令江蘇各屬增貯倉糧江蘇所屬十三府州地廣人稠需用米穀甚多備貯倉糧視浙江河東等省獨少至是議令照雍正五年所定數大縣一萬五千石中縣一萬石小縣八千石穀則倍之凡遇青黃不接之際酌量糶賣不必拘定存七糶三仍令秋成領買還倉至江蘇常鎮四府戶口尤多令於水路衝要之地另建府倉各貯五萬石以備轉運通考

又議定廣東瓊州等鎮協積貯之數以廣東瓊州鎮瓊協龍門協香山協虎門協廣海寨僻處海外應預籌積貯議定買穀一萬六百石分貯各鎮協營遇青黃不接之時借給兵丁秋收照數買補概免加息通考

十年廣東巡撫鄂彌達謹 奏為敬請豫備倉穀以利民生事竊照粵東濱海環山民稠土狹廣州省會及佛

山龍江各市鎮商賈雲集本地所產穀石豐歲僅敷民食不能應省鎮商賈之需若遇稍歉則咸仰給于西省之穀而西省地廣人稀穀石有餘亦惟販運東省可以銷售此兩省互為資藉之勢第緝糶行貨利在速售東省穀貴西販固可為利若遇價賤東省商民又以西穀不如東穀肥滿而西穀有難銷之患故東省穀賤則西客觀望不前東省又因西穀不來即驟長價而東省亦時有缺穀之憂臣仰體我 皇上子惠元元至意悉心籌畫惟買備平糶然後東西二省均有利焉查廣州省城上流一百二十里三水縣屬有西南鎮乃西販聚集之所若干水次建造倉廩委員于價值平賤西穀糶積時收買數十萬石貯倉遇西販少至即開倉發糶州縣百姓既有官糶之倉穀接濟青黃省鎮商賈又有此備糶之穀石供其缺乏則價值必不至

驟昂西販知有官倉收穀可隨到隨賣自必販運恐後且收于平賤之時糶于長價之日雖比市價稍平除去耗折亦必獲有盈餘矣此收穀銀兩臣查雍正八年欽奉 上諭事案內江西省撥貯粵東各府州豫備銀十萬兩應請借五萬兩以爲收穀之資約分十年扣還庫項外所有盈餘一並買穀年年如是愈積愈多于 國計民生寔有神益至買糶事務查廣州府糧捕通判事稍簡堪委專管仍聽糧驛道盤查統轄交代奏銷悉照常平倉一例遵行管倉之員卽以三水縣西南驛驛丞就近兼理無庸添設應用斗級名數視厥坐多寡酌定應需工食于裁官役倉銀內動支俟糶出穀價盈餘銀內還項建倉工料委員確估統于借支五萬兩銀內動用建造亦俟盈餘穀價分年扣抵所有收糶價值並寔貯細數歲底造冊由糧驛道布政使核明轉繳撫臣覆核題報如此則東民無乏食之虞西穀無難銷之慮一轉移間于兩省民生均有利益矣

皇清奏議

又定江蘇崇明縣倉積貯崇明孤懸海外地不產米議准於積貯項內撥米一萬石收貯縣倉通考

十一年又令直隸各屬添建倉廩撥穀分貯順天等十府冀趙等五州現存各項并應買還本色共穀二百一十五萬餘石酌量大中小治勻撥備貯仍令動項添建倉廩通考

又議定江蘇各屬添貯倉穀六十餘萬石動用司庫酌留并捐項銀三十餘萬兩購買存貯通考

又撥永平府屬倉穀八千石至喜峯口建倉存貯是年黔省新闢苗疆安設重鎮令於廣西潯州沿河等倉撥穀五萬石分運古州都江建倉存貯又議令新設苗疆河西七兒堡建倉貯米二千石通典

十三年議定奉天錦縣靈遠州各貯米十萬石長寧縣貯米五千石通典

乾隆元年題准江西平糶豐收酌動存公銀買穀十萬餘石分貯各府州縣以裕本省之蓋藏兼備鄰封之緩急會典事例

三年諭著戶部酌量給發帑銀數萬兩交與永常會同地方官采買口外雜糧分貯附近各倉以爲地方儲蓄並使民間得價以資歲底用度通考

又論今歲山東河南二省麥秋大稔但恐小民於有餘之時不知撙節耗費於無用之地如躉糶耗麥地方更當嚴禁於斯時勿以二麥豐收遂可稍弛其禁至於鄰省需麥之處甚多以本地之有餘濟他省之不足而貿易之利亦在其中務使商販流通彼此均受其益如果再有餘糧卽著地方官動支庫帑照時價糶買存貯公所以爲餘蓄不使有穀賤傷農之慮但不可繩以官法勒令交易致滋擾累著該撫善爲經理會典事例

六年諭地方積穀恆難充盈而州縣有司往往慮及霉變賠補以多積穀石爲憂其如何酌量定例俾其從容不致賠補之處該部議奏通典

刑部右侍郎周學健謹奏竊以常平積穀不去其累官者而欲倉儲之常盈而無虧容可得乎累官之事莫如得變與買補二者本年五月內臣在戶部侍郎任時會同遵旨議將常平倉穀比照通倉准銷氣頭厥底之例行令各省督撫酌定成規題明辦理在案是霧變一事將來可免賠累且繕修倉廩及時晒晾照例出易勤慎之員原可不致虧損此猶人力所能爲也至於買補賠累則有非人力所及者春夏出糶當青黃不接之時米價必貴秋收新穀登場價值日必平賤似乎買補止有盈餘竟無不敷不知穀價之貴賤視乎年歲之豐歉如出糶時遇歉價貴買補之時遇豐價賤則有盈餘或出糶與買補之時皆值歉收皆值豐

收其價值約略相同卽有不敷尙屬無多若出糶之時則遇豐年價賤買補之時又值歉收價昂斯價值相懸不敷之數每以千計卽出糶數多不敷價值者亦每至數百兩不等府州縣官歲給養廉有幾何能堪此賠累乎遇不肖之員勒派里民短價領買勢所必至然派買一出而參劾隨之處分及之矣府州縣官食祿王朝積儲一事原應盡心辦理第倉儲不出陳易新致有得變則有賠補之嚴例出糶之後不依限買補致倉儲空虛則有買補遲延之參處買補倉穀則有計贓治罪之科條有違 功令則參處不免欲全功名則賠累何底焉得不視爲畏途惟冀積穀之少以省賠補之地乎乾隆二年戶部議定買補不敷准將通省糶價盈餘勻撥如再不敷准動存公銀兩撥補自此例一定買補之賠累少減迨至乾隆四年原任江蘇巡撫張渠因是年江省皆遇歉收價貴並無盈餘可以融補奏請停其撥補經部議定嗣後以本地之盈餘爲本地之撥補將通省融撥及公項撥補之處通行停止在案夫以通省之盈餘撥補通省之不敷則有盈餘之州縣固不容其冒銷侵隱無盈餘之州縣亦不致賠補偏枯事屬公平今以本地之盈餘爲本地之撥補設此邑之中連遇出糶價貴買補價賤則雖有盈餘無煩動用矣其或連遇出糶價賤買補價貴則更無盈餘可以撥補矣況既定以本年撥補則上年所有盈餘不肖之員必百計浮開以圖侵冒上司因係本地撥補之項不甚愛惜聽其開銷彼上年並無盈餘者則又不准融撥勒令賠補卽如臣奉 命查審兗州府沈斯厚貪婪案內有虧賑乾隆五年盈餘穀價一千九百餘兩沈斯厚提用一千二百兩現在審明議追設以此一千二百兩通融撥補可免數員之累今則徒供貪墨之便挪是同一撥補盈餘以之勻撥通省則公而溥以之撥補本地則偏而私其理較然可觀也至於動支存公添補不敷之處必值該省皆係歉收價貴盈

餘不敷然後動支若年豐穀賤則盈餘已敷撥補動支存公庫非常有之事且查存公銀兩留爲辦理地方
公事之需各直省如辦解物料不敷脚價及修理衙署等項皆得動支地方公事孰有大於積儲者而反不
准動支亦覺輕重失宜如以勻撥盈餘添補存公恐經營倉儲之員恃有此例遂敢浮冒侵漁之漸獨不思
州縣各官辦理之事何處不當稽核其浮冒防閑其侵漁斷無預料其浮冒侵漁遂可矯其弊而廢棄成法
也如以買補之時價果昂貴原可咨明展限不知此例已開畏累之員羣起效尤止圖存價在庫矣天時之
豐歉難以預料設或年復一年價仍昂貴不且盡倉儲之粟轉而爲存庫之價積儲竟爲虛設乎且上年既
因價貴停買下年春間必係價昂仍須平糶至秋成之時並買兩年之穀更覺艱難是價貴停買一事尤於
積儲無益也以臣愚見欲倉儲之常盈必使臣無賠累之苦欲使官無賠累之苦必當復通省撥補與動支
存公之例方爲有裨仰請 皇上勅下該部定議通行各省將乾隆六年以前凡有盈餘盈餘徹底查清解
交司庫統俟下年買補時有不敷之處核實撥補如撥補有餘再留爲下年之用倘或不敷動支存公添補
嗣後總以上年通省盈餘爲下年勻撥不敷之用其府州縣買穀還倉如有盈餘事竣之日卽解貯司庫另
設收存報部查核倘府州縣有將盈餘銀兩任意侵挪者嚴參治罪至於買補之時原應稽察其冒報侵漁
之弊請嗣後責成該管道府於買補時確查本處市價按其買補月日核實准銷如有虛開捏報及道府等
官不實力稽查虛應故事聽其冒捏者該督撫嚴參分別治罪議處如此則經營倉儲之員既免賠累之苦
且除冒銷之端積儲自充民食有賴於足民之至計無小補也 皇清奏議

十三年撥准常平倉穀之外別有貯穀如河南之漕穀倉貯穀七十七萬五千一百四十三石有奇江甯省倉

現貯雙萬二千石乾隆七年奏明請動銀五萬兩採買補倉因價昂未買福建之新設臺灣倉奏請備貯四十萬石現存三十九萬六千七百十有六石有奇浙江永濟倉貯米八萬七千四百三石有奇玉環同知倉貯穀六千石廣東廣糧通判倉存穀九萬二千七百八十五石平糶穀六千三百四十五石存價銀三千三百八十四兩有奇均因地制宜以資接濟皆不在常平額內令各省督撫照舊存貯又江南崇明縣倉貯米抵穀二萬石因孤懸海外特加貯備亦照舊存留會典事例

十八年議准湖北爲江浙上游界連秦豫各省偶有缺乏俱藉資於楚米而湖北額穀止五十二萬石有奇較之各省尙不及額多者三分之一應於舊額之外加貯四十萬石存爲鄰省協撥之用會典事例

二十二年諭地方水旱不齊國家所藉以撫卹災黎所待以仰給者惟倉儲是賴一有缺額自應亟爲籌補然籌補之法不待更立章程惟在督撫實心整飭而已前因各省爭議採買一時米價翔湧是以議立定額適年以來市價不致過昂此其效也然額定而缺者不補則緩急其奚恃焉督撫身任封疆民瘼所關自當詳加覺察時時留意豈可因循玩視而不爲先事計耶截漕出自特恩原不爲例非可屢邀也可將此通行傳諭各督撫知之會典事例

二十四年奉旨景州以北水次州縣二次截留漕糧共四十萬石酌量分貯會典事例

二十六年令甘肅添建鄉倉先是九年布政使徐杞言甘肅幅員廣闊鄉城相距遙遠請四鄉添建倉廩就近出納經大學士會同戶部議令巡撫黃廷桂查明題覆旋據黃廷桂查河州鹽茶廳等處統計應添廩座七百二十九間又奏請於甘州等處城工銀兩內動項先建鄉倉二百六十四間並聲明各鄉土堡高厚居民稠密

有官兵分級看守不致疏虞部議准行至是巡撫明德言從前添蓋鄉倉除固原州鹽茶廳已於四鄉建設厥
座足數就近支用外其餘各州縣如靖遠古浪高臺所屬村堡並未議建鄉倉又皋蘭河州會寧岷州西寧等
州縣所建鄉倉不敷積貯又金縣等三十七處雖議設鄉倉未經估建今甘省收捐監糧每石收倉費銀四分
爲州縣修倉之用現在甘省連登大有生俊報捐踴躍倉費較前日多採買漸充均需厥舍堆積請將前項倉
費銀兩添建鄉倉現在委員通行確查擇其最要者於今秋儘現存倉費先爲添建嗣後卽以每年所收倉費
分別緩急次第撥節辦理部議應如所請從之通考

二十一年諭各省倉穀積貯務須籌備充裕倘有缺額穀石俱卽動項如數買補嗣後如有本省庫項不敷應
行請撥之處該督撫等確覈情形隨時據實奏聞候朕酌量撥給會典事例

五十年諭安省毫鳳等屬上年被水歉收本年又復雨澤愆期農民望澤孔殷未免情形拮据自應寬爲儲備
俾資賑卹著於三進幫船內截留漕糧五萬石存貯備用通典

五十五年奏准四川附近水次各州縣加貯穀三十萬石現在穀價平減再分貯穀五十萬石以備本省平糶
及接濟鄰封之用會典事例

嘉慶二年覆准四川秀山縣常平倉穀按照例價加買穀十二萬石用資儲備會典事例

五年諭各省倉儲靡繫各省民食軍糈若於地方年歲豐稔之時不行買補足數設遇一隅偏祲或他省有需
用之處何以接濟此皆守土大臣所應隨時經畫者儻經此番訓諭之後各督撫等於倉儲仍不肯實力整頓
一經查出必當重治其罪會典事例

章雖精貯論上天下之本在農農民困則天下困天下之困解而止而農民口食之外尙有事田畝但解口食之困而不可止以故天下卽不困而農常困不獨凶年困樂歲亦困語云可使足民孟云使有菽粟如水火其使之道果安在哉耕三餘一耕九餘三非農自餘之實賴有精貯之政然東漢之常平今則可收不可放陪之社倉又可放而不可收若是者何也蓋不知人民之數故也周禮在大鄉者鄉大夫而下至於五家之比長在六遂者遂大夫而下至於五家之鄰長六鄉畿輔如今順天六遂如今之各直省不特知之而且辨之數之而總之於大司徒小司徒如今戶部尙書侍郎其數直由五家之比長鄰長而詳不待凶荒而施舍之政補助之法斂散之節易行也後世之法不揣其本無積貯則立而視民之死有積貯則徒滋詐僞而無補於事愚以爲欲厚生必講倉法欲講倉法莫要於知民數欲知民數先清田數田數本有冊籍然有一田必確知其一田之主如近時有田百畝則當一夫而欲避差役則詭寄戶名于是有無田有差者有數百畝千畝而無差者今欲確知田主按籍以求真名不難也使邑宰合而計之似難使各倉分而核之則易一園之大者五六千畝小者二三千畝上農佃二十畝口必多中下以次而降其數他人不知田主未有不知者由倉而核田主之真名由田主而核佃戶之真數春頒則田主承領秋斂則田主歸償古者田以井授則管於比長鄰長之官今以買受則業主卽比長鄰長之官也一甲統十戶一保統十甲立一倉皆以士人有家業者主之今之總甲卽隸於所立之倉正倉副倉爲役大小相維綱舉目張宜無便於此者或曰佃或詐設田主懼累不肯爲之承領奈何曰初行信有之久則無是矣初行時田主曰是真貧而不能償者也倉主則曰是果貧耶揭其名而定其數不許其借而許其糶雖不借猶借

也而不貧者不與焉不貧者田主不憂其不償也不難於承領也而他途之人不與焉夫農民之常困於他途者他途後謀口而止而農民不但謀口而止一畝之田耒耜有費籽種有費耨斛有費僱募有費所費有費牛力有費約而計之率需錢千一畝而需千錢上農耕田二十畝則口食之外耗於田者二十千以中年約之一畝得米二石還田主租息一石是所存者僅一石當其春耕急需之時米價必貴折中計之每石貴一千有餘勢不得不貸之有力之家而富人好利挾其至急之情以邀其加四加五之息以八閱月計之率以二石償一石所存之二十石在秋時必賤富人乘賤而索之其得以賤不號寒豐不啼饑而可以卒歲者十室之中無二三焉農民之所以困反不在凶年而在樂歲今由倉借米無所謂貴賤也加二斗之息不及富人十之一也來春又借之而出雖名曰借實取之宮中而用之也實算一石止借二斗詐設之民亦深知失信實通之無利而爭輸恐後矣行之日久而田主猶懼佃戶之累而不肯爲承借者必無之事也古者九等定戶二口起十口止不二口則鰥寡孤獨分命合養之無難矣因是歷考古來言積貯者惟管子李悝能用周禮民數之法亦可見其時井田未廢朱子則行於一鄉其數易知惜猶未詳求及此故其法皆不久而自敝也或曰田以買受復由佃種參差進退月異而歲不同其數何由盡知余以爲不然假如一人買田百畝其佃種者必有七八戶工本大者不能過二十畝爲上戶能十二三畝者爲中戶但能四五畝者爲下戶上中下各幾戶他人不知業主未有不知者蓋業主開明戶若干口若干以交倉將來春放之時按其人口多少定放幾何收時亦然或口數有增減悉由業主隨時更正惟至數百畝千畝者皆一例可知矣其佃戶而外或有自種己田者亦分別其上中下戶而託田鄰領放

或他國之親友皆以取信於倉為主其他工匠雜色人等不過鎮市公知共見亦分爲上中下戶許糶不許放分遠正色雜色二簿及大數之歲公行義賑則正色雜色一例給放其下戶卽極貧也中戶卽次貧也上戶不賑此皆不待查覈而按籍了然者以此行社倉則常年春放之數悉當其口數田數何至有秋收遺棄之弊卽大荒給賑又何至如近年詭習無稽一無考核也哉後世田歸於業主則業主卽鄰長里長之官業主不經理之將誰經理之者每鄉立倉正二人以考其成每國立倉副二人以發其實每田每戶各業主注册以立其根上下公知互相糾正保甲出其中井田寓其中而謂民生不厚風俗不成無是事也

積儲論下食餘而不知斂狗彘食人食矣斂而不能散老稚轉於溝壑矣願易於散者必難於收無論凶年無以救死亡且何以爲恆年再散之地乎不可不詳其道也其道云何一責成田主周知民數二權宜糶糴三存典生息其必分三條相輔而行者誠以各鄉情形不同聽民自爲擇取或當青黃不接之時以倉米平糶價每升酌減幾文使倉有微息而農民亦沾膏惠此亦一法也更或每年變價交典生息八釐展轉生息以爲大荒賑糶之用此又一法也三法並行而必以周知民數爲之根柢特恐初行查考未清抑或各鄉致有不同姑以減糶存典二法通其變耳至若城鎮圖分多半不耕之民則惟有糶矣特非荒不糶與農民別而以民數爲主則亦與農民同耳三代後能推行盡利者其惟管子乎管仲輕重篇曰歲有凶穰故穀有貴賤令有緩急故物有輕重上令急於求米則民重米緩於求米則民輕米人君不理則畜賈遊於市乘民不給百倍其本矣給足也故萬乘之國必有萬金之賈千乘之國必有千金之賈者利

有所并也買謂居積者計本量委則足矣在上者量本而委以所欲居之貨不使有以十取百之弊然而民有饑餓者穀有所藏也富人積穀亦買類民有餘則輕之人君斂之以輕民不足則重之人君散之以重凡輕重斂散之以時即準平守準平使萬室之邑必有萬鍾之藏藏鍾千萬室之邑必有千鍾之藏藏鍾百萬六斛四斗爲鍾鍾錢貫也春以秦耕夏以秦耘耒耜器械種糶食必取贖焉故大賈畜家不得豪奪吾民矣以上管子全文按商列于四民之中而獨有畜賈之禁者商通貨賈居奇心同而術異商察歲時之豐歉知四方之貴賤以有通無衷多益寡故穀賤而商糴至則其價必增價增則利農穀貴而商販至則其價必減價減則人與農俱利若夫賈則爲主而不爲客非有關津舟車之勞不能久待也非有旅食貨宿之費以急于求售也商多一日有一日之累賈則多一日有一日之利是以非至賤不糴非至貴不糶挾其至貴至賤之權以乘小民之急夫安得不困故考工稱國有六職而不及賈誠以商尙有利於民而賈者虐國家之大蠹也損富賈之有餘以補耕耨耒耜之不足管子其善用泉府法歟泉府云貨之滯於民用者以其價賈之即管子有餘則輕之故人君斂之以輕也泉府云物揭而書之以待不時而買者即管子不足則重之故人君散之以重也泉府云凡民之貸者與其有司辨而授之以國服爲之息鄭言農謂從官借本賈以其所賈之國所出爲息也康成曰貸萬錢者斯出息五百即管子之泰春國穀倍重數泰夏賦穀以潤田土春秋田穀之存子者若于是也夫泉府之職列於地官以司徒之屬有周知土地人民之責也管子則曰國之廣狹肥饒有數年歲貧餘有數尤爲握根探本之論此法惟李悝嘗能行之李悝糴甚貴傷人甚賤傷農人傷則離散農傷則涸貧故甚貴其賤其傷一也管子者使人

無傷而農益勤凡不耕而食者曰人按管子策國譚農而已而懼則兼人其法較密不知管子當穀賤之時已存三分之一以待人民相爲糶糴而商賈之家又復計本量委以使之轉販取贏至於出穀之時平價任賈人與農復何所區別哉故李悝之法亦卽管子之法也或曰熙寧行泉府害如彼何也曰非泉府法也泉府云凡民之貸者言民之願貸者不貸於公亦貸於私不願貸者不相強也而熙寧則抑配之提舉司以多散爲功泉府云國服爲息是隨其所服事之物爲稅鄧司農云或以絲絮或以絺葛是也而熙寧則概徵錢錢亦可爲息定以錢則不可泉府之息康成謂萬錢葦五百而熙寧則放錢一千收錢一千三百六倍抑配行則領者不必償償者不必領而鞭笞勒扣無所不至矣富不願領貧不能償強富代貧勢所必至徵錢一定則稅非其產勢必於秋成穀賤之時轉輾求售以償官債而卒歲之計且不暇問矣至於息重之害又不待言而謂是泉府法乎其尤悖亂無理者盡散常平錢作青苗錢是使萬萬窮民盡作朝廷債戶不幸有水旱之災而朝廷涓滴之澤不濡於編氓也豈不謬哉經世文編

論軍機大臣等據許乃普奏興義一府毗連滇粵爲苗疆要地田畝素稱磽瘠自嘉慶一年勘定後苗民逆絕田土入官作爲科租所有復業苗民田畝無多全恃山頭地角栽種雜糧生齒日繁又經漢奸盤剝生計日益不支設遇歉收之年更形拮据查逆絕租米或千餘石及百餘石不等除撥給土弁工食米外餘米照次年夏收分數變價解司以作公用此項米價爲數無多不若實米仍存各處官倉每年青黃不接之時量爲減價平糶秋收穀賤之日如數買補運倉按期申報藩司毋許虧短十年後積貯不少備遇旱澇卽以此項租米備賑等語黔省漢苗雜處前經嵩溥奏准編查苗疆保甲將客民戶口田產造冊稽覈嚴禁流民續增戶口及盤剝

準折等弊原係籌畫苗民生計
時得資接濟歉歲亦有蓄儲未
實米備辦平糶於該處苗民生
同治九年山東巡撫丁寶楨飭
沂各屬尙可支持而濟東泰
形實堪憫惻猶幸該兩年五
愛不忍困我小民本部院忝
災流行何時蔑有全在綢繆
米豆梁率多及時賤賣殊不
迭遭荒旱前車可鑒豈可不
思現值經費短絀姑無論請
運奔走之苦況一經辦賑徒
兩年之春旱慮前途後亟思
能辦理卽或地方官志在爲
己或藉此高下其手多寡不
以擾民累民是以欲行輒止

平糶之政地方幸而得安嗣秋收時年歲頗豐因創爲積穀之舉傳集公正紳耆與之認真舉辦未及一月內府屬具報積穀者已有十二萬數千石極爲踴躍當復通稟上臺推行各府一律照辦次年查明通省各州具報明積存之穀共有八十餘萬石是年湘省水荒民間皆賴此穀不致顛連迨至今仍復舉行不改是積穀之法辦理已有成效本部院前數年親身行之而獲利者至此而不敢施行是豈湘省之官吏皆勤廉而東省之官吏皆貪惰乎是豈湘省之紳耆皆公正而東省之紳耆皆私曲乎是豈湘省之人民皆知自保身家而東省之人民皆不思自顧身家乎言念及此益用慨然而本部院痛懲前害必當遠謀雖東省之地方官不能皆盡心民事然亦必有一二能自振作者雖東省之士民不皆知保顧身家然亦必有一二能知自愛者卽本部院作一日官亦當作一日事盡一日心決不能因噎廢食爲此札仰該道卽便轉飭各屬自行籌計所有積穀之法是否能振刷精神清白操守竭力設法舉辦如能實盡心力以民命爲重認真舉辦卽各將所屬地方應如何辦理盡善能否辦有實效不擾一民先行籌定辦理章程飛稟核明飭遵備不能實力舉辦及雖舉辦而精力不能照應徒使地方胥吏地保以及刁生劣監從中假借漁利肥身者卽毋庸議不得勉強塞責貽累民生至各屬如有稟報舉辦之處該地方官紳如能辦理得實定當從優獎勵備查出有分毫營私舞弊情事卽從嚴參辦毋違此札丁文誠奏議

監察御史李學錫奏竊臣聞近來各直省講求積穀本朱子社倉之制而變通之法良意美誠未雨綢繆之至計顧社會第行於一鄉不得其人法已虛立況其在天下乎今之議者皆知積穀之利無窮然或措置未善則弊端之起卽在未見利之先此不可不審思熟計者也山東自同治八九年間前撫臣丁寶楨已飭各

屬舉辦其法勸諭之始官泄之囤積之後紳富司之以民有者還之民蓋防侵蝕諸弊意良是也然如臣所聞他處未可知即以巨籍而論諸城一邑城關內外所積之穀不下數千石十餘年來未值凶荒賑貸亦未經出陳易新而所入之粟半歸烏有是以有用之民財聚而耗諸無用之地也不亦大可惜乎今撫臣任道鎔又復檄辦且以嚴法馭屬力求振作足見其實心爲民無如民之耳目難欺往往舉前事爲口實輒生疑沮卸繩之以法且勉輸將而無徵不信不信弗從使此次所辦仍如前次之毫無實際則不惟徒多勞費而以囤閩之蓋藏供官吏之粉飾亦甚非立法之初心矣臣愚以爲行此政必得其人因其地明其賞罰而後可積穀不藏之官而藏之民非如州縣倉儲之有關考成也惟無關考成故視爲具文聽其盈虛夫食爲民天食耗則困此而玩視將何者不玩視然保聚之責在州縣用人之責在大吏果皆潔己奉公之牧令孳孳以民事爲急則雖囤蓄在民而稽核在官錙銖取之豈忍泥沙棄之乎此所以貴得人也以民所餘防民不足必豐稔之地民力方紓若如去歲東省被水地方元氣未復 朝廷方下蠲除之 詔官府旋爲積聚之謀無論其無可出卽強使輸之而匱者益匱支絀已莫救於目前此等災區似宜從緩俟豐歲再行勸集取什一於狼戾之時求水火於至足之地民無不樂從者矣至於積成之後必舉紳耆典守而公正者多不喜事孰肯甘任勞怨其踴躍赴功者大抵欲便私圖耳臣以爲宜定考覈功罪之法或三年或五年必委廉幹人員盤驗一次無耗者賞酌予花紅扁額缺額者罰並令如數賠償不得含混蒙蔽如地方官能隨時整頓一邑之內存穀完好者亦卽奏請獎敘否則記過參撤庶有所勸懲難者不畏其難欺者莫售其欺而惠被無窮矣夫積穀原以爲民使穀積而無濟於民其謂之何惟不遵求利而弊必除預防其弊而利乃久之

東省而效行之他省亦豈有不效且謹就管見所及清陳 聖聽可否 飭下該撫嚴實辦理務令穀不虛糜以重農儲而備民食是否有當伏乞 聖鑒訓示 謹鈔

光緒八年山西巡撫張之洞奏竊維山西善後事宜端緒錯雜款目糾紛粹雜清理臣到任後察考故牘遺闕甚多迭飭司局詳細開報臣按款勾稽現經查明有所謂善後節省一款爲數甚鉅問所從來大略有六一報銷既畢如運局原領經費繳回之款一四川捐局應支局費一併解晉之款一天津補解捐項尾零並津貼斛費之款一各省解項長出餘平之款一各州縣繳回原領牛馬價之款一蒙古馬變價運糧口袋變價之款通計共銀二十二萬八千餘兩以上諸款或專款尙存或因事借動今飭局員分查統核得有此數均在光緒六年善後報銷第二案奏報司庫所存積欠善後正款之外該員等原擬俟善後用款完竣再行歸案附報現經善後局司道查明詳報前來臣惟此項存款雖係賑轉節省而成溯其所由當日委皆爲周恤晉民而來今日當爲補助晉民而用查晉省素患穀缺仰食關洛經傳所載與今日情事無殊固本之計莫如積穀積穀之道莫如多儲而專壹聚之壹則稽核得實儲之多則能禦大患晉省各州縣倉穀雖經曾國荃發款買補現在通計止實至七成分散畸零僅備一區無裨全局仍非有大宗積儲不可閣敬銘過太原時與臣諄切言之考之古事漢置敖倉於成皋隋置黎陽倉於衛州唐置洛口倉於鞏縣集津倉於三門皆於適中水次儲豐饒以備有事時取給無窮轉般利便晉省產穀之區無如邊外薩拉齊廳所屬之包頭鎮其地濱臨黃河商賈雲集湯穀萃焉其價常賤於內地什之五浮河而下千一百里達於磧口磧口爲汾州府通判所治東距汾州陸行二百八十里南至蒲州中徑龍王越起剝易舟共水行千里惟包頭入內地

河無大船受載有限運費不輕現擬派員在包頭設局視察賤時收買存倉視穀貴時以舟運至礮口計賣穀一石可運三石礮口居民多聚石爲築以居米商卽以之屯糴最爲穩固擬於礮口多建石倉以儲之穀盈於倉卽行封錮可無侵盜之虞卽付礮口通判典守並撥遣附近弁兵防衛惟此項穀多款鉅得人爲難且急買則價踊久駐則費多查調署大同鎮總兵張樹屏年來統軍常駐包頭軍律整肅甚得吏民之心該鎮廉正密實勇於任事本年四月來省臣與往復議論知其胸有經緯議及此舉規畫井然擬派明幹之員前赴包頭會同該鎮察度情形辦理大端責成該鎮臣決其必無侵蝕浮冒之弊該鎮所部將校足供任使而有餘可省局員費無算而且以靜待動收買發運操縱因時見可則行知難則止期以兩年當可集事有此高廩廣儲萬一晉省遇有急需東由汾平可達省垣南下蒲津可及邊鄙亦何至救朝飢而糴數千里之遙運一石而需數十鍾之費糜財曠時致誤事機哉此策發之於閻敬銘而贊之於張樹屏該兩臣一爲老成更事之論一爲熟悉邊事之人言之鑿鑿理當不謬臣愚以爲備豫之道無逾於此且使鉅款安置得宜此時不致虛懸而將來可收大用統俟善後正款用竣一併彙案報銷

南皮政書

山東巡撫任道鎔奏竊維民爲邦本食爲民天歲時豐歉無常防患貴於有備臣歷任江西浙江直隸等省均經飭屬勸辦積穀以資緩急上年蒙 恩補授斯缺到任後因查東省地瘠民貧並無耕九餘三之蓄各屬常平等倉亦因年久動用無存設遇凶荒毫無補救積穀一端實爲目前要務當飭藩司崇保安議章程頒發各屬視縣分之大小定捐數之等差通飭一體遵辦但求公平不許抑勒但期樂輸不計多寡並先令清查戶口寓保甲於積穀之中以期地方民生兩有裨益計自勸辦以來據濟南等十二府州屬陸續稟報

邀同紳士按莊查造戶籍先儘殷富次及農商設法勸捐或聽量力而輸將或按地畝而酌派截至本年正月止計共捐齊穀六十一萬四千六百餘石每州縣三千餘石至一萬四千餘石不等按照派數多有盈餘各紳民見義勇爲足徵人心風俗之厚尙有捐未足額十餘州縣約至麥後均可一律報齊臣飭司分投委驗尙無虛捏情事惟州縣鮮有倉厥仿照朱子營社立倉之法各歸各莊暫存富家公所選擇本鄉公正紳士妥爲經營仍分飭另籌建倉量爲歸并以垂久遠此後歲事順成尙可年年增益爲圖匱於豐之計臣當體察情形隨時核實籌辦以仰副 聖主軫念民依之至意

經世文續編

監察御史卹純擬奏竊爲政必先足食思患尤貴預防近年直晉豫秦四省亢旱爲災飢民流離失所固由天災流行亦以備荒之道未講也查同治十二年前河南巡撫錢鼎銘奏請積穀奉 旨遵行在案其法蓋仿照常平社倉之意取富歲之盈濟歉歲之乏而皆民捐民辦一鄉之中積有成數各存殷實之家不假吏胥之手法至善也河南各州縣奉辦甫有頭緒而後任撫臣不以爲意地方官亦置之不問前數年歲屢不登因所積有限未能濟事論者惜之今幸賴 皇太后 皇上聖德感召休和京師迭沛甘霖山西一省亦普霑透雨其餘各省皆雨順風調秋禾可卜豐收正可及時勸民積穀以備荒歉或謂大祲之後民間瘡痍未復不宜更議捐穀不知民自捐之民自積之不啻取之內府而藏之外府也何害之有或謂政在順民情積穀之法必多窒礙難行不知晉豫數年旱災道殣殍暴弱肉強食實爲古今奇慘身受者固不待言卽目覩耳聞者亦皆有前車之鑒今復爲勸諭之有不輸將恐後者乎所謂事半功倍者正此時也可否請 旨飭令督撫酌量各省情形一體仿照辦理毋任勒派毋假胥吏則歲歲所積陳陳相因一縣有災他縣可以

相贖一省有災他省可以相救不費 國帑不賸民力於 國計民生大有裨益臣上年乞假回籍親覩流離之狀亟籌備預之方愚昧之見是否有當伏乞 皇太后 皇上聖鑒訓示 謹 奏

涂宗瀛重建長沙府倉記賈生有言積貯者天下之大命也樞輕重而斂散之其法始於齊管仲魏李悝管仲之意兼爲富國李悝之意專主濟民蓋以農人服田力穡之贏餘制之使不以甚貴甚賤爲患乃仁者之用心然漢五鳳中仿之爲常平倉而劉般已言其弊豈不以法待於人人待於時乎 國家子惠元元各府州縣治皆有常平倉其在鄉者則謂之社倉又有預備儲備等倉以爲之補助農恤民可謂至矣而歷久不能無虛耗之弊卽或儲積錢以相當亦管子所謂以幣藏之者然歉歲無以應糶弊亦與虛耗等余奉 命旬宣楚南每念民食之重籌撥令各屬請所在價易穀實儲而省會長沙府倉顧久廢弗復且失其基址長沙善化二縣之穀寄貯漕倉者存不及半屋多朽壞乃慨然曰廢興之故豈非時哉蓋自軍興以來餽餉之需借資倉廩而交替轉輾以虛數上其籍而已其倉與穀之全廢者興復尤細於力比歲軍務告成擬書有年修廢舉墜爲吾民計長久而圖圖於豐者時哉勿可失已同治十有三年甲戌之秋迺率僚屬覈府倉之舊址而復之鳩工庀材落成於光緒紀元乙亥秋九月廩屋堂宇皆備約可儲穀六萬石而二邑之倉歛者正之圯者易之缺者增之亦同時竣工練以牆垣皆砌今甌既周既固則移沉州軍穀益以采購共增穀五萬六千餘石舊存者四萬餘石合之共十萬餘石其義倉之不領於官者又四萬餘石於是省垣之內可積儲穀二十萬石有奇庶略得有備無患之意願郡縣事繁冗不能不假手胥役久之且又有弊因略仿朱子用鄉人劉晏用士人法而變通之於佐貳及需次人中擇謹愷者專

其事而以二鄉人襄之司中則歲考其成規模亦嚴備矣雖然權輕重時敘散行之有利而無弊亦存乎其入耳昔朱子建安社倉得常平穀六百石以經始數年乃三千石因請以是行於司倉其後真文忠帥長沙亦仿行之然則視民事如家事以實心行實政亦何有在鄉在官之異耶惟願後之人勸省而力擴之穀貴則減價而糶以利民穀賤則增價而糶以利農以常平之成法參朱子社倉之意積之愈多行之愈遠其利益豈有涯哉是則余之所厚望也

積穀章程

魁聯

一按畝攤捐 十畝之家每畝出穀一升以次遞增二十畝二升三十畝三升至百畝每畝一斗而止其田逾百畝者每畝一斗以上不爲限制聽其樂輸

一照例議敘 田多則捐穀亦多亦有不按田數慨然多捐者總以捐至二百石則照例詳請議敘品級職銜捐穀愈多議敘加優既以利濟鄉里又邀 朝廷褒寵尙何顧惜不爲

一慎擇首事領管 每都所捐之穀分作二十起擇公正殷實首事二十人分領分管一年一換稟官請給印簿載明所領穀數憑衆車廩淨盡斗量多少實數每年冬月約日憑衆算量移交不得懸充初捐時寄貯私倉三年後將息穀變價擇地起倉一切出納不準書差干預

一嚴定收放程規 每年夏至前後分三期發借每石二分收息借者照煙戶牌冊所載家口需穀若干邀隣里股戶的保親書借券秋分前後三期用原斗量還歸倉不得以私帳抵賴其違者保人賠還否則

鳴官追究

一預限積穀定數 積穀太多難於收管且易起侵蝕之弊今通計一都上中下貧戶大歉之年約需穀若干俟積滿其數後每歲算明除留存此數仍舊收放將所贖餘變價置本都義學義塚及造橋修路視所當爲之舉憑衆估算動用另行起息歸下年估用但不得以作僧道寺觀一遇荒歉將所貯本穀按上中下貧戶照牌冊所載家口或概行賑貸或酌量賑卹所存無幾下年仍照前次按畝攤捐如法積貯收放

一推廣各項公積 查所屬氏族有祭田墓田都甲有文昌會有團總田又有燈會醮會茶亭田其類不一皆屬義舉然其動用或亦不無過費今特勸諭其各節省妥爲掌管過荒歲一族所貯可濟族中之貧一團所貯可濟團內之貧此與前項積穀可並行不悖及足以濟其所不及者尙願推廣行之總在得人得法耳經世文續編

劉樹堂積儲論事有行之久遠而實惠均沾者惟積儲而已積儲者欲歲之豐歉有備而遠避倭寇也常平儲之在官窮黎尙未沾恩奸商先得射利更無論胥吏之侵漁社倉儲之在民情屢樂於久借富強苦於屢捐且不免驟強之自利民蠲而官儲是義倉之設爲足濟二者之窮北地平原曠野無山川以出霖雨大都豐歲少歉歲多尤宜於三者斟酌盡善預爲積儲補救於未然我 朝常平社義諸法行有成效久已垂爲定例矣今胡考之冊籍稽之官司或數空而倉圯而地在凋殘之邑如是完善之儲亦如是鮮不曰有治法無治人然則法卒不可行矣乎試卽古今而熟籌之有相似而不盡同者有已行毋庸變更者有彼此異勢不妨稍爲參酌者常平之在官也同一減價而糶祇准售與貧民買者限以升

斗而市場之價任其增則四方之粟有以致同一增價而糴卽在四鄉採辦必須實米入倉斯行戶不得專其利而胥吏何得行其私相似而不盡同者如此社倉之在民也擇殷實老成者爲之長以保正甲長爲之副春借之時量其人丁查其田產以與之無業游民不得徇情包庇秋還之際每穀一石加惠一斗以收之繳收利息并應酌緩限期年底詳造清冊以稟官分其所餘以爲賑所動者惠米不必歲歲勸捐所設者社倉自應村村聯絡以一鄉之財爲一鄉之備出者毋吝勸者毋勒核其輸納酌與獎勵已行而毋庸變更者如此義倉者民蠲之而官代儲之者也方敏恪公總制畿輔時計直隸百四十四州縣共村莊三萬五千二百一十爲倉一千有五立法最爲周詳按其國而次第復之不妨稍爲參酌責令紳士司其事而以州縣考其成每遇豐年分給印簿取錫銖於狼戾求水火於至足捐穀者有所褒嘉司事者給以薪水積穀既饒添設子倉不必推陳出新以求滋長亦不必春借秋還以權利息樂歲實有所儲凶年實有所濟出納委諸紳而實數必使官知賞罰出於官而用人必由紳舉官紳相制而利乃可久彼此異勢稍爲參酌者又如此今天下戶口日繁則穀價日昂不必備於歲也風俗日靡則費用日多不能悉有餘也是又宜公督私藏飭令富民蓄積而自藏於家地方官隨時查驗此晁錯實聚塞下之法而實誼雖民歸服之意亦默寓其中諸法既行窮陬僻壤已有恃而無恐至繁勝之區萬商雲集民鮮務農如天津者又宜師義倉之法勸設商倉令各行量力捐輸擇聚族於斯者董其事賑借並用奸宄不生使知所以濟貧者卽所以保富上行實政下沾實惠自可歷久而不斂正人心厚風俗廣任卹胥於是道得之矣豈不說哉

經世文續編

陶潛宣上任布政論積儲書蓋開積貯者天下之大命而變通者隨時之權宜善爲治者必因時以制法
隨地以立方亦以利民而已執事勵精圖治上事以來息息以嘉惠黔黎爲念懇懇切至凡有關民計者
罔勿遞舉而於積穀備荒一事上承 明詔下督屬吏圖置於豐尤惓惓焉幸在畊幪但有忤心加額淪
肌浹體至夏法美意區霽至善豈橋昧所能窺測第以涓埃之細足補高深狂夫之言或資採擇竊欲於
各郡邑奉行章程略擬變通冀少裨安民裕國之懷於萬一夫古今之言積儲者莫善於平糶常平惠民
社義諸倉之法矣而初行有效久則弊壞者始始之人以實心而行良法故法興而利普繼起之人以良
法而濟私心故法弊而害滋近如直隸晉豫諸行省其曩年報存倉穀不下鉅萬際此大祲無一實在屢
經大部嚴飭僅以空文相抵此其明喻焉然取者不能憚覆轍而投轄食者不能因偶噎而廢餐濟宜生
長是邦遠稽近察於積弊沿習之中求通融補救之道則莫若易積穀爲積錢之法簡而利久也不揣固
陋敢臆指利弊最著者爲執事陳之夫積穀大利也而其弊有九社倉之制始始朱子夏放秋收二分取
息法似至善然所司以爲定額不敢缺少必有按里抑配之病抑配則有不願借而強借之病而冒濫拖
欠之病隨在而滋矣朱子定法曰支米者有漏落增添必送縣科罪收米者有走失拖欠必責保均賠欲
杜其弊擾民益甚李侍郎絳作論辨之謂此法唯朱子可行以任事者皆門生故舊學道君子也當時下
其法於諸路已暫行輒廢蓋有治人無治法其弊一也若推陳易新勒限買補宜無損於穀無累於民矣
然年歲或有歉豐穀值不無貴賤如糶豐糶歉卽出納不敷限期則價直相懸展期則遷延胡底矧糶糶
之間動須耗費甫有盈餘尙堪挹注設遭短賈奚自補苴斯時也必買足以斟畫一主者之賄累何堪任

短額以充久懸此中之縮伸難信其弊二也道光初陶中丞奏設豐備倉於皖定章不減糶不出息不借錢專意存貯以備歉時自謂簡易直截遠勝前人然下潮上漏點檢難周厥底氣頭耗損日甚歷年既久陳陳相因封識宛然有穀無米雍正間豫撫田公奏陳米之無用曰糶穀愈陳米粒愈細炊飯不能脹發食之易飢是以有用化無用思矯弊而弊更甚其弊三也夫常平諸倉僅在城邑推行不廣若積穀於鄉非貯家祠印藏社里而粉榆所在或隔村烟宗祏僅存久虛人蹟不惟蟲鼠所傷尤爲匪人所伺若必守有專司則又費無所出事當糊始主者尙勵精治之洎年歲湮隔筦司失人往往視同無主之物耗損既多盜竊不免其弊四也更可慮者建倉村落衆目是既無賴之徒尤所覬覦夫偏災小祲難必歲無雨陽偶失時調若輩乘茲蠢動紛紛告振暨議開倉一唱千和勢有必然董事者姑應其求則後難爲繼力拂其議則衆忿難干恐大災反無以爲儲地方轉因而多事其弊五也兩浙瀕於江海如杭嘉湖甯紹諸郡其壤地低窪其河渠便利故旱魃肆虐尙多補救之方淫潦爲戕猝成汪洋之勢凡建倉庾多依城市夙稱水國難度高遼巨漲忽來望洋徒歎蓋藏或未堅完穀粒每至漂浸此時卽存倉有粟尙覺振施不易移運尤難其弊六也夫恆陸困積既多耗損之虞臨變倉皇又有淪胥之患以至地方薦紳反以積穀爲累始唯願辦之不成繼唯恐議之不早而樂於從事者未必皆公正廉平之選難保無侵漁虧蝕之端卽枹首幸號得人受替詎能盡善卒至地方患恤飢黎之具徒飽奸貪谿壑之吞其弊七也且百姓可與樂成難與慮始一政初行每多紛議陽爲觀望隱致沮撓而守令迫於考程苟且以塞責士紳憚於舉辦粉飾以告成虛報數目勉副功令派員驗核通弊仍滋卽有賢有司者能具慧鮮之實心不僅承上官之風

指董勸邑紳首蠲月俸撙始之日實貯實存而但博美政於一時不圖永利於日後久之官諉於紳紳諉於胥官紳互推新舊叢弊累任之交替則有印牘上官之詳報則有例文以冊爲倉以簿爲穀有穀之名無穀之實其弊八也而或者欲挽儲倉之害杜浸蝕之端令各鄉富紳分認捐穀若干仍分存各戶具狀於縣臨時由縣責紳依數散給法至簡至當焉然積穀之用以備久遠或用於數年之後或用於數十百年之後紳家之消長不同後起之賢否難必其時或實無可償日久或羣相推諉而本爲派認之捐貲究異負侵之官賦檢稽簿冊事同畫餅之充飢追比樂輸亦嫌立名之刺謬矧患起於倉卒命延於俄頃必待繳積逋以應需恐等索枯魚而無濟其弊九也有此九弊某所以慮積穀之未能卽成亦卒無實效蓋嘗由近事稽之往事由本省推之各省知其必然而無不然也今若易積穀爲積錢易存倉爲存典九弊畢除更有公利蓋易穀爲錢無霉變之患無漂浸之患無窺伺耗損之患易存倉爲存典省建倉之費省築守之費省斂放買補之費且有歲入之息錢息相生循循不絕日積無小歲計有餘夫穀積久而愈少錢積久而愈多其利一也凡存典之法總一邑捐數視典本大小酌量分存令典商具領狀存縣詳府道司一如今發存梅塘義渡書院善堂各公款式每年定息錢如千年終紳之董事者彙息繳縣息再發典縣統核本息歲一詳報更刊各典存錢細數冊分給諸紳俾紳民共知官紳互制若小邑無典可存可請於上官撥存鄰邑及郡城典舖略減其息或錢穀並存亦可典商有折閱者卽由紳報縣首飾是項商人上畏官司下憚衆忿寧毀家而叢他責不隱匿以負公錢此人情之同然實萬分之可恃商不能虧紳不能賤官不能侵其利二也既存於典卽無累於紳夫無累於已有益於鄉之事誰不欣然從事何至

觀若畏途而鄰民之信官紳也不如信與商知積錢於萬穰之地可備荒於倉卒之間自必踴躍相將竭輸恐後紳民同心事靡不舉一時善政易於圖成其利三也而或者曰積穀以拯饑積錢何益管子所謂以備藏之者數歲無以應糶弊與虛耗等此言也未詳世變並味地宜夫管子之論乃一國之私計非天下之通圖春秋時分國大者數百里小者數十里城國既隘豐歉不能相通儲備未充壽晉有時閉糶今則天下一家血脈貫注北給南荒持糶即可易粟陸輸水漕指彼何難注茲即若晉豫漢黔諸行省或阻崇山或懸危巖其地方遼闊而險峻其採運費大而日遲似非積穀不可然亦宜錢穀兼存方為善善試觀近年西北各省奇荒 朝廷之所發振興鄰疆之所協振者皆銀也其分振各邑亦銀與糧食參半可知飢民苟得銀不憂無食若東南北濱江濱海諸區其水便利其運迅速奉數省之粟以濟一方之數未有不足者況自通商以來外洋之米行售各口江浙粵閩平時尚借為有蓄一遇歉歲各國之米必隨風靡至價高則商易集商集則價自平夫積倉之穀有限而外來之穀無窮其利四也矧其時飢民哀嗷待哺孔亟領穀入手尙費錢存災水之區尤艱難曠曠焉若登取所儲分頭採運通籌遠近銀米兼施俾炊爨即飽果腹挾貨無可謀生其利五也且存之既久息且日滋凡地方養濟育嬰諸務與賑糶獨無告者堪以量劑取給分子息之羨金佐善堂之歲費是稍事豐通撥款從茲取賴窮黎並可常沾而隄圩築牆之功且藉為未雨綢繆之計即地方不幸有意外之事倉卒無從集餉亦可假此儲資權通緩急即以撥濟災祲之具為捍衛桑梓之須事平籌補實為便宜其利六也以利害若此以弊若彼執事為保民之實政不第為善 詔之具文為百年之運圖不俱為一時之浮譽則所謂因時地而設法者無待再計

決矣蓋權往事於可變可不變之間則籌貲或在所當審而論改制於有利無一弊之事卽古法亦有所不拘所謂善治天下者亦惟善變乎天下者也夫以日積日少僅存虛名之數與日積日多萬分可恃之錢比而論之轉移之間非直小補幸蒙裁擇請飭下各州縣酌量舉辦隨地制宜俾垂永圖以消氛沴潛宜爲有裨地方起見冒瀆崇嚴不勝悚懼待命之至 稷山文稿

皇朝政典類纂卷一百四十八

倉庫八

積儲採買

一奉天省採買撥運倉糧陸路每石每里給銀一釐二毫水路每石每里給銀一毫四絲由海運至直隸天津內河每石給銀一錢四分

一直隸省輓運倉糧無論米麥豆石雜糧陸路每石每里給脚價銀一釐水路每石每里給銀一毫五絲凡採買糧石在本境買回者不給如賑糴撥運有赴鄰近採買自外運至本境又自本境運至倉廩及設廠處所者准給脚價其自通至津出口各屬領運糧石有因內河不能行走及運至北倉米石又自奉天等省由海運回米石內河運脚概照水程給發

一山東省採買撥運米穀陸路每石每里給銀一釐水路每石每里給銀二毫

一山西省採買撥運米穀陸路每米一石每里給銀一釐每穀一石每里給銀六毫如遇急需臨期酌勘情形核給脚價

一河南省採買撥運倉糧凡米麥豆石陸路每石每里給銀一釐四毫水路每石每里給銀一毫穀稻黍稷高糧陸路每石每里給銀八毫水路每石每里給銀八絲

一江蘇省採買撥運米穀陸路每石每里給銀一釐五毫水路官塘大河及內河寬暢處所每石每里給銀八絲內河小港淺窄處每石每里給銀一毫

一安徽省撥運糧石陸路無爲州壽州宿州亳州泗州滁州和州懷遠望江宣城南陵涇縣貴池銅陵建德
東流當塗蕪湖繁昌合肥舒城廬江巢縣鳳陽懷遠定遠靈璧鳳臺阜陽潁上霍邱蒙城太和盱眙天長五
河全椒來安含山廣德建平四十一州縣每石每里給銀一釐六安桐城潛山太湖宿松祁門旌德太平
青陽石埭英山霍山等十二州縣每石每里給銀一釐五毫歙縣休寧婺源黟縣績溪等五縣每石每里給
銀二釐靈國縣山嶺險峻難行處每石每里給銀三釐平坦處所每石每里給銀一釐五毫水路無爲壽州
泗州和州懷遠桐城望江宣城涇縣貴池銅陵東流當塗蕪湖巢縣鳳陽懷遠鳳臺潁上太和盱眙五河含
山等二十三州縣濱江大河每石每站給銀六釐五毫一絲內河小港每石每里給銀一毫宿州亳州滁州
廣德婺源南陵青陽建德繁昌合肥廬江定遠靈璧阜陽霍邱蒙城天長全椒來安建平二十州縣每石
每里給銀一毫六安潛山太湖宿松歙縣休寧祁門黟縣太平石埭舒城霍山十二州縣每石每站給銀一
分八釐績溪靈國旌德三縣每石每站給銀二分

一江西省撥買撥運米石陸路過山過嶺每百斤每里給銀一釐如一時急需撥運水遠陸近者亦准陸路
給發腳價又上倉下船每石每里給銀二釐照里數加減水路凡大江大海大湖上水下水俱以一百里爲
一站其難河下水亦以百里爲站若溯流而上灘險難行以六十里爲一站內河下水每石每站給銀一
分上水每石每站給銀一分二釐鄱湖大江下水每石每站給銀五釐八毫上水每石每站給銀六釐九毫
六絲小河阻淺盤剝無論上水下水每石每站俱照正運水腳算里數給發大河阻淺盤剝亦無論上水下
水每石每站給銀三釐照里數給發

一福建省採買撥運米穀陸路車運每石每里給銀七毫平坦挑運每石每里給銀一釐峻險每石每里給銀一釐五毫過壩盤塘給銀五毫水路內河小港淺窄溪灘順流每米一石每里給銀一毫每穀一石每里給銀八絲逆流每米一石每里給銀一毫五絲每穀一石每里給銀一毫通深寬暢河道每米一石每里給銀八絲每穀一石每里給銀六絲海運自江南上海至閩每米一石給銀九分每穀一石給銀六分自浙江乍浦至閩海每米一石給銀七分四釐八毫每穀一石給銀五分一釐

一浙江省採買撥運米穀陸路車運每石每里給銀七毫平坦挑運每石每里給銀一釐險峻每石每里給銀一釐五毫過壩盤塘每石給銀五毫水路如係外江撥運每石每里給銀五絲遇有剝淺按時酌給本省官塘大河每石每里給銀一毫百里之外仍照外省撥運例給發內河小港每石每里給銀一毫五絲山溪驛運每石每里給銀一毫五絲

一湖北省採買撥運米穀陸路車運者每石每里給銀一釐難運者每石每里給銀一釐五毫水路易運者每石每里給銀七絲難運者每石每里給銀一毫二絲

一湖南省採買撥運米穀陸路平坦每米四斗或穀六斗每六十里給銀五分山路稍險每米四斗或穀六斗每六十里給銀六分山路最險每米三斗或穀五斗每六十里給銀七分上倉下船每石每里給銀二釐水路大河順水每米穀一石每里給銀五絲逆水每米穀一石每里給銀七絲小河順水每米穀一石每六十里給銀七釐逆水每米穀一石每六十里給銀一分險灘順水每米穀一石每六十里給銀一分逆水每米穀一石每六十里給銀一分二釐

一陝西省撥運鄰境糧石陸路西安鳳翔同州邠州乾州等五府州每石每里給銀一釐延安榆林漢中綏德鄜州興安商州等七府州每石每里給銀一釐六毫 諸邊定邊榆林懷遠四縣糧運軍糧除照例給餉價外每石每里加給銀五毫本境採買每石每里給銀一釐水路每石每里給銀四毫

一甘肅省撥運糧石每石每里給銀一釐三毫

一廣東省採買撥運倉穀陸路平坦每石每里給銀三釐險峻每石每里給銀四釐車運每石每里給銀一釐水路每石每里給銀七絲上水每石每里給銀一毫自省海運至高州雷州潮州瓊州四府每石給銀七分

一廣西省採買撥運米穀陸路平坦每石每里給銀一釐險峻每石每里給銀二釐上倉下船每石每里給銀二釐水路大河每石每站給銀一分五釐小港每石每站給銀二分

一四川省採買撥運米穀陸路平坦每石每里給銀一釐五毫半坦每石每里給銀二釐二毫險峻每石每里給銀三釐大江凡三四九十等月順水每石每里給銀七絲逆水每石每里給銀一毫四絲正二十一十二等月順水每石每里給銀九絲逆水每石每里給銀一毫八絲其五月至八月水勢汎濫腳價隨時酌給內河小港順水每石每里給銀一毫六絲逆水每石每里給銀三毫二絲

一雲南省採買撥運米穀以一米二穀算陸路通衢大道夫運每石每站給銀一錢三分五釐馬運每石每站給銀一錢八分僻處山陬夫運每石每站給銀一錢六分五釐馬運每石每站給銀二錢水路寬處每石每里給銀四毫溪河淺窄每石每里給銀五毫 貴州省採買常年米穀俱在本境採買向不購銷運費

以上均則例

康熙二十年以福建旱災令於廣東浙江糴米平糶戶部議覆福建總督姚啟聖疏言福州等府夏秋亢旱米價日增請於廣東之潮州浙江之平陽買米平糶查海禁未開恐有不肖之徒借端販賣應不准行得旨閩省被災准其赴潮州等處買米接濟如有借端通海者事覺將該督撫及押運官一併治罪通考

三十年諭山西平陽等處麥田大熟著遣堂官一人前往照時價採買積貯會典事例

四十三年諭山東昨歲歉收江南乃產米之地又水陸易於輓運著總河等從江南買穀運至東省交倉會典事例

四十九年又令湖廣鎮筵地方酌借帑銀三千兩買穀貯倉開浙江納粟例通典

雍正元年飭直省督撫查核存倉米石其蓄積未多之處令比歲動帑採穀增益通志

又以採買備賑米石 敕有司毋得阻遏商販時以北省二麥歉收差員到南省採買米石以備賑貸平糶

上聞各省地方官有因差員買米禁止商販不許出境者 特諭以浙江及江南蘇松等府皆仰食於湖廣江

西令該部速即行文各省凡有米商出境任便放行毋得阻撓通考

三年諭湖廣爲產穀之鄉運往別省皆爲近便今歲收成豐稔著該省督撫動支庫銀十萬兩買穀於省倉及

府州縣應貯之處加謹收貯但須陸續採買不可致穀價騰貴設民間穀價稍昂即行停止以待來歲秋收江

南浙江今歲均獲豐收著各該撫就近商酌若買穀有益即動項採買定數奏聞會典事例

五年戶部議准山東巡撫塞楞額奏請將存價未買倉穀之各州縣查明題參奉 上諭山東捐監之穀每石

折銀三錢存貯地方乃係當時經手官員之弊及接任官員因價少難於購買展轉遲延以致穀石久虛未經買補今若責令現任官添銀購買是當日經手之員獲利於前而接任之員代賠於後殊非公平之道當日經手之員多收銀兩現在查明著追今買補倉穀若三錢之數不敷應於此項著追銀兩內准其酌撥添補卽行購買以實倉儲其價值數目令該撫照實在時價酌定報部察核其如何辦理方爲妥協之處戶部再行詳議具奏雍正內閣 上諭

六年諭前塞楞額奏報東省未買倉穀一案內開查盜道傅澤洪名下派買穀三十八萬餘石濟東道牟餘元名下派買穀一萬二千石比時朕卽知塞楞額庇護牟餘元降旨切責而塞楞額猶支吾粉飾含糊奏今據署撫岳溶奏稱李英署理濟東道卽務查得各州縣有額解濟東道衙門驛站陋規共銀二萬零五十兩內除奏銷充公及本衙門雜費共五千七百兩外其餘剩銀一萬四千三百餘兩俱係牟餘元入已查東省各道養廉每年於耗羨內撥給銀六千兩而牟餘元所得與各道多寡懸殊并不將多餘銀兩詳請歸公等語塞楞額辦理山東事務於各道皆給養廉銀兩而於牟餘元則聽其收受陋規倍於他員養廉之數至於派收倉穀又不及查盜道二十分之一是在其肥己者則多而責其辦公者則少此中情弊顯然尙得謂之不袒護牟餘元乎牟餘元收受陋規如此之多而伊名下所派穀石又少自當踴躍爭先及時採辦若伊果將倉穀速行買補則其收受陋規之罪尙可寬恕乃敢故意遲延置倉穀於度外顆粒未曾買補但顧私窠不念民儲狡詐已極與尋常之得受陋規者不同著將從前派與濟東道之穀未曾買補者交與牟餘元自出已費於本年十月以前照數買補還倉不得動用官價其每年所得陋規著岳溶查明勒限著追如逾限不完將牟餘元照侵欺律

治罪其未完銀兩於塞榜額名下追賠以爲背公營私但知逢迎上司及租護屬員者之戒雍正內閣 上諭
八年諭戶部今年江南河東等省間有被水州縣已降旨發粟蠲租加意撫恤猶恐明春青黃不接之時不無
借資隣省湖南湖北二省向來積穀甚多今年又復豐收穀價大減民間出糶維艱朕特思酌盈劑虛之道著
將從前商捐及耗羨銀存貯藩庫者動支五萬兩遴員分往所屬豐收價平之處糶買新穀暫行收貯俟隣省
需米平糶卽令委員來楚照原價先儘倉貯之穀交買運回以濟民食仍將新穀補倉價銀還項如此則隣省
無貴糶之虞而楚省又得出陳之益事屬兩便通考

十年大學士鄂爾泰言甘州涼州肅州爲軍需會齊之地倉儲緊要請將見行捐納欸項折本色糧石 上以
本地採買恐價直騰貴轉於軍民未便乃令除本地民人以所有糧石交納外其他處交納人等俱在別處運
交不得於甘州涼州肅州採買通志

十三年議准直省各州縣秋成買補倉穀如遇穀價騰貴卽將所糶價銀解交府庫俟次年秋收價賤照數買
補又本地買補恐有短價派員抑勒富戶里民等弊務令於鄰近州縣購買以杜弊端會典事例

乾隆元年議准秋收買補倉穀務擇好穀照原糶之數買足還倉其買補價值照各地方時價有餘不足通融
撥補足數給發不得稍有短少致有官賠並派累里民等弊會典事例

二年議准被災州縣如有倉糧散給無存者務於秋收豐稔之時卽題明撥銀買補以實倉儲會典事例

又議准各州縣平糶倉穀務於本年秋收及時照數買補如逢水旱本地鄰境價值皆昂貴難買令該管官查
覈確實將存價緣由咨部俟次年秋收無論價值貴賤卽行採買如次年仍延緩不買照玩視倉儲例題參會

典事例

三年議准買補倉穀嚴禁派累小民及發短價低銀抑勒交糧或斗稱以大易小以重易輕有蹈此者或被告發或被訪聞卽詳揭參究督撫徇隱一併參處會典事例

又定地方官交代倉穀凡採買續交者限運到之後五日內盤查如採買地遠者酌量定限俟運到交倉再行報部不許虛立文案通典

四年又採買口外八溝等處雜糧令直隸提督永常分貯附近各倉通典

七年諭古北口采買米石之法先是古北口地方收成豐稔令將河南山東所有應供 陵寢官兵米石運往江南接濟令古北口於本地購買以補原額至是復奉 旨此外再廣爲收買以備將來撥用其采買之道視

收成豐稔之處照依時價不可勒派亦不可急於多糴使民間反致價昂此不過恐穀賤傷農之意耳通考

又 申諭遇糴之禁令各州縣買補倉穀時值歲歉價昂不能買補而該處所存尙可接濟准其展至來年買補若穀價不敷而貯倉又係不足該州縣卽詳明上司以別州縣穀價之盈餘添補採買爲酌盈劑虛之計通

九年以停止采買 諭各省督撫斟酌辦理奉 諭旨積貯乃民食所關從前各省倉儲務令足額原爲地方

偶有水旱得資接濟是以常平之外復許捐貯多爲儲蓄無非爲百姓計後因糴買太多市價日昂誠恐有妨民食因降旨暫停采買俾民間米穀自在流通價值平減亦無非爲百姓計也乃近聞各省大吏竟以停止采買爲省事不知常平之設不特以備荒歉卽豐稔之年當青黃不接亦得藉以平糴於民食甚有關係其間因

時制宜原不可執一定之見今因停止采買之令遂任倉厥缺少置而不理將來必至糶借無資因非設立常平本旨又豈朕停止采買本意乎各省督撫務須斟酌地方情形應買則買應停則停總在相機籌畫不可膠執定見希圖專省通考

十年諭准徐海三屬州縣倉儲多缺現存糶價積至十四萬兩之多未曾買補朕思三屬乃係常被水患之處積貯尤關緊要何以存貯銀兩不豫於豐收之地買補及至被災仍欲於本地採買徒增時價於民何益已降旨諭令於所屬豐收地方或麥或穀委員採買會典事列

十三年諭米穀爲民生日用所必需而邇年以來日見騰貴窮黎何以堪此卽如川湖素稱產米而川撫紀山則以商販雲集米價騰湧爲湊湖北督撫則以江南被災資楚糴接濟以致本省米貴爲奏又如直隸一省向藉八溝糧石今歲繼輔尙屬有秋而八溝亦以搬運太多而貴夫商販流通貴則微賤間或暫時翔湧何至連歲遞增有長無落若謂國戶居奇此實弊藪然自地方官力所能禁何至全不奉行若謂戶口繁滋則自康熙年間以來休養生息便應逐漸加增何獨至今日而一時頓長若謂水旱偏災則亦向來所有何以從來未聞如此之貴且亦當歉者貴而豐者賤又何至到處皆然若謂康熙年間倉儲有錢無米今則年年採買民間所出半入倉庾未免致妨民食然在當時分省定額悉經該督撫分別酌議自按各省情形且至今足額者寥寥而須採買所在皆是藉以備荒撥賑難議停止設或果由於此則當切實敷陳商酌妥辦不當聽其自然而不爲之所也朕反覆思之不能深悉其故各督撫身任封疆於民生第一要務必當詳悉熟籌深究其所以然應如何辦理之處俱宜確切入告務期實有神益以裕民天卹抄

漕運總督楊錫紱奏伏查水旱偏災與國戶居奇雖亦足致米穀之貴然尚非所由貴之源也臣竊以米穀之貴由於買食者多買食者多由於民貧夫 國家休養生息百餘年於茲荒土盡闢宜乎民之日富而反貧者積漸之勢然也所謂積漸之勢有四一曰戶口繁滋一曰風俗日奢一曰田歸富戶一曰倉穀採買倉穀採買之弊我 皇上所謂處處積貯年年採買民間所出半入倉庾未免致妨民食蓋已 洞悉情形臣再四思維雖不便因採買致貴而議停止而其中亦尙有應斟酌調劑者蓋積貯以足數賑濟而止不必過多乾隆元年御史孫灝奏請酌定常平貯穀額數以平市價經部議准通行各省雖俱酌定額數然當時督撫究竟爲有備無患之意重而未深計及於穀價之日昂採買之維艱卽以湖南言之州縣之倉有貯至五六萬者府倉有貯至七八萬者亦未免過多應飭各省將定額再加詳細確核有過多者酌量裁減十之一二其已買足者於平糶時存銀歸庫未買足者卽扣除不必再買又從前部議各省倉穀足額後續有收捐監穀設遇賑恤動用毋庸買補第賑恤已有額貯之穀此額外捐穀與其久貯繁重不如逐歲賣之湖南現在將額外捐穀每歲糶價解司爲修理城垣之用他省似亦可照行又常平糶三爲出陳易新計耳其實豐年之後原無資於平糶而倉穀堅好亦有可存貯數年者州縣官因年例糶三卽穀好年豐亦必出糶請嗣後不必限定每年糶三遇年歉價貴之時多糶固可如年豐價平之時卽不糶亦可蓋多糶一石小民未必多受一石之益而少買一石閭閻卽受少賣一石之惠矣米價之貴今日已成積漸之勢欲令一旦而復歸於賤誠未易易也臣所見不過於採買之中斟酌調劑是否有當伏惟 聖明裁擇 四知堂集

十五年山東麥收豐稔巡撫準泰請於沿河麥價平減之處採買麥十五萬石分運德州臨清二處抵穀貯倉

奉諭旨若因收買數多致市價騰踊是民間並未有限之形而先有麥貴之苦不可不為致慮著傳諭該撫諸事應隨宜措置非至穀賤傷農之時未可輕言採買通考

十八年諭四川總督黃廷桂酌撥倉穀二三十萬占運往江南俟秋成後該督再行酌量買補還倉先是江南淮揚被水截留該省漕糧四十萬石以備賑糶至是復有是命通考

又准湖北採買加貯湖北為江浙上游界連秦豫各省倘有缺乏俱藉資于楚米而湖北額穀止五十二萬石有奇較之各省尚不及額多者三分之一議令於舊額之外加貯四十萬石存為鄰省協撥之用但儲蓄必須採買而剋期取足又恐有妨民食本年該省收成豐稔現在穀價平減令於新穀登場各處市集出糶之際儘可通水次之各州縣確查時值動司庫銀及時採買不拘數目價平則買價貴則停徐徐辦理足額而止如所司短價派累以及浮開冒銷者罪之通考

二十六年又令山西省乘豐收採買穀石還倉時山西豐收巡撫鄂爾琿言晉省四面環山不通外運惟通省儲儲在在充盈斯可緩急有備通考

三十一年停止陝甘直隸安徽山西河南等省捐監事例其各省倉穀缺額俱令動庫項買補如庫項不敷採買該督隨時奏請撥給時因陝甘捐納多係折色轉向民採買令將見發帑三百萬兩存留甘省之項陸續購足以崇積貯實政於是併安徽等省亦如之通志

五十一年奏准採買缺額穀石令該管知府直隸州確查地方產穀豐蓄及市價低昂詳明督撫出具印結領價遴委委員監視採買隨收立限交倉不許轉發該州縣自行買運買竣之日該府州驗明確數具結通

報仍由該管道員覆驗加結移司彙送督撫查覈備有虛捏未買混報已收將該州縣照虧空例揭參治罪該管府州一併嚴參會典事例

又奏准四川本年秋成豐稔糧價平減酌於附近水次各州縣分買穀三十萬石平買實貯以爲接濟鄰封之用會典事例

五十三年諭軍機大臣等據琅玕奏浙省各屬虧缺穀石前經奏明統限五年自五十一年起扣至五十五年買補歸倉因本年米糧充盈價值亦俱平減請乘時趕緊採買並上年運交閩省軍需米十萬石計動各屬倉穀二十萬石亦可趁此豐稔之時一併買足等語所辦好本年浙省年歲豐稔米價平減各屬未經買補倉穀自應乘此穀賤之時上緊採買在倉貯既得早爲充足以符原額而民間糧石亦得及時售賣不致有穀賤妨農之慮自屬一舉兩得因思各省倉儲穀石應行買補者自必不少凡有價值平減之處自當照浙省乘時採買以期早實倉貯但各處收成豐歉情形不一米糧價值不齊又不可拘泥辦理動項多買轉致穀價增昂有妨民食著傳諭各該督撫留心察訪遵照酌辦務期倉儲民食兩有裨益方爲妥善不可拘泥也 聖訓

五十四年諭軍機大臣等四川爲產米之鄉向來糧價最賤朕嘗閱該督奏報糧價清單至打箭鑪地方每米一石需銀四五兩不等自由該處距省已遠兼之地方礮礮山徑險峻產米較少販運維艱是以價值比內地倍數增昂況打箭鑪以西口外地方其糧價較之打箭鑪自更須加增與其待需用之時臨期輓運不特緩不濟急抑且費用不貲莫若於尋常無事糧價平減之際交地方官採買儲備擇其易於運送時由雅州一帶陸續運至打箭鑪及察木多兩處分貯倘因口外難運不妨交便人零星帶運不拘石數但能源源運往卽

可積少成多設遇徵調需用易於就近裹帶以利通行而資口食況打箭鑪察木多等處糧價本昂節年運往之糧出陳易新所得贏餘又可供零星運脚之費既可不至虛糜而於邊儲更屬有益著傳諭李世傑即通盤籌畫將川省內地米石價值若干由雅州運至打箭鑪需用脚費若干由打箭鑪運至察木多需費若干並將來出陳易新能否敷運脚之用及如何酌定章程妥協辦理之處詳細查明悉心確駁議奏 聖訓

五十八年諭內閣河南省節年平糶倉穀缺額本年大河南北麥禾均屬稔收若不及時買補既虛穀賤傷農且倉廩何由充實自應照數買補歸倉以足額貯但採買一事最易滋弊若不嚴行督察實力妥辦或不肖州縣及胥役等有藉詞勒買短發價值等事是非所以恤農而適足以病民轉爲地方之害該撫務須督同司道等嚴行督察按價給值俾小民均霑樂歲之利毋許官役短價勒買致滋擾累倘有此等弊端一經查出除將不肖州縣從重治罪外該撫亦不能辭其咎也 聖訓

六十年諭內閣御史寇齊奏請各省趁此豐年皆買補倉穀並照定例加一成採買一摺所奏不曉事體各省常平倉穀遇有平糶賑濟動用之處自應乘時買補以歸實貯卽如本年豐收省分居多現在山東等省奏請採買並聲明若時價稍昂卽停止買補免致小民有食貴之虞朕復恐地方官先將糧價擡高開報便於浮銷而採買之時又不免勒買以致累及閭閻業經旨通行訓飭今該御史欲請加價採買如此則市儈奇必致聞風增長價值是欲利民轉以病民且地方官採買惟在嚴察吏胥禁止抑勒按照定例給發價值覈實辦理自不致滋流弊若概請加價採買則不肖官吏又何難於開報時虛擡價值仍私行抑價採買兩占牟利之弊此不過爲劣員浮銷地步於事毫無裨益該御史所奏竟係意在沽名滿紙空談全不諳曉政體斷不可

行著傳諭嚴行申飭 謹訓

又 諭軍機大臣等陳淮奏請乘時採買穀石以實倉儲一摺六年江西年歲豐稔市糧充裕且有運閩米石應買補遺倉自宜趁此新穀登場價值較賤之時盡數買補以歸實貯同日又據畢沅等奏楚省一歲三登收成豐稔穀多之家多欲以日食所餘出易銀兩請官為收買以備軍糈之用等語此次逆苗滋事湖南地方碾運食糈不下數十萬石現在大功即日告竣官兵應用糧石尤須多多貯備該督等奏請於糧多價賤之時多為收買自應如此辦理但該省現在需用較多大兵凱旋後所有撫恤難民支給口糧等項在在需用一切碾動米石均須按數撥運恐湖南一省採買尙有不敷江西與楚省接壤舟楫相通儘可通融籌運著傳諭畢沅等嚴陳淮彼此咨商或楚省採買穀石尙有不敷即於江西再為採買數萬石一面奏聞一面遴委幹員由水路運往楚省以濟軍糈而充積貯倘湖南本年收成豐稔該省糧價較賤採買充裕毋庸借資江省亦即據實奏明不必因有此旨稍為遲就也 謹訓

嘉慶四年諭國家設立常平倉穀原備民間緩急之需若不照額存貯僅將穀價貯庫猝遇需米之時豈銀兩所能濟用日久挪移並有穀價亦屬虛懸者有名無實均屬不成事體著通諭直省各督撫通行所屬一體稽查據實具報如有缺額及存貯穀價之處以本年秋季收為期除被災州縣酌量情形另行勒限買補外其餘各州縣務令及此豐收買補實貯不得仍前僅存穀價或恐市價增昂惟當臨時調劑不得藉詞搪塞並嚴禁各衙門書吏剋扣抑勒諸弊會典事例

又 諭內閣光祿寺少卿戴均元條奏各省倉儲乘時買補以歸實貯一摺內稱外省州縣設立常平倉穀原

恐民間偶有荒歉爲賑恤平糶之用近年以來多有缺額或因公動用尙未買補或有司虧缺未經交代多半按照部價將銀兩存貯庫內輾轉流抵以圖省便其照額實貯在倉者十無二三每遇秋收上司問亦僅令領價買補而各州縣多以糧石短少恐妨民食爲詞實則因領價之時上司衙門書吏人等尅扣使費必致穀價不敷是以視買補爲畏途等語所奏深中時弊國家設立常平倉穀原備民間緩急之需若不照額存貯僅將穀價貯庫猝遇需米之時豈銀兩所能濟用日久挪移並有穀價亦屬懸宕者有名無實均屬不成事體且當軍務轉輸鄰省均須協撥米石每遇奉文碾運往往周章失措所關尤爲緊要著通諭直省各督撫通行所屬一體稽查據實具報如有缺額及存貯穀價之處以本年秋收爲期除被災州縣酌量情形另行勒限買補外其餘各州縣務令及此豐收買補實貯不得仍前僅存穀價或恐市價增昂惟當臨時調劑不得藉詞壅塞並嚴禁各衙門書吏尅扣抑勒諸弊儻敢虛應故事並不實力整飭一經發覺必將各督撫及原虧各員分別治罪勿謂誥誡之不豫也將此通諭知之 聖訓

又 諭內閣據劉權之奏買補倉穀宜赴鄰邑採辦以免派累一摺所奏自屬可行採買倉穀向來原有定例今據劉權之奏地方官奉行不實往往藉端肥窠輒在本地派買不論市價貴賤祇發銀四五錢不等並勒令出具照時價領票兼之差役需索使費以致領票花戶皆不願上納穀石惟求繳還原封銀兩另外加倍繳價較交穀猶爲省事甚至有力富戶賄囑書吏將本名下之穀飛灑零星有田之戶富戶轉得少領竟至完善良民衣食難周深受採買之累地方官祇圖折價入己遇當平糶之年仍無存貯之米一旦協濟鄰省則著米鋪倉卒購辦照時價尤有尅扣及起運收米押運之家人胥役又向鋪戶百端勒捐等語種種弊端實所不免特

此通諭各督撫嗣後遇應行買補倉穀年分務須飭令所屬在豐稔鄰縣按照時價公平採辦不許向本地派買並將向來吏胥等串通舞弊積習嚴行查禁隨案重懲以期倉穀皆歸實貯小民不致擾累 謹訓

五年諭採買一事遠赴鄰封自需運脚若地方官以運費無出為詞因之派累閭閻巧為賤削是便民而轉致累民嗣後除各省附近水次舟楫可通地方官即於鄰境採買外其不通水路者仍准其在本地採買不必遠赴鄰封該督撫等惟當督飭所屬公平採買以期民無擾累而倉歸實貯儻有短發價值以及勒派折收等弊經朕訪聞或科道糾參則惟該督撫等是問會典事例

又諭向來各省採買穀石原應按限補足以實倉儲然各省收成分數豐歉不一亦須分別辦理即如本年四川陝西湖南廣西等省有得雨較邇州縣浙江江西福建等省所屬間有被水州縣各該處收成未免纖薄若將倉穀一律採買轉於民食有妨著通諭各督撫等除秋收豐稔省分均當及時買補報部查覈外其各省內有收成稍減之州縣不妨暫緩採買俟穀多價賤之時再行採辦嗣後各省辦理買補均須各按年歲情形分別查辦以期民食倉儲兩無妨礙會典事例

道光十七年諭軍機大臣等有人奏河南州縣每以採買倉穀為名額應採買一千石者即買至二三千石不止以次遞增並不遵照定例公平發價每斗市價值制錢二百文者僅止發六七十文即無穀之家亦責令折價交納鄉曲小民任其浮冒勒派不敢置辯等語國家常平倉之設原期便民推陳出新俱有定制若如所奏官吏之浮冒胥役之影射是以裕民之善政反為害民之弊端著桂良嚴飭所屬州縣其有實在動聽數目私方准詳請採買並責令張貼告示應補買若干石每石發價若干仍飭該管道府嚴密稽察儻有勒派折收短

發價值以及胥役影射等弊立即參辦以昭嚴實而靖閭閻 聖訓

十八年諭內閣給事中鄭世任奏州縣採買倉穀請飭赴鄰邑採辦以免勒派一摺各省常平倉穀原當於豐稔之年隨時買補惟吏胥書役藉端勒派擾閭閻實難保其必無如該給事中所奏各州縣不論市價賤賤發銀三四錢一百派令糧書人等向納糧較多之戶勒令採買需索繳費甚至花戶將領價繳還倍加繳價並有於納糧時勒扣串票等弊是以便民之舉轉致病民不可不嚴行申禁嗣後著各督撫嚴飭所屬州縣每值採買倉穀之時如鄰邑年穀豐稔即令前赴採辦設或本境足敷採買亦准量予變通要在革除積弊俾小民不致苛累而倉貯一律充盈全在該管上司體察情形隨時查覈如有縱任胥役勒派需索者立予參處庶州縣皆知儆惕而弊習自清矣 聖訓

咸豐七年諭據福濟奏皖省上年荒旱僅恃無爲州一隅採買米石見在該州被賊竄陷販賣無從兼之隆冬無雪麥苗滋冀滋生未免民交困關湖南秋收頗稔武漢既復水路可達蘄州請飭趕緊籌辦米糧四萬石等語湖南省歲收雖屬豐稔而其在支應各路防兵需餉不少原恐未能兼顧惟皖省兵民乏食情形亦關緊要略乘章向於鄰省緩急不存畛域之心此次福濟所請該省能否籌辦米若干石即著略乘章酌量情形一面專摺具奏一面派員趕辦運至蘄州轉由羅田英山運至六安俾資接濟將此由六百里諭令知之東華續錄

又諭內閣王懿德等奏省城糧價騰貴請撥案酌免貨稅以廣招徠一摺福建省近日米價踊貴自應招商轉運以濟民食著准其查照歷屆成案採買臺米所有隨帶餘貨均著免稅二成俟糧價漸平即行停止東華

光緒五年山西巡撫曾國荃奏竊臣欽奉 諭旨於部庫撥銀二百萬兩山東等省撥銀三十萬兩俟陸續領到後即將撫恤善後諸大端督飭各屬認真籌辦務須實惠及民等因欽此當經率同合省官紳士民叩謝天恩並一面委員赴京請領部款一面分咨山東安徽江西湖北湖南四川浙江江蘇廣東福建各督撫迅籌接濟約計本年秋冬之間應可陸續解到伏思善後事宜頭緒紛煩卽如清查荒地發給耕牛散布籽種招徠開墾均非有人有財不能興辦幸賴各省批解尾捐銀兩略爲分潤點綴粗有眉目惟填還倉穀實爲通省經費之大宗尤爲目前切迫之急務查晉省九郡十州所設常平倉穀百餘萬石自光緒三年遭奇荒外省轉運之米一時驟難入境全仗本地倉穀先救眉急迫倉穀放盡於是南漕東漕絡繹而來故論賑務旣興之後則以外來糧米爲本省活命之源而當賑務初興之始則以本地倉穀爲災黎託命之所蓋臨時轉糧於鄰境旣嫌路遠費多不如先事儲穀於倉厥可以移緩就急也本年六月間臣奏請將晉省出借倉穀穀之實欠在民者無論遠年近年懇 恩一律豁免奉 旨允准在案值此大槩之後卽不能將此項應補倉穀向民間捐辦升斗而儲備久空萬一災遇水旱偏災閭閻更失所恃因思帑款至重欲杜虛糜之弊必求實際之功此次奉撥五十萬兩自宜遵照 諭旨擇其實惠及民者認真籌辦方不負 聖朝仁育萬物之至意惟晉省三年奇災庫空如洗旗綠兵餉州縣坐支每遇萬分緊急之時不得不於賑捐項下通融挹注今值善後需用孔亟無術點金又不得不議定司庫所收兩忙奇零之數陸續撥還賑庫臣與善後局司道熟商必須設法再湊五十萬兩合部撥之五十萬兩共成百萬兩專爲買穀填倉之用無論何項緊要一

經奏定之案不許挪分毫又慮同時採買隣境糧價居奇有妨民食仍令察看境外豐歉情形分批次第採買現經藩司葆亨札飭各州縣修葺倉廩隨時將穀價低昂及來源多少按旬稟報以便由司酌發銀兩買穀填還糶期倉穀可以漸實糧價不至高騰仰副我 聖主撫恤災區有加無已之至意再查原額倉穀百餘萬石茲僅以百萬兩買補尙難齊全應俟年穀順成限定三年籌買足額會忠襄奏議

皇朝政典類編卷一百四十八終

皇朝政典類編卷一百四十八終

皇朝政典類纂卷一百四十九

倉庫九

積儲常平倉

直省州縣衛所各設常平倉凡米麥穀豆高粱成貯該管官司其出納歲歉賑借平糶年豐出陳易新計一歲之出入造具奏銷冊籍申府司達督撫彙造送部查覈會典事例

一州縣常平倉平糶穀石本年秋成後卽如數買補分別隣境本地詳後條其有本地隣境穀價俱昂而該處倉儲尙堪接濟者該管官將糶價存庫報部緩至下年買補如倉貯穀石接濟不敷必須買補而本地隣境穀價俱未能平減准詳明上司在於別州縣買補盈餘銀內通融添增價值買補足額該管督撫務查明實在情形一面辦理一面奏聞仍令布政司將各屬緩買急買緣由同現買價腳統於年底彙造清冊送部核銷儻有糶價贏餘不據實詳報及捏報價昂冀圖侵買查出嚴參

一州縣常平倉遇有動用缺額穀石卽動支正項買補該督撫先將應動銀款總數題明俟秋成糧價稍平卽令採買上司不時嚴查毋許浮買竣令各屬造具按日採買價值清冊該管上司加結申送督撫保題如仍有浮多由部駁減另換冊結題報儻准銷後復有侵冒事發該上司一併參處

一各直省採買常平倉平糶及動缺穀石如附近水次舟楫可通地方卽於隣境採買其不通水路者准在本地採買不必遠赴隣封仍將何處穀賤應行採買地方先期報部備查該督撫飭屬公平採買儻有短發價值及勒派折收等弊一經發覺惟該督撫等是問以上均則例

順治十二年題准各州縣自理贖錢春夏積銀秋冬積穀悉入常平倉備賑置簿登報布政司彙報督撫歲終造報戶部其鄉紳富民樂輸者地方官多方鼓勵毋勒以定數會典事例

十七年定常平倉穀春夏出糶秋冬糶還之制通典

康熙六年令甘肅省將積貯米石變價另糶新穀以備賑濟通典

七年陝西西安等四府積穀變價 詔停止生息戶部議准陝西巡撫賈漢復疏請將西安等四府積穀變價生息 上曰出陳易新原以為民若將利息報部反累百姓著停止生息通考

十八年令各地方官修常平倉每歲秋稔勸諭官紳士民捐輸米穀照例議敘通志

十九年又定常平積穀留本州縣備賑通志

二十一年命州縣衛所官員勸輸常平各倉米石定議敘之例奉 諭有各省常平等倉積貯米數甚屬要務有此積貯倘遇年穀不豐彼地人民即大有裨益雖先經奉旨通行恐有名解實一遇水旱議賑之時未能接濟致民生艱困今將某省實心奉行某省奉行不力其逐一察議具奏詳議令州縣衛所官員設法勸輸一年內勸輸米二千石以上者紀錄一次四千石以上者紀錄二次六千石以上者紀錄三次八千石以上者紀錄四次萬石以上者加一級如定有處分之例恐有畏罪過派苦累小民之弊是以未便預定從之通考

三十一年又令江西常平倉糶米易穀春間概行出陳秋成每米一石收買穀二石還倉 又議定各省常平倉俱照直隸分貯各州縣有陞遷事故離任者照正項錢糧交代有短少者以虧空論通考

三十四年議准令直省督撫飭各州縣衛官勸諭紳士民每歲收穫時量力捐輸積貯遇穀貴之時將米麥

貸於乏穀之人俟收穫照原領米麥之數交還如不肖有司有抑勒多收情弊照私派錢糧例處分會典事例

三十六年覆准湖廣三十五年分各官捐輸之穀貯各屬常平倉以備賑濟會典事例

四十九年奏准湖南鎮寧地方自改協爲鎮之後兵民聚處生齒日繁酌借帑銀三千兩買穀貯倉穀貴平價發糶穀賤買補還倉會典事例

五十四年題准浙江平糶米十萬石存貯仁和錢塘等九縣倉厥開徵新糧之日難以並貯應於省城廣豐倉之舊址建廩二百四十間收貯會典事例

御史鄭昱奏竊惟國以民爲本民以食爲天民安而國運昌隆食足而民生樂利此古今不易之定理也臣辦事垣中見戶部覆直隸撫臣郭世隆疏內稱應如該撫題請各州縣所存米石加謹收貯以備賑濟其餘米穀平價糶賣秋收照數糶買還倉仍將賣買過銀米價值數目造具清册報部查核等因臣請得而推廣之竊思直隸而外省俱報有積穀之數俱開有捐輸之例存貯米穀無邑無之但未奉部文不敢擅動耳查各省昨年豐熟者固多而饑荒者間有如河南山陝江淮等處內有奏報發賑者有請停漕糧者是目下青黃不接之狀與直隸同然也至於湖廣江西雖號米穀之鄉然每至五六月穀價不昂而民多乏食豐年猶然況薄收乎是目下青黃不接之狀亦與直隸同然也他如閩越川廣雲貴等省雖豐歉不齊要之五六月間新禾在畝舊穀已罄皆青黃不接之時又與直隸同然也夫積穀原以爲民也穀積而無濟於民食其謂之何仰祈我皇上迅飭部議凡各省積貯捐輸米穀行令各撫臣酌量州縣之大小詳查存積之多寡應留若干米穀以備饑荒其餘剩者俱於每年五六月照市價減糶所糶銀兩仍於本年九十月糶買新

穀還倉稍有餘存爲修倉之用夫夏則薄穀必貴秋則新穀必賤穀貴則量減而糶以利民穀賤則量增而糶以利農豐歲則出所存之銀買穀以補倉而常使其有餘凶歲則發原留之穀給賑以救荒而無使其不足更將賣買價值動用銀米數目造冊報部查核買穀則覈實存貯則予開除民得通其緩急穀不至於紅朽如此則常平倉之良法美意行之北而而效行之各省而罔不效雖有水旱而天不能使之災斯誠萬世之計所謂變通以濟實用足民食以安民生者莫取乎此也 湖廣通志

雍正元年諭河南巡撫石文焯豫省地廣民庶素封之家常喜儲藏米穀以收居奇之利比年荒歉民食維艱其早爲籌畫俾富室之粟皆得流通出糶於官以爲賑恤之用 通典

又覆准豫省河北三府麥苗稀少秋禾未種小民艱於粒食將康熙六十一年漕糧六萬二千五百九十石裁留衛輝府存貯將陝州收捐米內酌撥二萬石運送懷慶府存貯以備需用 會典事例

四年議准江南地廣人稠需用米穀倍於他省動帑買運以濟民食恐稽時日酌照河工議敘賞監之例將銀改爲本色米穀每銀一兩收米一石或穀二石鄰省之人亦准捐輸不論稊秬紅白兼收行文督撫一面動支正項錢糧委官於產米地方照依時價採買運送其採買若干運送何地該督撫公同商酌妥議具奏一面行文鄰省並出示曉諭本省生監令其急公赴輸且分別府州縣之大小酌量應輸米穀之多寡俟各該處應輸米穀捐足之日卽行停止其所收米穀加謹存貯按季造冊報部如有私自收取折銀及勒索包攬情弊卽指名題參從重治罪此項存貯米穀有應用平糶散賑出借者該督撫卽具題動支將動用數目報部查覈會典

事例

五年雲貴總督鄂爾泰奏臣按積穀一條據瑞州府所屬高安上高新昌三縣地方福小民鮮蓄藏請
昂常平倉外近水鄉村各設社倉於庫內支銀三千兩買穀存貯俟來歲夏初照時價每石減五分糶濟民
食所糶穀價除歸原項外計得贏餘若干該縣造冊報府並布政司轉申巡撫咨部存案其贏餘之銀俟秋
收添買穀石歲以爲常如此不數年而倉有餘穀庫無損帑倘行之果有裨益則凡產穀之處皆可通行不
備瑞州一府等語臣查此法行之江西等處米穀出產最廣水路四通客販甚衆庫原有餘帑農原有餘粟
貴糶賤糶上下交濟用意本善事屬可行但奉行不善於地方無益若通行他省更有勢不能者臣愚以爲
欲行此事在得其人在得其地在酌其時請敬陳大略凡州縣官皆民父母現銀買米誰不樂從然官不親
買必假於吏胥發銀之時層層剋減收米之時事事需索是民間之米賣之民間者恆得常價賣之官府者
什僅得八九及夏初出糶官減五分吏胥不敢不減而重疊疊升百姓實不敢不依雖大張告示嚴切曉諭
百姓亦唯有甘自隱忍敢於告吏胥者百無一二本官方自以減價糶穀平斗便民殊不知百姓受累已多
甚至串通客商盡賣向外省本地米價從此愈貴累民更甚此行之在得其人也各地產穀多寡不同水陸
遠近亦異若或限以定額各支庫銀數千採買如常毋論如滇黔二省每州縣歲額多不及千百兩民間亦
並無多穀難以照行卽就江西一省論恐亦難一例臣前任江蘇深悉此弊止可濟以權宜不可著爲例額
此行之在因其地也至於時有豐歉歲無盡登今於夏初之間以所買之穀減價糶出據數報部秋成買補
設歲一不熟卽使價增於前亦復無穀可買而倉儲虧空恐干參罰自必報荒求寬至來歲買補部諒不允
則官實受累部議若允則端不可開卽半收半糶之歲穀不能賤而官必欲買補甚至勒賣而吏又四路搜

括如同緝捕民間有穀不敢不賣而糶殮不繼勢且無以自給此行之在酌其時也得其人因其地酌其時庶幾有益不然卽存七耀三之例法良意美而或屬員朦混上司因循將名爲糶官米名爲買官米實爲不肯官吏掩飾虧空捏稱民欠之資此弊各省皆然雲貴尤甚臣受事一年已知備細欲概行糾參則一經革職十無一定臣以錢糧爲重又不敢不稍有關慮因嚴切開示仍佯爲不知密囑司道等勒限清還除調順寧府韓鍾業經臣前題參外現今完米者十有六七以銀抵米仍待買補者十有八九俱限於閏三月內完抵臣看此輩習染深重終難振拔擬於限滿日通參請旨一概解任勒限完補限內全完者酌量開復逾限不完者革職治罪庶於事有濟亦於法無損但雲南萬里銓官赴任動須半載臨時委署亦難得多人懇祈聖恩於記名賢員內府廳州縣預命往十數員著臣按缺委署分別題補則既無曠官自無廢事矣

經世文編

七年諭各州縣之設立常平倉積貯米穀原以備地方一時緩急之需所關甚重朕爲此備極焦勞多方籌畫務期倉儲有備早潦無虞年來所頒諭旨亦深切著明矣夫收貯米穀必須倉廩堅固始可爲經久之計是以從前降旨將倉廩之完整與否一併入於考盤之內以爲州縣官之考成今聞各省之中偏僻之邑竟有向來本無倉廩而有司苟且因循不行詳請督撫藩司等亦漫不查察致將養民備荒之具或寄頓於寺廟或借於紳士富戶之家而霉爛虧折生事滋擾之弊多由此起大非朕慎重民儲之意凡各省未有倉廩之州縣著督撫詳悉查明商酌卽行建造其造倉之費或勸用正項錢糧或支給存公銀兩著該督撫酌量本地情形悉心定議具奏雍正內閣 上諭

八年以川省積貯數少議增貯至百萬石先是四川總督黃廷桂等言川省存貯米穀通計止四十二萬石請將川省常平倉捐例改穀作銀隨時糴買并酌開事例買穀存貯得旨川省乃產米之鄉積貯易於爲力該督撫請開捐納誤矣况改穀折銀又復將銀買米徒滋弊端但通省積穀止四十萬石爲數實少應如何增貯著大學士等詳議於是議除現存米穀外再買貯六十萬石有百萬之蓄度足備用請分作三年約計每年買穀二十萬石每石約價三錢需銀六萬兩於夔關及鹽茶贏餘銀內動支至各府州縣應分貯若干等事宜令該督分別詳定得旨依議速行但每年穀價貴賤不等如畫定三錢恐價貴時或致抑勒強買價賤時不免侵漁冒銷著再議等議如遇價賤不及三錢即可過於二十萬石之數或價值甚賤應量加銀兩及時採買倘不止三錢亦可不及二十萬石之數或價值甚貴應停止採買以待來歲秋成總於三年內通融籌贖買足百萬石之數從之通考

十一年議准順天等十府冀州等五州現存各項並應買還本色共穀二百一十五萬餘石酌量大小治勻撥備貯仍令動項添建倉廩會典事例

十二年議准奉天錦縣寧遠州戶口殷繁且係沿海地方米石接濟鄰省令各貯米十萬石蓋平復州海城等處濱海潮濕難以久貯各存米四萬石金州現存米六千餘石毋庸議增其不沿海之承德鐵嶺開原三縣各存米四萬石遼陽州廣寧縣各存米五萬石亦毋庸多貯致滋潮沔永吉州現存倉穀一萬石仍令照舊收貯義州新設每年徵收地米陸續添倉俟有成數再議存留長寧縣雖地僻民稀未便並無積貯酌令建倉貯穀五千石以上凡現存米石不足議存之數飭令買補易換一併貯倉有逾額者悉行糶賣將價銀解部充餉至

黑豆一項供應驛站外所需無多除向無貯豆之永吉長寧復州寧海無庸議外其餘錦縣寧遠等九州縣量爲存留三千石二千石不等盈餘不足者亦照米石例辦理會典事例

河東總督田文鏡奏伏查倉貯關係重大自當悉心研求從長計議未可輕執一見以爲可以剔弊除奸永遠遵行者也蓋積貯原爲備賑而典守貴於權衡臣愚以爲倉穀之設偶因水溢旱乾則當開倉賑濟此按其口之大小以授食而不令民遺倉者也若夫收成稍歉民食尙不致艱難或至次年春麥未登之際青黃不接之時則當照例出借至秋收後每石加息穀分半還倉以接濟民食者也至於歲當大有戶慶盈實可以無藉於倉穀矣但至舊穀將沒新穀未升之時穀價不無少昂貧民難於買食此又當減價出糶以平市價者也如此轉移不但米穀流通小民不致乏食而朝廷倉糧亦得藉此出陳易新免於紅腐此誠一舉而兩得矣臣五年於茲無時無刻不以倉貯民食爲念常將各屬所有積穀或當委官盤查或乘新舊交代俱令其分別積穀年分久暫每樣各取一石碾驗米粒成色則新入倉者每穀一石得米六斗五六升其次則六斗有零矣再其次則五斗有零矣穀愈陳則米粒愈細往往止存半粒者且陳米炊飯不能漲發一升止得半升之飯又食之易至飢餓一人常兼二人之食此臣得之親試而無訛訪諸老農而不爽者由此觀之則倉穀之不宜久貯明矣今以地方官奉行之不善而欲停糶借之例使之常存於倉卽數十年而穀仍自在者誠不經之論也地方官不能無賢愚勤惰之分胥役人等不能免中飽侵漁之弊賢而勤者自能剔釐而除去之愚而惰者則當糾劾而更易之至於胥役舞弊又當峻法以懲治之此督撫之責司道府州之事也今不責各上司嚴其查察而惟守此數十年不易之陳穀以絕其弊端是猶行舟者惡風濤之險而

收帆駕車者恐覆轍之虞而投轄有是理乎臣查豫省倉糧俱經易穀存貯惟雍正三年常平倉奏冊內尚存米豆三千餘石自應一并易穀以免蒸餾而春借秋還存七糶三仍請照舊例遵行河南通志

湖北按察使王柔奏竊臣前以通裕民食之法請於秋成確探上游豐收之處差員領銀前往採買至次年青黃不接之時減價平糶續據陳奏業經奉旨發議惟是豐收地方業經各處差員赴買恐一時米價昂貴更不得不為籌及臣查豐收之地其米價未得平減者多因富商大戶恣意囤積所致若必強之使賣恐有不肖胥役藉端滋事而需食之民仍未均沾實惠臣再四思維有不禁自除之法莫善於各省府州縣遍開常年倉捐穀之例以備積儲以資轉運也蓋富商大戶蓄積銀穀每思遇開恩例急公上進祇以開例之地離鄉駕遠不能自赴上納輒轉託親友順帶包捐不無多用盤費且有被騙重納者以故率多觀望今若於各省府州縣悉開常平捐穀之例使本地之人即於本地親身上納既無詐騙亦免盤費節省穩便凡有米穀之家無不踴躍一遇豐收之歲米穀必半在官而半在民矣其所收穀石遇有隣省差員赴買價銀收貯藩庫即可碾米撥發領運則鄰省採買之員不必求米穀於市而止問米穀於官自無市價高昂之患而囤積者更無所容其姦如有謂捐多米貴者殊不知本地收捐之穀即可於本地隨時碾米減價平糶更不須遠謀於他省尤為便捷似於通裕民食之計大有裨益也雍正 硃批奏疏

乾隆三年兩江總督那蘇圖遵旨議言常平倉穀每年存七糶三秋成買補本屬法良意美祇以有司奉行不善遂至滋弊多端自宜詳定章程庶使永遠遵守但平糶一事原有不同有於歉收之後不拘三分之數發糶以濟民食者有於青黃不接之際市米昂貴發糶以平市價者有市價雖不昂貴祇因米穀難以久貯循例

發糶以易新者三項之情事既異則隨時之辦理宜分查江南省各府州縣附城人民習於經營率皆不務農業終年糶米而炊居鄉之民人以力田爲事秋成之後尙有儲蓄糶米者少此各屬情形之大較也今詳細斟酌如該地方當繳收之後則城鄉之民均無蓄藏咸資糶米時價必至倍昂應於城鄉八方多設廠所預定開糶日期令村庄居民各赴附近廠所糶買州縣印官及佐雜教職分頭巡視監糶並將平糶價值大加酌減兼應不拘糶三之數以濟窮民如年歲原屬豐稔則鄉間頗有蓄藏惟城市居民當青黃不接之際市價昂貴必藉平糶應止於四城關廂及大鎮集處所酌量設廠其糶價止須視倉中米穀成色比市價酌減一二分因地制宜臨時報明督撫核定發糶不必大爲減少蓋此不過藉平市價非欲歲缺米可比兼之買補之時亦免不敷數多動請撥補徒耗公項而奸民囤戶利不甚裕自不干蹈法紀肆行囤積窮民得霑實惠至於年說豐登市價亦不昂貴不過循例易新者則聽各州縣自行酌量公平出糶或稍爲減價以便秋後買補此平糶一事似宜分別三等辦理庶有實濟若矜戶役戶牙戶囤戶以及倉書丁役乘機串通捏買暗竊事在必有查江南各州縣現行保甲逐戶懸掛門牌紳衿衙役商賈庶民俱經登註一目了然平糶之時應令貧民各齋門牌赴廠驗糶兼令保甲稽察自無捏買其糶給之數每戶以二斗爲率不許過多則囤戶亦難施其伎倆至丁役竊賈則惟令本官於出倉之時親身監視發糶之後稽核清楚或未糶而缺米或已糶而無價卽嚴行追究自可水落石出倘該州縣仍不實力奉行致有前項等弊該管上司察實參處從之通考

五年諭地方積穀備用乃惠濟窮民第一要務而州縣有司惟恐貯穀過多平時難於照料難於交盤瞻顧遲延實爲通病朕知之甚悉已屢降諭旨矣今年直隸山東河南江西等省皆獲豐收而各省奏報年穀順

成者頗多况江湖廣原係產米之地皆當乘時料理積貯之政豐年不知積貯一至歉年束手無策咎將誰歸各督撫有司均有父母斯民之責應視民事如已事毋得徒奉具文仍蹈苟且偷安之習會典事例

七年命各省遇歉歲平糶毋拘成例奉 諭旨各省常平倉穀每年存七糶三原為出陳易新亦使青黃不接之時民間得以接濟當尋常無事之際自然循例辦理若遭值荒歉穀價昂貴小民難於謀食而仍存七糶三則閭閻得穀幾何大非國家發穀平糶之本意也嗣後凡遇歲歉米貴之年著該督撫節飭地方官交出倉儲減價平糶務期有濟民食毋得拘泥成例通考

又令直隸磁州永年等州縣將存倉穀石減價平糶先是四月令直隸總督高斌道官赴河南采買麥石至是奉 諭旨據高斌奏磁州永年曲周邯鄲成安肥鄉廣平鷄澤等八州縣麥收甚薄歉薄著將現存倉穀減價平糶倘有不敷卽於鄰近倉儲贏餘州縣撥運濟用仍俟赴豫采麥到日多撥平糶著該部速行文該督實力奉行通考

又申明平糶減價之令奉 諭旨各省地方每遇歉收米價昂貴國家動撥倉儲減價平糶乃養民之切務然有司經理不善卽滋弊端是以本年二月間特降諭旨令該督撫等於平糶時酌量情形應減若干之處預行奏聞請旨今朕再四思維地方當饑饉之時黎民乏食朝廷百計區畫方且開倉發粟急圖救濟一賑再賑以安全之豈有於平糶一節預防奸民之賤糶賤不為多減價值而使嗷嗷待哺之窮民仍復艱於餬口乎況赴官糶買官米與赴店糶買市米其難易判然又可歷數銀色有高低之不等幾頭有輕重之不同道里有遠近之各殊守候有久暫之莫定此在平時且然何況年荒乏米之日若官價較市價略為減少所差幾何是國

家徒有平糶之恩而閭閻未受平糶之益也朕病痲在抱言念及此再行明白宣諭凡各省大小官員皆朕設立以牧養斯民者倘於此等要事視爲具文苟且塞責則罪不可追嗣後務將該地方實在情形必須減價若干方於百姓有益之處確切奏聞請旨至於奸民濫繳收之年國利國積將官穀賤糶貴糶則惟在州縣官嚴行查拿倘或疏漏隱匿該督撫卽嚴參從重治罪是亦並行而不悖也通考

又申遏糶之禁奉 諭旨天時有雨陽地土有高下而年歲之豐歉因之以天下之大疆域之殊歟於此者或豐於彼全賴有無相運緩急共濟在朝廷之采買撥協固自有變通之權宜斷無有於米穀短少之處而強人之糶賣者若有收之地商賈輻輳集既多價值自減則窮黎易於得食此隣省之相周與國家賑恤之典相濟爲用者也我 皇考與朕俱曾屢頒遏糶之禁惟是地方官民誠見未廣偏私未化未免以米糧出境稍多價值漸貴雖不敢顯行遏糶靡不隱隱自便羣相禁約有司從而徇徇之遂視隣省爲秦越矣用是再頒諭旨著各省督撫各行勸導所屬官民毋執畛域之見務敦拯恤之情俾商販流通哀多益寡以救一時之困厄將來本地或值歉收又何嘗不於鄰省是賴並將此曉諭官民共知之通考

八年以米價增長發京倉官米平糶黑豆亦如之嗣復奉 諭旨今年直隸所屬河間等處偶被偏災彼地貧民赴京覓食者俱已加恩賑濟但其間尙有不在賑濟之數者或手藝營生或傭工度日適值米價昂貴當此歲暮天寒情殊可憫著戶部將京倉米石酌量給發各旗局及五城米廠照依時價核減平糶賣與零星肩販之人俾得沿途糶買皆濟實惠通考

刑部侍郎錢陳羣奏伏查常平之制因穀有甚貴甚賤之時貴則病民故減價以糶使民不病賤則傷農故

增價以雜使農不傷價增則耗國幣價減則耗倉穀二者皆損上益下之事然行之久而四民受益國亦無
貧寡之患者以米價無甚貴甚賤雖有災祲民情相安苟非偏災大歉發粟賑濟之舉亦可勿事此常平之
設所以上下攸賴者也今 國家承平日久生齒日繁米價無甚賤之時自可無議增價以糴矣爲今日計
惟當詳求減價而糴以平米價使無甚貴誠急務也乾隆七年 上諭若遇荒歉之歲穀價高昂務將實在
情形必須減價若干之處確切奏聞請旨欽此此誠酌古準今達權通變久遠無弊之良規也今自兩月以
來御史趙青藜奏請於米貴之年多減價值尙書張照奏請顧名思義以本價爲權衡少詹事李清植奏請
情復本法立論雖不一而爲歉歲計便民使米不騰貴其意則同 臣愚以爲酌減於歉歲米貴之時所以濟
民食之艱者固屬緊要酌減於尋常出陳易新之日所以從小民之便者亦宜詳求則張渠請成熟年分每
米一石酌濟五分之奏雖現在議復准行實多未便之處不得不再爲陳請酌改者也蓋通天下年歲計之
順成者多尋常出陳易新之際米價尙平原可無須大減但陳穀所碾成色自不及市中行鋪所售之米而
交官之銀成色及平又非市中交易之銀可比又經胥吏之手稍爲高下又米局離鄉寫遠小民往返需時
守候需時如米每石市價一兩官價九錢五分以官價所得之米卽入市轉售原價必虧民亦何所利而買
之乎糴倉米本以便民張渠之見防國戶則有餘便小民則不足也地方有司每當出陳易新之時開設米
局買者寥寥於是紳士便家仰承意旨分領穀石照數交價者有之行戶抑勒分買者有之蠹胥黠吏因緣
借領者有之其畏葸牧明知民不願買謹守筭鑰坐視紅腐者亦有之是豈設立常平便民之遺意哉
於成熟之年每米一石酌減一錢一分使小民核算比市價稍賤仍不拘城市開設米局使小民得沾實惠

而米價自無騰貴之虞矣如蒙 俞允則比從前加減七分數即於官糶一米二穀稍有贏餘項內抵補抑臣更有請者食爲民天小民終歲所仰全在及時播種每見歲功方興窮黎因籽粒無措縱有田可耕坐失東作者所在多有查種穀一石可收新穀一二石不等是以民間借種籽粒往往加借價還借者帖服今若於糶三數內令州縣酌量借給粒種不收利息春借秋還每借一石還倉時仍收一石每交一石酌收穀四五升以爲鼠雀出入諸耗之費則農本既培民力普賴較減價以糶更爲有益現在被災州縣及邊徼苗疆新墾之地有行之者然未著爲令典有司恐于參處不敢擅便臣願月令季春之月命有司發倉廩賜貧窮振乏絕疏云長無謂之貧窮暫無謂之乏絕及春闕種始爲暫無說而荒粟卽爲乏絕量借籽粒一轉移間農有餘粟及秋還本倉仍充裕於出陳易新之義似更詳備矣 香樹齋集

十年御史萬年茂奏竊查各省常平穀石自順治年間卽經建立倉儲百年之內 列聖講求經理備至我皇上御極以來宵衣旰食無日不以此事上慮 宸衷惟恐倉儲有名無實節年 餘有多方籌畫各省倉庾漸次充盈此誠建萬世之長策躋斯民於仁壽也臣伏觀各直省出產穀石一省之數歲至十數千萬餘石而常平積貯天下合計纔共二千八百餘萬石是常平額貯數目不可謂多又經百年之久我 皇上十載憂勤日積月累始臻此數其求之不爲不難臣近見戶部行文各省內稱平糶米穀係秋來買補還倉但各省因價值低昂不一是以有全行買補貯倉者亦有買補不足咨請展限者今捐監已歸本省收捐本色彌補倉儲漸次充裕卽有緩急諒足敷用則各省存貯平糶銀兩可停止採買將未買實存銀兩數目務於今歲造報冬撥之前報部以備酌籌辦理等語臣再四細繹雖未深曉部臣之意但據稱停其採買寔存

銀數於冬場之前報部臣懇懇過慮竊恐即以此項銀兩撥充兵餉之用將來倉庫空虛所關非小查常平額設大縣三萬石中縣二萬石各省定數尙多不足然現在實州縣每年平糶利益甚大加以借給籽種給養孤貧一切實政取給其中需用亦廣語云有備無患倘遇地方一時乏食他處之米接濟不及鄉民嗷嗷萬千成羣入城呼籲地方官或賑或糶小民各得升斗即時立散俟他處接濟米來人心易安使貧民有恃無恐境內富民亦以餘穀照常售賣設無倉儲一項富民不免居奇彼見貧民洶湧聚懼生事端不敢顯然出糶故倉穀一裕民穀自可流通相因之勢也今若停其買補則糶三存七之數一年之內已去三分之一明年復去其二至三年而存七之數已盡是無穀也假如臣所言將此項撥爲兵餉之用是並無銀也夫有銀尙可於豐登之歲買補還倉無銀則穀將何出無穀則地方緩急何所取辦且卽現今江南山東甘肅等省常平穀類虧缺甚多半屬存銀合計庫省現存銀數不止三分現存穀數實未有七分又以州縣不樂積貯希圖省事部文一到卽實行貯倉者亦必盡數糶賣以備撥給之用臣恐常平之廢又不待於三年也至稱各省監例收捐本色卽可彌補倉儲夫收捐本色所以補倉儲之缺數非可借以補倉儲之現數也查向來戶部捐銀至多之年不過一百四五十萬今外省捐穀之數無論不如部捐數目之多卽如部捐數目每穀二石折銀一兩必須十餘年方可補足常平原額況各省價值不一兼以州縣推諉現今報捐惟福建二省爲多餘省雖多寡不齊然皆不能足額卽如廣西常平舊額一百四十餘萬石酌減捐額七十餘萬石開捐以來共收穀三萬餘石捐穀之難以彌補其明效可觀矣臣觀十數年來米穀價值日增於前穀價愈貴民食愈寡賑糶之需惟恃常平方慮存貯無多偶遇歉收載漕撥賑恩綸歲下若將現存之數

一旦全無將來仰賴 聖慮不知又如何也伏乞 皇上敕下原議之大臣果有撥給事宜祇當別求款項以資籌酌至常平原額仍行買補還倉無令絲毫輕籌以備直省緩急之用以仰副 聖天子愛養黎庶之心天下幸甚 皇朝奏

禮部右侍郎秦憲田奏為推廣 皇仁通籌利濟以裕民生事竊 臣伏見我 皇上仁覆如天臨取以來刻刻以愛養黎元為念 宵衣旰食勤懇切至凡農田水利有關民計者無不舉而租商稅有裨民食者靡不調一遇水旱偏災截漕發粟平糶兼施動以百萬計蓋自古及今從未有若斯之慷慨一體大化旁流者也近又欽奉 特恩將直省丙寅年地丁銀兩普加蠲免使山陬海澨窮鄉僻壤無一不濡 浩蕩深仁大澤敷天歡聲動地從此有田之戶及務本之農民固已無不曲被 隆施淪肌浹髓 臣恭遇聖世德澤溥之時敬體 皇上欲使無一夫不得其所之至意更欲於現行事例通籌利濟以冀少裨聖主愛民足用之懷於萬一 臣惟今日之民非特貧之為患而貧富不均之為患非乏財之為患而財用不流通之為患是以富者日富貧者日貧日富則奢侈僭踰之弊生日貧則不惟號獨錄寡有無告之憂卽讀書士類資生無策有不暇治禮義之善若此等者賑貸之所難周蠲免之所不及而實何一不在聖心軫念之中惟是欲以有定之經費供無限之蠲施此固理與勢所難而欲於萬無可商之中求一通融補救之道則莫若良多益寡以民養民之為惠大而利溥也前者荷蒙 恩旨准留捐監事例以為賑濟之用始則內都收銀今則外省收穀此誠通變宜民之善政也 臣愚以為此例專令收穀則捐輸不皆踴躍倉廩未節充盈以之備荒而不足若稍為變通則捐輸充裕不惟賑濟有藉而其餘尚可沾溉困窮

臣再四思維悉心推究則以專收穀石不如銀穀兼收之爲盡善也况銀穀兼收之例山東一省上年業已議准暫行若更推之各省則其效必可立觀臣敬爲我皇上陳之收穀之便一不便者四所謂便者誠以本色收貯利於興發而不失食之本意也臣思五穀之與金銀其爲利一而爲用不同夫穀有豐歉而金無盈絀銀有定數穀無定價民間所出之穀止有此數若果係豐稔穀粟有餘乘時收貯以備水旱誠爲盡善若值穀少之時急公者購買上捐不惟穀價騰貴有損貧民而在倉多一石之儲卽在民少一石之倉况時價先後不齊雖經議減之後捐者仍屬寥寥一不便也米穀不可久貯直省燥濕不同若陳陳相因霉爛可慮有用化爲無用二不便也倉穀交代盤量折耗不無賠累官吏視爲畏途隱致抑勒攔阻捐者裹足不前三不便也直省之田土不一江浙川廣爲產穀最多之鄉閩粵雲貴有食米不敷之處必欲一例徵取恐多此贏彼絀四不便也有此不便臣所以慮捐輸之不皆踴躍倉廩之未卽充盈以之備荒而不足者也今若概令銀穀兼收其便有五蓋捐輸一事有天時地利人事之不齊豐年則穀便歉歲則銀便此係於天時者穀多之鄉利於穀穀少之地利於銀此係於地利者力田之民利於穀逐末之民利於銀此係於人事者况捐穀尙有時價高下之不齊捐銀則貴賤多寡皆畫一此一便也有穀者不必易銀則穀多不至價賤以傷農有銀者不必易穀則穀少不至價貴以傷民銀穀任便輸納爭先倉廩必至充裕二也捐賑理應用穀而飢民待哺維亟開倉餽運有需時日卽領穀到手尙須舂簸炊爨若捐項既足錢米兼賑餅餌立能果腹挾糲可謀生且賑一半之銀卽留一半之穀倉貯不致大虧三便也水旱告急事存呼吸例應一面奏聞一面勸諭惟是正項地丁關係重大所司出納過謹災民遭

漏堪虞若果銀米充足施展寬裕長吏不屯其膏窮民隱受其惠四便也倘銀穀兩收穀少而銀多則不妨移此地有餘之銀買別處有餘之穀以歉歲有餘之銀買豐年有餘之穀贖糴倉穀必豐并濟常平之不及五便也至於各省藩庫爲貯備之根本若此例一行除穀石仍收本色外所有全省賑項之銀均令解交藩庫通盤核算將應備賑濟之額儘數存留平時則酌量年穀之貴賤以供調度臨期則審視地方之緩急以資接濟以全省之人救一隅之災有疏通而無耗絀庶幾不虛我 皇上籌畫倉儲有備無患之至意若行之日久必有贏餘則各省農田水利之當興者及養濟育嬰諸務與蠲寡孤獨之無告者貧生不能餬口及有關學校書院之待給者均可酌量取資而以本省富戶之有餘濟本省貧民之不足盈虛相濟財用流通卽凡賑貸難周獨免不及之民從此無不均濡 聖澤於光天化日之下惠而不費用而不竭此臣所謂稍爲變通則不惟賑濟有藉而其餘尙可沾溉困窮冀少裨 聖主愛民足用之懷於萬一者也合無仰懇 天恩勅部定議將現在議行山東捐監銀穀兼收之例永遠通行各省除赴捐之人有穀上倉者仍照舊收穀外其情願捐銀者卽照部價一百零八兩之額一體收捐按季造冊連銀解交藩庫藩司按季造冊咨部換照戶部卽隨批封發以便轉給所有應收飯食紙張冊費銀兩量照舊例酌行此外不得多索絲毫違者察出議處至部臣前議州縣收銀恐開虧空之端今令解交藩庫自可毋庸慮及又近日湖廣督臣鄂彌達奏請停止本色一概收銀已收監穀糴後毋庸買補經戶部議一概准收折色京米補之倉儲足額無期臨時之購運轉未便而已收之穀糴後不行買補倉儲日漸空虛均毋庸議奉 旨依議欽遵在案伏查鄂彌達所奏欲將本色停止臣則謂釘穀兼收鄂彌達謂穀糴

毋庸買補臣則謂銀多正便收糶意見似有不同並非現經議駁之條冒瀆 聖聽臣蒙 皇上不次擢

用隆恩敬體 聖主欲使無一夫不得其所之至意用忘愚昧敬以上陳味經窩稿

十三年議准收捐監穀原以實倉庾而備荒歉各現在俊秀報捐除山東江南福建四川停其在內收捐山東賑卹用繁兼准在外收捐折色外其餘各省悉照在外收捐本色在內收捐折色之例辦理今各省常平積貯既經定額則收捐監穀自無容於額外增貯除不敷定額之省仍以收捐補足外其額外有餘各省所收本色應令別案存貯遇有賑卹卽於此內撥用或平糶倉穀不能買補卽將此項倉穀撥抵所存糶價造冊報部酌撥會典事例

二十二年命撥江西湖北倉糧運交河南以備賑借平糶是月令通飭各省督撫籌補常平倉穀奉 諭旨吉慶奏請敕下直省督撫籌補常平倉穀一摺所稱州縣視爲畏途因循延誤地方大吏又不悉心辦理此種弊病現在各省實皆有之地方水旱不齊國家所藉以撫卹災黎所待以仰給者惟倉儲是賴一有缺額自應亟爲籌補然籌補之法不待更立章程惟在督撫實心整飭而已前因各省爭議採買一時米糧翔騰是以議立定額邇年以來市價不致過昂此其效也然額定而缺者不補則緩急其奚恃焉督撫身在封疆民瘼所關自當詳加覺察時時留意豈可因循玩視而不爲先事計耶載禮自出特恩原不爲例非可屢邀也可將此通行傳諭各督撫知之通考

二十六年巡撫明德言甘省偏處西陲舟楫不通附近鄰省止有川陝二處撥運糧石皆係陸運腳價既繁民力亦多勞瘁兼以路遠往往運送後時緩不濟急是甘省郡城之積貯較之他省尤關緊要而甘屬各府多係

裁衛改設均未設有府倉查甘省地土高燥積貯倉廩不慮陳腐卽如小麥一項各省俱不能久貯惟甘省存貯一二十年並不霉變況甘省地廣民稀土無他產農民收穫之糧除完賦養家外大都赴市出糶以資一切用度屢豐之後市糧壅滯糶買無人往往又有穀賤傷農之虞臣以爲甘省多籌積貯不惟無礙民食抑且有益農工現在甘省州縣俱收捐監糧若令各府與州縣一體收捐不需用帑項另爲籌辦而各府之積貯俱得漸次充實以資儲備查蘭州爲省會要地甘涼乃河西衝途兵民聚處食指浩繁俱應廣爲儲蓄蘭甘涼三府應請各定額收捐京斗監糧十萬石平涼鞏昌甯夏三府路當中邊南三路衝要且屬邑較多亦應廣爲貯蓄應請各定額收捐京斗監糧八萬石西寧慶陽二府地處偏僻應請各定額收捐京斗監糧六萬石安西一府界在關外屬邑無多應請定額收捐京斗監糧四萬石以上九府共定額收捐京斗監糧七十萬石其各府收捐糧數倉費等項卽照各該府首邑收捐事例收納毋庸另議所需倉廩亦照例動用捐監倉費銀兩修建造報俟收有成數每年平糶出借等項均與首邑一體並行以便出陳易新應設倉書斗級照例添設仍責令該管州縣加督率照例盤查毋致侵虧滋弊部議應如所請從之通考

又議令安徽省將社本還官之穀歸補常平卽於糶價內撥爲修倉之費巡撫託庸言安徽省現需修建倉廩無款可動請酌撥社倉息穀變價以濟工需疏下部議等議社倉之設出自里民較之常平官爲出納者不同卽使息穀日漸充盈而春借秋還多所接濟於耕作農民更爲有益該撫請以社息之有餘籌補常平倉費之不足是以民間輸納之息穀修建在官之常平雖於公務有裨而撥之官民之別究屬未便應毋庸議查安徽省社倉原案係於乾隆二年前任督臣趙宏燾擬安徽布政使晏斯盛以民捐本穀甚少不敷借給奏請動支

省倉監米七萬六千六百八十石歸入社倉爲社本節年出借息穀積至四十六萬四千三百四十餘石是息穀既已充盈所有原借社本自應還官以一米二穀核算可得穀一十五萬三千三百六十七石查二十四年常平奏銷冊報未買糶價存銀尙多此項銀兩原係應行買補之項應將此項社本還官之穀歸補常平即於糶價內劃出此數存貯司庫撥作修建常平倉房屋之費其餘剩糶價仍令作速買補常平缺額從之通考

又由嚴行冒糶之禁御史毛永燮言本年直隸附近被水之地欽奉 諭旨先後截漕撥粟共四十萬石以資賑糶直屬奉撥米石既屬充裕除應賑卹之外自必兼行平糶平糶一事必嚴行戶冒糶之禁但顯然之行戶設法可稽而影射之行戶滋弊尤易向例地方官辦理平糶赴糶者俱限以升斗祇許零星糶買雖有巨商挾重費以圖倍利者亦無所施其技立法甚嚴矣惟是不肖行伍聞有誘買無賴窮民給予零星價值令其赴糶糶得之米仍入行鋪之手聚少成多重利可致糶係貧民而利歸商販狡獪之術禁遏宜嚴至若串通經手胥役朦混官司致滋冒濫尤不可不防其漸請 敕下直隸督臣嚴飭地方官於平糶時如有前項情弊察出照例治罪如有胥吏串通尤必嚴行懲治至所用斗斛務準官頒出糶多寡必遵定額均須司事者親身經理不得專委代辦員役人等經管該管上司亦不時查察庶易滋之弊日除而逾格之恩普被矣疏入得 旨著照所請速行通考

二十八年安撫巡撫託庸請將見存常平倉穀先行碾米附船運京以捐監本色隨後補倉 上諭三農生穀祇有此數採辦於官庾捐輸於紳士條款雖殊其爲地方所產則一與其輾轉挹注曷若留之民間若一概豐贖恐小民未敢糶貸之利先受目前食貴之艱譬諸日食四鬴者先奪其三而語之曰吾將爲爾他日待哺

計也彼不生感而生怨矣國家昇平富庶內府外府均爲一體凡官廩兵糈歲支之數豈缺於供若以補而議捐穀又因議捐穀而先運常平倉儲不獨徒費輪輓之勞且他省聞風踵事地方因緣壟斷必致米價騰騰開闢轉滋弊以撥之經常不易之道惟爲民食留其有餘用自無不足居今承平日久戶口增而產米祇有此數倘遇必資通融協濟之處亦不過臨時籌補救而已所有碾運常平倉穀之奏不必行其江浙四省捐納貢監之例並停止通志

三十三年戶部左侍郎王際華言各省向設常平捐監事例行之日久不無折色淨收侵挪諸弊業將陝甘等省捐例停止查福建廣東雲南三省報捐甚少應請槩行停止從之通考

三十四年兩江總督高晉等奏江蘇各屬常平倉穀缺額現在時價昂貴應暫停採買但缺額過多之處來春借額不敷請將司倉存貯監米撥補江寧高淳等縣其餘倉儲不足州縣請在鄰近州縣酌撥從之通考

四十三年諭前因河南省開封彰德衛輝懷慶河南五府春兩愆期曾降旨將本年錢糧緩至秋徵常平社倉民欠穀石緩至麥收後徵並令將存倉社穀隨時借糶尤念五屬極貧下戶更爲拮据加恩於社穀內酌給月糧以資餬口至本年社穀出借較多如屬不敷著於漕穀項下借動撥給通考

又奉 諭前據三寶陳輝祖奏湖北今夏得雨少遲米價漸長遇有川米過境催載運售等語此非過難而何

朕以該督撫爲楚省民食計則得矣不知江南向每仰給川楚之米今歲亦尚有偏災更不能不待上游之接濟且楚米既不能運出境若復將川米截往不令估船運載順流而下則江南何所取資該督撫止就本省籌核所見殊小豈朕一視同仁之意隨卽傳諭飭如川省米船到楚聽其或在該省發賣或運赴江南通行

販售總聽商便勿稍抑遏嗣又據文綬因楚省有買川米之咨奏稱川西川南雖獲豐收恐商賈紛爭或致米價騰湧擬將水次州縣各倉內撥穀二三十萬石碾米運楚應用等語名爲設法調劑實欲藉此壅塞禁止商權也所見與三寶等相同隨卽飭令不必將倉穀碾米運楚聽商做源源運變關隘放不得稍有留難在該督撫皆國家大臣自當以朕之心爲心豈宜意存畛域如川省米船運載流通固屬甚善但恐川船到楚伴數該省之用不能分運則江南糧價或至增長深爲慮念著傳諭文綬將擬撥楚省之倉穀二三十萬石卽速就各水次碾米運赴江南備用並諭薩載等酌於何處接運分發需米之各地方隨時出糶以平市價而裕民食一面知照文綬辦理一面奏聞至川省動撥倉穀俟明歲穀賤時再行買補該督撫速爲遵照委辦該部卽遵諭行通考

五十年命川督李世傑飭該處州縣碾運常平倉穀接濟下游各省通志

五十七年諭內閣各省常平社倉係仿照周官荒政而設原以備水旱偏災糶借放賑之用乃各省督撫每年俱彙奏倉庫無虧而遇有偏裃歉收並未據奏開動撥倉穀以濟飢民卽如本年直隸畿南一帶因旱歉收經朕降旨詢問梁肯堂何不將倉貯穀石就近先行動撥據該督奏各該處額貯穀石除連年出借耕種及本年平糶外所存無多不敷散賑等語可見各省倉儲並不能足數收貯此皆由不肖官吏平日任意侵挪虧缺甚或借出陳易新爲名勒賣勒買短價剋扣其弊不一而足以古人之買法轉供貪墨之使漁而該督撫等並不實力稽察惟以盤查無虧一奏了事以致各省倉儲俱不免有名無實備荒之義安在乎該督撫等向來因循怠玩此後務當認真整飭實力稽察使倉穀充盈以期有備無患若再仍前玩忽任令州縣侵那短缺將來朕

出其不意特派大臣前往抽盤一經查出參奏恐督撫不能當此重戾若因有此旨復任地方官借詞採買有

聖訓

勒派短價情弊必將該上司及州縣一併從重治罪決不寬貸毋謂教之不早也
五十八年覆准雲南常平倉穀借放囚犯口糧應需買補令原有存貯監穀鼓各州縣按例支放囚糧其州縣內有不敷支放者即將借放穀鼓買補價銀准其在於糧道庫存平糶溢額兵米價銀內撥數重支仍將動支銀兩買補穀石入於倉穀奏銷題報查覈會典事例

嘉慶四年奏准各省常平倉積久弊生即無須接濟之年亦以出陳易新藉詞支放染指分肥出倉既以短發還倉又復浮收良民未受其益官倉已被其虧嗣後無災年分不准出借以除民累會典事例

五年諭軍機大臣等據祿康奏調劑奉省倉儲仍照舊例出陳易新一摺向來各州縣倉儲米石俱於青黃不接之時發給納戶以便民食秋成後照數交倉自前任奉天府府尹岳起因不肯州縣額外加收遂將此例禁止殊不知出陳易新之例各省奉行已久如果地方大員嚴飭州縣妥遵辦理焉有額外加收之弊今奉省州縣各倉不行出借以致米石積久徵腐未免因噎廢食著盛京將軍會同戶部並府尹等詳悉妥籌務使倉穀不至陳腐而於民食亦有裨益儻有不肖州縣仍敢復蹈前轍一經告發必將該州縣及該管上司一體治罪

聖訓

六年諭內閣各省州縣設立常平倉存貯穀石定有額數原以備本處水旱偏災平糶賑濟之用若倉儲充實取之裕如何至民食艱於接濟總由各州縣平日不能實心經理或出糶後并未隨時買補還倉或竟任意侵挪虧缺以致積貯空虛猝遇偏災茫無所措而該督撫等為目前補救之策大率奏請截撥殊不思京通各倉

所貯漕米以之預給陳祿兵糧無論歲收豐歉俱應按數支放卽太倉之粟陳陳相因亦屬昇平盛事焉有天
庾正供徒資外省截留之理卽如部庫解銀爲每年經費所需豈以供外省請撥而各省應存庫項不肯實貯
遇有緩急需用之處動輒請發內帑似此積習相沿則外省所設倉庫竟係有名無實豈國家均平賦式之道
乎嗣後各督撫等總當於各州縣倉庫根本要務悉心講求實力整頓務使倉穀錢糧皆歸實貯方爲有備無
患勿徒以撥餉截漕爲事 聖訓

七年御史楊昭謹奏竊惟常平倉穀直省額貯多者數百萬石少亦八九十萬石州縣額貯數萬千石少亦
數千百石以備平糶以支出借以供兵糧以裕災賑所關甚鉅然必實貯在倉有盈無絀方於民生國計均
有裨益臣謹悉心酌議分款臚列恭呈 聖鑒

一倉穀平糶有虧宜緩平糶也查常平倉如常年出糶定例概以存七糶三爲率其地方燥濕不同則有
存六糶四存半糶半存三糶七及不限額數隨時出糶原爲額貯充盈恐米穀歲久朽蠹所以因地酌量
出陳易新且使市價平減商販不得居奇多索惟是平糶已有虧缺尙未買補如額又將存倉穀石接續
再糶不但虧缺繁多一時難於買補且恐挪新掩舊私將糶價使用久之倉庾盡空升斗不存無論常年
無可平糶卽水旱偏災亦無穀石以供動用 臣請於平糶有虧之倉必勒限一二年內買補足額勿得於
未足之先率請平糶

一倉穀出借有虧宜緩出借也查常平倉穀定例許農民領借作爲口糧籽種按耕種遲早定期借給先
麥後穀先陳後新原因額貯充盈每歲青黃不接之時借給農民使耕種有資無慮拮据惟是出借已有

虧缺尙未催收全完又將存貯穀石接續再借不但陳欠積壓前後難於並徵且恐轉欠作爲新借日久無從催迫勢必倉庾皆虛升斗不存無論常年無可出借卽水旱偏災必應借給亦無穀石可支散放臣請於出借有虧之倉必勒限一二年內催徵足額勿得於未足之先率請出借

一倉穀平糶宜酌定年限也查常平倉穀常年出糶豐歲每石照市價減銀五分歉歲減銀一錢是不論豐歉皆准平糶定例原爲平減市價而米穀亦藉以出陳易新然使年年出糶則必年年採買吏胥侵漁既可習利藪閭閻科派實亦難免迫呼臣請嗣後除因災以時平糶不拘例限外其常年平糶爲因地方燥溼不同酌定出糶例限或三四年一次或五六年一次以省滋擾再查則例內載常平倉穀折耗奉天省米逾五年穀逾十年陝西省糧過五年准開報氣頭厥底直隸江西等省三年以後准開報氣頭厥底江蘇安徽等省三年以內准開報氣頭厥底三年之後不准再開是平糶年限寬爲酌定自於存倉米穀無有妨礙

一倉穀出借宜酌定章程也查常平倉穀每歲青黃不接之時酌量出借又或夏秋水旱成災酌量出借定例查明借戶果係力田之家取具的保平斛面給惟是吏胥里長互相勾串往往從中蔽混捏名冒借一時人數繁多稽查難周只憑保甲按名借給迨歲底據冊徵收半多有名無人未由催納還倉於是將無著穀石謂無業窮民力不能完甚或捏稱逃亡物故人無可追詳請豁免及督撫援例題豁准其動項買補又或因歲歉價昂不卽買補全完積弊靡有底止臣請嗣後出借之時將具呈借戶俱按照徵糧紅冊查係有糧農民方准酌量借給不但實惠在民一顆一粒胥吏長無從中飽且凡出借穀石盡歸有

著一升一合俱可照依例限催完還倉永無虧缺

一倉穀賑濟宜酌定章程也查常平倉穀如遇地方水旱偏災將存倉穀石開放賑濟俾被災小民一夫不失其所惟是極貧次貧戶口多寡無定百里十里都屯遠近各殊往往吏胥里長從中賒混不但瞻徇顛倒且恐巧計侵漁虛開丁口冒支錢米散放既時不容緩體察亦勢有難周請嗣後辦理常平賑務凡係災黎俱按每年報部戶口底冊逐一稽察再將糧冊核對俱係無業無糧窮民與零星小戶方行認真散給吏胥里長無所施其伎倆而常平之米穀均可實惠編民

一倉穀採買宜酌定章程也查常平倉穀或因平糶缺額急需買補或因災賑缺額急需買補或因供支兵米缺額急需買補定例俱係支領應動銀款按照時價採買事本因公民情莫不樂輸惟是胥吏里長從中舞弊任意開報殷實穀多之家或蔽混隱漏穀少之家或抑勒科派甚或私行倍折穀價代爲浮收充數臣請嗣後採買之時查照徵糧紅冊一切糧少之家及零星小戶悉予開除惟按照糧多戶口將應買穀數分別均攤而給價值地方官稽察較易吏胥里長無能肆其奸貪所有採買穀石自然依限全完無有虧缺至有本境產穀無多例赴鄰封採買亦先予詳報督撫行知赴買地方之時卽一併關會鄰方查照該處糧冊開明戶口以便給價買運

以上六款俱照定例悉心酌辦務使倉庾足額有益民生再查直省常平倉外安徽省之鳳陽潁州二府屬建設裕備倉貯糧二十萬石備鳳陽泗州二屬賑糶四川省之附近水次各州縣備儲穀三十萬石接濟鄰封貴州省之威靈州備儲穀一萬石備該處緩急均請照此辦理又廣西省之社倉本該省潯州慶

遼鎮安思恩等四府社倉向例均照常平倉穀令桂平宜山天保武緣等四縣經管出納亦請照此辦理
是否有當伏乞 皇上睿鑒訓示經世文編

道光三年諭內閣御史程喬采奏籌議平糶事宜一摺各省設立常平倉以備旱潦實爲法良意美如該御史所奏州縣平糶就近赴買者不過附郭居民甚有矜戶役戶牙戶團戶與倉書捏名報買兼之內丁乘機竊賣而販相緣爲奸請於四鄉道路適中處所分設廠座以便民食所奏不爲無見惟各州縣情形不同亦難盡擇適中之地兼恐易滋流弊著各省督撫酌量地方情形分別妥辦如有囤役丁胥影射漁利者從嚴懲治至所奏平糶價銀例應於秋熟時買補足額如穀價騰貴准俟次年採買還倉若任聽不肖州縣將價銀貯庫並不上緊購買以致不敷糶賣甚至庫貯價銀挪移虧短交代盤查復輾轉流交留抵是以朝廷足食之經爲私家肥橐之計不可不嚴行申禁應如該御史所請著各省督撫飭令平糶州縣將價銀儘數解貯司庫不許解交本管府州兌收更不得以秋後卽須領回藉詞封貯俟秋成豐稔再行領銀採買以實倉儲儻仍前延玩不解卽查明分別參處其採買之時如仍立紅封買頭諸名目致有短發正價按糧派買及暗中剋扣斛面浮收並折收等弊俱著各省督撫激發天良出示嚴禁以免擾累而杜侵漁

聖訓

十一年諭內閣御史卞士雲奏請飭直省嚴駁常平倉儲以備緩急一摺各直省州縣設立常平倉穀原以豫備民食果使倉儲充實偶遇水旱偏災急需賑濟何難取之裕如乃近日存倉穀數多不按時據實報部或因公動撥領價後仍未買還補倉或交代有虧接任時祇憑虛帳報數迨至上司查辦則按照部價將銀貯庫輾轉流抵謂之穀價又復不免使用間有聲請平糶名爲存七糶三而不肖州縣每至影射格外多竇如遇水患

其或捏報淹沒種種積弊相沿如該御史所奏自係實有之事是以各直省遇有偏災鮮有以撥放常平倉賑給爲請者大率動支藩庫銀兩易錢散給卽如本年江蘇安徽湖廣等省被災現請免稅招商並贖銀至鄰省採買此後請帑辦賑無非以銀錢易穀始敷災黎口食推原其故總由倉儲不足所致雖此時急切救災不得不如此辦理然終非先事豫籌之道必應力加整頓著各直省督撫嚴駁各州縣常平倉庫數目令其加具印結申送按時報部查覈如遇緩急之需卽由該督撫隨時聲請動用務將交代虛收存銀流抵等弊永遠禁止所有虧缺倉穀亟行賠補完足毋許再有新虧自此次申諭之後倘仍有前項弊端卽著嚴參懲辦以實倉儲而裕民食將此通諭知之 聖訓

十二年諭內閣申啟賢等奏請清查各省常平倉穀以重倉儲一摺常平倉之設原以惠民立法最爲良善惟久貯穀石不無朽蠹之虞因之推陳出新亦有出糶之例乃近來各直省州縣於既糶之後並不隨時買補僅以糶價存公屢經交代挪新掩舊任意侵吞以致倉庾空虛毫無儲備卽穀價亦歸無著設遇緩急其何以濟本年夏間經申啟賢等確查順天各屬倉儲其武清等十州縣尙有存貯於額數不能無虧此外顆粒無存近畿如此各省大概可知著各直省督撫查明各州縣常平倉向貯額數無虧卽遵照白例每年推陳出新妥爲收貯其有已經出糶而未買補者責令察看年成隨時買補不得任聽吏胥藉名滋擾若有交代挪移銀穀俱無者著嚴行勒追照數買補務令實貯在倉至社倉義倉穀石係勸諭民捐亦於閭閻有益並著各直省督撫飭各州縣隨時勸捐但不得抑勒擾累致滋流弊嗣後各督撫務當認真稽查遇有虧額隨時買補以期倉穀皆歸實貯若地方官奉行不力卽屬參示懲儆仍視爲具文復蹈前轍或經朕訪聞查有虧短或應用時顯

粒無有惟該督撫等是問懷之慎之將此通諭知之

聖訓

咸豐九年湖南巡撫駱秉章奏酌提各屬常平倉穀以濟軍餉 諭曰所奏太屬含混既有倉穀即可運營抵餉設有梗阻由各處變價解營亦甚便捷豈有紛紛解省之理恐營中身歷鋒鏑者未必齊惠浹沾而省局在事員吏藉茲分爭無定價之折銀各屬府縣並可因此彌補虧缺更難稽覈

聖訓

同治八年諭內閣御史宋邦德奏請飭各省籌辦常平倉穀等語常平倉為積儲良策自軍興以來各省倉穀率多空虛亟應及早籌補以備災歉著各直省督撫督飭該管道府按屬查報應如何籌款分年買補並嚴杜州縣侵挪之處即行妥籌辦理

聖訓

皇朝政典續纂卷一百五十

倉庫十

積儲常平穀數

常平倉米穀雜糧

奉天省 承德遼陽海城蓋平鐵嶺復州開原錦州寧遠廣寧等十州縣凡四百萬石以上米逾五年穀逾十年及厥座建造五年以外者每一萬二千石准開報氣頭一百石厥底二十石

直隸省 天津北倉凡收貯在三年以內每月每石准減耗米一合二勺六秒三年以後一萬石以上准開報氣頭一百五十石厥底四十石

江蘇省 泰州高郵通州海州常熟昭文上海南匯山陽阜寧清河桃源安東鹽城寶應興化寶山如皋泰興沐陽等二十州縣每石每年開報氣頭厥底一升 太倉邳州長洲元和吳縣吳江震澤崑山新陽華亭婁縣奉賢金山靖江金壇溧陽江都甘泉鎮洋嘉定銅山沛縣睢寧宿遷等二十四州縣每石每年准開報氣頭厥底五合三年以後不准再開

安徽省 安慶池州太平廬州六安泗州和州廣德等八府州無為亳州壽州懷寧桐城潛山宿松歙縣休寧婺源祁門黟縣績溪宣城南陵涇縣靈國旌德太平貴池青陽銅陵建德東流當塗蕪湖繁昌合肥舒城唐江巢縣鳳臺蒙城盱眙天長五河全椒建平三十八州縣存貯一年者每石開報氣頭三合二勺厥底八勺存二年者每石開報氣頭六合四勺厥底一合六勺三年之後不准再開

江西省 義寧州武寧靖安宜春萍鄉萬載廬陵吉水永豐永寧臨川金谿崇仁樂安東鄉南豐新城廣昌上饒玉山廣豐鉛山弋陽貴溪興安樂平浮梁安仁德興萬年星子都昌建昌安義瑞昌大庾南康上猶崇義寧都興國瑞金會昌龍南安遠石城等四十六州縣倉穀貯及三年以外者每一萬石准開除氣頭穀四十石厥底穀十石 南昌新建豐城進賢清江新喻新淦峽江泰和鄱陽餘干德化德安湖口彭澤等十五縣倉穀貯及三年以外者每一萬石准開除氣頭穀六十石厥底穀十二石 南昌袁州臨江吉安撫州廣信饒州南康九江南安等十府倉俱照附郭首邑南昌等縣一體開報氣頭厥底

福建省 除臺灣四縣并屏南連城福安大田德化等縣不准開報氣頭厥底外其餘各府州縣收貯已過三年數在二萬石以上者每石准報氣頭八合厥底二合

浙江省 凡甲年買收穀石於乙年糶三糶四之外尚有存七存六者每石開報氣頭三合厥底一合其存七存六穀石於丙年又經糶三糶四只存四存二者每石開報氣頭六合厥底二合存半糶半之州縣將存半穀石每石開報氣頭三合厥底一合

湖北省 驛鹽荊州二道倉并武昌漢陽黃州安陸荊州等五府及江夏武昌監利等十五州縣收貯三年以外每穀一萬石准開報氣頭四十石厥底一十石

湖南省 湘陰瀏陽益陽永州府及所屬之零陵祁陽東安道州寧遠永明江華新田岳州府及所屬之巴陵岳州府常德府及所屬之武陵桃源辰州府及所屬之沅陵瀘溪辰谿溆浦永綏廳沅州府及所屬之芷江黔陽麻陽永順府屬之永順保靖龍山桑植等三十二府廳州縣衛收貯三年以外者每倉穀一萬石准

開報氣頭四十石廠底一十石龍陽沅江華容安鄉等四縣每倉穀一萬石准開報氣頭六十石廠底一十

二石

陝西省 漢中府屬之寧羌南鄭等九州縣興安府并所屬之平利石泉等六縣商州并所屬之雒南等四縣收貯已過五年者每糧一萬二千石准報氣頭一百四十七石廠底三十五石若未過五年及已開報過氣頭廠底一次者俱不准開報

廣東省 廣州府及所屬之南海番禺東莞順德新會惠州府及所屬之歸善海豐陸豐潮州府及所屬之海陽潮陽揭陽饒平惠來澄海廉州府及所屬之合浦等縣并廣糧通判經管之省倉共二十處地屬最濕肇慶府及所屬之高要廣州府廣糧通判經管之三水廣益倉惠州府屬之河源博羅永安潮州府屬之普寧及應州及所屬之興寧長樂等縣共十處地屬次濕最濕之處有收貯二年之外次濕之處有收貯三年之外全未出易及出易未及糶半糶三之數者均准每千石內以三成開報氣頭廠底每百石准開氣頭穀一石廠底穀四斗

廣西省 桂林府並所屬之臨桂靈川興安陽朔永福永寧義寧全州灌陽龍勝通判平樂府并所屬之平樂永安富川賀縣修仁荔浦昭平梧州府并所屬之蒼梧藤縣容縣岑溪懷集潯州府并所屬之桂平平南貴縣武宣南寧府屬之橫州新寧上思太平府并所屬之崇善左州養利永康寧明及該府通判柳州府并所屬之馬平雒容柳城融縣懷遠慶遠府并所屬之宜山天河河池思恩東蘭思恩府并所屬之武緣上林及百色同知泗城府屬之西隆鎮安府并所屬之天保歸順奉義鬱林州并所屬之北流興業等六十四府

廳州縣三年內全未出易及出易未及糶三之數者均准每千石內以三成開報氣頭廠底每百石准開報氣頭穀一石廠底穀四斗

均計收貯年分開報氣頭廠底委員驗明所報米色照時價按成減價發糶秋後買補還倉

一川省打箭爐裏塘巴塘各倉存貯米石出倉支放每石開銷鼠耗五合撥運別臺每石開銷沿途折耗一升以上均則例

直隸常平倉乾隆三十一年奏報實存穀一百九十七萬五千二百七十五石有奇社倉實存穀三十九萬六千五百二十四石有奇義倉實存穀四十八萬四千七百石有奇

奉天常平倉乾隆三十一年奏報實存米二十四萬一千六百十八石有奇社倉豆穀雜糧共九萬三千六百十四石有奇奉天無義倉後凡不載義倉者同

江蘇常平倉乾隆三十年奏報蘇松布政司屬實存穀并米抵穀五十六萬三千五百十三石有奇江淮布政司屬實存穀并米麥豆抵穀七十萬八千三百四十四石有奇社倉乾隆三十年奏報蘇松布政司屬實存穀二十三萬一千八百八十九石有奇乾隆二十九年奏報江淮布政司屬實存穀九萬一千八百六十二石有奇兩淮鹽義倉乾隆三十年奏報實存穀四十七萬五千八百五十五石有奇凡奏報之期俱准乾隆三十一年如三十一年之報未至則以前一年二年所報爲准

安徽常平倉乾隆二十九年奏報實存穀米雜糧共一百二十三萬五千七百八石有奇社倉乾隆三十年奏報實存穀米雜糧共五十萬五千二百八十五石有奇

江西常平倉乾隆三十一年奏報實存穀一百三十四萬一千九百二十一石有奇社倉實存穀七十三萬一千七百六十八石有奇關穀倉實存穀五千三百五十八石有奇

浙江常平倉乾隆三十一年奏報實存穀二十七萬六千三百五十三石有奇又米十三萬一千十石有奇永濟倉實存米五萬六千七十二石有奇社倉實存穀并米抵穀二十六萬四百八十一石有奇鹽義倉實存米六千六十石

福建常平倉乾隆三十年奏報實存穀二百二十八萬九千七百八十八石有奇臺灣府實存穀四十萬石社倉實存穀四十九萬二千六百五十七石有奇

湖北常平倉乾隆三十一年奏報實存穀并小麥抵穀七十四萬八千石有奇又米一萬五千五百七十九石有奇社倉實存穀六十五萬四千三百石有奇義倉實存穀二萬四千石

湖南常平倉乾隆三十一年奏報實存穀一百四十二萬八千三百四十九石有奇社倉實存穀五十三萬二千五百三十七石有奇

河南常平倉乾隆三十年奏報實存穀二百三十九萬一千六百石有奇社倉實存穀六十四萬三千一百一十一石有奇漕倉實存穀六十四萬一千九十石有奇

山東常平倉乾隆三十年奏報實存穀二百五十六萬三千三百五十五石有奇社倉實存穀十八萬六千四十八石有奇

山西常平倉乾隆三十一年奏報實存穀米豆共二百三十萬三千二百六十三石有奇社倉實存穀五十七

萬九千六百四十三石有奇又歸化等廳預備軍需平糶穀十九萬七千三百三十九石有奇

陝西常平倉乾隆三十年奏報實存穀并雜糧抵穀二百十五萬六千六百十石有奇社倉實存穀六十二萬八百七十石

甘肅常平倉乾隆二十八年奏報實存穀一百八十三萬一千七百一十一石有奇社倉實存穀三萬一千六百七十七石有奇

四川常平倉乾隆三十一年奏報實存穀雜糧共一百八十五萬六千四百三十七石有奇社倉實存穀雜糧共九十萬五百十八石有奇

廣東常平倉乾隆三十年奏報實存穀二百九十萬一千五百七十六石有奇社倉實存穀四十二萬二千四百七十一石有奇

廣西常平倉乾隆三十一年奏報實存穀二百三十八萬一百二十一石有奇社倉實存穀二十五萬八千二百七十六石有奇

雲南常平倉乾隆三十年奏報實存穀麥共八十四萬四千三百五十五石有奇社倉乾隆二十九年奏報實存穀雜糧五十六萬九千八百九十六石有奇

貴州常平倉乾隆三十一年奏報實存米八十八萬一千八百四十八石有奇社倉實存穀二萬九千八百二十六石有奇米一千八十六石有奇以上均通考

康熙三十年覆准直隸所捐米穀大縣存五千石中縣四千石小縣三千石備備荒歉卽以此項散給其留倉

餘剩者均於每年三四月照市價平糶五月初旬將平糶價銀儘數解貯道庫九月初旬各州縣領出糶新穀
還倉會典事例

四十三年又議准各省常平倉積貯米穀定例大州縣存萬石中八千石小六千石又議准山東常平倉額大
州縣存二萬石中州縣萬六千石小州縣萬二千石山西常平倉額大州縣存二萬石中萬六千石小萬二千
石江蘇常平倉額大州縣存五千石中四千石小三千石通典

雍正五年增貯浙江常平倉穀百四十萬石通典

十三年議准福建福州府倉貯穀二十一萬石爲數繁多分撥福糧廳萬石閩縣侯官二縣各二萬四千石會
典事例

乾隆九年覆准陝西西安所屬常平穀二百七十三萬三千有十石按州縣大小分貯咸寧長安二縣各貯穀
七萬五千石葭州神木等七州縣各貯穀五萬石綏德膚施等十二州縣各貯穀四萬石富平臨潼等七州縣
各貯穀五萬石乾州三原等八州縣各貯穀四萬五千石華州藍田等十一州縣各貯穀四萬石邠州耀州等
七州縣各貯穀三萬石商州鄜州等十七州縣各貯穀萬七千二百餘石同官麟游等七州縣各貯穀八千石
興安洵陽等七州縣地氣潮濕多貯恐致紅朽仍以現存舊穀四萬四千五百四十石作爲定額會典事例

十年廣西道監察御史臣萬年茂謹 奏爲敬陳管見仰祈 睿鑒事竊查各省常平穀石自順治年間卽經
建立倉儲百年之內 列聖講求經理備至我 皇上御極以來宵衣旰食無日不以此事上座 宸衷惟
恐倉儲有名無實節年 諭旨多方籌畫各省倉庾漸次充盈此誠建萬世之長策濟斯民於仁壽也臣伏

親各直省出產穀石一省之數歲至十數千萬餘石而常平積貯天下合計纔共二千八百餘萬石是常平額貯數目不可謂多又經百年之久我皇上十載憂勤日積月累始臻此數其求之不爲不難臣近見戶部行文各省內稱平糶米穀例係秋來買補遺倉但各省因價值低昂不一是以有全行買補貯倉者亦有買補不足資請展限者今捐監已歸本省收捐本色彌補倉儲漸次充裕卽有緩急諒足敷用則各省存貯平糶價銀卽可停止採買將未買實存銀兩數目務於今歲造報冬播之前報部以備酌籌辦理等語臣再四思維雖未深曉部臣之意但據稱停其採買實存銀數於冬播之前報部臣愚竊慮竊恐卽以此項銀兩爲撥充兵餉之用將來倉廩空虛所關非小查常平額設大縣三萬石中縣二萬石各省定數尙多不足然現在實貯州縣每年平糶利益甚大加以借給籽種給養孤貧一切實政取給其中需用亦廣語云有備無患備遇地方一時乏食他處之米接濟不及鄉民嗷嗷萬千成羣入城呼籲地方官或賑或糶小民各得升斗卽時立散俟他處接濟米來人心易安夫貧民有恃不恐境內富民亦以餘穀照常售賣設無倉儲一項富民不獨居奇彼見貧民洶洶蟻聚懼生事端不敢顯然出糶故倉穀一裕民穀自可流通亦相因之勢也今若停其買補則糶三存七之數一年之內已去三分之一明年復去其一至三年而存七之數已盡是無穀也假如臣所言將此項撥爲兵餉之用是並無銀也夫有銀尙可於豐登之歲買補遺倉無銀則穀將何出無穀則地方緩急何所取辦且卽現今江南山東甘肅等省常平穀類虧缺甚多半屬存銀合計直省現存銀數不止三分現存穀數實未有七分又以州縣不樂積貯希圖省事部文一到卽實行貯倉者亦必盡數糶賣以備撥給之用臣恐常平之廢又不待於三年也至稱各省監例收捐本色卽可彌補倉儲夫

收捐本色所以補倉儲之缺數非可借以補倉儲之現數也查向來戶部捐銀至多之年不過一百四十五萬石外省捐穀之數無論不如部捐數目之多即如部捐數目每穀二石折銀一兩必須十餘年方可補足常平原額況各省價值不一兼以州縣推諉現今報捐惟福建一省爲多餘者雖多寡不齊然皆不能足額即如廣西常平舊額一百四十餘萬石酌減捐額七十餘萬石開捐以來共收捐三萬餘石捐穀之難以彌補其明效可觀也臣觀十數年來米穀價值日增於前穀價愈貴民食愈寡賑糶之需惟常平方慮存貯無多偶遇歉收截漕發賑 恩綿歲下若將現存之數一旦全無將來仰煩 聖慮不知又何如也我 皇上天下一家愛民如子不憂國用不足惟慮民食維艱本年欽奉 上諭以左藏尙屬有餘將乾隆丙寅年直省錢糧概行豁免在廷諸臣自當仰體 仁恩熟籌妥辦但恐一時未能詳審致令倉貯頓虛以上失我皇上藏富於民之意指報捐之虛數乘現行之實事使百年良法成效未彰而十載勤求 湛恩未究有不得不深思而預計也伏乞 皇上勅下原議之大臣果有撥給事宜祈當別求款項以資籌酌至常平原額仍行買補還倉無令絲毫輕辦以備直省緩急之用以副 聖天子愛養黎庶之心天下幸甚 皇清奏議

十三年諭直隸常平積聚之數悉準康熙雍正年間舊額其加貯者以次出糶至原額而止通志

又定直省常平倉額直隸二百一十五萬四千五百二十四石奉天百萬二十二石山東二百九十五萬九千三百八十六石山西百三十一萬五千八百三十七石河南二百三十一萬九百九十九石江蘇百五十二萬八千石安徽百八十八萬四千石江西百三十七萬七百三十石浙江二百八十萬石湖北五十二萬九百三十五石湖南七十萬二千一百三十三石四川百有二萬九千八百石廣東二百九十五萬三千六百六十石

廣西百二十七萬四千三百七十八石雲南七十萬千五百石貴州五十萬七千餘石福建二百五十六萬六千四百九十石陝西二百七十三萬三千餘石甘肅三百二十八萬石又定各省常平倉額外積貯河南省倉貯七十七萬五千一百四十三石有奇江甯省倉貯萬二千石崇明縣倉貯二萬石浙江永濟倉貯八萬四千四百三石有奇玉環同知倉貯六千石廣東廣糧通判倉貯九萬八千七百八十五石有奇福建新設臺灣倉貯四十萬石通典

十五年題准安徽各屬常平倉定額通省九十四萬二千石爲準每大州縣額貯米萬二千七百石至萬八千石中州縣額貯米萬四千石至萬七千石小州縣額貯米萬一千石至萬四千石府倉自八千石至萬五千石不等會典事例

四十七年嚴准甘肅各屬額貯倉糧府倉改歸首邑經管毋庸更設府倉之額蘭州府屬之皋蘭縣府倉歸併糧十萬石平涼府屬之平涼縣府倉歸併糧八萬石鞏昌府屬之隴西縣府倉歸併糧八萬石慶陽府屬之安化縣府倉歸併糧六萬石靈夏府屬之靈夏縣府倉歸併糧八萬石西寧府屬之西寧縣府倉歸併糧六萬石涼州府屬之武威縣府倉歸併糧十萬石甘肅之張掖縣府倉歸併糧十萬石鎮西府額收倉糧十萬石一併刪去府倉額糧名目仍令將額貯倉糧首列原額倉斗糧數註明折合京斗數目以憑查覈會典事例

四十九年議准陝西興安州改爲興安府漢陰縣改爲安康縣西安府之孝義川添設分防同知五郎關改設通判令將興安漢陰二州縣所貯常平倉糧統歸安康縣經管其孝義川五郎關二處各添設常平倉京斗數一萬石會典事例

又議准河南饒封縣改爲撫民通判令將原額常平倉穀二萬四千石漕穀一萬石輸穀一萬石改貯常平倉額存一萬二千石漕倉額存穀六千石輸倉額存穀六千石其溢額穀石變價報撥會典事例

道光十五年 上諭內閣戶部奏查覈常平倉穀額貯虧短現存未買各數目按各省冊報開單呈覽朕詳加披閱各省現存穀僅止二千四百餘萬石歷年動缺穀一千二百五十餘萬石虧缺徵變穀二百七十餘萬石糶缺借缺穀三百十餘萬石雖尙存有糶價銀一百十餘萬兩並未隨時買補統計缺短穀一千八百餘萬石之多幾及額貯之半節經該部逐案逐年行催並不詳細登覆實屬疲玩積貯爲民食所關國家設立常平倉爲有備無患之計各該省遇有動用必須隨時買補顆粒無虧以期緩急有恃近年各省倉穀動缺如此之多總由各州縣玩視倉儲既不慎重出納該管上司復不實力稽查若不亟加整頓已缺者永無歸補即存者在任意侵移尙復成何事體因公動缺穀石較多一時全行買補恐於民食有妨責成各督撫與該省陸路歸補外其存貯穀價銀一百十餘萬兩著各該省督撫迅飭各該屬察看情形卽行買補還倉如有藉端勒派剋扣等弊惟該督撫是問至各員虧缺徵變穀石著查明按限追繳如仍前延宕卽指名嚴參治罪毋稍寬縱糶缺借缺等項穀石除現存糶價外借缺穀石有無徵還糶價銀兩有無存貯會否提解司庫著卽逐細查明報部備覈現存穀石著飭屬加謹收貯遇有因公動用及出陳易新之處詳明該管上司卽專案報部查覈仍飭隨時籌買歸倉尙有虧缺卽嚴參示儆若扶同徇隱查出一併治罪如動用後不專案報部查出卽著落撥動之員賠補以歸覈實所有各省倉糧奏銷案內動缺虧缺未據造冊報部及歷年倉糧奏銷未經題報者著速行分別造報毋再延宕併查取造報遲延職名送部覈辦以儆玩延而重積貯將此通諭知之 聖訓

2006.08.11 10:22:42

倉庫十一

積儲社倉

直省社倉歲倉春則支借秋成還倉設正副社長司其出納每歲報該管地方官查覈

一各直省社長由各鄉公舉品行端方家道殷實正副社長二人呈官存案令其經營出納一年無過給以花紅三年無過獎以匾額五年免一身差役十年免及一家該督撫等題請給以八品頂戴如有經理不善滋弊者卽行革懲侵蝕者以監守自盜例治罪所少穀石著令賠還其有經理不善仍聽同社自擇受人請換毋許官吏指名勒充及借端爲難違者參辦

一各省社倉存貯息穀如有應需修理倉廩由同社鄉民報明社長公同勘估修理在於息穀項下糶變具結報官存案毋庸官爲經理以免書役從中滋弊俟修竣之日仍將用過工料銀兩並糶變穀數造冊呈明地方官歲底申詳督撫存案毋庸報部核銷如社長辦理不善或有侵蝕之處許同社之人公同報官究辦

一凡紳衿士庶捐輸社穀各色雜糧核計數目與穀石價值相同十石以上者地方官獎以花紅三十石以上者獎以匾額五十石以上者申報上司遞加獎勵若有好善不倦年久數多捐至三四百石者該督撫奏給八品頂戴

一貯倉穀石每年盤糧折耗及看倉夫役工食各費除直隸奉天等省向不開銷外安徽每收息穀一石准開銷一斗河南山東福建浙江於每石所收十升息穀內准開銷二升江蘇湖北開銷三升湖南開銷四升

江西開銷五升廣東每年每石准銷耗穀一升其鋪墊造冊紙筆之費以及看倉人夫工食均於息穀內酌量動支歲底由社長將動存各款核實結報地方官轉報上司核明造冊送部備查以上均則例

順治十一年令各州縣社倉兩次造冊報部部臣按積穀多寡定有司功罪通志

康熙十八年命鄉村立社倉公舉本地善良之人推陳易新春貸秋還每石取息一斗通志

四十一年以直隸各屬所設常平等倉不敷賑濟令於各村莊設立社倉如直隸行之有效各省卽照例行等以廷臣議定社倉之穀於本鄉捐出卽貯本鄉令誠實鄉民經管上歲謹收中歲糶借易新下歲量口發賑嗣後直隸陸續勸捐米穀七萬五千四百餘石出借得息米千五百餘石俱令於各屬社倉存貯通志

五十四年令直省勸輸社倉按數多寡分別旌賞通志

劉汝預備倉貸穀私議康熙庚午山東巡撫佛倫請積穀備荒畝征四合別貯於倉 上下其法於各直

省癸酉巡撫桑格上言倉穀已足請停四合之征於是天下州縣皆有積穀矣謂之預備倉辛巳御史李

發甲疏請開倉貸民春放秋收二分取息如朱子社倉之法方今 聖人在上耆德盈庭嘉謀論豈小

儒輒能窺測抑民生利病亦聖世甄陶之士所宜究心嘗讀朱子學校貢舉私議謹依倣斯體擬作一通

聊當格物質之師友云爾

謹按朱子社倉卽王安石青苗之法然而青苗害民社倉便民何也青苗以錢貸民而收二分之息錢社倉以穀貸民而收二分之息穀錢與穀不同也青苗錢必貸於縣社倉穀則貸於鄉縣與鄉不同也青苗之出納官吏掌之社倉之出納鄉人士君子掌之官吏之與鄉人士君子不同也青苗意主於富國故歲

雖不歎民雖不急亦必強之而貸取其息社倉意主於救荒故必儉歲貧民願貸而後與之強貸與願貸不同也青苗雖幣藏充溢猶收息錢社倉始惟借府穀六百石至十四年之後還六百石外尙餘三千餘石足以備荒遂不復取息但每石加耗米三升而已取息與耗米不同也此利害之所由分歟頃者臺奏請以預備倉穀貸民春放秋收二分取息如朱子社倉之法竊以爲臺臣所奏乃朱子始立社倉不得已之權宜非十四年以後經久之良法也又預備倉之制與社倉微有不同誠如臺臣所請其細碎不便於民者不勝臚列姑言其弊最大者厥有五焉社倉穀積於本鄉近者比屋達者數里負載甚易耳今之倉穀在縣不在鄉遠鄉貧民無舟車引重之具勢不能匍匐數十里而求升斗之穀若欲移穀於四鄉大鎮以便民則儲蓄無地輓運無資然則其能貸穀者不過城中關外游食之子無藉之徒耳本圖賑業農民究竟農民一無所得其弊一也社倉乃鄉黨之私事可以鄉人賑之今則公家之庫出納之際必藉吏胥其放穀也朽腐糠粃迫脅領取愚民不敢不受其收穀也淋尖踢斛名爲加二其實則加倍又加四矣其開期程迫促符檄追呼公人飲食之具出入賄賂之需道路往來之費旅宿守候之累必不能免民將重困其弊二也歲之豐儉不常則貸穀多少每歲不等若定例每年春放秋收歲終總核其加二之入則縣令視爲定額不敢缺少以妨考成非按里抑配卽按畝濫征抑配則不借者亦必強之借矣濫征則不得穀者亦必還穀矣陝西籽粒一案不肖官吏以此二法殃民向所目擊心痛者今又將得殃各直省矣其弊三也社倉之法原因借官穀作本勢須還倉又六百石之穀不足爲荒備故不得已而取加二之息及至官穀已償積穀已足遂不加息但取耗米三升假令朱子早得三千石穀必不加息矣豈待十四年

後乎今預備倉穀大縣數千石小縣亦不下千石八百石略足支一縣之饑可以不取息矣若仍依死法不知變通窮民既有償息之苦倉庾又有穀滿之虞蓋藏織席費出何所取辦民間又須生事且五年之後穀備倍於今穀多農少借者益稀而有司仍責每年加二之額其勢不得不出於抑配不得不出於濫征本以救民反以害民其弊四也各縣倉穀那移者多實貯者少朽蠹者多完好者少縣令正苦虧空無術補苴忽得此例必以朽蠹與民或實無倉穀造爲領狀以欺上官上官或受其賕陰爲之庇則縣令益無顧忌公然按里按畝均派還倉此亦陝西籽粒已然之弊必復見於倉穀其弊五也五弊並興則是藉社倉之名而得青苗之實也甚非計也然則爲今之計宜何從曰亦惟行朱子十四年以後之社倉耳然且不能悉除五弊僅可免其三焉蓋立法防弊十得其七已爲良法其十之三則待人而後行非法所能及也所謂三弊可免者一曰貸穀與民並不取息但收耗米每石三升如朱子之法則弊少十之三矣二曰貸穀多少以豐凶爲酌量歲終造冊詳報不預限其數則弊又少十之二矣三曰先查倉數實貯若干朽腐若干虧空若干據實首明免其前愆責令停陞停俸陸續補完準與開復若以朽穀與民或僞寫領狀私派田里立即革職拿問從重治罪督撫司道徇庇不卽揭參或被科道糾彈或被旁人告發並治督撫司道知府之罪如此則弊又少十之二矣此法一定設有賢能督撫仰體 皇上嘉惠元元至意任使循良各以其忠厚惻怛之誠爲長久深遠之計盈縮之數因地制宜斂散有方因人授事勿中飽於蠹胥勿漏卮於游手勿任法而苛急勿慢令而後時庶幾彼二弊者亦以漸去而水旱不憂上下與足變而通之存乎其人非可以一切之法束縛而馳驟之者也謹議 切問齋文鈔

雍正二年諭湖廣總督楊宗仁湖北巡撫納齊喀湖南巡撫魏廷珍等國家設立常平諸倉蓄穀積粟偶遇旱
澇詳報踏勘往返察驗未免後時古人云備荒之倉莫便於近民而近民則莫便於社倉前諭爾等勸導建設
蓋專爲安民起見也爾等自應轉諭屬員體訪各邑士民中有急公尚義之心者使主其事果學管得人出納
無弊行之日久穀數自增至於勸捐之時須俟年歲豐熟輸將之數宜隨民力多寡利息從輕取償從緩如值
連年歉收卽予展限令至豐歲完納一切條約有司毋得干預至行有成效積穀漸多該督撫亦祇可具摺奏
聞不宜造冊題報使社倉頓成官倉貽後日官民之累朕初意如此孰料該督撫欲速不達令各州縣應輸正
賦一兩者加納社倉穀一石且以備穀之多少定牧令之殿最近聞楚省穀石現價四五錢不等是何異於一
兩正賦外加收四五錢火耗耶是爲裕國乎抑爲安民乎諭到該督撫速會同司道府等官確商妥議務得安
民經久之法以副朕意通考

又諭直省總督巡撫社倉之設原以備荒歉不時之需用意良厚然往往行之不善致滋煩擾官民俱受其
累朕意以爲奉行之道宜緩不宜急宜勸諭百姓聽其自爲之而不當以官法繩之也近聞各省漸行社倉之
法貯蓄於豐年取資於儉歲俾民食有賴而荒歉無憂朕心深爲嘉悅但因地制宜須從民便是在有司善爲
倡導於前留心稽核於後使地方有社倉之益而無社倉之害此則爾督撫所當加意體察者也又聞民間輸
納錢糧自封投櫃亦屬便民之法但偶有短少之處令其添補每至多方需索其弊浮於所少之外理應將原
銀發還仍於原封內照數補足交納庶可免多索之弊此雖細事督撫大吏亦不可不留心體察嚴飭有司以
除民累雍正內閣 上諭

三年題准河南社倉豫造排門冊將姓名年貌住址以及官紳士庶商賈逐一註明送官用印存案日後備
貸悉以此爲準其洗手好閒者不許借貸於正副社長外再公舉身家殷實者一人聽司其事令其不時稽察
如有欺隱令其賠償果能使倉儲充裕請加 恩以示激勵此項積貯無論官員不得擅用卽同邑之社亦
不得以此應彼如有官員抑勒挪借許社長呈告上司據實題參其所需紙張筆墨以及人工飯食或行勸輸
或撥罰項以充其用不得濫行科斂致滋擾累至積米既多於夏秋之交平糶秋成照時價採買還倉會典事

例

六年湖北巡撫馬會伯查報解任天門縣知縣吳文煊虧空倉數奉 上諭社倉捐穀聽民自便不可繩以官
法朕頒發諭旨至再至三各省督撫辦理此事但當將已交在官而官吏侵蝕者查令追賠若民間一時虛報
數目而力量實不能完者悉令催交小民必致擾累此處朕亦屢行曉諭今據馬會伯奏稱天門縣勸輸穀石
實欠在民應飭地方官於來年秋收時勸催里民交納等語所奏甚屬錯誤此項穀石不必催追聽從民便輸

納吳文煊亦從寬免議併將此曉諭各省督撫知之 雍正內閣 上諭

七年陝西總督岳鍾琪奏前奉恩諭陝屬設立社倉一事於雍正四五兩年司庫耗羨銀內撥各州縣十四萬
五千八百餘兩共採買穀麥三十九萬八千七百五十五石零計州縣小者二三千石大者七八千石儘足
設立社倉每年借放之本尙存銀八萬八千七百餘兩分發各處營造社倉約以京斗一千石爲一社每社
倉一所不拘房屋間數總以足貯二千京石爲率請勅下署督臣查郎阿撫臣武格於各州縣四鄉分社建
倉令同社各村堡之老民公舉倉正倉副經管本社倉糧合計陝屬州縣約買糧四十萬石其應建社倉四

百餘處務於今歲秋冬辦造齊全將糧石分貯惟是地方督撫州縣作何奉行則爲利爲病之分途而以在官在民爲大要今陝省大僚皆不知臣原奉恩諭之由但見從司庫發銀既存就懼之念又見積貯屬空處分之嚴例每遇州縣請領社倉銀兩撫過於慎重誠諭甚嚴州縣亦懷貽累之憂將所領銀兩不肯交與倉正倉副仍勒令里甲採運又有令胥役家人幕賓收放者始而勒買既而勒借陝省百姓竟呼此項穀麥爲皇糧不知立社倉之恩意臣以設立社倉聽從民便之語再四曉告諄切叮嚀不遺餘力無如大小官紳謂臣言茫無憑據噴噴设議其所以然者祇以因民所利之明詔未頒是以在官在民之界限不定伏祈特頒社倉諭旨交督撫恭錄鑄石每一社倉頒發一本張掛曉諭臣又謹擬社倉條約亦請發各社倉刊刻木榜豎立倉門使鄉里愚民人人共曉則每年收放皆有程式庶可久而勿替

臺圖集

諭曰朕惟國家建立社倉原令民間自行積貯以百姓之貧糧濟百姓之緩急其春貸秋償及滋生羨惠各社自爲經營登記地方有司但有稽查之責不得侵其出納之權此社倉之古法也是以各省有請立社倉者朕皆令其聽從民便無得強勒捐輸繩以官法以致便民之舉轉爲民累所以曉諭各省督撫者不啻至再三矣從前岳鍾琪在京時請於通省加二火耗內應行裁減每兩五分之數且暫行徵收發與民間採買穀石分貯社倉俟採買數足卽行裁減是以暫收耗羨之中隱寓勸輸之法實則應行酌減之耗羨卽小民切己之費財而代民買貯之倉糧卽小民自捐之積貯此藏富於民之良法最爲切實而易行是以兪允所請令其辦理乃陝省官員不知此項穀石本係民費又未識從前岳鍾琪奏請之由以爲收貯在官卽是公物不肯付民經管而胥吏司其出納者遂有勒買勒借之弊殊非數年以來朕之周咨詳畫多方生養斯民本意矣今持降諭

旨將朕允從岳鍾琪之請并岳鍾琪陳奏原委明白曉示著署督查郎阿巡撫武格刊石頒布俾各州縣鄉社小民咸知朝廷經營設法之善藏實百姓自爲敘散之費用倘地方官有於社倉穀石創議交官不交百姓或指稱原係公項預爲公事侵那之地者俱以擾撓國政貽誤民生論從重治罪其岳鍾琪所擬社倉條約著戶部鈔錄交與該督撫分發各州縣刊刻木榜於各鄉社倉暨立以爲永久程式通考

七年又申明社倉借給貧民穀石之例從監察御史晏斯盛請也凡遇荒歉貧民借領倉穀者每石止收息穀十升遇小歉免取其息仍如本數還倉通考

十二年諭各省設立社倉以便濟用近聞直隸百姓借領社穀必俟督臣咨部而後行往返動經數月小民守候維艱嗣後但當先發咨報存案著爲例通志

十三年題准雲南設立社倉通計一省所捐穀麥七萬餘石其中千石以上者僅二十餘處此外皆數百石數十石亦有全無社穀者民間緩急之需終不能免按各屬皆有常平倉及官莊等穀存貯尙多可以酌量撥以作社本將社倉存貯未及千石者按地方之大小計存貯之多寡在於該處常平官莊等穀內動撥五百石或八百石作爲社本令社長一併經管出借窮民秋成加一還倉小歉免取其息歸於社倉項下積貯俟積有千石社本仍將原動常平等穀歸還原款會典事例

李絨青苗社倉議朱子社倉之法與青苗同相沿至今近六百年後人以爲朱子之所爲也輒欲仿而行之然往往暫行而輒廢未見其利而先受其弊者徒知法爲朱子之法不自量其人非朱子之人則亦青苗之法而已蓋奉行其法非一手足之爲烈有監官有鄉官有社首有保正保副有隊長保頭有人吏斗

子朱子之始行於崇安也任事之人皆其門生故舊學道君子也今首事者之公正即無愧於朱子而分任其事者非朱子門生故舊之比則其法亦不可得而行也且不獨後人之效之者未嘗量度其人即朱子之疏請下其法於路亦未嘗量度天下任事之人不能盡如己而分任其事者不能盡如己之門生故舊也則無怪乎其不能行蓋有治人無治法者古今之通病社倉初行息取十二夏放而冬收與荆公青苗之法無異荆公治鄆嘗自行青苗之法矣鄆之人至今尸祝之荆公以其爲身所嘗試者他日執政遂欲施諸天下亦猶朱子請行社倉於諸路而不知奉行者之不能盡如荆公也是故奉行而得其人則青苗亦社倉矣奉行而非其人則社倉即青苗矣且青苗之法後人畏其名而不敢行社倉之法後人慕其名而亦不能行非獨利之所在任事者難其人即民亦不能盡如吾意也蘇子由論青苗之弊謂錢入民手雖貧民不免妄用及其收也雖富民不免後期如是而敲撲之事煩矣今社倉開報支米漏落增添必送縣斷罪其收米也如有走失必保人均賠是亦不能已於敲撲其與青苗有以異乎朱子爲金華社倉記曰世俗所以病乎此者不過以王氏青苗爲說耳以余觀於前賢之論而以今日之事驗之則青苗者其立法之本意固未爲不善也但其給之也以金而不以穀其處之也以縣而不以鄉其職之也以官吏而不以鄉人士君子其行之也以聚斂疾弱之意而不以慘怛忠厚之心是以王氏能以行於一邑而不能以行於天下云云斯言也以余平心觀之則亦未見其爲必也也社倉其有舉而無廢非主之以官不可凡官民相出納則金易而穀難惟給之以金故可以於縣而不必於鄉惟不在於鄉故止可給金而不能以穀至於社倉之法漏落增添必送縣斷罪其有走失必保人均賠則亦不能終用鄉人士君子而

必歸之官吏其送官必斷罪走失必追賠也則雖能全用慘怛忠厚之心而究亦歸於亟疾推求利害始終之故未見爲此得而彼失也雖然金可以濟民用而不可以救民饑則必以積穀爲主以積穀爲主則必兼用常平之法余已丑禮闈試策嘗備言之又嘗爲家居二倉條約頗可施行然非得任事之人亦不能如志要歸於有治人無治法之二言而已矣 穆堂初稿

乾隆元年湖北巡撫晏斯盛奏周禮遺人之職委積以恤癯阨積儲之所係甚重是故平治之世無不加意倉儲而倉儲之善莫如社倉以本里之善濟本里之饑權豐歲之贏救歉秋之乏緩急相通不出同井子母相生總利吾儕三代而下井田既不可復而并有餘積里有同仁惟社倉爲獨得之然行之今而不效或私議其難而終以虛文答 詔旨者何也謂其經官則爲官累不經官則私侵不免也夫官不爲理而聽人自爲積此必無之事至官理之而以常平之法行之使專積於官則失實之甚何也常平務積而已不善爲散所積者在官而已無及於民夫無及於民非僅豐年之蓄也卽歲歉賑給亦無及於民何也城郭之中貯米千萬領給者多半國販而嗷嗷待哺者實在四鄉僻壤數十里不得沾顆粒者往往有之借曰糶賤買貴如平糶法而民之貧無所得銀者亦終不可得米此常平之積於城郭而糶糴之不若社倉之貯於當社而貸易之之爲有濟也借曰貸易則濶派那移之弊滋然積貯大政立法過密則累深而益淺爲程稍寬雖有弊而亦利誠使官經其社社經其鄉出納之際十甲之長輪流交代不使彙強者得專之則貧弱之民新黃不接之際亦未必無小補況其行之久而不無大效哉且夫常平平糶與社會固相爲用者也漢耿壽昌所謂穀賤增價而糶穀貴減價而糶者常平之本於平糶也朱子之借常平以夏貸冬還而歸本得息凶年不饑

者社倉之公惠於常平也今查安徵所屬如太湖宿松休寧婺源祁門宣城南甯東流無爲舒城鳳陽臨淮鳳臺亳州六安霍山泗州等州縣並無倉儲如太平當塗蕪湖霍邱等縣各存穀僅三五十石殊違功令臣請將各屬常平積米至萬石者存三千外各於近城四鄉按社保設立社倉將常平米七分均貯各鄉以爲社本其常平所積甚少不滿三千者卽於江寧省倉常積之米均發該州縣以爲社本嚴諭州縣總其大成各社保長按甲輪管以時出納照現在加一出息行之有效而後推之遠鄉其中或有出納不均者官曉諭之不率仍追斷如法漸次行之久必有效蓋井地以後惟社倉爲長久規模非近功速效可比使得賢有司共矢實心繼承經理不徒不擾行之既效將豐歉有資出入相友守望相助保中亦因以聯而教且并行乎其闕矣 楚東山房集

乾隆三年令四川建社倉初四川羅賓常平倉穀價銀除買補正項外令將餘銀均買作社糧以爲民倡尋該省士民相率樂捐自乾隆二年秋後買貯穀二千九百七十餘石捐貯穀二萬五千六百餘石又邛州內江等三十餘處舊存貯穀二萬一千石以上合計川省新舊社穀凡四萬九千五百七十石有奇均令加緊收貯照常平倉例每穀四百石建厰一間其工料銀於存公銀內動支通考

四年題准江西社倉穀每石收息一斗仍循舊例會典事例

又西安巡撫張楷條奏社倉事例一社長定三年更換以杜欺弊一春借時酌留一半以防秋歉一限令每年清還兼收麥石一粘貼借戶穀數姓名以除捏冒一令地方官稽查交代分賄以專責成通志

五年江西巡撫岳濬謹奏竊思社倉之設原以積穀救荒與常平相爲表裏宋儒朱子所議事目法良意美固

可循照而行而因地隨時宜斟酌盡善我 皇上恫瘝在抱念切民依因御史朱續陳有舉行社倉之奏
欽奉 諭旨著各省督撫悉心詳議具奏欽此臣將朱子社倉事宜逐條細繹並將江省現在辦理情事確
核細籌覺與朱子從前舉行之法有相似而不必盡同者有已行而毋庸再議者有宜於古未便於今而不
妨稍爲參酌者敬陳之

一朱子所議逐年將舊保簿重行編排細算戶口監官依狀支散一條臣查編排保簿各屬城鄉市鎮皆
係保甲專司江省七十八州縣奉行保甲已久每年於冬季時飭令各保正編排一次造具各烟戶清冊
毋許遺漏增添該地方照冊給發門牌各戶懸掛門首倘遇有賑借散給之事核算人口米數查對門牌
烟牌便可一目瞭然至於經管社倉已選有殷實老成之人充爲社正社副董理收放似無庸更設隊長
鄉官名目而保簿既有保正甲長編排亦毋庸更令正副社長編次其支散之法應請仍照雍正二年九
卿條議每年社倉臨放時有願借穀者先期報明社長總報州縣計口給發殊爲允協可行

一朱子所議逐年新陳未接差清強官吏斗子與鄉官支貸一條臣查江省出借社穀每年於青黃不接
之時正副社長稟明州縣一面週報一面卽行借放似於四月上旬申府給貸之法相倣但并無差官同
貸之事查雍正二年九卿條議社倉穀石任從民便州縣官止許稽查毋許干預出納定例甚屬周詳若
又選差官吏斗子公同支貸誠恐轉滋煩擾遲滯似不若仍照定例責令社長專任其事之爲便也

一朱子所議出榜分都具狀給保請貸一條臣查江省請借社穀州縣詳報之後卽出示曉諭除給監軍
般及不務農業游手好閒之人不必借給外凡係力田農民情願借貸者取具領狀同保借給狀赴倉

令正副社長認識明確卽行照領借給該社長仍將借狀同保狀呈送州縣官查核備案歷年循行稱便今若改照每十名爲一保內有逃亡等情卽令同保均賠如取保不足十名之數者不准支給此固可以杜冒濫之弊然取保必需十人萬一鄉僻窮民數不滿十因無同保之人遂不得一例支貸殊爲未便似不若仍著社正副在倉認識借給倘有冒濫惟社長是問是隊長大保名色均可毋庸設立

一朱子所議支放米用官斗斗子依公平量一條臣查江省收放社穀雍正二年已准九卿條議出入務照部頒斗斛公平較量現在各屬每倉設有官斗照收漕糧之例納戶自行平量立法已爲允協請照舊辦理

一朱子所議豐年請貸開二留一若值饑歉則開第三倉一條臣查江省社穀每年出借議定存六借四是卽存一開二之遺意也設遇歉年或盡數借貸或盡行散賑自應飭令有司酌量輕重隨時辦理毋庸再議

一朱子所議人戶所借常倉官米至冬完納收耗一條臣查社倉穀石例當聽民自便其常平倉穀則掌之於官未便輕借在當年或因社穀不敷不得不將官穀支放亦一時權宜之計今江省現貯社穀一十五萬餘石若復動官米而入民倉待息米既多始將原米完官還項萬一奉行不習適以滋擾且官借取息亦於體制不宜似不若飭令正副社長將社倉出借於秋收後照數收納還倉至所收息穀江省業已詳議咨明每借社穀一石取息穀一斗設遇歉收免其加息倘本年不能還償卽緩至次年免息交倉民間稱便合應請仍照此例遵行

一朱子所議出榜定都交納一色乾米一條臣查江省每年秋收後社正社副催各借戶納穀還倉俱係驗明穀色隨到隨收毋許阻抑多取若必示定期輒轉告報勒令一色乾米及同保共爲一狀倘有未足卽不得交納未免易滋刁指之弊似不若不論何都聽民隨到隨收更爲妥便而出納既歸社長經管亦毋庸更差官役同收致滋擾累

一朱子所議收支米事畢具總散申府縣照會一條臣查江省各屬捐貯社穀現在每年歲底取具動存各數清冊管收除在四柱總冊送部查核是專畢具總照會之意業經奉行毋庸另議

一朱子所議排保式開明大小口住址逐戶開列一條臣查江省現行保甲所造烟戶門牌俱將男婦大小名口作何生理有無產業逐一註明是與排保逐戶開列之式已屬相符毋庸再議

一朱子所議隊長缺社首依公差補社首缺卽申尉司定差一條臣查江省各屬社正社副缺出卽令地方鄉約公擇殷實老成之人報明有司充補現今奉行已久是卽尉長尉司差補之意雖名目不同而法無互異毋庸更設以免紛更

一朱子所議簿書鎖鑰鄉官公共分管一條臣查江省社倉事宜俱係正副社長輪流收管其社簿設立一本一本社長收執一本繳縣存查至於鎖鑰卽交正副社長公同分管以便查看不時取閱現在奉行毋庸另議

以上十一條倣之於古既於朱子社倉事目不甚相懸而參之於今復與九卿條奏章程更無所背至於各屬士民捐輸社穀原以本地之有餘備本地之不足應如御史所奏欽遵 聖祖仁皇帝諭旨免其撥

協外郡庶同里之人共相踴躍蓋藏得以有備無患至其如何奉行可使廣爲儲蓄之處惟在嚴飭地方官善於勸導仍照九卿原議勸諭之法每鄉設立印簿聽願捐各戶自登姓名捐至十石以上者給以花紅三十石以上者獎以匾額五十石以上者申報上司遞加獎勵果有好善不倦捐數甚多者奏請給以頂帶以示鼓勵再正副社長果能出納有法鄉里推服一年無過者賞賜匾額在三年無過者獎以匾額十年無過者申報上司獎勵如有徇縱侵蝕等情卽行懲革按律治罪均照定例遵行庶於國計民生均有裨益矣經世文編

六年題准山西社倉獎勵之法捐十石以上至三十石者照例聽地方官給與花紅三十石以上至五十石者地方官給匾捐至百石者府州給匾二百石者本管道給匾三百石者布政使給匾四百石者巡撫給匾捐至五百石以上者具題給以八品頂戴榮身其連年捐輸者仍許積算捐數照現定等次分別獎勵地方官勸輸有方大州縣每年勸輸至千五百石以上中州縣至千石以上小州縣五百石以上者均於計典內據實開明分別考覈會典事例

七年題准江南安徽社倉能捐穀五石者免本身一年雜項差徭十石以上者照例給獎捐小麥粟米大米算作二穀諸雜糧均作穀數計算會典事例

十年題准各省社長三年更換一次選擇殷實良民充補令將經手社穀同鄉保互交代取結報官存案如有虧缺責令賠補經營三年毫無弊竇同社公保再留三年會典事例
又議准社穀行令徹底清查如有窩屬逃亡故絕取具里隣甲保結狀地方官加具印結題請豁免實有著落

者催迫至豐年不能全行借出者轉飭各屬卽以實借實還按穀收息勿得虛捏以致開報不實其息穀充贏者有貧無依倚之人准其量借升斗以資接濟會典事例

湖北巡撫晏斯盛奏竊民間社會久經奉 旨通行闔閩僻壤於青黃不接之際升斗之需不無小補惟是大市大鎮商旅輳集行業專家祖孫聚處大者千計小者百什數貿易而興盛者有之消乏者亦有之其間貧賤鬻雜而流落無歸者亦有之興盛之家衣食足而禮義生恆產裕而恆心不失至於消乏之家下及幫雜賈販流落無歸之徒窘迫顛連者出其中好勇疾貧者亦出其中若遇荒歉之年生意冷淡市米頓希常社之糧莫分餘粒未能安堵而高臥也如楚北漢口一鎮尤通省市價之所視爲消長而人心之所因爲動靜者也戶口二十餘萬五方雜處百藝俱全人類不一日消米穀不下數千所幸地當孔道雲貴川陝粵西湖南處處相通本省湖河帆樁相屬糧食之行不啻晝夜是以朝糴夕炊無致坐困然而乾隆七年水泛大歉積雪連朝遂亦甚愆其時有好義樂善者通商買米而漢陽縣知縣爲之激勸鼓舞遂得接濟第補救於一日不能存積於平時且平時有積則補救又較易也查該鎮鹽當米木花布藥材六行最大各省會館亦多商有商總客有客長皆能經理各行各省之事請令鹽當米木花布藥材六行及各省會館隨力之大小各建義倉積穀米數萬石存貯漢鎮聽其情願捐輸不得官有勒派一遇米貴卽行平糶其平糶價銀一遇川南米船積滯價賤之時卽行買補所有盈餘亦卽歸倉并在倉公用一切出納擇客商之久住樂善而謹厚者爲義長聽其經理仍報明地方官查考地方官亦留心照管不使折本侵漁如社倉法行之有效卽推廣外各市鎮一例通行似亦保聚一方之一端也夫農民力穡而積於其社商賈牟利而積於其次事亦相

等也是否可行伏乞 敕議施行 楚東山房集

十四年川陝總督屢復陝西巡撫陳宏謀謹 奏為奏明籌辦積貯緣由仰祈 睿鑒事竊惟積貯之法不外常平社倉二者常平貯之城其出入也官主之社倉散貯于鄉其出入也社正副主之總在散斂及時經理如法然後可以源源借還民履接濟之益官無奪變之虞未可隨官司省事不顧百姓之便益與否者也陝西省常平倉穀捐穀每年存七出三需借者多需糶者少向來辦理未免拘泥迹似慎重實多掣肘如州縣十二三月間始行詳借由府而司而院及至批行到縣已在暮春初夏民間不能緩待早經貸于富室出借之糧漸少存倉之粟漸多年復一年紅朽堪虞且州縣既已奉文勢必令民借領其中或控里發穀有不願借而強借者矣漫無區別有不應借而借者矣借既不能無弊徵則難以全完以致歷年多有積欠州縣因舊欠未清不敢輕議再借而不知清混借之弊以收速還之效於欠者日多借者日少陳陳相因倉儲民生兩無利益此常平之穀所宜亟為經理者也陝省社倉社本無多自雍正七年前督臣岳鍾琪陳奏荷蒙世宗憲皇帝隆恩將應減之五分耗羨暫收兩年代民買穀以作社本繼因地方官一概謾說社正副全不稽查致有侵虧前撫臣張楷乃奏請定州縣官處分將社倉入于考代自是以後州縣因有責成則又視同官物不但社正副不能自由卽州縣亦不能自主凡遇出借遞層具詳雖屬青黃不接百姓急需借領而上司批行未到社正副不敢擅借兼有以不須出借為詞者及有零變則又惟社正副是問故各視為畏途殷實之人堅不肯充社倉之良法漸壞而民間之積欠亦多此社倉之穀所宜亟為經理者也臣等伏思陝省界在邊圉積貯多多益善穀少之處方圖增添現有之穀豈可久不出易坐視零變又豈可任其積欠不

爲清理現在常平倉穀捐穀通共三百三十餘萬石社倉本息穀七十餘萬石臣等先曾檄行司道就通省情形妥議詳加斟酌常平之穀存七出三社倉之穀出半存半州縣于每年封印後酌定借期一面通詳一面出借之期則按耕種遲早以定先後總在小民須借之時不可延至麥收將屆之後並令先期出示依次而放隨到隨給不許守候平斛轉攬亦不許入多出少其出借則先麥後穀先陳後新所借之戶均須力田之家兼有的保如遊手無業及無的保者皆不准借倘民間無需多借亦卽留倉備貯不必拘定出三出半設滿糧價昂貴卽行詳糶以平市所借之糧有麥者夏還麥無麥者秋還穀其社倉則仍責成社正副經理官給印簿令將借戶保人姓名糧數以及完欠逐一登記送查一切出納雖責成社正副而稽查仍在于官自無營私舞弊之患並令慎選社正副務擇殷實公正之人優以禮貌如能經理得法遵照定例分別獎賞請敘其村莊離社倉遙遠借還未便者許其分社便民至歷年舊欠先經委員確查並分別完欠以示勸懲現在俱已查清完者處多雖有未完皆係實在有蓄倘得夏麥有收亦可漸次清完歷年之舊欠既無弊竇後此之新借更爲實在目下青黃不接小民爭先赴借得以及時接濟甚覺有益所有籌辦積貯原由理合

恭摺奏

聞 皇清奏

二十四年又奏准江蘇地方每當社長不無賠累且招勞怨均不願充願充者多係漁利之徒樂於久充易於侵挪其公正者又恐久充賠累嗣後一社中擇其殷實公正數人輪流充當一年一換爲時不久不致賠累一年一次新舊交代難滋侵混會典事例

又定雲南社倉免收息穀之例巡撫劉藻言滇省社穀自雍正二年至乾隆二十三年共存五十餘萬石爲數

甚多不能盡行出借尋變折耗在所不免且社倉例係社長社副經營祇許力田之家領借籽種而無藉之徒每生覬覦如遇借放有餘更將乘機逞強勒借頻年拖欠本息虛懸同里效尤漸成虧缺雖經地方官查究治罪而若輩多係赤貧只得著落社長副代爲賠補每至傾家是以致長副一役民皆視爲畏途總緣社穀過多流弊遂至于此查社倉之設所以接濟農民俾免重利稱貸原屬良法美意乃因存積太多致以折耗賠補貽累社長則是惠民之舉反爲厲民之階亟宜酌量變通查社倉仿於宋儒朱熹其法於斂散十四年之後不復收息只收耗穀三升蓋亦慮多積之爲累也滇省社倉行於雍正二年至今三十餘載子母相生數逾十倍更應因時定制且此項穀石只供農民籽種之需非同常平倉穀以備平糶宜多爲積貯者比請照常平額數七分爲率其已經足額及較額有餘者請以乾隆二十四年爲始儘數存貯按年斂散永不收息每石只收耗穀三升其未經足額之處仍照例收息俟足額之日一體免收只收耗穀倘不肖社長及該州縣等私行收息挪移侵虧等弊立即嚴參究處分別追賠治罪至官紳士民好義樂輸者仍聽赴倉捐輸歲底另冊報部以備修建社倉之用從之通考

二十五年覆准廣東社倉所收息穀責成州縣稽查每年每石准銷耗穀一升其鋪墊造冊紙筆等費以及看守贖賒之人應需工食准於息穀內酌量支給如遇倉廩損壞亦准動支息穀變價修理分別報銷所餘息穀查明該州縣捐積數目如在五千石以上者變價解繳存貯以爲本地賑卹之用原額不及五千石之數者即將餘息併入額穀之內以充儲備仍分別列入奏銷詳細倘社長等有於息穀之外另有加耗名色以及額外需索等弊卽行究治會典事例

二十八年覆准湖南社倉斗級工食向係在六兩在於七升息穀內動支但盤量折耗實量給與不比官倉斗級必需工食六兩之允升加給社長連前共給四升爲盤量折耗乃餘息內通融支給會典事例

三十五年江蘇巡撫李湖奏臣于察核各屬不少因爲之推求其故自前撫臣二十四生而地方有司又視社倉爲無關考成漙漙而爲滋弊之途境卽如點充社長原定長不無賠累請改爲一年一次輪當其意彼此巧爲規避互相蒙蔽遂至春借秋還過多惟憑鄉保舉報按曰輪當遂多任非司其出入蓋恐官吏經手易啟挪掩之弊官竟不稽查比追社長徇情濫借與土棍現在江蘇省社倉實在情形悉心體察現就現在社倉情形酌調劑恭陳 聖鑒

一社長年限宜酌更也社長一年一換歲歲需人不得不責之鄉保開報恐其所舉非盡端謹誠實之人濫借侵漁既不能免卽有一二小心謹飭者又或慎守管鑰顆粒不放冀迨一年期滿交卸脫累亦屬無裨農民應請嗣後選充社長永不許著落鄉保舉報務令該州縣在本社各村莊內照例於不應試之殷實監生遊訪舉充司事三年出納公平社穀無弊詳報道府給匾獎勵再令接管三年如能始終如一據實通詳將該社長與充鄉飲以示優容六年期滿另選充補設或辦理不善卽行隨時更換不必定以三年倘本社各村實無不應試之監生卽舉誠實鄉民充當亦不必拘泥成例

一州縣稽查之法宜更重其責成也社倉定例社長耑司出納官役不得掣肘但春借之期官不爲之稽查核實則柔懦社長土棍鄉保胥役得強借重借秋斂之期官不爲之查比欠戶皆得拖延應請凡遇春借之期社長將應在本社借穀之戶取具押領同正副簿票送州縣核准示期開倉出借該州縣接到稟報按照村莊門牌核明應借之戶填入正副簿內其不應借者不准入簿借給卽於次日定期出示赴領至期分委佐雜或教職一員親赴看散散畢封倉如開倉出借時有強種之刁民該委員卽帶交印官究處至秋成後應行還穀時社長稟明州縣示期開倉收納若按期交納全完州縣或親赴驗明封倉或委佐雜教職赴驗封倉倘十月內不能全完社長將簿內欠戶標明稟送州縣差傳欠戶比追是收掌出納仍責之社長也地方官嚴其查核則強借拖欠之弊可除其州縣交代驗報及歲底奏報一切事宜仍照原定規條辦理

一苦累社長事宜嚴行禁革也近日江蘇各屬凡係鄉曲謹愿之人無不長兼社長一役苦累經營艱難

不惟慮招鄉里尤怨與頑戶之抗欠而其最爲苦累者則交代盤查按月按季冊報摺報等事地方官以社穀掌於社長每遇造冊結報事總惟社長是問奔走城鄉致多浮費加以胥役之駁詰差使之傳催一充社長便無休息此等弊累亟應嚴行禁革查每社俱定有正副簿籍出借時按戶登明有無存數數目一目了然及至秋還亦復登簿一存州縣一存社長一社之數目燦然可稽卽通縣之數目較若列眉不但州縣造報月摺季冊可按籍而稽卽過交代盤查冊結亦無難按簿查辦嗣後社長除春借秋還赴官稟報及過盤查到倉開驗外如仍有以造冊出結等事苦累社長者或經告發或被訪出官則嚴參胥役立擊重處則社長之重累盡除而責任亦專矣經世文編

三十九年奏准安徽各屬社倉穀石定以四十萬石爲額其餘穀石於青黃不接之時儘數出糶糶價解存司庫遇有民間必須工作奏明動用如息穀復充過十萬石以上隨時照此辦理會典事例

四十年奏准山西社穀兩倉本穀共四十八萬八千五百餘石息穀共四十五萬八千七百餘石酌存息穀十萬石其餘三十五萬八千七百餘石各州縣於糧價稍昂時酌量出糶價銀解貯司庫遇有地方農田水利公事奏明動用嗣後息穀積至十萬石以上酌勘情形奏明覈辦會典事例

又奏准福建原額加捐社穀三十五萬七千石留存貯備息穀積至五萬石以上飭屬出糶糶價易銀解司庫有地方必須速辦之工奏明動用每年將動存各數分晰造報會典事例

四十三年山東巡撫國泰請社倉春借時地方呈報州縣批交社長支發秋還時由州縣開單交戶方接戶催完每歲抄黃令州縣親赴四鄉盤查上諭此是在官又添一常平倉矣社長優漁原不能免然因此而官爲

經營則書役保之精端勒索更甚惟仍舊令督撫飭州縣實心稽核期得實濟無事更張並志

四十六年奏准湖南社倉本息穀石除本數貯備借糶外所有歷年積貯息數變價存司以爲民田水利隨時

撫卹之用會典事例

吏部侍郎辛從益奏竊查江西撫臣毓岱近有籌議民間質借穀石章程一摺奉 硃批細心妥爲之總期

有益於民貧富兩便方爲至善也仰見我 皇上聖慮周詳惟恐撫臣有未諳民情土俗者以愛民之意而

或成累民因期以貧富兩益臣恭讀之餘誠抃誠服臣伏查撫臣原奏以推廣社倉成法爲名因民間向有

私開穀押者貧民得以物質穀以穀典錢其事甚便遂欲令官爲經理庶奸民不得訛詐貧民不敢攔搶是

其說雖曰調劑貧富其意實專爲防護富民也然如其法不惟於貧民無益且於富民有害大凡官多一令

卽民多一累民間買賣典質緩急相通日用常行相安已久無論貧富皆知自計贏縮自趨便利惟其不關

涉官府所以相與無爲也今無故官爲經理欲照當舖之例勢必紛紛給帖則吏胥門丁紙筆飯食之費州

縣年節之規名色疊出既稱富戶所取必多縱使州縣自守清廉尙知約束安保後任之不躡事增索彼富

民積穀雖多亦欲自圖安靜豈肯以富戶自居坐受官府之擾累其必不樂領帖者情也然官府既有領帖

之令事在必行則不領官帖者吏胥刁徒必加禁制必不准其典賣穀石則必有土豪市儈句串書役慨然

領帖以遂其壟斷之私官費既多索價必多攬利必專轉使良善富民有穀而不敢典賣此其爲富民害者

一也江西諸州縣倉庫豈能盡實往時有借貸倉穀爲名向富民短價勒買者既而不給其值富民顧恤

身家往往入銀代穀以求解脫今若使富民承領押帖則凡官倉虧穀必惟該富戶是求此其爲富民害者

二也往時貧民乏穀向富民典賣東家講價不定尙可求之西家典買之途甚寬故貧民便之今乃惟給有官帖者始可交易則其途甚狹轉使市僧領帖得以居奇坐制民食民以物質穀則昂其價價與買賣無殊民以錢贖穀則多方刁勒使不能如限取贖此其爲富民害而因爲貧民害者三也撫臣又曰農民於新穀既登賤價售人迄春夏米貴所儲早罄欲令農民於有穀時赴富家質當其意蓋欲民毋賣穀而祇許其當以爲穀尙可取贖也此又不達民情矣夫農民當有穀時孰不思量入爲出除計口授食外婚嫁日用一切亦欲賣錢使用凡典價祇可及賣價之半譬如時價每石八百文如需錢八千使用則祇賣十石已足今若禁賣使典祇得半價勢須出典二十石方足應用是使民無故而耗去二十石也將何以資朝夕又須按月加利則何如徑賣十石之爲省乎向來民間典穀三年不贖則沒入其本取息亦不過一二分無多至三分者今乃欲定以衣物典穀每石加息穀三斗以穀與錢每月加利二分五釐而又不得過一年之限過則沒入其本取息既苛限期又促斷難取贖是以二十石之穀止得半價甫及一年而盡沒之也其累貧民實甚臣所謂貧富交困者此也臣又伏思撫臣所以必給官帖之意爲恐穀押家被人訛詐及米貴時貧民沮米出境乘機攔搶也臣查此二者皆不常有之事遇荒歉之歲富民肯出穀典賣價縱稍昂貧民亦皆感悅惟其貪利無厭開羅長價貧民求食不得始而羣起怨詈甚至搶奪者有之若歉歲沮米出境原貧民不得已之計蓋江西諸郡山多水少產米既稀西隔大庾諸嶺川廣之米不通一遇荒歲惟藉本境之米以資生括若富商圖利裝運出境貧民羣起而攔阻者有之蓋欲其賣與本境耳此二者皆因有穀之家爲富不仁所致非因賣穀而致然也總在良有司善爲勸導俾富民毋閉糴苛索毋越境牟利并出官帖嚴禁攔搶

則米價自平民情自安並不關官之給帖否也若富戶藉有官給行帖居奇長價強行運米出境以致衆心不服激而生變則尤爲可慮臣竊意州縣中必有希圖添設當行可多收陋規者遂託言調劑民食緣慮撫臣入奏抑或有地方豪猾勾串吏胥悉圖給帖開行盤踞重利州縣受其朦蔽亦未可知要皆病民之事也臣愚以爲封疆大吏宜總大綱因民所利去民所惡買賣一切宜聽其自便況現在民間典賣穀石本屬相安譬人本無病而投以藥劑必轉滋其害臣籍隸江西仰體我皇上勸求民隱安富卹貧之至意見聞所及不敢不竭其愚忱謹奏

思補齋遺稿

楊仲興創建南鄉太平堡社倉記統一邑計之地無別產禾稼外茶竹木而已山高土瘠非五風十雨則旱見告人鮮經紀乏惟稱貸必產爲質不是卽坐困生之者寡食之者衆是以貧民十之七八常平備儲社倉者濟民而通出納也宜在鄉興邑則在縣而官掌焉顧邇遐不一其地丁口不一其數貧寡不一其狀非厝知民隱深入其懷而曲體之何以裒多益寡稱物平施耶余自乾隆八年蒞興以來卽力行保甲官有籍門有牌所以清盜源也調劑民食卽在乎此遇青黃不接之際開倉出借核冊稽人審時計日持門牌來者如取如攜各足其分而去里胥不得冒焉准此而糶亦維均行之一年而知其形又一年而知其情又一年悉其道里曲折之數邑屬最遠者獠獠有永豐社倉矣次遠者西鄉撥貯萬壽倉矣南鄉又次焉者也路崎嶇自四十里至八九十里不等老幼婦女艱於跋涉不獲均沾此非長吏者責歟爲親履其間見太平堡適中區地高戶密舊有武廟棟朽將廢詢於僉謀倡捐勸助闢基拆豎左右各建社倉二座卽以太平名之立社長以司出納延法僧以爲住持分居民以弊昏夜衆議公舉各任其責乾隆十三

年卽移貯縣倉社穀一千三百八十九石六斗又清理廟田二十一畝零歲共租穀二十五石鋪房一十五間租銀一兩六錢有奇給廟僧耕管以奉香燈并葺兩倉者另鋪基八間六里分造年收租息爲五月神會需像宇重新積貯有備敬神便民庶兩得之落成詳請立案今春授代會首唐生等曰是役也惠澤周矣章程所立當勒石以垂厥後余曰邑令者一邑之父母也顧名思義深愧不稱但疾痛痾癢知其故而不爲之所益重予咎惟盡吾力之所得爲行吾心之所可安六載民社利物濟人日計月計以次舉者待一邑皆然非獨今日私南鄉之人也至廟田緣起糞事題名此間紳士志之不贊粵東文海

嘉慶四年議准各省公舉正副社長止令呈官存案如辦理妥善照例獎賞如有侵蝕經鄉民告發照例治罪經理不善仍聽同社自擇受人請換毋許官吏指名充補及藉端爲難違者查出究辦會典事例

又議准各省社倉如有應須修葺卽由同社鄉民報明社長公同勘估修理在於息穀項下糶變具結報官存案毋庸官爲經理以免書役從中滋弊如社長辦理不善或有侵蝕許同社之人公同報官究辦俟修竣之日將用過工料銀兩併糶變穀石數目造冊呈明地方官歲底造冊申詳督撫存案毋庸報部駁銷會典事例

六年諭內閣琅玕等查明滇省社倉存欠各數酌請分別追賠減除一摺滇省各屬社倉至嘉慶四年止額貯穀麥苡青稞等共六十萬五千四百四十石零現在實貯及賠解各項共抵除穀三十二萬四千九十石零尙缺穀麥苡二十八萬一千三百四十九石零著照該督撫所請將經理不善之地方官各按銀數勒限嚴追儻逾限不完著照雜項錢糧例參辦至從前辦理兵差民間津貼安家一項以民捐之穀還充民用著加恩准其於冊內據實減除毋庸另行籌補

聖訓

九年江西巡撫秦承恩勸民間質穀論查各省窮民可以藉通有無而資日食者惟典鋪是賴但典鋪只有銀錢兩項而於糧價貴賤無所損益江西有穀之家間有於東作方興之時將所餘穀石任聽農民以物質押資其工作秋後加利清還賤之典鋪尤爲利便但欲有益窮民必先保全富戶蓋質押穀石與典當銀錢不同典商多在城市人烟湊集之區以銀錢爲當本一席之地即可深藏富戶於鄉村僻壤積穀必建倉厥方能收貯又須雇人看守此不同者一也典商當本動逾數萬又係隨時取贖子母相權利復生利源源接濟轉運不匪富戶以穀爲當本少則百餘石至數百石最多亦不過數千石春借秋還每年止能出借一次此不同者二也典當銀錢價賤固贖價貴亦贖當本可以不竭質押穀石價賤則贖價貴則止甲年不贖乙年無本此不同者三也典當銀錢以票爲憑不論其人是否認識錢自數百文銀至數百兩皆聽質押人數逾多收利逾厚質押穀石並不設票類皆附近農民肩挑步運以資日食只可數石至十餘石爲止當戶若多當本易竭此不同者四也典當銀錢本多利大既不擇人又不定數甲年未贖乙年仍准再當質押穀石穀本無多當戶有定不能減去常年當穀之趙一轉給常年並未當穀之錢二故甲年還穀之家卽係乙年當穀之戶且甲年會當五石乙年不能加至六石亦不能減少四石如趙一還穀之後乙年不願再當應聽富戶另給錢二質押又或甲年借穀五石連利應還穀六石五斗乃趙一秋後僅止還穀四石不特並未加利而且短少原本是伊既已失信於人所有已還之穀乙年亦應聽富戶另給別人不許趙一藉詞再行挾當此不同者五也典當銀錢定例值十當五限滿不贖准將原物變價歸還當本不甚懸殊質押穀石多係羅布衣服變價之時不能數本然窮民所以亦必取贖者甲年所還之穀乙年仍可押食不誤春耕此不同者

六也典當銀錢並無折耗又係循環出納利可生利故扣月日久疊加三取利質押穀石一出進既有搬量折耗之虞又有氣面厥底鼠耗霉變之患其名加三其實所得無幾況每年只能出借一次如甲年正月初一日押穀一石十二月三十日取贖只許加利三斗即五月初一日押穀一石六月初一日取贖亦應加利三斗其故何也蓋押穀係在淨黃不接其價甚貴取贖必俟秋熟以後其價已賤故有押穀之時價值二兩以外還穀之時其價不及一兩即使照例加三窮民已經暗虧富戶之本若再扣算月日不使截長補短富戶豈肯樂從且恐敢射利之徒押穀販賣之漸此不同者七也典當銀錢認票不認人親族鄉鄰均可代當惟押穀即至親密友亦不可代如趙一甲年還穀五石乙年仍須趙一親身質押否則伯叔兄弟冒名代當及至趙一親來穀已無存最易爭執此不同者八也典商請帖完稅每年不過數金刁民無所藉口押穀之家穀本無多受當借穀出息甚微刁民因其並未請帖往往指為私開典當搶簿挾制甚至串同書役詭詐以致富戶畏懼而不借此不同者九也典當銀錢不分地界不拘遠近人人可當惟質押穀石刁徒往往把持不許遠村之人搬運其不同者十也以上各條豐年尙可相安一遇歉收最易滋事必須尋常無事之時先期明白訓導家喻戶曉臨期自知安分自古救荒無善策總須備之於豐年而常平倉穀因公動用類多缺額且通縣之衆一年之久卸給於官勢難遍及昔人所謂民得升斗官費邱山寶與杯水車薪無異如能鼓勵富戶收買穀石不必領帖聽其營運或數十石或數百石或數千石均可由少至多逐漸滋長此家如是彼家亦如是此村如是彼村亦如是行之日久通縣無不如是通省亦復如是不出數年民穀較之家穀可多百倍開闢荒畝以民間之穀供民間之食即木耕三餘一耕九餘三遺意夫欲保全富戶必使窮

民明白其中利害方可加以懲勸蓋富乃貧之母爲國家元氣富戶凋敝不僅貧民失依元氣亦傷嘉慶七年天旱歉收糧價日久不減本都院晝夜焦思誠恐存穀之家待價而沽曾經出示勸諭不過暫調民食一時權宜以杜刁民藉端擄累本年雨暘時若早稻收穫登塲糧價已極大減仰卽會同藩司各道通飭各屬遵照指示條目剴切曉諭務使窮鄉僻壤貧富周知俾各安分守法不得仍蹈前轍總之貧與富交強者必伎弱者必求今富戶以濟貧民之急貧民應感富戶之情居常既緩急相周有事宜守望相助伎求之念兩忘親睦之心自篤是在賢有司留心訓迪俾風俗日歸淳樸本都院有厚望焉如各州縣民情土俗或與所指小有異同訪查確實總以便民爲主聽其酌改並令倣照當舖款式亦立當舖於運穀之時發給富戶收執以爲來年當穀之據亦可以杜絕爭端經世文編

十二年諭內閣伯麟參奏雲南石屏州生監書差冒領社倉穀石並供出前任正署州牧及官親家人均有備案受賄情弊一摺社倉穀石係民間自行捐貯以備無力農民借作籽種春借秋還例不許官吏經手以杜侵虧冒領之弊乃石屏州社倉穀石節年被生監書差串通冒領其無力農民借領轉少且官親家人膽敢收受佈費兩次共錢三百八十餘千文並據貢生任澍宇供出正署兩任知州孫儀劉先俱曾得受賄賂如果屬實均屬大干功令所有案內之貢監生員概行革去衣頂著交伯麟提集已革石屏州知州孫儀前署石屏州試用知縣劉先及一千應訊人證嚴審確情定擬具奏

聖訓

道光三十年諭耐倉廣建尤爲備荒善政果能勸導有方紳富亦樂於輸納著飭各州縣按照里數酌設社倉勸令富民捐輸米石以備積儲斷不可令胥吏經手致滋弊端能辦有成效准其將捐輸姓名奏請議敘

咸豐三年諭徐澤醇奏廣籌經費請飭各直省將社倉穀石分成提解或充軍餉或變價備撥並借用濟倉之糧為本省防堵之用等語著各該督撫按照摺內所陳各就地地方體察情形斟酌妥辦原摺著鈔給閱看將此各諭令知之東華續錄

四川資州知州牛樹梅社倉示為剔除社倉積弊以濟民食以免累害事照得資州地方共有社倉若干處積穀二萬數千石以之濟青黃不接備凶歉偶告實千萬人身心性命所係乃法久弊生虧空累累黠者得利樸者受累以致承管無人年年興訟良法美意幾何不反成厲階乎現在年豐穀賤彌補尙易故自春前預示秋深盤查原期整頓齊全之後在城鄉諸君子設法護持保此勿替謹將所定章程與訪知利弊開列於後

- 一社倉聽民經理不准無故盤查以杜書役需索也查川省社倉每遇新官到任及新舊社首交接時盤查一次書差下鄉飯食盤費在所不免甚有藉此需索苦累社首以致民間視為畏途不敢涉手查定例社穀聽民間互相辦理不必官為經理應請嗣後地方官到任祇須查傳各社首進城具結其飭差盤查社倉之處永行禁革即新舊社首交接之際亦祇須責成新舊社首自行盤查清題赴縣具結存案不必派撥書役下鄉監盤亦不准無故盤查需索費用
- 一鄉里應將大糧戶公同開報以便檢查也查前藩憲董通飭里甲將條糧最多之戶公同注立一冊按年挨次承充以免推諉其例得借領社穀各戶亦列於冊後其閱遷移長落隨時稟官立案並因社首無

No. 887 22 1/2 42

制人之權每被佔借挾制飭令每年多舉社首數人幫同照理等因可謂至詳盡矣惟法頗繁密是以遊行難久今擬略爲變通查向來報換社首時必有數人出名公舉嗣後應請飭令公舉之人卽爲協管之人如有虧短公同賠墊如此則社首之任輕而協管之心齊奸頑之戶自不敢肆行挾制矣蓋猶是幫辦令其多舉社首則難就其公舉之人並用之則易惟公舉之人必得正直紳糧方可協管應令鄉里各將條糧較多素行正直者詳悉開報一冊其每年公舉之人總不出乎冊內註名之人至於花戶之應借給不應借給者俱聽社首與協管者臨時斟酌不必戶戶開註以歸簡便

一社首應給戳記以示優待也社首既有經理之責遇有稟官事件若概令親身投遞必致奔走糜費或不肖書吏任意延捺久令守候非所以示體恤也應由地方官給木戳刊明某處社首字樣凡有稟官事件卽知會協管者用戳遣人呈稟於每年交替時遞相接領以專責成其有不關社倉事不得混用違者究懲

一社首稟事一切去其費累以免賠墊也查向來社首之累不止盤查爲然凡有頑戶抗掩理宜稟追第念一經稟官其能否追齊尙未可知而已多一番訟累以此忍氣吞聲拖延賠墊社首縮首則頑戶愈相效尤此虧短之所以日甚也今協管人衆花戶自知斂戢萬一仍有刁劣之人佔借抗還則官爲作主但令社首自書一稟加印戳記遣人投遞立予簽追隨到隨審一切開單送案勿令花費分文庶社首不憚其難而頑戶有所畏懼

一新充社首祇就現在實貯之數接手經管以免畏累也查社倉易於虧短者每由無糧之人於開倉時

率衆估借當時雖有保借之人非串保串借卽估令具保及至催納不齊無人敢於接管年復一年愈虧愈多欲求脫身而不得嗣後應令接充社首與協管之人祇將現在實貯之數查明接管作爲正數其民欠未完之數查催有著者完納一石卽作一石實貯其實在無著與力不能完者舊社首能賠甚善如實在力不能賠者酌量豁免不與新社首相干自不致人皆畏累不前

一接充社首赴縣具任狀應請簡便也查社首一年一換宜以二月初爲率新舊交代務同協管之人齊集倉所將倉穀逐一盡量稽社首以交穀甘結爲換狀新社首以接收穀石無虧甘結並收明木戳爲任狀自行赴縣投遞存案不准差徇滋累

一紳衿及在官書吏應一體充當社首以免推諉也查紳衿與在官書吏例得優免差徭原因催糧等事應協差役不便同行至書吏在官辦公不能分身是以亦准優免差徭至於社首本屬體面人應辦之事上年曾經藩憲董飭令地方官優以禮貌可見社首並非賤役從前恐有盤查具結之擾許訟守候之費今已層層釐剔弊累一空並經通飭刻給木戳遇有應稟事件祇須加戳記遣人代投更無奔走之勞其或事關重大不能分身不妨令弟兄子姪輩代辦況有協管之人幫同辦理亦何懼而不爲嗣後應充社首之糧戶無論紳士書吏均當承充不得推諉

一書黃不接出借社數應預定日期也應行出借之時社首與協管先期出帖傳知花戶分期領穀勿致擁擠並各註明保戶且保戶必得有田產殷實者方准借給放借以十日爲率收納以十二日爲率如逾限不納社首卽稟官差催如再抗延不完拘案押追不令社首守候如此辦理萬不至有拖欠不納之戶

一收還社穀應照例加息也查社穀定例加一收息併存於倉作為正穀存案則按年算數積數愈多責任愈重把持愈多即畏累者愈甚而社倉應用之事反多掣肘嗣後應請所收息穀毋庸報數存案惟另立簿憑案算帳聽民自管其有修補倉廩人工鼠耗以及放收時茶水飯食等項均准於息穀內扣算支銷勿致浮冒除支項外其餘息穀另貯年年積累或更買田保倉則糧本愈固推用愈廣如有地方應興公事如夫馬義學堰澗橋梁等事亦可取給於此而為益無窮

弊條

一社首非人吞蝕耗散甲眾徇情不肯稟究書差待賄代寫滿結此虧短由社首者弊一 以後社首須由正直紳糧出名公舉公舉之人即與社首協同經營有虧則公同陪出不能專問社首如書差申弊者追贖責章

一花戶借穀每有無恥紳糧奸頑士棍隨同估借惡狀百出當其借穀時即不作還倉之想以致小戶效尤互相抗推社首將欲稟追反多訟費忍氣吞聲拖延賠墊一切社倉諸弊由此釀成者十之七八此虧短之由頑戶者弊二 以後借穀須取妥保仍憑紳耆社首酌給多寡不得估借足數如本年不還次年貼名公所不准再借其能還不還者社首祇用白頭稟呈一張當堂投遞立予簽追一切開單送審不許花費分文庶社首無所畏難而奸民有所顧忌

一每年報替社首放借倉穀等事衙門用費動輒數緡其有倉穀虧短者更須暗用重費方得贖用滿結以致愈虧愈深此虧短之由衙門者弊三 以後報替社首祇准出紙筆費二百文放借請示還倉具結紙

准一百文官如親盤夫馬自備或遺書差給予飯錢而已

一每年報替放借等事必須傳同牌眾議但社首傳帖必辦酒食而一二把持之徒故意不到使眾不敢定議一次不到改期又請至再至三或此允彼拘酒食花費所累無窮此虧短之由請客者弊四以後社首傳帖只備於茶不准酒飯祇須鄉長甲長及三五老成公正人議定即行其有藉端滋擾者指名稟究

一有穀無倉者糧戶分領各家不特非立倉本意而且貧富無常數年之後難保齊全此虧短之由無倉者弊五以後定限於本年內各鄉各修倉廩移貯於倉

利條

一向來管倉視為畏途以致公正紳糧不肯出頭祇得強報樸訥無能之人充數或存奸黠喜事之輩自行鑽充試思為社首者誠能經理得宜上宣 朝廷之德意下濟貧民之饑荒士君子家居閒處為國為民無所藉手此正小試經濟之一端實屬隆重而顧諉諸庸瑣之輩平豈知報戶部額穀不容虧短一巨奉文清查終須甲內大糧戶按名分賠不容躲避與其受無名拖累何如自行出頭眾擊其手之為愈乎況本署州於社倉賠累之故力為剔除當亦無所畏難何不踴躍承任之即或另報社首專司出納亦須紳士大糧戶公舉公管勿令社首獨擅其有奸頑之戶估借把持社首不能制服者公同稟究庶花戶不至累社首而社首亦不至累眾人如此則賢者任事諸弊不生利一

一社倉本意不止備荒原欲於每年青黃不接之時減息出借接濟窮人近日多以易放難收不敢出借雖可免社首之害而不能為眾人之利今如所示諸條拖欠之弊既可無虞放借之事仍可舉行或春夏

減價出賣秋後卽以所賣之價買穀還倉以陳易新本息在手亦無不可惟或借或賣均須耐煩經理務令甲內貧戶均霽實惠此實設立社倉之本意利二

一每年放借原有加一還倉之息例應一併存倉作爲正數存案本署州核定以後此項息穀不必列於正額惟另立簿憑衆算帳除社首工力與一切支用之外其餘息穀另存年年積累可充以前所議公事用惟不准演戲賽神詞訟燕會等無益之費如此則歲久利多爲益無窮而社首亦不受人侵吞息穀之挾制利三

一每年收穀上倉總以九月十五爲止其放借之時有願稟官請示者有不願請示者均聽自便祇須九月以後有穀足數而已如此則官督私藏上下均無掣肘之虞利四

以上各條姑就本署州所知者逐一拈出爲圖區於豐萬一年饑不至貧民擾富此久安長治之善道也蓋興養立教皆守土者之責而行之必在得人如公正紳糧同心協力於民間現有之穀詳審收放則受益無窮矣經世文續編

四川川東道勸積儲示照得國以民爲本民以食爲天川省被賊擾害業已四年現在髮匪又竄川疆城守亟宜預籌昔神農之教曰有石城十仞湯池百步帶甲百萬而無粟不能守也省城爲根本重地人煙稠密城內外竟無糧行惟恃肩挑米販進城各鋪戶隨時買食竟無旬日之藏偶遇城門有警難免束手無策現奉總督部堂札飭本署道清查舊存倉穀並以本署道前在川東任內辦理積穀甚爲妥善省城可以倣照辦理本署道竊查明周臺公積穀之法係查照家業資本分別上中下戶積穀若干卽在本家收儲報官查

驗其米仍係各家私物官不得取用半粒謂之官督私藏一遇有警城門關閉即可自食並准其照昂價出糶立法誠爲至善現經會商藩台暨首府兩縣並委員局紳等仿照辦理已將章程另行刊刻頒示爲此示諭閩城商民人等知悉此係民間自積自藏自食自用儲之於家並非輸之於官須人人樂從家家願辦藏之多者可以獲厚利存之少者可以活家口務必遵照章程認真舉辦毋負地方官爲民謀食之意是爲至要切切特示

章程二十條

- 一辦理積儲卽歸福建館團練局官紳分派各街首人經理毋庸另行設局以節糜費
- 一成華兩縣倉穀及去年發銀採買之穀原爲有警時守城兵勇團民計口分食其餘商民俱令自行置備因恐彼時無米可買所以此時勸令商民自行積儲
- 一此次積儲專備警急之用如賊匪逼近米糧不能進城方准食用俟軍務告竣地方一律肅清撤局時或食或賣悉聽自便
- 一各衙門食口最繁如遇有警時盡在城中購買則民食不免缺乏此次積儲應由各衙門先爲之倡
- 一此次積儲惟以鋪戶爲大宗向來囤積居奇本干例禁原恐奸商射利民間食貴此次積儲不在例禁之列凡鋪商本金多者分十成之一二販買積儲備過兵荒有警米價必昂聽其照昂價出賣若兵糧不足官向買用必須照時價先給銀兩不得短欠分文米多時存米少時食米賤時買米貴時賣雖是官督實則商民自爲買賣至於儲穀多者須置備籠子多架以便臨時應用

一積穀積米應聽民便惟穀則便於存儲而食費不便米則便於食費而存儲不便此次積儲不如俱用粗米凡遇籩而不確之米無事之時有力之家多不吃食若至警急時則粗米亦成珠顆矣平時存之可以經久臨時食之可以經飽是一舉兩便也

一富商大鋪及坐擁重資者或積數十石積數百石另爲開單勸諭酌定數目注册存查

一計口積米每一市石計可作兩人二月之食大戶積二十石可食四十二人小戶積十石可食二十人中戶積五石可食十人其小戶以及窮民不能自食者聽其自便

一積米數石至二十石以內者爲數尙少務須積存粗米

一積米在二十石以外存放本家本鋪者或積米在二十石以內如願合街隣放存公倉者准其加倍積穀

一各省會館地方俱極寬敞應責成公建倉廩多所本省紳商穀米即可彙總存儲卽公同雇人看管如存在本鋪本家者亦聽其便

一城內各廟宇菴觀寺院地方寬敞均可囤積米石應由本街商民公舉首人自向看守之人借租毋令多索錢文

一每街聯合各戶穀米共儲公倉如大街戶多卽分段儲倉悉聽其便

一鋪戶住戶穀米或存在本家或存在會館或存在廟宇公所俱須於票內注明應派本街紳首照票查驗不與各街門書差相干

一附城並無寨堡鄉間糧戶多有般運穀米進城者應分別積米若干石食米若干石其所積之米如不能久儲隨時食用必須隨時補足

一每人每日約食鹽三錢計一百日需鹽二觔應議成華兩縣鹽商儲鹽十萬觔不過需銀二三千兩臨警時按照時價接濟守城兵勇團民之食至於各鋪各戶須先自行買備應每人儲鹽二觔家有十人儲鹽二十觔家有二十人儲鹽四十觔照此遞推免至臨時缺食

一油蠟關係甚要應議城內各當舖每家儲茶油桐油一萬觔白蠟一千觔不過約銀六七百兩臨警時准其增價發賣

一煤炭柴草各戶各鋪宜多買備以免臨警缺乏

一以上積米積穀積油蠟積鹽煤俱限於五六月內勸定數目注册於七八月內買運進城

一周臺公積糧法有坐以數目限以時日嚴以稽查三條此次各鋪各戶積儲或自認數目或勸添數目俱依限注簿依限買備由各街紳首照簿查驗如城門有警候官出示方准食用儻有積不照數遲不如限用不稟官查出照所欠之數罰入義倉以充守城團民並饒寡孤獨之人食用仍勒限催補完數

以上章程如有不便於商民之處仍可到局會商變通辦理萬勿因循自誤為要現奉督憲面諭飭令城內安設碓房所有穀囤米販俱令般移進城則民食更為充裕應即迅速舉辦切切再諭經世文續編

光緒八年陝西巡撫馮譽慶奏稿惟應儲之法自管買以後論藁繁矣至宋儒朱子本晴長孫平義倉之制設立社倉行之十四年而條目始備議者謂其要在地近人人習其事在城之專為儲不若在鄉之多所備

制莫有善於此者後世時異宜因其制而變通之本其意而推衍之庶合足食之常經卽爲救荒之長策
臣前供職京師習聞光緒三四年間陝省旱荒振穀多購諸外省洎五年蒙 恩簡授巡撫於陞辭時卽陳
明力籌積穀備荒之略六年二月履任後砭砭兩年始於積穀建倉一律就緒所以久未具奏者良以其事
本欲便民而易於擾民必有實心以貫徹乎事之始終一切委曲煩瑣劑合其宜而又以實力持之俾弊端
胥剔成効漸臻庶稍可自信否或浮驚虛名率開虛數粗疏粉飾非 臣之所敢安也 臣前查陝省各屬倉糧
業因振務散竣流離之後民少蓋藏其地皆高原大陸土脈鮮滋每遇曠乾卽成災歉是倉儲之設宜視他
省爲兩矣幸值是年夏禾豐稔易於舉行經 臣酌立簡易章程行司通飭遵辦其法諭令富戶多捐中戶少
捐下戶免捐不准按糧按畝攤派致敢苛勒所有糧色無論稻粟麥豆隨其土地所產均許捐交其捐數若
千均暫存各鄉附近公所其收放均由公正殷實紳耆經理不准假手吏胥仍責成地方官年終盤驗一次
以相詢察各屬有一隅偏災者被災各村俱令扣除不捐仍量受災輕重在附近所存積穀酌撥口糧接濟
如斯者一年紳民樂從各屬必有捐積蓋富民稍減酒食燕會之需卽預爲鄰里鄉黨之助貧民仍得自謀
衣食不困酒漿則裒益胥均也水鄉多稻田之利蔬圃有豆菽之饒則取攜甚易也無分散之患而人得以
安其心無轉運之勞而人得以省其力則私計悉便也紳民自爲經理可無竊役之侵漁官司相與稽查亦
繫地方之責任則公義益明也災年藉資散放常歲仍繼捐輸以一鄉濟一鄉之衆以數歲救一歲之荒不
亟求取數之多而期於積累不驟冀見功之速而要諸久長此 臣舉辦積儲之初籌思備至者也惟是有穀
而不籌其地則濕變可虞有地而不因其方則取求難給故勸捐必須建倉建倉必須尚社查陝省各屬向

年間有社倉廢。悉爲檢回各匪燬無存。隨飭於七年續捐積糧項下出三成變價。由該紳適中擇地各就人煙輳集有堡寨可守之處。或新建義倉。或購置糧石。六七兩年九十一廳州縣共捐存京斗稻粟麥豆八十萬六千石。有奇。計修建社倉一千六百餘處。由司委員分投查驗。結報確係儲在倉。並無捏飾情弊。六七兩年各屬被雹被水各村莊窮黎大小人口均得撥發口糧。紳民益樂倉儲之有益。本年夏收中稔仍願輸將。一俟捐數較豐。緩急稍有足恃。來年自可暫停俾得休息。蓋至社倉徧設。民不以爲官事。而直以爲家事。且不藏於家室之私。而藏於里社之公。其弊易除。其效亦易見。臣仍出示勸行。節儉禁止奢華。各存餘粟於家。以防匱乏。至捐納借放典守曬晾各事宜。並飭各廳州縣傳諭紳耆。各就土俗所宜妥議奏報。臣仍細加釐訂。分飭照行。俾經永遠。以期合乎朱子社倉事目之遺。蓋通行之章程。宜簡始無煩擾之虞。分立之條款。宜詳始無挂漏之患。由是儲蓄遞年有增。規畫隨時漸擴。倉廩實而禮義興。攘奪之禍潛消。仁讓之風漸起。期以仰副 聖主惠保無疆。厚生正德之意。是臣所當次第經營。而不敢自限者耳。鈔郎

皇朝政典類纂卷一百五十二

倉庫十二

積儲義倉 鹽義倉 營倉

一各直省義倉商民捐穀聽其樂輸隨時貯倉按其數目多寡照社倉條例遞加獎勵近京五百里以內旗民捐穀獎勵與民同

一直隸省現任州縣官捐穀五十石記功一次捐穀一百石記功二次捐穀至一百五十石記功三次二百石以上另行記檔於 計典陞調案內另作一條事實彙入冊內送部候選人員捐穀二百石得官日紀錄一次捐數加多遞加紀錄山西省現任州縣官捐穀二百石以上另行記檔於 計典案內另作事實外仍先予記功二次三百石以上紀錄二次其各省義倉有官捐者照此辦理

一各省義倉聽民間公舉端謹殷實士民二人充當倉正倉副一切收貯出納事宜責令經理不必官吏經手以免滋弊其公舉呈換賞罰年限歲底報部悉照社倉條例辦理 以上均則例

康熙十八年題准地方官勸輸官紳士民捐輸米穀鄉社立社倉市鎮立義倉照例議敘會典事例

乾隆十一年定山西義倉事例山西義倉士民捐穀議定照直省社倉之例其所收雜糧按照米穀時價折算獎賞州縣能捐俸急公首先倡率捐五十石者記功一次百石者記功二次百五十石者記功三次二百石以上者注册送部察覈先予記功三次三百石以上者於現任內紀錄二次義穀照直省之例分鄉收貯春借秋還照社倉例每石加息一斗所需倉費亦照直省於倉穀內動用倘士民情願捐貲建倉或捐倉屋地基木料

等物准其計價合算穀數彙入捐穀內分別獎賞再慎選倉正倉副分別勸懲游惰民人禁其濫借均照社倉例辦理每遇州縣官交代時照例盤查如有私借那移分別參處至貯穀之鄉附近村莊如猝遇冰雹例不成災農民有關乏口糧籽種者准其將穀借給每年春借秋還先盡雜糧出易俟本息充裕之日再照存七糶三辦理其每百石收息十石內一石爲倉正倉副紙張飯食之需一石爲倉穀折耗一石爲賃房之費如遇歉收免息之年所需費用於上年餘剩息穀內借給俟下年收息照數撥還通考

十八年直隸總督方觀承奏報經理義倉告成以各州縣村莊里數繪圖呈覽是年直隸義倉現貯穀共二十八萬餘石嗣又覆准直隸士民捐輸義倉積穀及數應與獎賞者照例具題其捐穀數目每年一次專摺具奏凡上年報捐及出借動用之數於次年二月內奏明存案以備稽察通考

方觀承原奏竊照積貯爲本計所關而推行惟義倉尤便蓋鄉村分貯則斂散可以隨時典守在民則吏胥無由滋弊歷稽前代良法具存自周禮遺人之掌門關鄉閭各有委積以待艱阨隋臣長孫平因之爲義倉之制令諸州百姓當社立倉隨所收穫勸課出輸領之社司以時賑發唐宋遞相遵仿至朱子而規畫備詳倉雖以社爲名事實與義同例一切輸受之法條目兼該而其要尤在地近其人人習其事良以官之爲民計不若民之自爲計故守以民而不守以官城之專爲備不若鄉之多爲備故貯於鄉而不貯於城其輸之也不勞其散之也易徧其操之也不迫其察之也易周是以積久而蠹不生施博而澤可繼雖有水旱不齊之歲而無倉皇四出之民制莫有善於此者也乾隆十一年特降諭旨命地方大吏乘時勸導臣先於直隸布政使任內與督臣那蘇圖酌議條規以有穀而不籌其地則渴變可虞有地而不察其形則經界莫定

故勸捐必先建倉建倉必先繪圖當經指示屬員通行循照及權任畿輔因復申明前令次第經理就其幅員之廣狹度其道里之均齊於四鄉酌設倉座自三四區以至十八區其地必擇人烟稠密形勢高阜之處使四面村莊相爲附麗近在十五里內者三十三縣在二十里內者七十三州縣在二十里及二十餘里者三十三州縣在三十里內者三州縣在四十里內者二縣期於往返各便購揀易通比年以來仰賴 聖主 福庇年穀豐登人民和樂 臣與諸有司隨宜勸導俾各出其有餘而不限以數粟黍悉從其便務在樂輸無稍勉強如一州邑中豐歉不齊歉處卽停其報捐選擇倉正專司簿籍不許吏胥干預現據報捐新舊義穀共二十八萬五千三百餘石而圖與倉先後告成州縣衛各具一圖大小村莊並各村到倉里數悉載統計爲圖一百四十有四合一百四十四州縣衛共村莊三萬五千二百一十爲倉一千有五 臣詳加訂正鐵板刷印一貯布政司庫一貯本州縣衛按圖以稽倉而知各村之孰遠孰近按倉以稽穀而知四境之或絀或盈由是儲蓄遞年有增規畫因時漸擴而有司凡於境內賑糶惠民之舉辦方隅計道里披圖瞭然亦足以資措理 臣謹參合新舊事宜酌籌規條另摺 奏請 聖訓久遠遵循以仰副我 皇上惠保無疆之至意

圖事集

四十八年四川總督特成額請以未經變價之義倉穀存貯民間以資接濟從之通典

德保義倉圖說序社倉卽古之義倉也而捐輸出納之法悉主於官則非復義倉之初制也桐城方敏恪公總制畿輔倣朱子之意行義倉籌畫分晰立制周詳計地之遠近量建倉座虛隸凡村集三萬九千六百八十有七爲倉凡一千有五擇烟戶稠密形勢高阜之處俾各鄉道里相均捐輸既便而周賑易通每

倉選鄉耆之誠謹殷實者一人爲倉正穀多處所添設倉副以助之其勸捐之法每年秋成後州縣設立印簿令紳衿耆老數人轉相勸諭聽捐戶自登姓名穀數無抑勒無假手出借時量鄉之寬狹與穀之多寡以按戶支給一聽倉正副主之州縣官惟核實轉報而已至取息計年之上下大約歲收八分以上加一息米六七分以下免息五分以下緩至次年分別加免或遇祲歲則卽於倉所設粥廠極貧民賑粥次貧民賑粟一鄉之貯足以救一鄉之饑使民知雖在官而猶積於家既無胥役之侵擾亦無往來道路之苦誠美制也至其樂於輸納者獎勵有差而頑戶抗違者倍罰正副捏銷侵蝕者倍罰諸所經理井井有方繪圖精晰勒成義倉圖說一書俾按冊而稽瞭如指掌行之才十數年積穀已及四十萬石庶幾事歸齊濟一復古義倉之習矣樂賢堂集

余廷燦富民論自常平社倉外法宜以時風論富民歲積穀而貯之家家約自百石始遞增至千石止隨其貲產之上中下而進退之以爲一家積貯之數其歲無儲峙雖有儲峙曾不及額者許里社相糾罰其歲歲及額且有加者官旌異之惟出入斂散則不得與顆粒於官府焉都計一鄉橫表數十里就中中下富民率什之二三上富民率百之一二萬數百石之蓄於十戶中萬數千石之蓄於百戶中卽不幸旱荒相隨屬亦人人隱然有所恃以自固故藏富不在官而在民古昔富民更變久皆知重積穀富民重積穀故常平社倉所邈緩稽滯不及事者富民實能佐有司之急紓百姓水旱之憂一時婚姻親戚毗鄰告糶告貸於其門者若取寄物耳其後謠俗被服飲食奉生送死之具皆務極聲色窮珍異侈麗都喜好快樂而矜誇勢燄漸靡既久富民遂相率重金錢而不便利穀粟至於歲括賣升斗之儲以奉其所欲給其所

求尙苦不足困窮耗矣一遇旱乾猝至貧者富者俱若魚之涸而處於陸蠹蟻皆得制其命而俟其斃有立枯死耳嘗竊嘆學士大夫不重經籍儒術務爲一切文法以周防籠絡其實乃枵腹空空無益於用徒長浮薄散瀆機皆富民不重穀而重金錢之故耳昔管夷吾過市有新成京國者一家請桓公賞之民爭爲京困以積穀齊用富強武王立重錢之戍令民有百鼓之粟者不行而國穀二十倍南楚俗尤惰窳安土物重遷徙僅備與穀爲命脈今穀熟則盡化命脈爲金錢如穀不熟則豈可食金錢以全命脈真莫稗之不若矣有深思長慮爲根本之計者於富民早爲之所或亦有以佐常平社倉之所不及者歟存吾文稿

桐城劉大櫟乞里人共建義倉引古者帝王在上而薄海無凍餒之民非必分上之所有以與民也使民之自有餘而已故曰三年耕有一年之蓄九年耕有三年之蓄不至三十年而民有九年之蓄則雖唐水殷旱不能爲之災若夫周官荒政十二其所謂多昏蕃樂索鬼神皆迂遠不切於事情惟散財薄征爲君上之所宜行而無補於小民之窮餓故其科條雖具要不若積貯之爲善也夫下之人家無蓋藏之備而一切仰望於上設使水旱蟲蝗連州數郡朝廷遽下蠲租之詔虛郡邑倉廩以賑之然上之所費不貲而下之所得無幾嗷嗷焉日待升斗以延旦夕上之倉廩府庫已空而民之死者過半矣故曰藏之於官不若藏之於民也今天下田疇不加多稅斂不加少而天下之風俗又皆日趨於文欲使鄉曲之農人人皆食之以時而用之以禮其勢固有所不能雖使其食時用禮然以一人而有五子五子而有二十五孫嫁子娶妻之費養生送死之具疾病醫藥之資祭祀賓客之用以富者當之十九而貧其以貧者當之豈能

復富乎雖然嘗見編戶之家授田百畝則飲食衣服既無不足及其蓄積豐饒或相倍蓰什佰猶未見其有餘何者彼其所入者多則其所出者亦衆淫侈於酒食煩煩其燕會故雖粟米狼籍而終歲之用猶苦其不給一旦天災流行固不能以自支矣此其爲習非可喻之以節儉而遂改也惟及其有餘之時預爲不足之備不藏之於官而藏之於民不分藏於家室之私而合藏於里社之公其在今日所減省者一酒食燕會之需而已其在他日積之遂至於無盡其爲利甚博而其爲術約而易操也去年凶災民皆饑乏草根木皮掘剝幾盡器皿賣買無存甚則拋割妻孥與人爲僕妾猶不足以自贖而父子兄弟羸老孤幼繼踵而死僵尸草澤骸骨相枕藉見之者怵目聞之者悽心古者隣里有相周之義而鄉田同井則守望相助疾病相扶若使朝夕共處之人親見其饑餓至輾轉溝壑而死而莫之拯救而吾獨安得安然而已乎夫一人向隅而泣則舉坐爲之不樂同里共井其視同坐也親矣輾轉溝壑而死其視向隅而泣者迫矣此固仁人君子所宜動心者也昔漢耿壽昌作常平之倉增價而糶減價而糶法非不善然以饑歲之民使其價糶其力或有所不能而以官司主之其出入又有所不便自是以來長孫平之義倉勸令百姓軍人出粟及麥然歲歲糶收疑其數漬朱子之社倉隨時斂財然請假於府那移爲難今合兩法而用之於義倉則取其當社自輸不待請府於社倉則取其計米收息不必再捐今值大有年之秋與人傭畊者每佃田一石出穀三升自畊其田者出穀八升有餘之家不爲限量隨其力所能爲以爲補助至於當社立倉一甲之中推一人爲首執策簡較稽其入古之人有成法矣惟諸君子傲而行之誠如是也雖有水旱之災吾里之人其庶幾免乎傳曰人人親其親長其長而天下平又曰人人親其親然後不獨

親其親推之他里前後左右莫不皆然則德施之及人者廣矣

甘揚聲與謝拜廣論議倉書義倉之有益與民也久矣然古之義倉或勸民每家出粟一石以下貧富爲差或令人戶於正稅斛斗一石別納五升或用官錢均攤分配糶穀貯倉從未有一人獨捐者足下獨於嘉慶乙亥建倉四十廩捐穀萬石有奇事成歸之合邑爲備荒之用此誠能散人所不能散能行人所不能行者當日所定章程委曲詳盡亦復何庸質議雖然倉屬合邑穀聚城中其惠難以遍及凡可推廣德意軫恤艱危有益於衆者似應權宜變通庶可永久無弊僕抽替歸里已十一年凡兩見義倉出糶情形矣道光乙酉歲饑首事議糶義倉穀既未能恪守所定章程僕復以多分廠數發票給簿相告衆難之而散城中各米鋪定價每斗六十文給以倉斗出糶迺各米鋪得穀如貧兒暴富恣所施爲其出糶也先開鋪門僅於門上開一小窗糶者雜者俱於窗中將錢米互交斗面盈虧不可得見鋪門外老幼男女混雜有擁擠不得前者有得米而復傾者有彼此紛爭破面流血者有女人衣裂鞋落錢米兩空併被無賴搶竊首飾迫欲自盡者蓋米鋪惟利是視先藏義穀別糶鋪內不過略確少許以應故事且平日各有城郭主顧義米不多除贖主顧外所餘無幾鄉人焉能沾惠所以號哭盈衢況米鋪既領義穀縱有私米不敢當街發賣別鋪未領義穀者又以米價貴賤懸殊人衆難給各閉門避害鄉人求義米不得卽微增價糶私而有錢無市大都空手涕泣而歸此皆僕所親見親聞者也猶記爾時黃蘄山明府審示諄云邑中有倉厥名曰義情謀不臧糶形竭蹶倉則云開市已早閉鄉人之災確夫之利乞糶徒勞怨聲如沸願有心人杜後來學說言也夫義倉之開本以益民閉市則亂之漸益之反以害之何異火熾於原救以一

杯又從而沃之以膏乎何異左手予之食右手紛而奪之又加之鞭扑乎辛卯歲饑復糶得足下一言價與市價略同別鋪未領義穀者斗米比議價增二三文尙不至於閉市然鄉人之不得義米怨聲如沸猶乎乙酉之歲也嘗讀易曰君子以裒多益寡稱物平施郭青螺釋曰凡物情多者當裒裒者損也寡者當益益者增也正以稱物情令不多不寡以平其施耳夫物有多寡尙宜增損况一有一無而可不平其施耶周禮大司法施十有二教八曰以誓教恤則民不怠註曰誓以愛樂相同彼此共之則民知恤人卽所以利己而不怠矣若城中得米而鄉人不得相恤之謂何道人掌鄉里之委積以恤民之羸隤是鄉里有委積矣旅師掌聚野之鉏粟屋粟間粟而用之王氏應電曰隨道里之遠近而蓄聚於田里因以濟民是郊野有積粟矣今合邑義倉而穀止聚於城中恐非古人救人意也宋董煟救荒法云常平撥糶其弊在於不能徧及宜倣富弼青州監散之法將米就鄉村分置又曰義倉必散貯於鄉里郊野之間則所及者均胡寅曰振饑莫要於近其人隋義倉置於當社饑民有濟後世置於州郡其受惠者大抵城郭之近力能自達之人耳居之遠者安能扶老攜幼就齋舍之廬哉元祐間上官均疏以爲義倉貯積在近民居結輿中劉從簡奏請義倉之粟當於本縣鄉村多置倉窖則今之義倉宜城鄉分貯穀也明矣又讀知信州趙汝愚疏曰臣見州縣振糶去處止及城郭不及鄉村鄉村之人近者數里遠者一二十里奔走告糶則已居後於是老稚愁歎輕棄其生其強有力者又不屑坐受其斃寇攘擄無所不至以陷於非辜城郭之人率不至此臣嘗謂城郭之患輕而易見鄉村之患重而難知然而求所以施行之策則亦不過逐鄉逐廩則鄉里有所恃雖遇歉歲姦宄之心無自而生此數君子者皆通達治體周知民生之利病無一毫

偏私意見存於中遇所言先後同符確鑿可據不惟爲鄉村之人請命并爲城郭之民除害真能推廣德意軫恤艱危而有益於民者也抑嘗考崇仁倉儲之略矣社會分十三處如九都沙港十二都楊家橋十三都元家橋之類是也舊社會分九所如一都臨汝門二都砦上之類是也明洪武初會建鎮倉四處東倉在郭城西倉在坐陂南倉在朱陂北倉在孫坊各都又嘗設便倉八都十九都四十四都會設李家渡三十二都三十三都五十四都會設歸龍院三十一都會設白鴛渡四十九都五十五都會設孫坊今雖倉穀全空基址無據然各都之地名仍舊各地之可否建倉審其形勢而知又足以驗鄉村之必宜建倉自夙昔而已然第昔之建倉太多多則難於管理崇仁疆域分三耆六鄉不如因其地之廣狹建倉九處爲善義倉舊糶穀錢現存典舖生息二萬貫九分之每處可得錢二千二百貫零照常年穀價每石一千計算每處可得穀二千二百石有零此時領錢買穀可免運穀之費其建倉宜於各城鄉人煙稠密地勢高燥道里適中處工料祇要樸實堅固用度約需錢五百千或勸本處人公捐或一人獨建聽其自便每處公舉本處家道殷實素有德行二人爲倉首治事公平二人爲倉正諳熟書算二人爲倉副如倉務繁雜大人不能理許值事人舉三人襄之六人中或有家事羈身者許舉人以代以上各件俱宜呈明官長其舊定章程有所謂戒挪移免物議復倉買穀照時價過斤秤糶以夏至前後三日爲期倉局飯食雜耗約以至儉更胥不得索取分文諸條皆宜遵行但米價宜隨時價每斗少糶三文不可過減敢奸販轉賣之弊九倉亦宜畫一如此庶城鄉均受其惠可以垂之永久不至怨聲如沸矣嗟乎饑食者之謀鄙何當於千慮之一顧患貴先防籌需素定寧慮未來而早爲之所則意思整暇易於擘畫及事變既至而

始爲之圖則手足完迫難以支分謹就平日耳目之所聞見考之於經參之古賢先哲之言質之本邑已行之舊俗私以商之足下其能推廣德意軫恤艱危有益於民與否僕老矣烏足以知之特以足下忠信明決素孚於衆雖不親其事者有年然試出以語首事諸君或亦曲突徙薪之一助也勸約堂文集

又扶持保義倉約孔子曰凡事豫則立蓋天下之事豫爲之雖平庸無奇自有神明莫測之用急猝爲之雖古人已見之效亦竭蹶而難行而於救荒爲尤甚古之行疏政言荒策者不一其權多操於上非下所得爲若在下所得爲不可不豫爲者則義倉是也長安鄉扶持保共五村居民不及三百家乙酉辛卯壬辰三歲饑饉予曾平價糶穀以爲五村保米五村賴以無虞然一人爲之不若衆人爲之一人之有不可恃衆人之善則可久而衆人爲於臨時又不若爲之於先時以爲之於臨時苦於貧窶而無措爲之於先時則隨事撙節可以留餘也予考昔人成法參以人情土俗錄爲規條并捐穀錢若干以爲諸君倡望諸君因此年穀順成隨資隨富力行節儉積二三年錢穀以成此舉庶遇荒歉之歲不致忍饑積至五年十年後則倉有儲糧同保各家永享豐亨之慶矣

一裕倉本 同保約三百家必積穀六百石錢六十千上戶捐穀以數十石計下戶以數桶計錢以幾千幾百計先於簿上書捐數分三限全交錢必大穀必乾必淨首事收錢穀後卽登總簿錢隨時出借息周年二分穀遇春間有缺食者亦准出借秋收後加息二分納還或還而漏滲不堪者不收著其另換仍計冊罰以後不准再借十年以後數本既足取息一分十五年以後息穀有餘撥還各家所捐穀本數年終積者十五年後整收之貧人可抵正務之需富戶足爲高深之助亦古人積金會之意也

一建倉屋 倉以防盜避火爲要須於附近村莊高敞處所建立但一時難以猝辦現在做祠有倉可以借用或借庫上倉廩或買保中空房改建且本保共奉福神急需建廟將來卽於廟內建倉尤一舉而兩得也

一擇倉正 任事之人最爲難得貧者拮据口食而不暇爲富者經營家計而不肯爲且喜事者未必堪充堪充者未必喜事雖然義倉之設爲貧計亦爲富計也蓋義倉既立可免饑餓可杜搶奪利莫大焉今特舉家道殷實明敏忠信二人爲倉正以總其成年力強壯辦事敏慎四人爲倉副同司其事倉正必二人者或一人有事可以替換或倉務繁難必須多人經理許正副諸君公請人幫之務期并心協力斟酌盡善勿執拗以啟爭端勿偏私以徇情面則倉事可大而可久矣

一編戶口 五保人戶無不周知然必須全登冊籍某保共煙幾戶某戶共人幾口一一於冊上註明日後戶有遷移口有增添須於次年正月十六日本戶報倉註冊添男丁者下戶出喜穀五斗中上戶遞相加倍外村移來者下戶出喜穀一桶中上戶勸其從厚捐輸不願入者不强惟冊上無名將來不准糴借倉穀外來聞人蹤跡可疑不准容留執役傭工住屋多年者許糴不許借

一勸捐輸 現在各戶捐穀不多須日有所增庶積小可以高大今議保中人戶或子爲父母慶壽隨力隨意入穀義倉求嗣許愿者卽於福神前拜禱許穀若干粘單於壁倘得生子卽如數入穀於倉有病祈求者亦如之收穀後俱於簿上書某戶捐穀數目或有鬪毆爭辦事可調處者理虧之人情愿助穀免其究理并與以義捐美名未始非隨緣鼓舞之一法也

一製倉桶 鄉規每石四桶每桶十斗每斗三升倉中宜製較正木桶二個竹升二個口面俱嵌鐵箍四旁大書義倉二字穀米出入盡一倉副執槩平量不得少有參差或粳米出糶計口分給每日大口米一升小口減半可也已過十五元巨者爲大口未過十五元巨者爲小口男女同

一定倉期 朱子社倉之穀夏間貸與人戶冬間納還願貸者出息二分逐年依此斂散今宜倣而行之其出借分兩期一於清明前三日一於夏至前三日收還亦分兩期一於立秋後五日一於立冬後五日以一百二十日爲滿限三日全清過期者罰日後不准再借如交穀濕惡者罰同過豐年無人願借或於夏至前後與同事人妥議將穀出糶一半或三分之二斷斷不可全糶所糶之錢存貯倉正家立秋時卽速買補或價昂難買卽將錢出借如存錢過二月仍照出借之例算息以杜侵挪若穀可久留不如不糶爲愈大荒則宜借糶並行以一斗一升借太零星故也萬一人戶十分貧苦及鰥寡孤獨既不能借又無錢糶則宜臨時同衆酌議賑濟然非大荒之年不可

一除倉蠹 義倉所以救饑迺積之數年而壞之一旦非蠹之爲害乎蠹者何借而不還者也金華義倉約無居止有藝人不借清江義倉約素號游手及雖業農而懶惰頑慢者不借古人之慎於出借如此蓋恐其失穀本耳然而人情難言矣我以彼爲無居止彼借住人屋而以爲有居止也我以彼爲有藝彼以爲藝不足供家也我以彼爲游手懶惰彼以爲終日勤勞而管倉人刻薄無情也欺飾百端口衆我寡且遷徙盛衰人所常有能保借者之一一皆還耶今有制蠹之法借穀者必先納衣物山田塘屋照估賣立約衣裳銅錫等項照典鋪以十抵六同本人就簿開寫件數所立文約封存封面寫某人文約一紙衣裳

等件繩網吊票存倉凡所質物祇憑流水簿不給執照收穀時本利不欠方准發還原質如少欠留質勒補多欠卽以所質物發賣借錢者同借穀以一百二十日爲滿限借穀者不過五石借錢者不過十千此爲久遠之計不容不慎

一定穀價 倉穀以備匱乏非以販貧窮減價太多縱博忠厚之名實滋囤販之弊不如照糶時市價米每斗減價三文穀每石減價六十文俱一色制錢借穀受當照此核算開倉後市價或昂倉價仍舊不得增長

一酌倉用 倉中逐年紙張及修整屋宇倉正副及動用看守人等食用工價並祭祀香燭儀饌諸公同訂爲定式於簿上載明某事準用錢若干一切浮費概從節省使經久可行

一立倉簿 每保各置捐錢穀簿一本戶口冊一本各保管事人收存倉內公置收捐錢穀簿二本戶口總冊二本用錢穀簿二本規條器用各件簿二本典當文約流水簿二本其簿俱用鉛縫圖章其一倉正掌之其一倉副輪流以杜曖昧不明及防水火意外之事其逐年糶借用度各帳俱於每年冬至後一日倉正著看倉者知會共事諸人倉內預備茶飯用四盤兩碗酒二盞公同開具舊管新收開除實在四柱清數驗明存倉錢穀各物核算登總將各簿收貯二小箱仍一存倉正一存倉副或有遺漏錯誤彼此互相稽查切莫瞻徇情面致滋弊混

一嚴典守 義倉既設則典守宜嚴倉正副於收穀後封倉每月驗過一次穀以救饑不許顆粒挪移別用倉厥宜雇人看管恐有狗盜鼠竊或倉在福神廟內則以廟子主之倉內各器具不得毀壞及借出他

用如有損失著倉人賠補

以上十二條皆準情酌理杜漸防微但有治人無治法望倉正倉副諸君矢公矢慎善始善終合五保爲一家藹然有兄弟之親任恤之誼行之既久神明佑助福祿駢臻吾可爲諸君預祝矣勳約堂文集

嘉慶六年議准各省社義二倉糧石俱係民間捐貯以備借放今社倉既已奉旨歸民經理所有義倉應照社倉之案一律辦理會典事例

又議准義倉穀石非本地農民概不准借其已借常平社穀者不准再借直隸收成八九分者加一收息收成六七分者免息每石只收耗穀三升收成五分以下緩至次年秋後還倉凡原借雜糧按糧價易穀交還應加息者照穀數加息河南山西廣西每石收息一斗歉年只收本穀免其收息湖北江西出借不收息會典事例

二十二年諭內閣常明奏捐建義倉義學辦有成局一摺義倉積穀與常平社倉相輔而行使民間緩急有備義學卽家塾黨庠遺意常明飭屬勸諭捐輸穀石酌定義倉章程通省已辦有成局洵於民生有裨惟義倉出自民捐應聽民間自司出納不可令官吏主持致啟侵挪之弊轉滋訟端至義學導民爲善不在廣堂教授十室之邑必有忠信宜於一鄉一里分設延師使童子粗識之知卽能誦習聖諭廣訓並通曉經書大義庶幾變化氣質薰德善良教養爲治世之大端惟在行之以實要之以久阜民訓俗之效自可馴致也 聖訓

二十四年上諭內閣蔣攸銛奏請勸義倉租息幫貼堰工修費一摺川省地土沃饒歲可三熟水旱之災本少恒倉儲以備不虞總應常歸實貯並以時出陳易新毋令紅朽腐壞致有缺額此項成都府屬十四州縣義倉

本係民捐該糧戶因都江堰工分漑本境田畝修防完善即可無慮災荒請將租穀變價以補堰工不敷經費事屬兩益著照所請准其自二十三年為始將成都等十四州縣義田租穀歸入歲修堰工項下動用將每年穀價及幫修堰費由藩司及鹽茶道衙門確估造銷如有餘贖仍存為備荒之用以垂永久 聖訓

道光三年安徽巡撫陶澍奏伏惟民以食為本事須豫則立前年皖江被水哀鴻遍野仰蒙 恩旨賑撫兼施並經臣勸輸有力之家捐輸助賑流離數十萬獲就安全事後猶深憫惻因思博施濟眾自古為難徹土綢繆宜先陰雨常平之制善矣然待惠者無窮至社倉春借秋還初意未始不美而歷久弊生官民俱累變而通之惟有於州縣中每鄉每村各設一倉秋收後聽民間量力捐輸積存倉內遇歲歉則以本境所積之穀卽散給本境之人一切出納聽民間自擇殷實老成管理不經官吏之手以冀圖匱於豐積少成多眾擎易舉所以圖便民也各保各境人心易齊耳目亦周所以免牽掣也擇人經營立冊交代所以防侵蝕也紳民自理不經官員吏役之手所以杜騷擾也不減糶不出易不借貸專意存貯以備歉時所以斷糾纏而弭爭端也凶年不妨悉用樂歲仍可捐輸以一鄉濟一鄉之眾故不患其不均以數歲救一歲之荒故不虞其不給可小可大無窮匱也取錙銖於狼戾之時求水火於至足之地捐穀者不以爲難司事者不以爲累行所無事不求其利而弊自除預防其弊而利乃久臣爲此章程籌思經歲簡易直截似可爲備荒之一助如果各州縣能實心實力勸導有成是亦不費之惠惟所議章程與社倉之法有異本以豐歲之有餘備荒年之不足可否卽以豐備二字仰懇 天恩賜爲倉名俾垂永久謹將所議章程十二條敬爲我 皇上陳之一鄉村無論百餘家十數家總以里居聯絡者公設一倉每年秋收後各量力之盈絀捐穀存倉出者毋吝

勸者毋勒或數十石或十數石多則一二百石少即數石數斗數升均無不可收穀時公同立簿登記擇一老成殷實人總管再擇一二人逐年遞管仍設立四柱交冊分別管新收開除實在明晰登載且相稽查連年豐稔日積日多則穀不可勝食矣

一鄉村零戶有難於連絡者或每族各爲一倉或一族中每房各爲一倉或以散戶歸入附近鄰保共爲一倉均聽民便總在隨地制宜多多益善果能一處行之有效久而他處自仿照行之矣

一設倉宜擇善地不宜近水不宜近市以防不虞建議之初倉廩未立或神廟或公祠或老成殷實之家倉屋有餘者均可借儲但須本人情願不得強借一俟穀石稍充即可另自貯倉

一倉穀由於樂捐間或有漏有耗不能拘泥畫一應於收倉時先爲晒乾車淨公同登記耗蝕若干或收貯年久又須公同出晒一次覆量上倉再逐一登記實數以便查考

一設倉本係義舉司事之人不容稍有侵蝕亦不許藉端開銷惟所雇守倉之人不能不給予工食責令巡查遇有風摧雨漏倉板損破之處立即告知經管之人及時修理其鎖鑰等項不得交守人佩帶

一捐穀既有成數即赴地方官呈明立案以免匪徒阻撓擾亂章程以後捐多捐少收放出入官吏概不與聞即里長甲長亦無許越俎倘有吏役託名稽查藉端需索查出照詐贓例從重懲治

一積穀既饒止須添建倉廩不必推陳出新以求滋長亦不必春借秋還以權利息戰爭杜紛此爲最要惟餘穀帶田收租尙可並行不悖然必積穀實在充裕有餘以少半留田乃可否則不必蓋此穀原爲備荒而設至捷至便推陳出入易滋糜混借出難償漸歸烏有置買產業雖屬經久之計然不能救濟目前亦非急

務也

一每遇災荒總管分管外添擇公正司事計穀之多寡先儘本村中鰥寡孤獨無告之人次及極貧又次及中貧或五日一散或十日一散事竣憑眾確算至家計稍可支持者不必分給卽小歉之年亦不必動用以歸齊濟

一捐穀之家此穀既捐卽係公物遇有災歉不得以從前甲多乙少致啟爭端或先在此村捐穀之家其後移居他處遇此村散放不得以曾經捐穀回向轉索新來之戶從前雖未捐穀遇有散放亦應酌給不得獨任向隅蓋各保各境以鄉村爲斷雖救卹無分彼此而穀少人多亦不得不稍爲限制其各族各房積穀者則不必以鄉村爲斷

一年豐和時勸捐較易果能積有三年五年之蓄又不妨略爲變通邀同衿耆劃分若干於鄉間添設卹糶育嬰等會或於冬間就村莊中鰥寡孤獨與外來無告窮民量爲賑濟亦所以廣任卹也

一鄉村紳士克知大義者多自必首捐爲倡如有能捐穀千石者或捐銀千兩以上買穀歸倉者或捐置基產倉廩及斗斛諸器物用銀千兩以上者均當照例請旌以資鼓勵倘慮書吏索費卽逕赴院司衙門呈明捐數以便行查確實立予請旌斷不令善舉稍有阻格

一勸捐之外尙有因事樂施一節如民間演戲酬神及嫁娶喜期慶祝生日儘可將糜費折穀捐入義倉擴而充之不特安貧卽以保富將型仁講讓之風亦由此而興起矣印心石屋文集

五年諭陶澍奏勸設義倉章程一摺國家養民之道足食爲先而裕民之原積貯尤重前年安徽偶遇荒歉賑

撫兼施該撫請設立義倉爲未雨綢繆之計所議章程如州縣中每鄉村公設一倉秋後聽民捐輸歲歉酌量散給出納悉由民間經手不假官吏防侵蝕以禁騷擾矜貧寡而杜爭端各條著卽移交新任巡撫照議妥爲經理仍督飭各州縣實心實力勸導有成總期經久無弊不必另立倉名東華續錄

張海珊積穀會議吾里瀕太湖自前明來時患水警而其地土著多人浮於田計一家所耕田不能五畝以是仰貿易工作爲生與夫游手之徒且十室而九向藉楚蜀和米接濟青黃不幸天災流行客米閉遏則吾鄉先受其害緬維積貯之政自古所重國家於常平義社諸法申飭舉行幾徧郡國官司攷成殿最每以是爲憑歲久法弛有採買之弊有那借之弊有積散抑配之弊有出納侵蝕之弊無治法有治人諒哉言矣夫官爲之計固不如民自爲計之爲得考明嘉靖中令土人每二三十家爲立會設立義倉而高念平先生亦有勸募義穀之舉今吾鄉雖累經荒歉室家空匱不能爲出格度外事然苟用此意行之持之以需行之以積漸亦何事不可成夫天下之事莫不有端方其端緒初見成與否皆未可預定而定乎人之心與力之所至朱子社倉之設自言數年之間左提右挈上說下教爲鄉里立無窮之利然則數年之始固亦岌岌乎未可成而卒成之以貽爲千古之良法美意而吾里今日之舉亦猶是也惟吾同人其各矢實心勸力相與有成勿阻浮議勿存意見幸而有成鄉里無窮之福子孫數世之計于是乎在謹

議小安樂寫文集

咸豐元年諭內閣陸建瀛奏勸捐鄉穀以儲民食等語江蘇省頻遭水患閭閻拮据經該督飭屬勸捐鄉穀兩月以來據上元縣鄉捐穀三萬二千石江甯縣鄉捐穀二萬七千石已屬辦有成效著該督卽飭各屬按照所

定章程廣爲勸導實力奉行毋得日久生懈議倉之設係由民間公正紳耆自收自放不涉官吏之手無抑勒
便蝕等弊最爲善政朕軫念民艱時繁懷抱封疆大吏均有父母斯民之責果能預籌本計圖廣於豐使官民
之心上下相信則賑恤義舉吾民自必樂從較之歉歲始議捐輸更有裨益著各省督撫各就地方情形詳細
體察妥爲辦理用副朕意 聖訓

監察御史肇麟奏竊前據兩江督臣陸建瀛奏請勸捐鄉穀一摺奉 旨允准通行在案此誠未雨綢繆利
國利民之實政也現今豐工未合災民嗷嗷待哺 特旨折留南漕 欽命大臣查辦 皇仁浩蕩感佩難
名夫國家之事與其籌之於臨時不若籌之於未事積穀其一端也此事奉 旨在上年九月徐州已被水
災無從辦理而各州縣果實力奉行以該督所奏上元等縣推之卽江蘇一省已當得數百萬石設遇災年
卽以民之所自積者仍出而散之於民貧者既得其實惠富者亦保其身家雖災不災亦何敢上煩 聖慮
乃風聞外間頗有私改積穀爲積錢者此臣以爲大不便也義倉之法所謂便於民者豐年聚之凶年散之
或數鄉公積或各鄉各積出者既不傷財勸者亦易爲力若改爲積錢無論穀價不一或貴或賤隨時消長
既不畫一而不肖州縣往往借以填虧空充私窠或挖肉於紳士暫時取之乃久假而不歸或勒取於細民
怨嗟隨之亦罔然而不顧州縣安享其利百姓卽坐受其害一縣所捐盈千累萬通報藩司其勢斷不能再
行請帑而所捐之錢已入於官窠不能復出小民輾轉溝壑之日正有司若無聞見之時各年放賑所以動
輒滋事也或以爲穀易霉變不知春耕未熟之時可以出陳並可平減市價秋收蓋藏之日可以易新並無
短傷折耗此穀不慮其霉變也或以爲錢收於紳士非收於官不知官與民遠與紳近每有公事官紳時時

聚議其情殷桑梓毅然不可犯者不敢干以私矣萬一有不肖之紳士與不肖之州縣臭味相合表裏爲奸官以紳爲黨援紳藉官爲影射其弊尙可勝言哉且本地無收不得不取之於外來之米商賈居奇米珠薪桂常有之事卽今山東江蘇雖發賑銀數十萬而饑不可食仍以易米田廬既沒蓄積一空外間商人之所販運者關津之重疊水陸之經費其價可以懸想平時銷之至貴不過于錢災時買之至賤亦加數倍誠未知其利之所在也況捐穀則有定制田畝可稽捐錢則無成規弊端競起大儒如朱子亦未聞倡捐錢之議豈古人之智出今人下哉古人爲民今人爲己大類如此斯事雖細然奉行不倦民氣充盈可以救荒災可以禦盜賊爲益無窮難以枚舉應請 旨飭下各直省督撫嚴飭州縣各官確遵撥畝起捐之例無許以錢易穀庶於 國計民生兩有神益臣愚昧之見是否有當伏乞 皇上聖鑒訓示 邱鈔

二年諭內閣御史舉麟奏請實行積穀以除弊混一摺上年陸建瀛奏勸捐鄉穀上元江甯二縣各捐穀二三萬餘石辦理已有成效當經降旨令該督轉飭各屬按照章程廣爲勸導並著各省督撫一體妥辦原以義倉之設最爲便民善政封疆大吏果能飭屬實力奉行固置於豐自能有備無患現在江蘇省續捐鄉穀共有若干及直省如何舉行均未據詳細奏聞著再行申諭各督撫體察地方情形年歲豐歉飭屬勸諭紳民妥爲籌辦據實具奏 聖訓

同治六年諭內閣給事中夏獻馨奏請設立義倉以裕民食一摺民生本計足食爲先歲之豐歉無常惟在平時預爲籌備遇有偏災方足以資接濟向來各直省州縣設立常平倉以外復設義倉原以廣積儲而備災荒立法本爲至善自軍興以來地方被賊擾害舊有義倉每多廢棄而應及早興復以備不虞著各省督撫卽

備所屬地方官申明舊制酌議章程勸令紳民量力捐穀於各鄉村廣設義倉並擇公正紳耆妥爲經理不准
吏胥干預該督撫等務當實力奉行不得視為具文將此通諭知之 聖訓

蔣彤與王樵白論義倉書樵白尊兄左右彤學質鄙陋向荷尊親知待開誘諄切故敢忘其狂謬貢所欲
言冀獲宏益而書來乃備極獎借且述尊親之言以爲所稱兌運之法明時曾一行之乃窮極思變之至
計他日得所藉手必有裨於 國計民生者反覆至此不覺慚懼無所是何期望之厚眷契之隆以一鄙
生而待以國士其感激愧厲當更何如也又聞前明漕運得失論課學中弟子益仰虛懷採納矚爲 國
計民生之至意而左右書來云彤於時世利弊籌之最久尤必有言之最詳且切者諭導至此故不敢自
外而終盡其所言也彤嘗讀方公觀承畿輔義倉圖嘆其規畫之宏條章之備以振發乏以濟凶荒準之
可行於四海約之卽一鄉一邑而其法固大有造於民也卽以陽湖言之亦岌岌矣比年屢豐而民益愁
嘆朝夕莫支貧富交困適有大水大旱則何以濟仰賑於 朝廷而戶部用繁其勢必不給勸分於富室
而積貯空虛任恤道喪一耕十食其勢又必不周江北州縣被災則舟渡窮民南來而南人多設法賑救
江南被災則去將安之乎竊慮有大水旱將必有攘奪之亂譬有石米於此善爲之可給百人一日之食
從而攘奪之則力罄而無所濟矣以是知立法周防之不可緩也彤請斛度畿輔義倉之法鄉邑可行之
道以備採擇焉義倉之法擇地建倉每州縣衙內自三四區至十餘區然其莊落遠者至三四十里近者
亦十餘里今請以一圖之城爲限周徑不越數里遠亦距十餘里而止擇村聚市集之周固而無虞者若
寺觀及民家俾積貯防守則有攜取之便而無營建之勞矣義倉捐穀凡搢紳士庶捐十石三十石以至

累百石並加獎異今惟當豐秋之歲畝取三升雖在下戶亦無損害若在三斗畝以上則量力出穀無所
限額具有樂施在十石以上者並遵義倉例加獎異惟在水鄉田膏腴而賦特輕準漕七升加畝三升之
數宜定畝一斗何者賦輕則雖多取而不爲慮地下則宜廣貯而爲之防道各有宜也前邑中每鄉有社
倉已盡銷滅然主名俱在一過荒歲輒用譁然雖害於一家而無濟於衆庶今請取有社倉之家列注名
冊量其產業厚薄以定出穀之數或田十畝則捐三畝於公而爲豁免其舊額則名實兩得是亦補助充
用之一道也義倉每穀數五百石以內者設倉正倉副等名今限於園地狹穀少惟取園中端謹殷實四
人掌其出入或分年遞值以均勞逸具名縣中有缺乏則治罪補足而護視自謹矣義倉於每年青黃未
接間分半出貸三月發倉秋收納還今請定法有收而無貸不遇饑歲終不給發陳因朽腐則易取新穀
備費取出惠主者藉以刻剝愚農貧者遂至腐蝕公物百弊叢生勢必至爲今之社會而止不可行也又
案方公之書直隸省共一百四十四州縣報捐新舊義穀共二十八萬五千有奇分計每縣貯倉穀不過
二千今陽湖通有田百萬畝畝三升歲可得穀三萬石其設法出捐者尙溢此限計三年可得數十萬石
雖戶口繁於直隸而所積亦優矣是法也富者爲保家之謀貧者爲切身之用尤東南備水旱上策而百
姓難與慮始可與樂成尊親以闕廊之鉅抱行惠利之實政親降鄉閭召集耆老開諭俊秀其有不踴躍
以應者非人情也且百姓同日若遇凶災勢必不解不謀同聲其有憫心久矣乘其懼而爲之安集則其
情易動其費易出又理勢然也左右趨庭時亟進圖之豈非東南百世利乎今歲收未豐百務維艱往作
蔡淫禱議一首爲感時事而發謹呈是政錢幣獨言集此者爲洞庭王堯生彤曾與書往復彼以鈔法爲

必可行形意殊不然人情日益愼意執樂是紛更且孰肯以家寶易官虛楮耶三代用貝龜而秦廢不行者勢所必至也厥真惟金三品不列貝龜聖人真通達物情以無用爲用者權也鈔法其猶是矣五六年

右雜倉

一兩淮各場江西九江關湖北漢口鎮鹽義倉米穀每年遇青黃不接時視市價貴賤酌定平糶浙江省係發場借糶收鹽抵款

一兩淮浙江鹽義倉米穀遇歉歲應需賑濟者一面題請一面卽於倉儲內照數撥運動項買補還倉造册報銷事竣於本省地丁鹽課銀內一兩淮動支鹽課項下減半餘平銀兩浙江温州府屬動支地丁銀兩撥歸

原款

一江西九江關湖北漢口鎮鹽義倉每年平糶米穀秋後價平買補還倉浙江省平糶出借米穀係發場糶借收鹽抵款秋後令鹽商赴鹽道庫領銀採買還倉兩淮各場平糶出借穀石秋後價平令鹽商赴運庫領銀買補還倉凡糶價贏餘銀兩卽以增買米穀事竣均造册報銷以上均則例

雍正四年戶部等衙門議奏兩淮商人建倉買穀備賑奉 上諭此係商人急公銀兩卽於本地買貯米穀備用商人等自然盡心管理不致虧缺倘將來有不得已虧缺之處朕必察情寬宥雍正內閣 上諭

從巡鹽御史鳴爾泰請以兩淮商捐銀二十四萬兩并繳公務銀八萬兩建鹽義倉交商人經理通典五年又令兩淮近鹽之地建倉積穀煎鹽龍戶皆居住濱海之地離城最遠每遇歉收之歲覓倉維艱若遠赴

鹽義倉運致米石重勞往返奉 諭旨酌立數倉於近竈之地積貯米穀以備貧苦竈戶一時緩急之用通考
八年准准商領運湖南倉穀仍令商人卽於湖南需米處購賣先是六年湖南布政使趙城言湖南現貯倉穀
六十餘萬石之多又有收捐穀石本省可云有備但地勢卑濕請分撥別省令來楚運往以免霉變下戶部議
嗣議應行文江浙督撫令其詳酌如有應需穀石之處卽委員轉運得 旨俞允兩淮巡鹽御史噶爾泰言據
兩淮商人黃光德等具呈情愿出資將湖南積穀三十餘萬石照依原買之價交納湖南藩庫領運隨地隨時
售賣仍將所售價銀交納運庫從之至是湖南總督邁柱言今年湖南岳常二府徵欠兩澤正在動用公項銀
一萬兩買米備糶而貯倉之現穀與其照原價以給商不若留俟來年春夏照原價平糶以濟本地之民似應
飭商暫停領賣俟明年無需用之處仍聽該商領運奉 諭旨向因湖南撫藩皆言地方積穀甚多難以久貯
奏請分撥別省以免霉變是以兩淮商人有赴楚領運效力急公之請今商人既已交價而邁柱又稱楚南需
米請飭商暫停領賣是湖廣督撫藩司前後自相矛盾也湖南現貯穀六十餘萬石之多欲分撥別省以免霉
變則本省府縣有需米之處正可將此奏開平糶以濟民食而邁柱乃云正在動用公項銀一萬兩買米備糶
是邁柱之奏又自相矛盾也且邁柱又稱此時飭商停運俟楚省不需米穀之時仍聽該商領運是米貴之時
則令商人停運而米賤之時則令商人領賣亦甚非情理之平查從前噶爾泰代衆商具奏原有隨時隨地售
賣之語今江浙俱獲豐收米價甚賤湖南既有需米之州縣著該商仍照前議領米卽於湖南需米之處隨時
價糶賣不許地方官抑勒商人亦不許商人高擡價值倘商人獲有餘利聽其自取不許交官如此則准商領
米得以貿易而楚省積穀仍得流通於商民均有裨益通考

又令東省鹽課交附近倉厥存貯東省十場二縣存貯鹽穀八千三百石零舊無倉厥收貯又從無動用之處
至是議令歸併附近倉厥存貯其有相陽州縣稍遠者於明春青黃不接時減價贖賣所賣銀兩俟秋成後照
數賣交附近州縣倉厥收貯遇有應行賑恤之處同民戶一體賑恤通著

乾隆七年議准山東行銷票鹽地方共十有三萬七千五百有七票分上中下三等照票輸穀章邱濟陽萊蕪
淄川新泰德平鄒平商河臨邑惠民十縣列爲上等每票輸穀二石共穀八萬九千八百五十八石陵濰濟東
陽信長山博山樂陵青城臨淄蒙陰臨朐益都高苑沂水費縣十四縣列爲中等每票輸穀一石五斗共穀七
萬六百二十六石莒州新城博興濱州蘭山海豐樂安蒲臺日照濰化利津壽光昌樂濰縣鄒城十五州縣列
爲下等每票輸穀一石共穀四萬五千四百九十四石通計輸穀二十萬五千九百七十八石分限二年交倉
儲遇本處歉收仍准展限於下年買足給發章邱等三十九州縣每年照社倉例於春夏之交查明實在乏食
窮民借給照例加一收息應建倉厥令該商出資在於城內及鉅鄉大鎮構造每處立社長社副各一名二千
石以上設斗級一名四千石以下斗級二名六千石以下三名八千石以下四名萬石以下五名萬二千石以
下六名萬四千石以下七名社長社副每年各撥給息穀二十四石斗級每年各十二石以資養贖出借收領
實成地方官稽察會典事例

右鹽義倉

直省提鎮駐劄之地及凡屬沿邊沿海與離省遙遠者皆設倉貯穀以備軍士借糶委營弁經理會典事例
康熙三十年諭江寧京口等處官兵駐防之地著將糟米各截留十萬石建貯倉厥以備積貯會典事例

四十年題准楚省漕糧二十萬九千餘石儘數截留存於江南汀甯省倉以六萬四千石充給兵餉將採買兵米價值照數扣留以四萬五千石分撥淮安等處平糶以濟民食俟秋成後將糶賣米價並兵米扣留價值照數買補還倉其餘存剩之米如不動用仍俟下年循例給兵發糶會典事例

雍正四年令廣東各營建倉貯穀議定廣東邊海之南澳鎮右營澄海二門達濠等營貯穀五千二百石潮州鎮標三營惠來平海大鵬等營貯穀六千二百石提標五營貯穀五千石營標井水師六營肇慶城守營共貯穀七千石計每兵一名存穀一石以備借貸秋收免息徵還通考

八年定廣東潮州城守三營貯穀三千石之制通典

九年題准廣東瓊州鎮瓊協龍門協虎門協香山協廣海寨共穀萬六百石分貯各協營其買穀價銀並建倉銀在於鹽政節省銀內動支會典事例

十一年又設四川潘州等營倉並定貯米之數四川潘州達建寺二處新設官兵議於潘州協標貯米三千石達建寺營貯米五百石交營員收管以資兵丁借支平糶之用又議令新設苗疆河西七兒堡建造倉廩貯米二千石交與該同知會同營員收管十二年令福建廈門買貯穀石福建水師提督王郡言廈門一島地少人多兵民食米應爲籌畫查提督衙門有營房魚池等租銀每年可得五百餘兩請買貯穀石從之通考

又題准四川新設苗疆西河七兒堡建造倉廩貯米二千石交與該同知會同營員收貯會典事例

乾隆元年禁糶買派累之弊增設河標四營通志

又增設廣東左翼鎮標營倉先是請准總督孔毓珣奏請於廣東邊海營分擇其最緊要者設立營倉買穀存

貯嗣又從總督郝玉麟請增置營倉五處至是總兵黃錫申言廣東左翼鎮逼近湯海亦屬人稠穀少之區若穀價稍昂兵丁難於買食應照各營設立營倉以濟不給請動鎮標現存公糧銀一千一百餘兩買穀三千石設倉存貯於青黃不接時勻借兵丁秋收買補其應設倉厥卽查營中空閑房屋改造從之通考

二年奏准湖南辰州府屬永綏協營兵糧不敷眷屬之資請於司庫三分公項內動銀二千兩令同城駐防永綏同知赴產米州縣採買運貯高巖倉交營員收貯遇有缺食兵丁酌量接濟所需米值腳價在於該兵應領季餉內扣存彙交同知買運循環供給會典事例

三年又設立浙江福建四川各屬營倉浙江温州鎮所轄樂清等九營於公糧銀內動支買穀分貯以濟兵食每兵一名備穀二石共買穀萬三千三十八石令都司各官盤收監管遇青黃不接每月借穀六斗分作六月扣存共建倉二十三間每間貯穀六百石又温州鎮標三營及城守營建倉十間共貯穀五千九百二十八石福建海壇金門澎湖閩安烽火銅山大鎮協營共買穀二萬石分貯遇青黃不接酌借兵丁免其加息秋收散餉扣除買補共建倉四十三間四川成都駐防兵米向例俱係折色每遇價昂艱於採買亦令將司庫現存生息餘剩銀飭發附近州縣及時採買遇青黃不接支給各兵在餉銀內扣還如有浮冒剋扣者劾之通考

四年題准四川成都駐防兵米均係折色每遇價昂艱於採買將司庫現存生息餘剩銀飭發附近州縣及時採買遇青黃不接支給各兵在餉銀內分三月扣還如有浮冒剋扣者題參其應需倉厥卽在協領佐領空房二所存貯如有滲漏該地方官估修會典事例

又題准福建海壇金門澎湖閩安烽火銅山等各鎮協營共買穀二萬石存貯各鎮協營遇青黃不接酌借兵

丁魏其加息秋後散餉扣除買補共建倉四十三間所需工料著於正項銀內動支

五年准河營設立倉廩先是元年准於河標四營建設營倉以資兵丁接濟至是河東河道總督白鍾山言黃河南北兩岸河兵堡夫終年力作晝夜在工較之標營兵丁尤為勞苦兩向來未經設有倉儲當糧少價昂之時不免稱貸負糶上年地方偶被歉收兵夫更覺拮据臣再四熟籌必得如標營一例設倉積貯庶可通融接濟於兵夫有益而春借秋還年年出易亦可垂之久遠請勸河營生息銀六千餘兩乘此麥多易買之時在附近沿河地方照依時價公平糶買麥石收貯為數無多采買自易設或市價稍昂亦即行停買將餘剩銀兩俟秋收後再行買穀此項倉儲交兩陽縣知縣經管出入管河河北兩道同按季盤查稽察該道等於每年春開糧價昂貴之時具詳借給兵夫秋收價令照數歸還免其加息從之

又奏准四川提標五營各兵食米雜糧請將存剩公費銀動支買穀存倉自乾隆六年為始遇青黃不接即按名借給照原買穀價於夏秋季續銀內扣除買穀還倉營中現有倉廩毋庸別籌

八年又設立河南營倉河南駐防營所需糧餉草豆向係折色遇糧價昂貴未獲購買拮据議令於兩營各設常平倉一座將駐防營息銀於麥熟秋收價平之際無論米豆二麥均行買貯遇青黃不接照依原價糶給兵丁俟麥熟秋收買補

十二年設立山東營倉山東河標兵丁食米拮据議令將標營生息銀買穀四千石設倉存貯令城守營都司經管河標副將魏查春閱借給秋成免息還

又咨准湖南承緞協營兵米因眷屬無資借動庫項買米接濟在南路高殿增建倉廩四間以備存貯今議將

倉厥稍為開擴置買苗田八畝四圍高築牆垣改增房屋其工料銀在於公項內動給會典事例

又題准四川成都駐防兵丁口糧與其全行折銀不如按月酌給米糧計兵丁每年應領銀四萬五千六百五十五兩內將二萬石米價銀撥先扣存藩庫俟秋收後令各州縣分買存貯駐防倉厥令副都統酌給兵丁其各州縣用過米價脚價據實報部會典事例

二十八年議准 盛京戶部內倉錦州蓋州牛莊寧遠廣寧遼陽義州熊岳復州寧海岫巖鳳城開原等十三城倉額貯米石每年於青黃不接之時照民倉米石借給旗兵之例撥存七曜三酌量借給兵丁秋後徵還會典事例

又議准拉林阿勒楚喀二處額貯糧石每年收官莊所交新糧一千八百石亦行入倉除備支二處俸祿口糧約需三百石外其餘剩糧石照數於額貯陳糧內換出每石照時價減銀一錢賣給兵丁價銀留為公用如遇歉年青黃不接之時酌撥額貯糧石借給官兵秋後照數徵還會典事例

二十九年奏准齊齊哈爾城貯穀二十萬石墨爾根城黑龍江各貯穀十萬石齊齊哈爾墨爾根二城倉貯倘未足額黑龍江較原額餘穀萬五千五百餘石又呼蘭地方額貯糧七萬石自應將陳糧出糶以免霉變每石照時價減銀五分平糶其尚未足額之齊齊哈爾墨爾根如有陳穀以十分之一照時價減銀五分糶給兵丁均於餉銀內分作二季坐扣還項值豐收之年照時價買補還倉會典事例

五十八年議准西藏糧石難以多貯已經買儲青稞一千五百石小麥五百石外再派買小麥青稞共一千石以足三千石之數作為定額貯倉以備軍儲仍每年酌量情形出陳易新毋致霉變會典事例

嘉慶十年議准湖南鳳凰乾州永綏古丈坪保靖五廳縣添建倉廩一百間採買穀四萬石分貯鳳凰廳二萬五千石乾州廳三千石永綏廳一萬石古丈坪五百石保靖縣一千五百石如遇歲歉及青黃不接之時詳明借濟屯兵練勇秋後免息還倉仍令各廳縣將分貯穀石年終造冊送部備查會典事例

又議准湖南省鳳凰乾州永綏古丈坪保靖等五廳縣調卡駐兵案內土民均出田一萬八千畝每年約收租息穀一萬八千石除支給練勇口糧穀七千二百石外餘穀一萬八百石照依時價變賣卽爲兵丁鹽菜口糧之用至各苗寨繳出強佔田三萬一百餘畝並逆違田地五千餘畝約計歲收租籽二萬二千餘石令各苗寨擇地建倉收貯公舉殷實苗弁二三名專司收放歲給苗兵口糧米一萬八千餘石計餘米四千餘石積存苗倉以備撥補並閩月口糧之用年終造冊送部備查會典事例

湖北巡撫胡林翼廣仁倉各條批憑意天下形勢之要除刻下武昌省城應儲穀石以備城守外至要之地莫如荊州襄陽此所以願倉一成之釐而期爲襄陽三年之蓄也細閱清單酌擬各條均有可採亦有可擬惟所擬廣仁倉存穀石議定由府一手經理宜入交代以垂永久一條查從來常平倉穀一入交代則經年累月盤查無期甚或應官數任歷時十數載仍事懸擱者比比皆是現值立法之始固不致蹈此惡習然弊防其漸自宜責成經管知府遇交卸時專案移交由後任官限十日內盤收結報如有虧短責成本管官賠補不得諉之經手書役致歸無著其盤量之費卽由前任官認捐以免推諉又所擬廣仁倉應委員經理裁差派書役看管一條查委員書役既分別酌給薪水責成專管卽有主守之責如有偷漏各情應先責令知府賠繳再於經手官吏名下著追仍照監守自盜律科罪庶使觸目警心不致故犯其

捐給經費一節亦應酌減以期有常又酌擬廣仁倉存穀石宜仿照州縣常平等倉出陳易新以免日久霉爛一條查出陳易新流弊滋大此法行之於民間尙多弊竇他非所論也蓋穀一出倉權卽操之經手之人試問經手者果皆公正殷實者乎竊恐有出無入以銖積寸累之穀徒耗於假公濟私之人由因循而寢成侵蝕法令亦有時而窮此條斷不可行應無庸議又酌擬出糶倉穀直就本地糶賣一條查發典生息名曰留備買穀還倉之用誠恐臨到買穀之時地方官已藉因公急需全數提用矣禁省發典生息之法何止億萬此時全歸烏有卽其明證此節亦無庸議又酌擬採買倉穀宜選派公正紳耆承辦不准假手官吏丁書一條查新設四廠儲穀約三萬石以豐稔之年價值科之每倉石需錢八九百文約需錢二萬六千串儲穀愈多經理愈難卽將來交卸盤量亦多需時日不若定以限制準以一萬石爲率其一成釐金除買足穀一萬石外仍全充軍餉解省不准該道府扣存分文以免虛糜再此案專爲城守禦侮起見應歸督撫藩臬襄陽道府再查支放其如何明定章程互相稽核以杜侵蝕之處仰兩司逐條確核妥議胡文忠全集

右營倉

皇朝政典類纂 卷一百五十一

皇朝政典類纂 卷一百五十一終

倉庫十三

積儲盤查倉穀 積儲禁令

一倉貯穀石道府廳州盤驗後各給鎖鑰印封如遇出借平糶以及因公動用卽申由本管道府廳州委員監同辦理事竣仍請給發鎖封照舊封誌如有私自動用立予詳參該管官容隱不舉經總督藩臬查出卽將虧挪穀石著令賠補一併參辦

一道府廳州到任時親赴各屬查明存糧厥口出此入彼徹底盤量具結通報備案

一各州縣領價採買或因市價增長報明停緩其原領價值應令道府廳州卽飭解繳司庫分別存貯歸款

一州縣實貯穀數每於年終由藩司取其道府甘結誠明總督具奏

一每年於秋間晴爽日期將倉穀透瞭一次先期中請本管道府廳州委員監同出納以免侵盜之弊

一州縣開倉責成同城道府監視收放至不同城之外屬州縣於收竣放竣時嚴行查核除收倉報竣由道府委盤外其放竣以後責令各州縣將放過及實存數目卽時申報本管道府道府摘出某幾州縣立委丞

俾前往盤查倘有數目不符卽行嚴究揭辦

一各直省各項倉穀每年十月內該督撫將舊管新收開除實在數目造冊報部由部核明於次年彙題奉

旨後移咨軍機處查照

一交代倉穀虧缺新任卽時揭報仍一面詳請動項照數買補一面在舊任名下勒限一年照追歸項限滿

無完卽移查該員家產按數變抵

一貯糧廩座令州縣造入交代項內報部若有木植燬爛傾圮滲漏者許接任官揭報將前任官議處賠修
霉爛米穀勒限賠補如接任官徇情濫受別經查出將接任官照例議處賠修霉爛米穀亦卽勒限賠補限
內不完均照例治罪或故爲勒措及交代遲延借詞飾報者該督撫據實題參

一直省州縣倉穀歲由該管道府州盤查結報督撫核實加結於歲底造冊保題至督撫蒞值離任卽
將冊籍交代新任督撫限三箇月盤查造冊題報如有徇隱照例議處分賠以上均則例

康熙三十九年撥准凡州縣收貯米穀遇颶風大雨等災輓運江海飄流並霉爛者該督撫題參革職離任限
一年內賠完免罪復職別補如逾一年之限賠完者止免罪不准復職二年之內如不賠完仍照例治罪著落
家產追賠會典事例

四十二年議定州縣官霉爛倉穀處分州縣倉穀霉爛者督撫題參革職留任限一年賠補賠完免罪復職逾
年不完解任二年外不完定罪著落家產追賠補完之日令府道出具印結申繳藩司督撫存案以杜扶捏之
弊如再有虧空府道亦分別議處通考

四十七年又定州縣官經理倉穀議敘議處之例議定州縣官於額貯積穀之外買穀貯倉照盤查贏贏例准
其議敘或捐穀本倉以少報多或將現貯之米捏作捐輸以邀議敘後逃本官任內有虧空事發除知府分賠
外原報之督撫一并議處至職官將倉穀私借與民計贓以監守自盜論所少穀石著落追賠通考

五十二年諭霉爛倉穀官員限內賠完仍以原官補用不得別補會典事例

六十年諭大學士等曰古人云三年耕則有一年之蓄九年耕則有三年之蓄言雖可聽行之不易如設立社倉原屬良法但從前李光地張伯行曾經舉行終無成效至於各省積貯穀石雖俱報稱數千百萬實在存倉者無幾卽出陳易新之法亦不爲不善第春間僅有所出秋後並無所入州縣官侵蝕入己急則以折銀掩飾此等積弊朕知之甚詳其報荒之真僞虛實朕亦無不洞悉如熱河所積穀石每年減價平糶秋收糶補還倉數目無多稽查頗易所以每有餘糧爾等會同詳議具奏於是議定各省州縣現在存倉米麥穀石令該督撫嚴查如有虧空勒限補足通考

雍正元年奏准各省存倉米石雖有司道知府盤查不能保其一無徇私當責之督撫嚴加覈實造冊具奏督撫離任將冊籍交代新任限三個月查覈奏聞如有虧空卽行題參徇庇者議處仍令分賠會典事例

四年諭內閣九卿曰積貯倉穀關係民生最爲緊要朕屢降諭旨令該督撫等嚴飭州縣及時買補虧欠之數無如苟且遲延奉行不力昨據月選官陳克復條奏虧空倉穀請支動正項買補一面嚴追本官還項朕已交與九卿議行令直省地方俱著定限三年將一應倉穀買補完足不得顆粒虧欠三年後朕必特差官員前往盤查如有缺項從重治罪倘有不能補足情由著該督撫題奏凡虧空錢糧糧可立限追完無損國帑若虧空倉穀則一時旱澇無備事關民瘼其罪較甚自宜嚴加處分並著九卿確議定例具奏向例虧空倉穀處分止於革職留任限年賠補至是遵 旨議定穀一石比照錢糧一兩科斷侵蝕一千石以下擬斬准五年一千石以上擬斬監候不准赦免所侵欺穀石仍著嚴追完項其那移者數止千百石擬徒五千石以上者流一萬石以上者充軍二萬石以上者擬斬限一年內全完免罪二年內追完減二等三年內追完減一等限滿不完

照數治罪其虧係霉爛數止三千石以下革職留任限年賠補三千石以上者卽以那移論疏上通考

又諭曰凡倉穀霉爛皆由倉廩不修以致倒塌滲漏折米救此愈當加懲者今若寬其處分則有司平日必不加意修理以便借辭此處著再議於是議令地方官將滲漏不堅全之處需費無多者卽時補葺有年久毀爛倒塌者動項修葺有將倉糧寄貯及露囤者題請添設倉廩嗣後州縣怠玩不修理蓋造以致米穀過爛者革職勒限賠完限內不完卽照侵蝕例按數科律遇赦不宥從之通考

又諭據鄂爾奇繆沅奏稱直隸借糶倉穀弊端種種無非地方官巧爲掩飾虧空之計向來直隸倉穀虧缺甚多朕知之甚悉各官惟恐敗露故設計彌縫註請借糶李紱爲其所欺遂代爲題請且未經奉旨卽先爲散給及派員往查又轉停止覽鄂爾奇等所奏各官情弊顯然凡此等州縣官員若仍留原任將來假公濟私那新掩飾必至刻剝小民虧欠正項而地方倉廩始終不得清楚可將巧稱倉穀出借各官悉行解任著吏部將投供到部候補候選之州縣官俱帶來引見朕親自選定人數其鄂爾奇等已經到過之永平宣化順天三府所屬保定五府所屬贊皇等二十一州縣著卽將揀選人員掣籤發往鄂爾奇等未到之永平宣化順天三府所屬之二十一州縣俟伊等到彼查出有出借倉糧者卽咨吏部令籤掣人員前往代之以以上各州縣借出之穀俱著解任之官員自行催還以一年爲限限內全完者准卽行另補若先期速完者隨卽另補若逾限不還者治以那移虧空之罪如此辦理則虧空之員不得復居現任挾制小民那移出納而接任之員交代井然又無前後不清之項若果係借欠在民按數催還其原官仍可另補於公私均有裨益李紱既不能稽查屬員之巧飾虧空轉爲伊等欺朦具題代請又不候旨卽令各屬擅自給發甚屬不合著嚴飭行又鄂爾奇等奏稱

卓平錢皇等處違例將穀借給兵丁向來有無借給兵丁之例著九卿察明具奏聞直隸各處倉廩久未脩理傾圯者多此皆地方官漫不經心李維鈞不實心任事之故著李紱嚴飭各屬設法速行修整雍正內閣 上諭

浙閩總督高其倬奏竊臣細看福建情形福泉漳汀四府產米不敷民食泉漳更甚每年至二月三月平糶不能不行米穀一節最爲福省第一緊要之事而歷年以來平糶之中積有二大病以致官廩日虛刁風日熾此二病不除難言充實倉儲接濟民食其一則從前各官交盤之弊不清其所授受皆有價無穀而所作之價又係不敷買補之價雖有不肯收受之員加以上司之抑捺衆口之調停卽不得不收是以日見空虛竟無補補臣見在徹底清盤務必懲革此弊容臣查清另行具奏其一則年年平糶之價太賤卽舉福州一府而言歷年卽極賤之歲最賤之價米未有買至一兩一石者向時督撫但計目前百姓之稱揚不顧將來買補之無法平糶之米每石價減至一兩且有不及一兩止價九錢者此雖米石極賤之時所不能有之價下屬奏批收存此價欲買之本處則本處無一兩及九錢一石之米可買欲買之外省外省雖有一兩及九錢一石之米可買其各項運脚從何而出是以屬官之中亦有尙欲籌補者緣價短難買惟付之束手無策聽其空虛待受參處耳而中間因糶價太賤更生一大弊端姦民豪棍乘此謀利得米到手輾轉卽有倍贏雖設法愈密而其術愈巧竟視平糶爲奇貨往往借米價賤卽鼓煽窮民恐嚇官府壓之以官應愛民之說迫之以人情洶洶之勢相沿既久其意竟欲平糶之期一歲早似一歲平糶之價一年賤似一年所以從前有糶價大賤且在年內卽行平糶者不知此不過米價稍貴非飢荒可比米價稍貴乃遂如此若實遇荒

年將何以處若不極力挽回則福省之倉儲惟日空虛民食終不能接濟臣之愚見如福州府來年平糶視米之程分高下每石定以一兩二錢或一兩三錢穀亦視其程分高下每石定以大錢五分或六錢其各倉之穀亦有在倉年久及當日收倉之時程分即低者再隨宜酌定至於各外府州縣亦隨其地平時米之賤定價總之必計算本地秋成後既平之價爲準務使既糶之後仍可於本處或外省買運還倉乃可源源接濟不至一發不繼但愚民止顧目前不計久遠止知目前得賤價之米之好不知將來無接濟之米之苦必以爲臣不如從前督撫之愛民加以國俗浮薄刁棍復多而紳衿之多事者又從而和之恐有捍格阻撓之事但臣爲地方長久之計初行若少畏難流弊何所底止然臣亦不敢孟浪從事已詳細熟計預期多方曉諭使各紳士軍民皆知臣之此意是爲百姓計慮久遠即使價稍有餘總仍添買穀米以濟閩民並無一毫自爲之私而以堅定持守自然信從可行再閩省情勢倉儲豐歉民間纖悉皆知米穀多餘則人情安定辦理曉諭一切易行所有江南之穀久蒙 聖恩諭運但早則更爲有益伏乞 聖恩再令江南早趁北風多時發運不必拘定二十萬石隨得隨發則趁風速到若少遲南風一多恐難行走不能刻期至閩臣謹一

併奏懇 聖恩仰祈 睿鑒味和堂集

五年諭常平倉穀乃民命所關實地方第一緊要之政數年以來朕爲此事宵旰焦勞諄諄訓誡至再至三若地方大小官員苟有人心斷不忍前之膜外查福建通省應貯米穀共一百七十八萬石原以備用爲數可謂足矣乃上年稍覺歉收米價略長而地方大小官員與兵民之心皆覺皇皇以缺米爲慮彼時朕即疑閩省積貯之數必有虧空故地方情形若此也朕留心訪問近聞閩省各屬倉穀錢糧虛懸者甚多有銀穀兩空者有

無穀而僅存價值者至於寶貯在倉者則十無三四毛文銓身爲巡撫受朕深恩奉朕當面諄諄訓勉切諭沈稽查錢糧係巡撫之專責伊乃將無作有捏稱寶貯在倉敢於欺罔且忍以百姓性命之所需供屬員之侵那作弊負國負恩莫此爲甚向來直隸江西二省倉儲不實經朕特遣大臣前往逐一清查並遴選人員命往將倉儲虧空之州縣官卽行更換是以二省虧空之倉穀漸次清楚今閩省積弊若此亦當特遣大臣會同新任巡撫常資將通省倉穀秉公據實一一清查其揀選府州縣等官著卽帶往并前所發人員遵照諭旨分別題補委署如有查出虧空之州縣並失察之知府等官卽將伊等解任審追其員缺將前後命往人員應題補者題補應委署者委署務期徹底澄清不使絲毫朦混以副朕察吏惠民之至意今差往之人與新任巡撫若仍瞻顧欺隱料不能逃朕之鑒察不過亦如毛文銓自取誅戮耳雍正內閣 上諭

又 諭倉儲米穀乃民命所關最爲緊要福建通省倉穀虧空甚多巡撫毛文銓扶同欺隱經朕訪聞確實特遣大臣等前往盤查務令徹底澄清使顆粒無虧以備民間緩急之用朕之爲閩民籌畫者可爲殫竭心力矣但恐不肖有司等聞欽差將至向紳衿富戶那移借貸以掩飾其虧空之項而紳衿富戶等或畏其威勢或迫於情面不得已代爲應付以圖掩飾爾縫於一時均未可定朕此番之差遣大臣清查斷不容有絲毫之朦混隱匿且揀選府州縣等官多員令欽差大臣帶往將現任府州縣內之錢糧稍有不清者卽令更換是現任者必去而接任者新來倘紳衿富戶等一將貨財穀米借出便成官物斷斷不能退還用是特頒此旨明白曉諭俾紳衿富戶等勿墮貪官劣員之術中使地方積弊永除而後任官員亦共知儆戒不至仍蹈前轍著將此通行福建郡邑鄉村咸使聞知雍正內閣 上諭

又以清查江西倉穀暫停糶三之例時命署巡撫趙桂清查江西倉糧奉 諭旨聞江西倉儲虧空甚多向來倉穀舊例存七糶三原爲青黃不接之時用以接濟民食今裴律度因各州縣虧空竟借此爲那補遮掩之計若仍聽其存糶則盤查難於清楚著從雍正五年將糶三之例暫行停止俟各州縣倉穀查清之後奏聞再行
通考

又定常平倉盤查事例議定各省常平倉每年春閒出借秋後徵還務於十月內全完造冊送部歲底令知府直隸州盤查逾限不完或捏造俱行參處仍照數追賠如有影射作弊冒借入己者紳衿黜革牙蠹擊究所欠穀石加倍追還鄉保有無受贓分別治罪再倉穀出糶之時奸商勢豪串通捏名零星糶出國積射利者地方官嚴禁之州縣以隱借爲名掩飾虧空者分別侵那定罪其盤查之道府州并該管之督撫隱匿徇庇照例處分仍將所虧倉穀著落分賠
通考

又清查湖廣社倉虧空署湖廣總督福敏參奏虧空社倉各員請分別議處得 旨社倉之設所以預積貯而備緩急朕御極以來令各省舉行曾屢頒訓諭務俾民間踴躍樂輸量力儲蓄不可繩以官法誠以官法相繩則勉強催迫轉滋煩擾惟期設法開導使衆樂從不致一毫擾累乃爲盡善也數年之內各省督撫奉行最力者惟湖廣總督楊宗仁今據福敏陸續盤查具奏前來始知原報甚多而現貯無幾此中情弊想因不肖有司侵蝕入己或那移以掩其虧空又或楊宗仁銳於舉行而各官迎合其意虛報穀數以少爲多均未可定總之舉行社倉之法其中實有甚難者我 聖祖仁皇帝深知其難是以李光地奏請而未允張伯行暫行而卽罷此實事勢使然也以民間積貯言之在富饒之家自有蓄積雖遇歉收而無藉乎倉穀則當輸納之時往往退

糶不前至貧乏之家仰給社會固爲殷切而每歲所收僅供生計又無餘粟可納以備緩急此責諸民者之難也至於州縣官實心視百姓爲一體者豈可多得今以常平之穀爲國家之公儲關係已身之考成尙且侵欺那用虧空繁費况民間之社倉安能望其盡心經理使之實貯以濟用乎朕之舉行社倉實因民生起見又諸臣條奏多言之鑿鑿是以令各省酌量試行以觀其成效何如並非責令一概施行也湖廣社倉虧缺之數卽交與福敏悉心清查倘穀已如數交倉而州縣侵蝕那移忍以百姓預備之需充一己之私用者著卽於原侵那之州縣名下嚴追賠補或民間原未交倉或交倉之數與原報之數多寡不符者若必欲令民間照數完納恐小民力有未敷未免竭蹶非朕曲體民隱之意福敏辦理此事必須至公至當方與吏治民生兩有裨益也自古有治人無治法必有忠信樂善之良民方可以主社倉之出入必有清廉愛民之良吏方可以任社倉之稽查各省官民果能實力奉行而善全無弊朕實嘉之至於繩以官法而好尙虛名則有司奉行之不善負朕本意矣通考

六年諭積貯米穀所以備旱澇緩急之需民命攸關若倉廩不足必有霉爛虧折等弊嗣後著將各府州縣倉廩入於交盤項內新舊交代若有傾圮滲漏及木植朽壞之處著接任官卽行揭報不准接受倘有徇情濫受者卽係接任官之責除照例處分外仍令賠修欵此遵 旨議定各府州縣倉廩入於交盤項內交代如有傾圮滲漏著接任官揭報將前任官照例議處賠修如接任官徇情濫受卽將接任官議處責令賠修其霉爛虧空米穀著接任官限年賠完若接任官藉端勒索亦卽題參會典事例

又 諭據石麟奏稱五寨縣知縣高人傑虧空倉穀請審擬究追等語夫貯倉之穀數至四千八百餘石而所

少不過二百餘石爲數無多此或係盤查苛刻斛量之折耗不應遽以虧空參劾高人傑曾揭報李國祥僥用庫銀李國祥亦揭報高人傑買穀買銷兩人互揭時日未久石麟卽委員盤查高人傑之倉庫旋以虧空詳揭參奏其中必有緣故石麟身爲巡撫乃通省屬員之表率凡事理應公明詳慎若受人蒙蔽稍有偏向何以彈壓屬員假若高人傑無過而但因摺報李國祥遂枉受冤抑則將來各屬必至互相瞻徇不敢舉報甚非察吏之道雍正內閣 上諭

八年又定湖南常平倉採買盤查處分湖南各屬常平倉雍正五年存七糶三者三十八州縣盡數減糶者二十五州縣歲終冊報買補者僅有其半并無府結到司巡撫王國棟言嗣後請將平糶價銀解府州貯庫秋間具領買補倘遇穀賤領價贏餘令其盡數買貯若秋歉穀貴買補之價浮於減糶之價州縣不能賠墊亦令報明具題酌給現今委員遞盤如果顆粒無虧且結詳報倘有缺少虧那或折價抵穀及將行戶領狀混行掩飾者立即揭參仍令解任賠補至該管道府亦定限於十月內盤明加結詳司年終據實總冊彙送逾十月不行詳揭者卽照例參處分賠疏下戶部議行通考

乾隆二年題准新舊交代現存米穀接任官於一月內先行盤收其採買續交米穀以報明連到之日起五日內盤收統於正限滿日截算如未足數別無開銷又無存價赴產米地方採買則係虧空覈實參追如有贏餘亦據實冊報如限內必不能運到者應就採買地方遠近所買各數多寡隨時隨地酌量定限俟運到交倉再行報部若前官虛立文案捏報採買者查出參追議處會典事例

二十一年河南巡撫圖爾炳阿謹奏爲酌定稽查社倉之法以杜侵虧事竊照豫省各屬勸捐社倉現共六十

萬四千担零春借秋還以備常平所不逮利益農民莫善於此惟社穀歲有加增而社倉尙未完備每多零星散貯稽查爲難以致社長暗地侵虧弊竇叢生又因經紀其事苟非薄有才具熟於書算者不克辦此其生監誠謹敦品者閉戶潛修不樂干預外事若肯膺斯役率皆藉口多事之輩其滋弊更甚於鄉民矜監固不可以充社長至鄉民之中稍有身家而才短於事或才堪辦事而家鮮殷實或以收放日費不敷往往畏阻不前迨至虧缺有稱倉未建立零星散貯鼠雀爲耗而翻騰無所矚瞭不時紅腐滲爛者有稱地處低窪上蒸下濕氣頭厥底霉變虧折者俱經臣嚴飭確查將侵蝕之社長悉行革退究處其虧蝕力不能完已著落失察渾報實貯之牧令賠補在案但以奉公樂善之美舉任彼一二不肖社長私自侵蝕殊非仰副 聖主阜成兆民至意隨飭布政司妥議稽查之法以除積弊茲據布政司劉懋詳請到臣臣覆加酌核逐一開列謹爲我 皇上陳之 一社倉亟應添建也查雍正二年九卿原議社倉事宜內開收貯糧石目今暫于公所寺院收存俟息穀已多仿朱子社倉事宜成造倉廩收貯遵照在案今豫屬社穀已積至六十萬担從前雖建倉三五處然間數無多規模未備現今一邑之中每有積至二三萬担仍無倉廩可貯散漫無稽弊端易起是欲廢社穀之無虧必須建倉以收貯應請按穀一石設倉一所每所三間內以兩間貯穀一間空留盤量存放器具并照江蘇之例設立看夫一名平時上宿支更屆期出納卽充斗級之事所屬斗斛等項准其逐一置備其倉式擬定欵制酌定銀數頒發一律修辦如前建之倉或不合式卽令酌量貼補所需費用均勸息穀變價辦理如一年不敷可作二三年分辦倉廩既敷則穀有收束可免散貯侵虧滲爛等弊矣 一社長宜酌增歲費也查正副社長掌管倉糧當春月出借秋日收納稽查催討非一二人所能辦理

必須倩人幫助並一切紙張薪水等項亦在所必須乾隆九年雖經前撫臣碩色奏定按息穀十升內留穀一升以爲正副社長雜項之用但彼捐穀無多經費亦省近年以來計收本息歲加充盈前定酌給一升不敷所費量爲加增查江南兩省每息穀一升分給正副社長二升既以資公費復可以勵勤勞應請照該二省之例于息穀一斗內扣出二斗除看倉夫每歲給五石以作飯食之外餘爲正副社長出入簿籍紙張薪水鼠耗鋪墊苦蒸晒瞭撥運人工等用如歲遇歉收例得免息還倉或本社收息無多而社長各費終不能免均應於上年所收餘息內支給仍將每年收支各數於社穀奏冊內聲明報部如此酌增之後倘正副社長仍有徇情濫借出入不公催收不力怠惰霉變等弊將社長分別究懲所虧糧石著落賠補如正副社長通同看夫那移花銷虧空倉穀照監守自盜律分別首從治罪 一社穀按地畝酌借也查社穀定例矜監軍役及不務農業遊手好閑之人不許借給其力田農民願借者先期報明社長該社長總報州縣於四月內定日給發又查福建定例出借社穀係按田畝多寡酌定穀數分別借給復令五人作保最爲慎重今豫省事同一例應請照閩省之例按畝借給凡有地五畝以下者酌借穀三斗以此遞計自三斗起至一担五斗止其有舊欠未清不准再借倘社長畏其煩瑣或虞借戶拖欠轉於殷實可信之戶或總寄頓及借逾定數卽屬濫借應將社長責罰如有不肖之徒以耐長爲可欺恃強硬借騷擾倉場照例治罪至告借之戶正副社長未必悉皆認識應令地保將借穀領狀照門牌式樣備載借戶居處人口注農鄰佑等項再照閩省之例令五人作保鄉保在對彙交社長覆核如果相符造冊二本留一本將一本同借狀呈送州縣定期飭令給散該州縣取具正副社長寔散數目通報察核秋後還倉亦令社長刊刻收票隨收隨印出票

給發執照仍登流水簿存查十月底呈請州縣覆查出具實貯無虧印給通報備案如借戶並無產業保人混行保借無力還倉著落保人分賠若因年歲荒歉緩徵掛欠追後原借之戶產盡戶絕無籌可追此非社長之故亦非五人互保不實所致所缺糧石雖例得豁免但社糧宜增不宜減不便日絀應將同社新捐之項抵補足數如此出入有稽侵蝕可除而民亦霽實惠矣 一州縣應定考成也查社倉定例原議收率在民稽查在官總不由吏胥之手洵屬良法但州縣往往視爲無關已害既不慎選安人點充社長一任鄉地混報濫舉并應更換而不更換甚至虧數成千累百茫無覺察雖有稽查之名而無稽查之實此皆因懲創未立遂至玩忽從事查陝省定例州縣於交代展限一月查察又社長侵蝕虧缺州縣官知情故縱題參革職失察虧數百石以上降二級留任此雖因陝省社糧係動 帑買貯與別省民捐不同是以定例特嚴但思豫省捐穀久貯在每歲造冊 奏報總期利益民生地方官自應加意稽查應請嗣後照陝省之例分各州縣於交代限外展限一月將社穀細加查察遇出借之時核其冊領收倉之後盤驗寔存必使出入無虧其結通報至民捐穀石究與動 帑買貯有間所有處分應照陝省之例量爲區別請嗣後如有社長侵蝕虧缺該州縣官朦混詳報寔貯經上司或接任官查出揭報或別經發覺查係知情故縱者每州縣官題參照徇情例降二級調用其虧空穀石先於社長名下勒限一年限內全完本官准其開復如各州縣並無知情故縱止係失於查察係零星百石以下將社長究治本官免其查參如在百石以上將州縣官照失於查察例罰俸一任追賠無著責令州縣代賠若奸頑欠戶社長催討不遵稟請州縣追征該州縣市恩寬縱以致逃亡無著卽著落實縱之州縣全數賠補如州縣交代盤驗或有吏胥借端需索許該社長首告寔處備

正副社長一遇有缺即遴選本地端方殷實鄉民詳充毋許多事矜監混充滋弊如此庶州縣官各顧者成不敢仍前膜視可免社長侵蝕冒濫之弊以上四條臣因社穀現已清楚若不酌定章程復恐玩忽廢弛謹

摺愚見恭摺具 奏是否有當仰祈 皇上睿鑒 皇清奏議

二十三年嚴查各省倉儲捏欠作還之弊奉 諭旨據劉懋泰州縣出借倉穀每年秋成後不能催完至春輒捏報還倉旋即詳請出借不過令舊借之戶換一新領等語各省倉貯向例春借秋還青黃不接之時貧民既得貸其接濟而秋收後即照數徵收穀石可以出陳易新兼不至侵蝕懸欠至次年又可查核貧民再行供給若不如期催令完納而以舊欠作新領則出借之項年復一年胥役得從中影射侵蝕更有欠戶逃亡事故日久遂致無著者且舊時領借之戶尙欠而現在待借之戶甚殷倉貯既虛勢不能另為籌給是名雖設倉備借仍屬有名無實大非慎重儲積賑卹困乏之意晉省既有此弊他省諒亦皆然嗣後各督撫務當嚴飭所屬實力奉行除緩徵州縣外所有民欠倉穀各令依限還倉勿得仍前玩視其有捏欠作還以欠作領即查明參處庶俾借欠不致久懸囊弊可清而緩急有備可通行傳諭知之通考

三十八年議准凡府州縣交代州縣陞任本府及本府陞任本道所有任內經營錢糧等項飭令接任之員一面遵照例限盤清結報一面遴委隣封廉幹道府前往徹底清查具結咨部備有虧挪而委員不實力盤查通圖弊混捏結詳報者查出一併嚴參究處會典事例

又議准各省督撫藩司到任委盤倉穀勒限三個月盤清結報不准另扣程途日期廣東甘肅統照三個月例限盤查其地方道路遠近准其按日扣程限福建臺灣一府遠隔重洋藩司委盤該府屬倉糧亦准扣程

限奉天並未設有藩司應責成該管上司實力盤量按照倉數多寡程途遠近定限一個月兩個月盤量結報至藩司到任或與督撫蒞任同時或相隔未久或值年例盤查之際均令併案辦理藩司到任甫經盤查即過陞調新任藩司到任以及暫時遞行委署在三個月以內無須再盤令新任藩司出結詳報督撫報部查覈會典事例

四十年議准交代倉穀每穀一石驗春米五斗者新任按數接受不准飾贖具以穀價交代者覈明舊任原係奉文出糶糶價無虧遲買有案者准令新任詳明接受俟價平採買毋得勒捐推諉外其係舊任私糶短價及雖係奉文出糶而於應買時因循不買價值存庫者新任即據實揭報舊任照例參處仍留任所勒限買還報節會典事例

四十一年議准常平出借糧石每年奏報倉糧時除去因災停緩數目外彙覈未完各數凡統計不及穀一百石者經徵之員免其開參百石以上者照雜項錢糧未完例開參因災停緩倉糧歸入應徵年分統覈完欠分別參處會典事例

又奏准各州縣實存倉糧等項開具四柱清冊每月報明本府查覈無缺按月出具印結報明本道該管道員按季出具無虧印結移司加結轉送督撫存覈儻州縣有私行挪動之事立即親往盤查將侵虧之員與出結之府州一併嚴參治罪如督撫查出弊竇而司道未經舉發並將司道以贖拘參處會典事例

五十一年諭內閣昨據福祿奏浙省各屬倉庫虧缺之項為數較多實難依限全補懇請分別展限並於新正傳齊司道各府公同立誓務期同心協力共砥廉隅等語所奏實屬不成事體各省倉庫錢糧自 皇朝世宗

憲皇帝御宇十三年徹底清查大加整飭將從前虧空積弊一概消除各省庫項倉儲俱歸實貯朕御極以來雖間有不肖官吏侵欺貪冒者無不加以懲蓋因 皇考一十三年整綱飭紀旋乾轉坤之力以充裕盈溢之天下付託於朕朕若不能隨時整頓稍涉顛預是 皇考剔弊覈實之苦心至朕而竟有廢弛朕甚懼焉浙省地方向無虧缺之事四十六七年王亶望陳輝祖貪贖之案相繼敗露經富勒渾等將浙省倉庫虧缺之處據實奏明朕因該省王亶望陳輝祖之案甫經查辦不值吏興大獄是以降旨令其勒限彌補已屬失之姑息該省大小官員自應激發天良上緊設法籌補乃歷三四年之久竟未彌補全完尙敢覲顏奏請展限且稱率同司道各府公同立誓尙復成何政體耶且浙省除王亶望陳輝祖之外未有勒索貪婪如國泰郝碩者卽王亶望之贖貨營私係在甘省侵蝕捐監銀兩而陳輝祖亦祇於竊換官物並無如國泰婪贓肥囊派累各屬之事國泰在山東肆行勒索虧缺至二百餘萬之多業據明興奏報於二年限內已經彌補全完浙省虧缺之數非山東可比何以立限已逾尙復宕延虧帑是該省大小地方官恃朕有不爲己甚之旨竟敢玩視帑項一味稽遲若以虧空止於倉糧一項伊等或藉口穀貴不及買補完足已屬非是然其穀價銀兩自必存貯在庫斷無銀米兩無之理此而不嚴加懲創各省紛紛效尤伊於何底耶此事著派尙書曹文植侍郎姜晟伊齡阿並隨帶司員馳驛前往浙省將各州縣倉庫徹底盤查究竟虧缺若干彌補若干或銀或米俱歸有著並將因何遲延不卽補足之處查明務使水落石出據實具奏 聖訓

又 諭軍機大臣等據富綱劉秉恬覆奏滇省各府廳州縣倉庫錢糧前經查有虧空約共銀一百餘萬兩自督臣福康安設法催追各屬竭力措辦彌補尙短少銀六十餘萬兩富綱到任後會同劉秉恬督率司道上緊

勒退不遺餘力又彌補銀共四十三萬三百餘兩尙未完銀十八萬三千餘兩細加體察各員非不知畏懼奮勉亟思完補無如滇省地瘠民貧缺多清苦若催迫過緊復恐該員挪新掩舊於事仍無實濟等語所奏殊不成語滇省非腹地可比倉儲軍項爲數本屬無多何至竟形虧缺皆係不肖屬員侵欺貪竊以致虧挪繁累朕不忍更興大獄寬予一綫之路令其自行籌畫已屬格外寬典該省大小官員自應激發天良上緊設法彌補乃歷四五年之久竟未彌補全完該督撫所辦理者何事乃尙恬不知恥諉之於滇省地瘠民貧飾詞具奏是誠何心州縣倉庫係各該員自行經管其虧缺挪移皆由各該員侵欺舞弊自應著落各州縣依限完公變產抵項與民何與而乃以滇省地瘠民貧爲彌補難完託詞自解乎著傳旨嚴行申飭並傳諭富綱劉秉恬務須激發天良董率所屬遵照奏定期限於年內一律全完不使絲毫虧欠毋得稍有累及閭閻加結具奏 訓聖諭軍機大臣等據寶光堉奏盤查過嘉興桐鄉海鹽等大縣倉穀有缺穀數百石及百餘石者隨飭該府轉令各該縣按數補足惟桐鄉縣倉內實無儲穀所有之穀乃借自社倉又借米三千石開辦平糶掩飾一時嘉興縣社倉空虛呈控紛紛是該二縣社倉辦理皆不妥協並據曹文植等奏前赴紹興杭州所屬各指出一二厥盤斛其餘按厰籤探丈量折算惟山陰嘉興縣多穀十三石此外各縣厥口俱有短少自一二石至五六石不等各等語著將原摺鈔寄阿桂閱看到浙後即將寶光堉所奏各條款與曹文植等逐一覈辦如各該縣果查有侵挪捏報情弊自應據實嚴參辦理 東華續錄

五十七年諭內閣戶部議覆給事中初彭齡條奏各省州縣徵收正雜錢糧及出借倉穀責成各道府據實查覈等因一摺已依議行矣清查之事朕素不欲爲但各省州縣經管倉庫錢糧該管各司衙門層層稽覈立

法不為不周各督撫如果實心經理隨時查察即有不肖之員何敢侵挪影射致滋弊端倘督撫不能潔己率屬致屬員持其短長遂爾心存迴護概置不辦節多設科條亦屬有名無實所謂有治人無治法也即如上年軍機大臣將各省積欠銀兩數目查奏朕以此項未完銀數在小民踴躍輸將斷無實係積欠在民之理必係地方官吏任意侵挪藉詞掩飾因特降諭旨令各該督撫徹底查明據實具奏不得便於蠹吏誣及良民嗣經梁肯堂覆奏分委隔屬之道府大員督同候補丞倅州縣等官分投各處調取收納紅簿及完銀串票逐一核對等語自應如此辦理復經降旨該督令其確切嚴查並勒限一年將積欠之項全數歸款直隸係首善之區為各省之所取法所有山東江蘇河南福建湖北浙江積欠較多省分自應一體實力查明盡心經理務俾正項錢糧悉有歸著不致朕特遣大臣往查豈不妥善本日戶部議奏各省經徵錢糧出借倉穀俱責成各該管道府隨時確查將縣州所報完欠錢糧數目詳加覈對並由督撫取具藩司道府印給報部存案各條所議章程雖為詳備然在人不在法各省督撫務須遵照所議督率所屬隨時隨事確訪嚴查一經查有弊端即行嚴叅究辦州縣及該管各員且有身家斷不可輕於試法庶陋習可以轉移而積弊可以釐剔倘各督撫尙存袒護屬員之見任情怠玩及有心朦混遲至一二年或派大臣往查各督撫能保其必無乎若查有仍前侵挪以致倉庫虧短之事則各該督撫能任其罪乎毋謂教之不早也

聖訓

嘉慶元年議准州縣以糶借為名掩飾虧空該督撫即行指叅嚴審是侵是挪分別定罪追賠該管道府直隸州有不時盤查之責如有徇隱失察等情亦即題參照州縣官侵挪錢糧知府徇隱失察例分別辦理所虧倉穀著落賠補如道府直隸州已經揭報督撫不行題參將督撫亦照徇庇例議處所虧倉穀亦照例分賠會典

事例

三年諭內閣前因古慶等查奏廣西通省倉穀並未實貯在倉輒以穀價抵數曾經降旨嚴飭茲據查明分別
奏處設法如數買補已交軍機大臣會同該部議奏矣各省額設倉穀原應如數貯倉以備緩急之用乃近來
州縣因買穀例價中之市價輕減可有盈餘在任時輒將倉穀任意糶賣私肥囊橐及交代離任時僅將例價
留抵日積月累輾轉因循以致倉穀空虛毫無儲備甚至將所留例價亦復侵用迨清查時豫為挪借以圖掩
飾目前事後仍歸無著至常平及社義兩倉之設古人原所以惠民立法最為良善乃近聞出借時於富戶則
抑之使借而貧民則靳而不予且出借之斗斛任意減少而還倉之穀石勒令加增以致小民不沾實惠轉成
困之受累是惠民之法適以資貪官而病民此等積弊不獨廣西一省為然各直省皆所不免著通飭各該督
撫隨時留心嚴行查覈遇有此等滋弊累民之劣員即據實嚴參示懲於各州縣倉穀必令如數實貯在倉不
許留價作抵於借糶倉穀務令出入斗斛一律均平俾小民得沾實惠庶足除積弊而實倉儲便民食而肅吏

治 聖訓

九年諭內閣吏部議奏請將辦理虧賠倉穀錯謬之原任巡撫高杞照違制例革職一摺此項湖南省虧賠倉
穀早經總督吳熊光奏定在各員名下按照時價追補歸款已降旨允准乃高杞輒妄議更張既以例價追銀
復向有糧之家按糧勻買覈計民間須賠銀至二十萬兩之多殊屬祖官病民朕惠愛黎元於地方一切公事
從不肯科派閭閻總期藏富於民培養元氣此事若照高杞所奏辦理則地方官員等得任意私虧飽其囊橐
而百姓代官賠補貽累無窮豈不大形紛擾且此端一開儻有不肖地方官乘穀貴之時將倉穀將市價糶賣

入已追探買時不過以半價歸公仍撥糧戶派買輾轉侵吞多方賸削勢復何所底止設各省從而效尤小民生計尙可問乎高杞妄更成議實屬乖謬著照部議仍革職來京候旨 聖訓

十年上諭內閣外省州縣官有經管倉庫錢糧之責關繫甚重遇新舊任交代時自須逐款清查如有虧缺經

新任稟明上司該上司卽應據實查參近來各直省州縣交代遇有款項虧短該上司往往因規避失察處分

不加查辦轉抑令新任之員含混接收該員迫於上官之命畏于恭罰勉強擔承虛出進關茲任後以本係接

收前任款項有恃無恐並不上緊彌補日久因循其不肖者甚或以此藉詞貪婪苛斂及閭閻私肥囊橐各

上司雖明知劣蹟贖顧姑容迨該員任滿卸事又復依樣交代輾轉數手帑項仍懸卽如近開捐例現任捐升

者甚多在京官員尙係自出己資至外省州縣若非挪移官項卽係剝削民膏雖未必盡人皆然而似此營私

利己者亦必不少一經捐升銓除他省於本任原虧款項脫然事外其或虧空過多又復黃緣上官懇乞奏留

以圖掩飾皆所不免此等外省惡習相沿於帑項吏治大有關係不可不力加整頓著各督撫通飭藩司道府

等嗣後各州縣新舊任交代時務將倉庫款項逐一清釐如實係舊任虧缺者卽將舊任之員揭參治罪仍責

令照數賠補毋許抑勒新任接收以歸覈實各督撫皆受恩深重之人不應瞻徇私情不恤國事務宜各發天

良存公正之心屏邀譽之念以期政治蒸蒸日上勿負朕諄諄教誨不以朕言爲是祇顧私交彼時執法重

懲悔無及矣至奏留人員如果有熟悉地方才具出眾者該督撫等因地需才保留一二員原非常例此後不

得濫行保奏致啟劣員巧爲趨避之端將此通諭知之 聖訓

二十二年上諭內閣御史感懋大奏常平社倉積弊請飭查辦一摺各省州縣例設常平倉又准民間報官自

設社倉每年出陳易新以平穀價且儲貯充盈可爲歉歲之備立法至爲美善乃廢弛日久積弊相沿常平倉之弊敗於官吏之侵貪社倉之弊由於社長之奸懦以至惠政不能及民而不肖之州縣以及蠢胥土豪各以飽其慾壑著各督撫通飭所屬州縣常平倉存糶穀數務歸覈實其遇市價昂貴應行出糶之時卽按門牌內應領戶口平價糶給並飭該管道府隨時稽察如有官吏作弊侵漁之處卽分別揭參懲辦其社倉飭令各鄉公舉殷實老成之人報充社長以司出納官吏不得干與如有侵吞及強借等弊官爲秉公查究務俾貧民及民永除擾累又該御史另摺奏稱江蘇常州府紳士公議章程當年豐時紳商富戶每日各輸錢文按月交典存貯生息歲終彙數報縣至歉歲公同呈縣提取本利糶穀施賑現已由該地方官詳報撫蘇州太倉等處亦皆踵行等語鄉里任恤之誼以樂歲殷戶之饒餘備歉歲饑民之口食其用意與社倉相似實爲善舉著胡克家卽飭屬立案通詳嚴行飭禁州縣官勿許私向典商借貸挪移俾商民不虞貽累以堅其好善樂施之意 聖訓

道光元年前諭內閣御史陳繼義奏請整頓社義二倉一摺社倉義倉所以輔常平倉之不足本係良法美意雍正乾隆年間各直省實力奉行小民均受其益逮後日久弊生如該御史所稱倉正偷賣分肥州縣借端那借胥役從中侵蝕遂至日就虧缺僅贖空廩繼則曠廢日久並廢座亦復無存是以近年直省偶值偏災議緩議蠲從未聞有議及以社義二倉之粟周贖窮黎者夫積貯爲生民之大命此事廢弛已久自應及時興復以裕民食著通諭各直省督撫察看所屬州縣地方社義二倉現在存者若干廢者若干以次董率脩復惟是倉以社義爲名原係民間自爲輸納若官吏因緣爲奸甫經輸納旋即虧缺既已虧缺又復派輸是閭閻未受其

益先受其害務檢查從前辦理舊章各趁豐稔之年勸諭紳民股戶量力捐輸妥慎存貯其出借交還一切謹
守成法倉正公舉誠實信義之人司其出入地方官不得抑勒那移致有侵擾如有前項弊端該管上司訪聞
立即嚴參懲辦俾鄉里競敦任恤之風以期緩急有備若數年之間能使良法漸復水旱不致爲災其所益於
民生者豈淺鮮也其各實心經理用副朕重民本務至意 聖訓

三年上諭內閣據御史楊希銓奏稱貪狡之徒見親黨稍有贏餘輒搆訟挾制調停吏役乘機圖利往往案未
結而被控之家資財已罄其各州縣衛倉儲有名無實地方官交代通融結報弊混相沿甚至民領穀一石償
時必須二三石民間不願承領自應嚴行飭禁藩直省各督撫查有奸徒告訐藉端訛詐者執法嚴懲無令違刁
滋擾至各州縣衛倉貯務須確加綜覈如有虧缺卽行嚴參照額賠補毋任虛文結報其社倉義倉之在民者
亦飭有司妥爲經理以安良善而充積貯 聖訓

十年上諭軍機大臣等據給事中常恆昌奏各省常平倉穀如遇災歉必須接濟之年准該州縣詳明上司借
給其無災年分概不准出借例有明文至於糧少價昂祇准官爲平糶並未立有出陳易新借給於民章程聞
山西省出借倉穀積弊相沿州縣於詳准出借後傳令里甲人等按里派領穀若干石有不願領穀者每石勒
貼制錢一千四五百文不等其離城較遠之鄉鎮赴城領穀守候稽遲諸多耗費不得不就近糶賣而奸商盡
役從中把持半價難售及至新穀還倉加倍不足取價是以民間開放官穀畏其擾累不能不貼給錢文其有
不肯貼錢者胥役拘繫入城任意勒索蓋名爲接濟民食實則賤削民膏名爲出陳入新實則那新易舊官使
吏飽無非罪及閭閻且晉晉上年各屬糶給本可無庸借食卽謂春來市價漸昂積存陳穀必須出易自應照

例官爲平糶秋後官爲買補乃該撫請將鳳縣等十六廳州縣積存穀石出陳易新實與定例不符且稱嗣後各屬續有出借平糶者隨時咨部覈辦恐該州縣因奏明有案皆含混詳請藉端派累殊於民生大有關係等語著徐忻卽詳悉查明鳳縣等十六廳州縣何處實係糧價騰貴何處必須出陳易新如有朦混詳請之州縣假出借倉穀爲名勒派民間領穀貼錢任令胥役勒索擾累情弊卽行嚴參懲辦毋稍徇隱倘所查不實不盡經朕訪聞或被控事發惟該撫是問恐不能當此重咎也 聖訓

十三年上諭內閣御史常大清奏請禁州縣買補倉穀各弊一摺各省額設倉穀原期實惠及民固不可擾及閭閻亦不容稍有短絀若如該御史所奏地方官採買倉穀往往不遵定例藉端肥竈任聽書吏在本地按名勒派每穀一石發官價銀四五錢不等家人胥役里保等復多方需索規費以致有力之家輒賄求書吏匿報其承領者並不上穀惟加倍繳價入官名爲幫費至零星花戶無力繳費則差役逼詐委員勒追種種擾在所不免其不肖州縣只圖斂費入己究未買補還倉及至交代後任僅以官價作抵一遇劫擄並無實穀可供支放似此各種弊端殊屬不成事體著直省各督撫嚴飭所屬於應行買補倉穀年分務遵定例領價赴豐稔市集採辦如查有向本地勒派及書吏串通需索等弊立卽嚴參從重懲辦其各州縣交代倉穀責成該管道府隨時盤驗於州縣領價後何時買足歸倉據實加結申報倘有逾限虛懸等情時嚴行查辦毋稍徇隱以期民無擾累而倉有實儲將此通諭知之 聖訓

十四年諭內閣給事中黃鶴滋奏請剔除州縣倉儲積弊一摺各省常平義社等倉原爲借給平糶濟荒備賑之用豈容有名無實日久竟成具文如該給事中所奏州縣倉貯穀數往往有簿無穀印官交卸虛出通關

祇取倉書一結後任若以接收爲難監臨轉嫌其挑剔其久任之員遇上司認真盤查則那東墊西支吾湊款卸事之日輒據所結爲憑上官避失察之咎新任畏委盤之累相蒙相忍總以遷去爲幸至倉穀既不敷額不但散給變價歲捏支銷或遇放賑開倉動碾平糶往往虛增戶口開除穀銀又或申造花名虛冊捏稱開賑歸來是以報銷之巧遂其乾沒之私偶遇接濟別區輒又那移社倉勒捐富戶及至奉文買補又復藉端挪派民墊賠解官收價銀以至胥役吏書將有糧之家逐戶索求爭營免買而良民之苦累不堪至於社倉分建各鄉聽民春借秋還原以濟常平之不及其有不應借而私給並不願借而勒領有司不加查察所報正副社長率多故名頂充任聽圖差里保鄉約牌頭私用遞交或有倉無穀或倉穀俱無僅存冊籍甚至變穀爲錢並無加息收放之事間有穀尙存倉蠹役聳官託言盤弊將社穀盡移入城以爲那墊之地又議倉多係民捐或買或輸存以備賑不准借糶其初承管者身家頗裕才識較長迨經歷有年歲積羨餘垂涎染指非官吏授意卽借此實緣朋分捏報巧爲支銷或託稱蠹變或添置田畝竟至價虛穀蝕有契無田盡歸烏有似此種種弊端實爲倉儲之害著各直省督撫府尹確切訪查飭令各道府親加查覈一有虧那從嚴參辦毋任委員通融了事並嚴飭各州縣認真董戒儻有侵蝕立予究追毋稍徇隱庶以釐積弊而裕民生將此通諭知之 聖訓

又 諭軍機大臣等有人奏川省倉儲漸致虧短一摺據稱四川瀘州爲產米最饒之區其社倉捐存社穀計本地大斗一萬五千石合京斗四萬餘石本貯鄉間嘉慶二十一年移入城中其時據倉書具稟實有大斗九千餘石約京斗二萬七千餘石外有折價制錢六千四百餘千文又有將民田抵價社穀二百九十餘石歷年並無借放支銷今僅存京斗八千四百餘石計虧短二萬餘石之多至折價之錢及抵穀之田均歸烏有又該

省勸捐義倉該州名爲濟倉總圖州士民捐銀一萬七千餘兩置買良田每歲收租穀大斗五百三十餘石
京斗一千五百餘石。今十五年應存京斗二萬一千餘石乃有蠹矜懸管把持捏買谷成昌一業有契無
並無租收清光十二年米價陡昂民食維艱該州士民請發濟倉該知州又以賑民之穀改而爲糶卽以所
之數計算又短穀三千餘石迫經該州士民以社濟兩倉穀石虧短疊控督藩道府委員確查屬實但以回
稟明歸結一語了事至今穀尙虛懸等語各省社倉爲糧戶借放而設義倉專爲賑卹之需民食攸關豈容
有短缺若如所奏存倉穀石任意虧短甚至折價之錢抵穀之田均歸烏有而改賑爲糶虧數仍多迫經士
具控又復延不究辦如果屬實尙復成何事體著鄂山知提人證卷宗徹底清查如有侵那情弊立卽從嚴
辦毋稍姑容並查明通省州縣尙有似此虧短著一併嚴行參究以重倉儲而裕民食 聖訓

又 諭內閣積貯爲民食所關各省倉儲務令足額原爲地方偶有水旱得資接濟秋成之後照數買補出
易新法至善也乃近年有司奉行不善積弊相沿一經動用多視買補爲具文每於交代時折價抵穀而積
遂至有名無實直省額設倉穀多至二三百萬石少亦百餘萬石如果實貯在倉何至一遇荒歉卽至左支
絀總由各地方官不肯認真經理預爲籌畫獨不思民間既鮮蓋藏而倉庾又無儲備一旦年穀不登其何
以無恐乎著直省各督撫嚴飭各州縣將額設倉穀現存若干據實報明其私行侵那者固法在必懲卽有
公動礙者亦著於每年所報收成分數摺內查其年歲豐稔立令買補還倉並將實存數目隨時造冊報部
於各省倉儲多寡瞭如指掌一遇賑糶之需卽可由部照册指撥經此次訓諭之後各督撫務當隨時稽查
心釐剔倘仍有虧短虛懸等弊一經查出特將各州縣嚴行治罪並將各督撫從重懲處決不寬貸懷之

之將此遞諭知之 聖訓

十六年上諭軍機大臣等人奏邊省倉貯請覈實稽查一摺甘肅爲邊陲重地倉貯最關緊要上年據該督密陳倉庫情形當有旨諭令悉心籌辦期有實濟本年因該督議覆御史許球所請撥銀採買倉穀各款復降旨諭將短缺糧石四補足額該督疊奉諭旨自應通盤籌畫設法辦理其現在如何籌辦之處未據奏到茲復有人奏稱武威縣地方上年荒歉向銷番採買而銷番偏處一隅無處買補任其缺額上司查問恃有穀價備抵仍不免那移動用倉額幾致空懸武威鎮番如此其他州縣可知該省大吏意存遷就不肯認真查辦又該省風俗向來儉樸近則州縣等官燕會服飾踵事增華等語倉儲爲民食兵精所關不容顆粒短少儻竟空虛虧短設過緩急一無可恃尙復成何事體著該督督同藩司趙炳言即將各州縣倉穀實貯數目確切詳查如有短少務卽勒限賠補完足不准稍有拖欠亦不得以銀作抵致滋弊端儻該州縣有意因循仍不設法彌補卽著指名據實嚴參毋稍姑息至甘肅素稱濱樸聞近來地方官員爭尙奢靡非剝削民間卽侵那官項於吏治民風大有關係該督等惟當隨時查察嚴行飭禁以正習俗而挽頹風將此諭知瑚松額並傳諭趙炳言知之 聖訓

同治三年上諭內閣爲政之要首在足食各直省州縣設立常平社倉國家承平留以備凶荒之用一旦有事恃以爲緩急之需所以爲未雨綢繆之計者法至善也近來軍務繁興寇盜所至地方每以糧盡被陷推原其故總由各州縣恣意侵那任令米粟空虛過變無所倚賴又或聞警逃避齋盜以糧以至守禦無資生民塗炭覆首及此罪有攸歸嗣後各省常平社倉責成督撫大吏認真整頓廢者復之缺者補之隨時稽查凡官倉民

倉未動之穀不得變價提用至於倉穀已缺紳民捐貲彌補者尤應加意保全務使倉穀豐盈以期有備無患此旨著該部迅即通行各省卽著各該督撫將各該州縣倉儲實存若干有無虧缺查明據實覆奏備復因循玩忽任聽州縣侵漁虧缺定將該上司及州縣一併從重懲處用示朝廷責重農之意將此通諭知之

崔穆之謹奏竊查定例各直省常平倉每州縣或數千石或數萬石不等採買出糶動皆公款使吞挪移罪有專條所存穀石不但備民間凶荒之用且以備地方緩急之需立法本極周善無如日久弊生偷漏虧折已非一時臣恭讀三年上諭有曰嗣後各省常平社倉責成督撫大吏認真整頓廢者復之缺者補之隨時稽察凡官倉所未動之穀不得變價提用至於倉穀已缺紳民相資彌補者尤應加意保全務使倉穀州縣侵漁虧缺定將該上司州縣一併從重懲辦等因欽此 竊訓煌煌天下共懷十餘年來如果地方官實力奉行則內地之肅清已久豈得以地方糜爛爲推辭年穀之順成不乏豈得以收儲無憑爲藉口卽云公項支絀籌辦驟難足數以原設之額計之但使存倉之穀能足原額之半則以一邑之粟賑一邑之饑何至張皇失措動輒束手臣聞近年以來各州縣不但倉儲多虛並倉座亦多無存卽如戶部議覆李鶴年請借江西義倉積穀一條內稱河南省題報光緒二年分常平等倉穀尙應實存九十五萬四千三百餘石本省既有積穀乃置而不言求濟於他省似屬舍近圖遠在部臣按籍而稽自無遷就然使河南果有九十餘萬之積穀李鶴年等忍以急如星火之災賑而故爲舍近圖遠之謀乎由此推之各直省倉穀動用存留非但州縣詳報不實該督撫等亦未必確實核勘也夫積穀所以禦荒晉豫兩省遇此鉅災 朝廷軫念窮黎

漕發帑至再至三 恩施所被有加無已凡有血氣同深感泣設他省再有如晉豫者將請竭 天庾之正供而為賑恤之資乎抑款獻坐視不忍再呼籲于 君父之前乎為今之計非但補救其既往更當圖備於將來擬除被災較重省分必俟年穀豐稔辦理外相應請 旨飭下各督撫大吏嚴切查核督飭所屬修葺倉座視年歲之豐否陸續設倉籌備公項按照各州縣倉穀數目添置足額隨時妥為經理勿致粟米之霉變勿滋閭閻之擾累勿任胥吏之侵吞至社倉義倉由官紳商民樂輸例得獎敘地方官督為勸導並可次第興舉以濟官倉之不逮每屆將動用存留確實數目逐細詳報該督撫隨時稽察核勘報部州縣游有成効該上司核實酌保有素昔留心民瘼倉儲並無虧短者優加保薦查有仍前怠玩及侵蝕挪挪等弊嚴參懲辦庶積習力挽倉儲裕而有備無患矣 經世文續編

光緒二十四年上諭御史韓培森奏請籌辦倉穀一摺積穀為民食攸關遇有偏災藉資補救乃各地方官往往不以民事為重以致所設倉庫半屬有名無實如逢前後任交代恆以銀錢抵支期於簡便一遇荒歉輒請開放賑款留截漕糧復國中飽毫無實惠此風亟應禁革著各督撫嚴飭各府州縣所有倉穀務當認真籌辦實儲在倉其有以銀錢列抵交代者勒限一律買補以備緩急不得陽奉陰違虛應故事以此 郵鈔

右辦查倉穀

康熙三十二年諭今歲畿輔地方歉收米價騰貴通倉每月發米萬石比時價減少糶賣止許貧民零糶數斗富家不得多糶轉販又蒸造燒酒多費米穀著戶部速移咨該撫將順永保河四府屬蒸造燒酒嚴行禁止曾典事例

四十八年又以江浙米價騰貴清查收買囤積之弊時湖廣江西稻穀豐收沿江販米甚多而江浙米價愈貴緣富豪之家廣收囤積於中取利 敕廷臣詳議尋議應檄各該督撫選派廉能官員凡有名馬頭令其嚴行察訪如有富豪人等將市米囤積者卽令在囤積之處照時價發糶違者以光棍例治罪其有販米私出外洋者令沿途文武官弁嚴查禁止使湖廣江西販買之米俱入江浙地方則米價自平 上諭大學士等曰如照爾等所議則胥役借此稽察徒滋需索而已朕意以爲必於本源之地清查自無收買囤積之弊湖廣江西之米或江浙富商或土著人民某人於某處買米石若干清查甚易應行文湖廣江西督撫委賢能官將有名馬頭大鎮店買賣人名姓及米數一併查明每月終一次奏聞併將奏聞之數卽移知浙江督撫湖廣江西之米不往售於江浙更將何往此米衆所共知則買與賣不待申令而米之至者多卽大有利於民也通考五十五年又飭查河南山東商賈販買麥穀數目禁止囤積大學士九卿等遵 旨議定河南山東與京師甚近兼之近年豐收乃京師麥價未見甚減者皆由商賈富戶等預行收買所致應行文河南山東巡撫查明由水陸北來賣與商賈麥穀數目每月繕摺奏聞仍行文直隸巡撫凡本處商賈及沿途富戶有多買者俱嚴行禁止從之通考

六十年諭京師禁止買米居積係府尹專職並交與八旗都統步軍統領等一同嚴行禁止 會典事例

雍正四年覆准平糶之時如有姦商勢豪居積射利者卽時訪拏按律治罪該州縣官不嚴行查禁該督撫題參交部議處 會典事例

十一 廣東總督鄂爾達謹奏竊查米價騰貴皆由囤戶居奇往往捏作謠言增長米價或云風爲旱兆或云

雨為水徵一日之間頓增價值一店長價諸店皆然名曰齊行莫敢異議富民家有蓄積樂其高擡於已無損惟手藝貧民終日拮据不供口食即遇官府有平糶倉穀不過一升半升日繼日食而已無力多買又不能戶戶有碾米之具且以終日鹿鹿並無餘暇故盜貴價向米舖糶米非不知官賣穀價賤不得已也若欲惠此貧民無如官開米局臣生長京師目擊八旗自 皇上降旨設立米局以來歷年米價皆未昂貴總由米局價平故國戶不能射利法良意美實可通行伏念粵東省會之區貧民待哺尤眾嘉民乘機射利往往高價病民臣擬于粵東省城設立米局三處南門設一米局勸廣州府倉穀以該府倉大使管理東門設一米局勸番禺縣倉穀以該縣典史管理西門設一米局勸南海縣倉穀以該縣移駐之縣丞管理各局將日逐糶賣數目每日摺報各管府縣稽查該府縣十日一報司道存案仍令糧驛道不時稽查察其米價則額定倉斗一兩一石永成定例無減無增倘市價減至一兩以內仍聽民向各店買食市價稍昂即照定價一兩糶賣其赴局零買者用銀用錢聽隨民便仍不許買至一斗以外致欺販賣之端賣出價銀則令隨便赴穀賤地方採買源源轉運夫價有定額則胥吏無所容私局既常開則國戶無能專利一切肩挑負販傭工覓食之人三五零錢取攜皆便矣至各府郡城即將府倉穀石碾米開局比照省局之例仍責令該管道員稽查似可以一體通行經世文編

乾隆二年議准燒鍋一事各省情形不同應令各該督撫就近省情形因時制宜以觀成效竊謂一項係燒鍋盛行之源竊謂多則私燒廣有損蓋蔽嗣後違禁私燒者照違 制律杖一百廣收新麥竊開燒鍋者杖一百枷兩月失察地方官每一案降一級留任失察至三案降三級調用如官吏有賄縱等弊照在律計贖論

罪會典事例

五年諭地方積穀備用乃惠民第一要務而州縣有司惟恐貯穀太多平時難以照料離任難於交盤瞻顧遷延實爲通病今年直隸山東河南江西等省皆獲豐收而各省奏報年穀順成者頗多况江西湖廣原屬產米之地皆當乘時料理積貯之政并切諭小民撙節愛惜毋糜費於無益之地如造酒造麪之事尤宜禁約通典十五年諭近來京師米價稍昂時屆隆冬小民艱於餬口著將八旗米局現在收買存貯米石照時價酌減發糶如有不敷著於京倉支領五城由京倉各領米一千石照八旗定價一體設廠平糶交該御史等嚴行稽查毋令囤戶乘機射利察出從重治罪通考

二十四年諭燒鍋醜例有明禁邇來屢經降旨令地方官嚴行查禁勿使糜費米糧乃有司視爲具文奉行不力遂致鄉邑愚民違禁私燒竟成利藪向來例禁或以收成豐稔之年如苦澀高粱細碎糠粃原無關於小民粒食之需然不力爲禁止則苦澀細碎之不已必至及於精鑿其爲耗穀累民甚有關繫司民牧者正當及時加意稽覈實力禁防以重民依而平市價倘因有此旨而姦胥蠹役因之苛索滋擾則惟於辦理不善之地方官是問會典事例

二十六年議准向例地方官辦理平糶赴糶者俱限以升斗祇許零星糶買雖有巨商挾重貲以圖倍利者亦無所施其技行法甚嚴惟是不肖行戶聞有誘買無賴窮民給予零星價值令其赴糶糶得之米仍入行鋪之手聚少成多重利可致糶係貧民而利歸商販狡獪之術禁遏宜嚴至若串通經手胥役朦混官司以致冒濫尤不可不防其漸著直隸總督嚴飭地方官於平糶時如有前項情弊查出照例治罪會典事例

三十四年奏准通州人民不得於通州及近京地面私立米局囤積俸米若地方官不切實查拏照例議處至各該處賣米行店不係囤積俸米者胥役仍不得藉端滋擾會典事例

通政司陳兆崙謹奏臣聞積貯者天下之大命也積貯而兼禁囤亦立政之大經也然自禁囤以來蘇杭之問米價騰踊日以益甚歲非災傷而物力告訕者何也臣竊見富商大賈權子母之息營營必爭有如米船所指必在一方之都會朝至而夕空則得息易而又無寄食久客之累以耗其財此所以樂其便而踵相繼也若但與貧民市升斗命合之憂者則何所利焉夫民中之富人自有田者既無須客米而中人之家計口而食亦計日而糴殆罕有立時且數十石之直與為市者賣米之商坐困于貨滯而煩費雜出迫得盡售以歸而日用之費和息數倍而欲價之不騰庸可得乎價之騰由于客之少則豈容虛擁此於無人之境以待其紅朽而甘心乎是即必有漏洩之所漏洩之所將在外洋例禁雖嚴恐不能防奸人百出之計蓋貪賈之趨利也譬如蛾投夜燭不灰滅不止大奸不避重誅正此謂也禁囤之令既不能效則宜變法矣而不可何也為政之體未有正告之以弛禁而使為囤者猶之北地燒鍋斷不能絕然未有正告之以開燒之理也是在我 皇上密諭大吏相時勢之緩急為禁令之寬嚴毋執成見毋務虛名總期有救時實效而已

竹山房集

嘉慶元年議准倉穀出糶之時該督撫轉飭地方官嚴禁囤戶地方官若不嚴行查禁照溺職例議處會典事例

右積儲禁令

卷終

No. 987 22.2.44

11B